

吕祖之道全书中
仙气道炁归此中
祖上福荫寻其中
师之无私显章中

吕祖全书

下
卷

免费赠阅

愚徒

著

第二版·修订简体版

素園惟靈

靈山咫尺萬千路盡種人間善
提榭家：引入桃花源界話采
麻女綾布 莫忘此筆書第
繞院 純陽道人



纯阳祖师



吕 氣可知知覺路，進入仙班凡來修，修得本性明大道。

洞 天福地福人居，渡世救世蒼生苦，感化蒼生大道行。

宾 主不分心相同，悟知悟覺明真理，凡世可救有緣人。

前言

修道，给你一个掌控生命和命运的机会

純陽呂祖仙師聖像



人为什么要修道？

修道要解决什么问题？


因为只有明确了这一点，
才能把修道作为一种行动的自觉，
让自己的一生始终与道相伴。

修道首先解决健康问题

修道作为每天的日常行为，每时每刻都在调整和监视着我们身体内部的阴阳平衡，不使之发生偏颇。这是健康与长寿的基本保证。

道教的修炼一是要修炼性功，这在《清静经》中有明确指导说明，要遣欲静心明神，去除六欲三毒，炼的是心、身、物的协调关系，不能生妄心，要不断地提升自己的精神层次，要远离物欲，远离享受，不能贪图享乐。唯有清静方能渐入真道，才能得道，方能向别人传圣道。

同时还要修炼命功，这一点在《心印经》中有讲到，修炼精气神。精气神怎么炼？所谓炼精化气、炼气化神、炼神还虚、炼虚合道，一层接一层，一步扣一步，这是时间的积累，是功夫的迭加，丝毫没有捷径可走。试想一下，整天大腹便便，脑满肚圆，时间长了会怎么样？没有良好的身体素质，拖着个病体，你成什么仙？登什么真？道教的修行人，有几个这样的？哪个不是神清气足，身形俊逸？这都是动功静功、内功外功炼出来的。



修道者，即世成道，它是解决现实问题的一种方法

在有些人看来，修道和其他宗教一样，是一种信仰。作为信仰，往往是超现实的、纯精神性的一种寄托。但是我在修道过程中，却越来越体会到，与其说它是一种信仰，倒不如说是一种活生生的生活哲学。道是以一种辩证的宇宙观和人生观，来认知我们生活的客观世界与自我

的。它并不是使人超脱，而是使人更客观、更实际的面对现实，是用来解决现实问题的一种非常实用的方法。修道的目的，是让我们过上一种理想的现实生活。

人生充满了艰辛和坎坷，现实生活并不浪漫，幸福不会从天而降。要过上一种理想的现实生活，首先必须正视现实，然后针对现实，积极寻找改善和改变的办法，而不是消极回避与逃避。

道的人生哲学，是智慧的哲学。它顺应了事物内在的本质规律，通过巧妙的迂回方式，力求圆满的解决事物内部的矛盾冲突，建立起新的平衡。这种方式是平和的、无创的、双赢的。

大道至深至远。大而无其外，小而无其内，包罗万象，无所不能。它好比是一把万能的钥匙，一旦掌握了它，就能打开我们心中所有的症结，无往而不胜。

因此，修道可以帮助我们全方位的化解生活中的难题，清除生活中所有的障碍，获得精神上的幸福和美满。这样一来，我们的命运就会发生改变。修道可以使我们一直沿着平坦的大道向前走，不误入迷途。

修道者旨在改变自我内在状态，而不是外在客观

外在客观，是不以我们主观意识为转移的。对此，我们无法改变。太阳每天早晨从东方升起，我们无法改变。我们诞生在当下这个时代，无法选择。每天，我们要面对自己喜欢或不喜欢的人和事，这也无法回避。

我们改变不了外在，并不是一种不幸。不幸的是我们的心常常不能自主，被外在所左右，最后迷失了自我。

修道，能够帮助我们在纷繁的世界中找回自我，恢复自我的自主性，让外在的东西不再左右我们的心。

举一个日常的例子。修道是需要以静为前提的。那么，该怎样理解这个「静」字？是一个清静、恬淡、闲逸的外部环境吗？当今社会，到处充满了喧嚣和浮躁，这样的环境是很难有的，是创造不出来的。那么，我们只有改变自己。在闹中取静，让自己的心不为闹所动，练的才是真功夫。所谓「大隐隐于市」，就是指此而言。心是静的，看一切才

是静的。否则，就不用奢谈修炼的功夫。在一个恬静的世外桃源里，本心自然得到安静。

所以，正因为我们无法改变客观世界，我们才要改变我们自身。内心改变了，我们看客观的角度就改变了。我们能够感知到客观世界的存在，是因为它进入了我们的主观世界，留下了影像。戴着灰色眼镜看世界，世界就是灰色的，戴着粉色眼睛看世界，世界就是粉色的。境由心生，境随心转。

有些人以为，修道就是遁入深山，去过隐士的生活。还有些人理解，道家思想就是无为，消极遁世，与世无争。这种认识是片面的。

道家思想的核心，是一种辩证思维，是在阴阳中求得平衡。无为是与无不为相伴随的。两者如形随影，密不可分，各自以对方的存在为自己存在的前提。其中，无为是手段，无不为才是目的。只有做到了无为，才能无所不为。没有无不为的目的，无为就没有存在的前提。所以，只有处理好阴阳的辩证关系，在无为中得到无不为，才是真正理解了道，实践了道。

道教不讲因果，而讲天道承负，不讲逆来顺受，而讲改造。从道家文化形成那天起，修道之士就提倡人的主观能动精神，注重活在当下，通过有效的奋斗来改变命运，也就是道家常讲的「循天机而起，改天机而行，我命在我不在天」。

大家看一下那些修行的道长，哪个会今生不努力修炼，而将希望寄托在来生来世上？这辈子都实现不了的事情，都确保不了的事情，你怎样在来生来世去实现？就是因为这种思想的存在，让我们不少当父母的将自己没有达成的希望寄托在子女身上，让他们生活的很累。就算是有来生来世，你怎么能将这一世的修炼嫁接在下一世上去？你会移花接木不成。

道教的文化是让人们生活的更好，这不仅仅体现在精神方面，也体现在物质方面。道教不满足于现状，而通过自己所学去不断地发明创造，不断改造生命状态和生活品质，不仅要个人受益，更要让社会大众受益。由于这个基本的出发点，道教有了自己独特的技术去确保人们的生活品质。

为了丰富人们的精神生活我们可以欣赏曲韵悠长的道家音乐，观赏丰富多彩的道家绘画；为了确保人们身体健康，道家有黄帝内经，发现

了经络走向，五行五脏的关系，又完善了道医学和养生学，存有不少回春长寿的仙方；为了让人们体质更强壮，我们可修炼道家武术；为了让人们居住的舒适安全，道家发明了风水勘輿学；为了识人辨人，道家发明了面相学、体相学、摸骨术；为了规划人生、趋吉避凶，道家有八字命理学、紫薇斗数、梅花易数和六壬学；为了预测国运和社会变化，道家有太乙神数、太公预言、推背图等；为了在战争中取胜，道家有奇门遁甲、太公六韬三略、孙子兵法、孙膑兵法等等；为了修炼长生、延长寿命，道家有内丹术、气功、外丹术等；……这些都是道家修行之士们为自己和社会作出的巨大贡献。


人人都会讲道法自然，可什么是道法自然？道教的这些成就，每天都在影响着我们的生活，都在提升我们的生活品质，所谓百姓日用而不知罢了。人生活在空气中，恐怕没有多少人会在意空气对于我们的重要性。

道家文化影响下的道教和道教徒们每天都在修行，都在改命运，都在提升着自己的境界，都在影响着人们的生活品质。他们的奋斗精神值得我们每一个人学习，值得我们去效仿，值得我们去继承和发扬。

道教在用自己的行动告诫人们，命运掌握在自己手上，我们要通过自己的智慧和付出去改变命运，我们今生能得到的回报，为什么要在来生来世去实现呢？

所以从活在当下，改造命运，发挥人的主观创造力的角度看，道教是真正最适合和最值得人类修习的宗教。

总之，好好修道，我们就能获得身心健康，改变自我的生存状态，过上一种理想的现实生活，将生命和命运牢牢掌控在自己手中，提升生活品质。这就是修道的意义所在。



序

太乙真人序

太乙真人为
《吕祖全书下》降序

古籍初图励
壹版觉清新
今真可惠世
文雅耳目新

是书章节比若鱼之鳞銜互接。壹气成呵。古之刻梓版者工序盈万方成矣。今人新版者字号清新而章分上下贰册。壹目了然，阅者滋滋趣味，得悉真人(吕仙)之一切者，了如指掌矣。述其史，传其义，宗其教，洞其修者。蹊径分明，蛛丝可数而马迹能重开后学者得继之先河。启梯航之有步，不知后世一问吕仙者，似犹摸象，更得法效之垂绳也。

乙未仲冬吉日序于香港紫柵观午后



道

目录

前 言·	前言·····	6
序 章·	序·太乙真人降序·····	11
第一章·	吕祖海山奇遇·····	14
第二章·	吕祖文集·····	32
第三章·	灵应事绩·····	98
第四章·	吕祖全书浑成集·····	129
第五章·	吕祖指玄篇·····	139
第六章·	忠孝诰·忠酷·····	172
第七章·	忠孝诰·孝酷·····	187
第八章·	吕祖圣德诸品经·····	197
第九章·	吕祖金丹直指诸品经·····	206
第十章·	吕祖醒心经·····	220
第十一章·	吕祖神咒·····	226
第十二章·	雪过修真仙忏·····	232
第十三章·	玉枢经赞·····	238
第十四章·	葫头集·····	257
第十五章·	涵三杂咏·····	281
第十六章·	吕祖宝诰·····	301



第一章

吕祖年谱海山奇遇
渡凡一百零五年

小引

古仙云。度人先度己。成己后成人以上七十三岁吕祖大道圆成。已将自己度矣。向后长生久视。万劫长存。其岁数不烦俱书。惟于每朝之末总书若干岁一句。余皆省文。至历朝甲子。及改元继统之事。又当序次分明方于度人济世灵踪。以便因时实录。如此则年谱互有发明。而游行显化。遇之成道。见之生光者。

遍山逾海事与人并传。真奇遇也。故名曰。吕祖年谱。

海山奇遇云。辛卯咸通十三年。是时吕祖大道圆成。还家省墓。

度柳仙 道缘汇录

柳仙本郭姓。吕祖同乡也。幼失怙恃孤哀无依。海州公怜而育之。取名寄儿。言。郭家寄命之子也。幼伴吕祖读书。性灵识字。吕祖道成还家省墓。行至南郊蒲阴村。适郭寄拜扫荒邱。吕祖惻然。怜其心慈年老。即以成丹服之。顿觉神清骨变。吕祖乃陈词墓所。拈香下拜曰。使嵩度。尽有缘。九族同升上界。复至家觐妻子。临别嘱曰。汝且安居。俟他日重相见也遂携郭寄同去。郭平生喜。值柳自号柳青。一号青青子年高体健人。称柳仙。亦呼老树精。久并忘其为郭姓也。吕祖即为更之。柳其姓槩其名。并戏以诗曰。好个城南老树精。分明知道神仙过

言。其有年华。有识见也。柳真人自记曰。世有以余为柳精成道者。甚哉误也。经云。人身难得。中土难生。真师虽遇。又吕祖云。万劫千生得个人。须知先世种来因。岂有物类成道者哉。吾姓郭。性喜植柳。自号柳青。长生久视。人遂称吾柳仙耳。

仙鉴云。吕祖步南郊。见一人坐柳树下。问其从来。

即行童寄儿。为主家零落。缢死柳树下。一灵耿耿。

常出现形。吕祖曲为点化。付成丹服之。易其魔相。

令守炉执炊呼曰郭上竈。误矣。见后郭仙传。

度张辞 道缘汇录

辞咸通初。进士下第。游江淮间。浪迹数年。遇吕祖得闻道术。常养气绝粒好酒。耽棋洋洋。自喜不少羁勒。一日至盐城。匪类乘其醉与相竞力。令见而系之既醒作述德陈情二诗以献。其述德诗云门风常有蕙兰馨。鼎族宗传霸国名。容貌静。悬秋月。影文。章高振海涛声。讼堂无事调琴轸。郡阁何妨醉玉觥。今日东尖桥下水。一条从此镇常清。令见诗。知其为风雅道。德之士。急释之。并求其元要。辞以令方宰剧邑未暇志玄。但书吕祖诗以开其意曰。何用梯媒向外求。长生只合内中修。莫言大道人难得。自是行心不到头令拜服。他日将与令别。复口占云张辞张辞他不会。

天下经书在腹内。身即腾腾处世间。心已遥遥出天外。其后于江南上升。于是南游诸名山。遇设炉火术者。辞大哂之。命笔题其壁云。争奈乌金沙。头上飞不住。红炉漫烧药。玉颜安可驻。今朝花发枝。明朝花落树。不如且饮酒。莫管流年度。

编年先有示张辞秀才诗

先生归家后。出游江淮。试灵剑。斩长蛟。至洞庭湖。登岳阳楼自饮。云房忽降曰。来践前约。上帝命汝眷属。悉居荆山洞府。刘夫人尚在家子之名字。已注玉清三月十八日。引拜若竹真君。酬传日月交拜

法。苦竹望而叹曰。真仙宗也。复上朝元始玉皇。勅授选仙使者。自此在人间隐显度世。变化莫测。仙鉴与本传作六十四。是时有洞庭湖君山颂诗。

草堂自记余作君山颂之前。云房先生约于洞庭相见。浪迹至此。拱候云车翹首青霄徘徊咏叹。明日先生来曰。上帝命汝眷属悉居荆山洞府。逾日复朝元始玉皇。勅授选仙使者。

是时有赴瑶池仙会。留题寺壁寄学道诸君诗。有醉后以道袍戏质酒家诗。有知音难遇。仍还星渚庐山诗。有过洪都西山遇施希圣诗。

度地仙施肩吾

肩吾。字希圣。睦州分水人。元和十五年。登进士第。长庆中。即携家隐洪州西山。退藏不出。自称元和进士长。庆隐沦尝结庐于西山。穷究延年之学。得旌阳五种内丹。及存神仙方。又得太极真人杜冲。十六字诀曰。一灵妙有。法界融通。离种种边。允执厥中。希圣守此。保固形躯。四十年来。未能入化。咸通初。吕祖来游。

见其趣向烟霞。授以金液还丹大道。秘修之。遂成真仙。尝作西山静中吟曰。重重道气结成神。玉阙金堂逐日新。若数西山得道者。连子便是十三人。其同心道友。李文英。拜为弟子。仙鉴作长庆初吕祖游睦。授以大道时吕祖尚未修。玄安能以道授施。乎此序特正之。搜集：道藏精华第一集中有西山会记一书可参

寰瀛图度陈季卿

季卿江南人。辞家十年举进士无成。羁栖辇下。尝访青龙寺僧不值。时有终南山翁。亦伺僧归。揖季卿同坐适东壁。有寰瀛图季卿乃筑。江南。旧路。因长叹曰。

安得自渭泛于河游。于浴渡淮。济江而达于家亦不悔。无成而归。翁笑曰。此不难致也。乃命僧童折一竹叶作舟。置图中渭水上。曰君但注目此舟。则如君愿耳然至家慎勿久留。季卿熟视之。觉渭水生波叶舟

渐大席帆。既张恍若。登舟始自渭及河。维舟至禅窟兰若。题诗于南楹云霜钟鸣时夕风急。乱鸦又向寒林集。此时辍棹悲且吟。独向莲花一峰立。次日至潼关登崖题句。于关门东。普通寺门云。度关悲失志。万绪乱心机下。阪马无力。扫门尘满衣。计谋多不就心口。自相违。已作羞归。容还胜羞不归。凡所经历亦如前愿旬余至家兄弟妻子拜迎于门侧。题江亭晚望诗于书斋云立向江亭满目愁。十年前事信悠悠。田园已逐浮云散。乡里半。随逝水流。川上莫逢诸钓叟。

浦边难得旧沙鸥。无缘齿发来迟暮。吟对远山堪白头。此夕谓妻曰。吾试期已近不可久留。即当进棹。乃吟诗一章别妻云月斜寒露白。此夕去留心。酒至添愁饮。诗成和泪吟。离歌凄风管。别鹤怨瑶琴。明夜相。

思处。秋风冷半衾。又别诸兄弟云谋。身非不早。其奈命来迟书友皆霄汉。此身犹路歧北风。微雪后晚景。淡云时。惆怅清江上。区区趁试期。一更后。复登舟而逝。家人恸哭伤其去矣复遵旧路至于渭滨寺宇宛然见山翁拥褐而坐季卿谢曰。归则归矣。得非梦乎翁曰。俟六十日后方知耳。时日将晚僧尚不至。山翁亦别去。季卿还寓所。后二月。其妻子。斋金帛。自江南来。谓季卿厌世矣。故来访之。妻曰。某曰。某月某日归。是夕作诗于西斋并留别二。章实非梦。也明年春。季卿下第东归至禅窟。及关门兰若。见所题两篇。翰墨犹新。

年后。季卿成名。遂绝粒入终南。寻见山翁。始知其为吕祖。也遂从游不返。

仙史曰以梦觉梦。吕祖原是会家。世人知邯郸梦。而不知寰瀛图何也。此则悲凉凄憾与邯郸之热闹荣华。皆使人哀乐尽兴真奇观。也事见慕异记神仙鉴。太平广记及全唐诗小记。

度僧怀一

怀一。本越人。时住青州云门寺。凌晨欲上殿燃香。有二道流。英爽绝俗。顾怀一曰。有一奇境能往游乎。怀一曰。可即与入山。花木芬芳。泉石幽胜。或连峯排天。长松夹道。或琼楼蔽日。层城倚空所见不可殚述。久之觉馁。道流已知曰。山桃可以。疗饥授一。枚大如升。

奇香珍味非人间。所有食讫即凌波不濡。升虚不碍。矫身云表。振袂空中仰视日月下窥星汉。无几复归旧居已期月矣。道流谓曰吾回姓此吾徒郭柳也。子已游蓬莱。当先得仙复归。于释乃去。怀一自此不食谷食。一旦回越与父母话其事。欲往云游。遍历名胜许之。

懿宗置戎坛度僧尼。民间翕然崇佛。乃轻道重释之时也。吕祖引怀一入道。正是急水下篙。

壬辰 癸巳

僖宗甲午干符元年

乙未 丙申 是岁王仙芝陷淮南丁酉黄巢陷沂郛

戊戌 己亥

庚子改元广平黄巢陷东都入长安称大齐皇帝

以上九年吕祖佩剑执拂青巾草履往来名山。

有下庐山遇轩辕集来访诗。有赠侠客剑客等诗。有赠嵩高上下石室主人诗。有游华岳遇马湘诗。有商山度韩清夫诗。

度地仙韩湘（非韩湘）

字清夫。韩昌黎之从侄孙也。贞元末年。九月初三。曰。生幼而奇异不入名场。遇小洪崖先生。传以清修之法童真。不漏号元阳子行踪无定。放浪不羁。长庆间韩湘登进士第。昌黎教湘读书应举。似汝兄荣。

对曰。孙与公所好相异。因作青山云水窟此地是吾家之诗。以言其志。公知其不可强也。及公贬潮州韩。

湘随侍。一日抵蓝关。风寒雪紧忽闻有笛声迎马首吹来。至则韩湘也。公大喜即携同传舍。仍欲以功名期之。湘笑而不答。临别出药一丸与之曰。服此可御瘴毒飘然而去。咸通末。避居商山中。欲炼九华神丹。

未知火候精微（火候最难）。吕祖来游。因以钟祖秘法付之。可参钟吕传道集。

韩湘不是神仙考

韩湘字北渚愈之侄孙也。愈兄龔子老成。即十二郎老成子湘。登长庆三年进士。能诗文。与一时士大夫相倡和。生平在功名中。未尝学仙长庆间姚武功有答韩湘诗云昨闻过春闱。名系吏部籍。三十登高科前途浩难测。又有送韩湘赴江西从事诗云年少登科客。从军诏命新行装有兵器。祖席尽诗。人湘尝送文公过潮州今昌黎集中。有次曾江口示侄孙湘二首。又右迁至蓝关。有示侄孙湘一首即贾岛亦有寄韩湘诗。均见全唐诗内。并无落拓不羁少游云水之事。

此可见其非仙也。然则韩仙一事岂遂无人乎。亦非也。道缘汇录云昌黎从侄孙有韩湘者。贞元末年。九月初三日生。幼而奇异未入名场。遇小洪崖张氍传以清修。童真不漏号元阳子。遂乃放荡形骸归宗元。

教长庆初韩湘及第。愈教湘读书应举似乃兄荣湘对曰。孙与公所好相异。因作言志诗云青山云水窟。

此地是吾家。后夜餐琼液。凌晨咀绛霞。琴弹碧玉调。

炉炼白朱砂。宝鼎存金虎。芝田养白鸦。一瓢藏世界。

三尺斩妖邪。解造逡巡酒。能开顷刻花。有人能学我。

同去看仙葩。愈知其不可强也。湘自言能造奇花。愈令试之湘乃取一盆。实以土。须臾出牡丹一丛红艳乃怕我想瓣中有金字诗一联曰。云横秦岭家何在。雪拥蓝关马不前。愈问此何意。对曰久自知之。后愈贬潮州。道过蓝关。大雪不能前进。而韩湘适至。为扫除其雪愈方悟花中诗意乃为八句足成之。我根由稍释旅怀。即携同传舍。仍欲以功名相期。作诗云才为世用古来多。如子雄文世孰过。好待功名成就日。却收身去卧烟萝。湘笑而答云举世都为名利醉。伊余独向道中。醒他定时定自飞升去。冲破秋空一点。青临别出药一丸与之曰。服此可御瘴毒飘然而去咸通末。

年六十余复遇吕祖于商山得授神丹之学。乃飞升马。今人知有湘而不知有湘而不知有湘盖因湘湘二字鲁鱼帝虎之讹也。以湘为仙则诬湘。由是湘之事。尽归于湘。湘之事。尽归于无矣今特并其事而互发之。使人知韩湘。乃功名。韩湘乃神仙也。湘者清浅水貌故号清夫云或言昌黎犹子。或言昌黎外甥。或言十二郎子。或言韩湘之子。故曰韩湘之。诸说纷纷。皆无定论。大抵系当时远处传闻。士大夫各立小说。竦人观

听。遂至讹误若斯耳。兹以道缘汇录为正。并合事迹相者附焉。按韩若云韩仙传。皆附会无稽。兹不赘论。

度何仙姑 道缘汇录

仙姑。永州零陵人也。父讳英母钟氏。喜清静。布施。一夕梦游潇湘之滨见。水面见缟衣女子。足踏大白莲花浮波。而至曰。吾潇湘神女也。将寄汝家一游人世母注目久之。觉而有娠。以元和三年。十一月初一日生生不食乳母搅莲粉饲之。年八九。姿容端丽。喜入女道观游。诸女冠教以经书文字。若素熟习者十三岁怙恃俱失姑与老苍头守己幽居性甘。茹素有求布施者。亦如父母在时皆乐助。马后有南岳观。老女冠募姑改注生真君像脏腑中忽得黄庭经两卷有跋云。何人无缘。何人有福若得此经。瑶池快乐。姑见而喜之。以为两何字。虽无定词。而今则明明合我也。

请以他经易归老女冠慨然相与。自比家居长诵黄庭年十八。守贞不字。就家上女冠。焚香扫地拜礼扶。

桑帝君久之有青童君奉东华命。降于其家授以紫芝丸饵之并为讲黄庭琴心三迭漱咽灵液之法姑受之自此则体生光华气香兰。却灭百邪玉炼颜矣。零陵有求聘于姑者。姑乃佯。狂作癫出入零陵市上污秽秽形。人乃目为疯癫。而不知顾亦有强称为仙姑者姑乃益加韬晦年六十乡里人多物故。而姑仍如二十许人适吕祖南游衡湘。见姑于市上。知为上根道器以一桃与之。仅食其半自是不饥能谈休咎。

度入终南拜见钟祖教以神丹服食。遂能身轻步虚上。下无碍吕祖曰功夫至此以臻大乘乃引之东游。见少阳祖师又引见木公金母金母携回阆苑命扫。蟠桃落花积功已深。升东海青霞洞真大。元君道号一阳尝从吕祖游行世间显迹最盛云。

考何仙姑有二。一系广州增城人何泰次女幼随。

女伴入山采茶。失侣迷径见东峯下有一高冠道。

士姑往拜道士。与一桃食之顿忘饥渴后梦神人。

麻姑教食云母。粉久之往来谷。轻身飞行则天。

长寿间诏命赴阙行至中途。耸身上树杪不知所之。其后在豫章累现于

麻姑坛上。女仙传所谓送子三仙者。即广州何姑与藐姑麻姑也。

度地仙李奇 晚唐高士传

华阳隐士。李翁名奇者。得小还丹年数百岁容貌。不衰吕祖游勾容。访金坛洞天胜境。遇翁于松阴云水之间望而知为高士。教其炼金液大还。翁大喜请拜为徒。吕祖曰。吾尚少于先生。结为云霞之交可也。翁曰。道无先后高者为师。卒下拜。吕祖探囊中秘密授之。并赠以诗云华阳山里多芝田。华阳山叟复延年。青松岩畔攀高树。白云堆里饮飞泉。不热不寒神荡荡。荡东来西去气绵绵三千功满好归去。休与时人说。洞天吕祖临别。约异日会与华山见后更留二诗赠之。翩然而去。

邯郸梦度卢生

干符中。吕祖北游。自号吕翁。行邯郸道中。一作开元十九年。一作开成七年。开元间吕祖尚未出世。开成只五年耳均误息邸舍。摄帽弛囊而坐。

俄见一少年。衣短褐。乘青驹。将适于田。亦止旅中。与翁共席坐言笑殊畅。问姓名。曰。卢英。字萃之。生自顾衣装褻褻乃长叹息曰。大丈夫生世不谐。困如是也。翁曰。观子形体。无苦无恙谈谐方。适而叹其困者何也生曰。吾苟此生耳。何适之谓翁曰。此不谓适而何适答曰。士之生。世当建功树名出将入相列鼎而食。选声而听使族益昌而家益肥然后可以言适吾尝。志于学。富于游艺。自谓当年青。此可拾今已过壮犹勤亩亩非困。而何。言讫目昏思寐时主人方蒸黍翁。探囊中青磁枕以授生曰子。枕吾枕当令子荣一。如其愿生俯视枕旁两端有小口。渐大明朗乃举身入。

至家数月娶清河崔氏女。容甚丽嫁贻丰。由是服御日益鲜盛明年举进士第。释褐登朝授校书郎应制。渭南尉。俄迁监察御史。转起居舍人知制诰三载。出典同州迁陕州生性好上功。自陕西凿河八十里。以济不通。邦人利之。刻石纪德移节汴州领河南采访。使征为京兆尹。是时神

武皇帝方事戎狄。恢宏土宇。

会吐蕃悉那邈及烛龙莽布支攻陷瓜沙。而节度使王君奭新败死。河湟震动。帝恩将帅之才。遂除御史中丞。河西道节度。大破戎虏。斩首七千级。开地九百里筑大城以遮要害。边人立石于居延山以颂之。归朝册勋恩礼极盛转吏部侍郎迁户部尚书兼御史。大夫时望清重羣情大翕为时宰所忌以非言中之。贬瑞州刺史。三年征为常侍未几同中书门下平章。

事与萧中令嵩。裴侍中光庭同执大政十余年。嘉谟密命。一日三接献替。启沃号为贤相。同列害之。复诬与边将交结。所图不轨。下制狱。府吏引徒至其门。而急收之。生惶惑不恠。谓妻子曰。吾家山。东有良田五顷。足以御寒馁。何苦求禄以。至于此而。今而后再欲衣。短褐乘青驹行邯鄲道中不可得也。引刀自刎。其妻救之获免。后为三省中官。保护减死罪。投驩州数年。帝察其冤。复诏为中书。令封燕国公。恩旨殊异。生五子。曰俭。曰尊。曰位。曰侗。曰倚。皆有才器。俭进登第。

为考功员外。擢为侍御史位为大常丞。偶为万年尉倚最贤。年二十四为左襄亡。其姻婭皆天下望族有孙十余人。两窜荒徼。再登台铉。出入中外。徊翔台阁五十余年崇盛赫奕。性颇奢荡。好佚乐。后庭声色皆第一绮丽前后赐良田甲第佳人名马。不可胜数。后年渐衰迈乞骸骨不许病中候问者。相接于道。名医上药。无不至焉。将没上疏。曰臣本山。东诸生以田园。

为木偶逢圣运得列官叙过蒙殊奖特被鸿私出拥节旌。入升台辅周旋中外。绵历岁时。有忝天恩。无裨圣化。负乘贲冠履薄增忧。曰。惧一日不知老至今年踰八旬位。极三公钟漏并歇筋骸俱耄弥留沉顿待。

时益尽顾无诚。效上答休。明空负深恩永辞圣代无。任感恋之至谨奉表陈谢诏曰。卿以俊德作朕元辅。出拥藩翰。入赞雍熙。升平二纪。实卿所奈。比因疾疹。日谓痊平。岂期沉痾良用惘惘。今令骠骑大将军。高力士。就第候省其勉加鍼石。为子自爱犹冀无药期于自瘳是夕。薨卢生欠。伸而寤见其身方偃于邸舍。吕翁坐其旁。主人。蒸黍未。熟触类如故生蹶然而兴。曰。岂期梦。耶翁曰。人生之适亦如是矣。生恍然良久谢曰夫宠辱之道。穷通之理。得丧之情。生死之际。尽知之矣。此先生所以室吾欲也。谨受教稽首再拜求度。翁慨然许录传以大丹之秘并受。以剑术。遂从吕翁往来海上云。

是时有时遭大乱。西归河中。移家终南。遇司空表圣归隐诗。郝天

挺注吕祖云咸通及第两调县令。黄巢之乱。移家终南。草堂自记云干符间。黄巢作乱余偕柳仙归河中。发妻刘氏在家为女冠四子谋生于外。因携入终南付。紫云庵中。令何姑教之尸解后招入荆山洞府。又自叙墨刻小像云有四子为避乱。只携妻入山。据此二说可知有妻有子。实有其事。但墨刻所述。未言道成之后。还家来携耳。至所谓姓。李名珏。夫妇双修。故更姓吕。皆喻言也。×后天启六年。

度牛生夏侯生

牛生山。夏侯子云。河中秀才也。龟形鹤骨。有神仙气。吕祖还家。怜其为同乡人。教以大寄冥宫。水济丹台之法命其。远隐云山速。离世网。二子拜受而去。子云有诗才尝作药圃五绝云。绿叶红英遍。仙经细讨论。偶移崖畔。菊锄断白云。根此可见其幽致也。（后隐大涤山）。

唐僖宗中和元年辛丑	壬寅 癸卯	甲辰
僖宗改元光启乙巳	丙午	丁未
僖宗改元文德戊申		

王朝据福州

唐昭宗龙纪元年	己酉	钱鏐	杭州
昭宗改元大顺	庚戌	辛亥	杨行密
昭宗改元景福	壬子	癸丑	
昭宗改元干宁	甲寅	乙卯	丙辰 丁巳
昭宗改元光化	戊午	己未	庚申
昭宗改元天福	辛酉	壬戌	癸亥
吴王钱		朱全忠	梁王 行密

繆越王
 唐哀帝天佑元年甲子 乙丑 丙寅
 丁卯 梁王朱全忠
称帝自立 时河东风翔淮南西川犹奉唐正
 朔称天佑四年。 马殷据潭州梁以爲楚王以荆×高
李昌爲節度以錢鏐爲吳越王指引
 自称 太祖 戊辰 蜀王建称帝 吳王杨隆演
暨王克用×存勖 己巳 庚午
 幽王王审知 辛未 燕王
稱帝 壬申 梁王主
自立 癸酉 梁友貞
 乙亥 丙子 蜀王
宗衍 丁丑 南漢
劉鋹 戊寅

吴王 杨薄 庚辰 辛巳 壬午
 后唐庄宗灭梁建元同光元年癸未 甲申 乙酉 唐灭蜀
 明宗天成元年丙戌 丁亥 赵太祖生 癸亥 戊子 赵太祖葬 葬月太宗
 明宗改元长兴己丑 庚寅 辛卯 壬辰 吴王元 越王元
 闵帝立位癸巳 闵王 延钧
 闵帝应顺元年甲午废帝即位改元清泰 蜀王孟知祥 魏王孟知祥 魏王孟知祥 魏王孟知祥
 乙未 吴王杨宽 丙申唐废帝崩 唐昭宗 丁酉 晋石 晋石 晋石 晋石
 唐王宽禅位于徐知诰复姓李名升建元升元国号南 吴越 吴越 吴越 吴越
 唐 戊戌 己亥 庚子 辛丑 宏佐
 壬寅 南汉 刘琬晋 主重 刘琬立
 南唐元宗保大元年癸卯 甲辰 南汉 刘晟 乙巳
 丙午唐平闽 丁未 晋亡 汉高祖 刘曜 晋世宗 楚 王希 王希 王希 王希
 戊申 己酉 汉隐帝承佑 庚戌 汉王 辛亥 周郭威 魏 魏 魏 魏
 魏于宋州即位后汉亡 壬子 癸丑 甲寅 魏 魏 魏 魏
 北汉 魏 魏 魏 魏 魏 魏 魏 魏
 周世宗 乙卯 丙辰 丁巳 丁巳 丁巳 丁巳 丁巳
 柴荣 柴荣 柴荣 柴荣 柴荣 柴荣 柴荣 柴荣
 南唐中兴元年戊午 己未 周恭 帝 庚申 周亡 宋太祖 建隆元年南
 南高 保勖 辛酉
 南唐后主煜立仍用中兴年号 壬戌 荆南 高 癸亥
 宋灭 荆南 甲子 乙丑 丙寅 丁卯 比 比 比 比
 改元乾德 宋改元 戊辰 己巳 庚午 辛未 南 南 南 南
 元 元 元 元 元 元 元 元
 南汉 癸酉 甲戌 乙亥 南唐终 南唐终 南唐终 南唐终
 亡 亡 亡 亡 亡 亡 亡 亡

自贞元十四年。戊寅至咸通十二年。庚寅共七十三卷。咸通十三年辛卯至南唐末年乙亥二卷。共一百零五年吕祖在唐历年一百七十八岁矣。

五代论 草堂自记

唐自中和以后。四海分崩。羣雄窃据史家以五代编之。不如以后唐南唐序之。也哀帝二年。朱全忠弑君自立直乱臣耳。幸而河东凤翔淮南四川犹奉唐之。

正朔尽梁三世。而只称天佑。年号者河东凤翔也。李克用本唐赐姓。

舍朱耶而归华夏勤劳况瘁以平黄巢功封晋王。誓于一生靡敢失节。何其忠也。存勗乃晋王主器恪守父爵。且性孝。惜其灭梁之后。未求唐宗室而立之耳。然其得国宝。称后唐编为正统。良不诬也。石敬瑭迁都帝汴特。割据之雄耳。何足为正徐知诰建国金陵。复还李姓。杨宽奉国称帝于吴后唐。以丙申终南唐以丁酉起。则正统即在此也刘知远称。孤晋阳入洛守汴势亦同。乎割据郭威起而刘贇亡。

又一弑君之朱温也柴荣继立异姓相传虽号为周。实非真主吾作敲爻歌起句不曰汉末周朝。而曰汉终唐国者诚以割据之辈终而南唐尚在也上下九。十余年无人混一疆宇而唐以一线相承。反以梁晋汉周攒为五代。此吾所不解也。宋太祖奉天承运扫荡羣奸而南唐最后终。宋继南唐之统可了。然也请以寄之读史者。

度饶廷直

廷直字亮工南城人。僖宗中和初登进士。第尝过武昌黄鹤楼闻笛声。寻求遇吕祖授以静功秘诀。自是不迓妻妾。翛然端居。后为邓州通判卒。其枢还乡甚轻。盖尸解去。遗缘汇录微异录氏姓谱。皆作唐进士全书独作宋末人。盖因仙鉴叙在景定间。耳不知仙鉴所载乃因宋末显神。与吕祖偕游南岳补叙其出身也。

度马仙姑 道缘汇录

光化间。吕祖游括苍过处州度马仙姑。姑青田人也。既嫁家贫养姑。最孝遇吕先生授以仙术往来佣织。

富室去家百里。有羹不食。以簪笠先浮还家敬于姑。姑识其笠。知为妇所遗遂取食。往还轻便人始知其不凡。呼为马大仙姑吴越王钱鏐闻之给钱帛养其姑。未几姑亡。仙姑亦无疾而逝。隣人见之于野曰。吾随师归蓬莱也。

同钟祖度蓝采和。自记云。采和字养素。吾道友也少遇正阳师傅以玉炼金。炼天复初。大丹已成。吾劝其再修神丹。然后超神入化。可度羣

生其后。神丹已成于属梁上升。

蓝采和上古伶伦高真帝于尘寰者也。周游歌咏。觉世盲聋。常衣破。蓝衫六銬黑水腰带阔三寸余。一脚着靴。一脚赤跣。夏则衫内加絮冬卧雪中气出。如蒸人问其所得答曰。谁云男子。无孕偏我十月怀胎。每行城市乞索持大拍板。长三尺余。老少皆随看之。歌曰踏踏歌。蓝采和。世界能几何。红颜三春。树流光一。

掷梭。古人混混不复返。今人纷纷来更多。朝骑鸾凤游碧落。暮见桑田起白波。长景明晖在空际。金银宫。阙高巍峨。歌词颇多不及具载率尔而作皆神仙意。

人莫之测。得钱则用。绳穿拖行。散失不顾或赠贫者。或与酒家洒洒然无所拘也。后尘居数年。自云将入终南山。采食神芝。此即吕祖劝之也。朱梁时忽来濠染酒楼。沽饮大醉。闻空中。有笙箫声。仙鹤下降采和。乘之轩举于云端掷下靴衫。带板冉冉而去。外有长笑先生。蓝方者另是一人见后。

度刘海蟾

海蟾名操字宗成。燕山人。以明经擢甲第。仕燕为卢龙司马。累迁至。相位平昔好谈性命。钦崇黄老。忽遇正阳先生。为演清静无为之宗。以道全形之旨。及守光僭称帝位谏之不听。遂托疾解印辞去作诗曰。抛离火宅三千口。屏去门兵百万家。

更名玄英。号海蟾子遍游访道。遇吕祖授以金液还丹。乃遁迹修真。得成仙道。游行尘世。远泛秦川。陶真于大华之间。图迹于青城之下。陈希夷遇之。恳求玄旨海蟾即传以金丹妙道。希夷与弟子张无梦贾得升种放皆同请业马。海蟾喜希夷寄怀高尚尝过其山斋。与之谈论一日。戏以墨泼石上皆成字句。后张贾种至山。各言于某日。刘师来家泼墨作字盖同日分形也。后当坐化时。白气从顶门出化鹤。飞升元至元六年。封明悟宏道真君。

与何一阳度耿仙姑

吕祖携一阳仙姑南游有耿氏女者。南唐人性高洁心灵妙。吕祖见而识之曰。何先生此可为汝弟子也。一阳曰。大道无私。须试乃可时耿女出郊携采蓝独步。

一阳直前戏之曰。姑娘有汤。可与女道人解渴否。曰。有则有之。离家。稍远一阳曰。将蓝来我命人往汝家取去。耿女曰。何人持去。曰。篮自会行耳耿弗信一阳默运神通即以蓝浮之须臾间。篮去来将耿。女衣帔。

盛至。耿大惊曰。女道姑术。士耶仙真耶一阳笑曰。以此为术术可学也。以此为仙。仙可从也。耿憬然有悟。愿从学仙以究其术。一阳以原身告之。耿大喜。并教与吕祖叩拜传以道法双修之妙。耿即弃家云游。能捏雪为银画布成绣。朱文公见而奇之问。以道法耿作狂语乱之。朱亦不能强究也。自后奇幻益多人称。风仙姑。七真马宜甫之妻孙不二早从重阳学道后。遇仙姑携至洛阳辟风仙洞居之。不二道成仙姑亦飘然不返封清灵妙悟耿仙姑。

度黄澄虚

澄虚南唐时人养静于桐柏山中。心好道而修不勤。吕祖过访题诗警之。并跋六言于后云。留此片言。用表其意。他日相逢必与君决。莫退初心善。爱善爱时。黄适他往归见庵门上仙笔留题。不觉翻然醒悟他。曰。吕祖复来携之同去。

牧童赋子

钟傅弱翁帅平凉。吕祖幅巾。衣白紵衣。上谒。有牧童牵黄犍随之。立庭下。弱翁异其气局闲雅。指牧童曰。道人能诗。可赋此乎。

道士笑曰。不烦我语。是儿自能之。牧童乃操笔大书曰。草铺横野六七里。笛弄晚风三四声。归来饱饭。黄昏后。不脱蓑衣。卧月明。既

别人皆见其担二瓮长歌出郭。或报弱翁曰。瓮二口。此吕翁也。亟往追之。不复见矣。

哀南唐

南唐保大末。吕祖在江南化一渔人。自号回同客。每日持莎笠纶竿。唱渔家傲其舌。为鸣榔之声以参之。音清悲如在烟波间。往来金陵凡年余无有悟者。其词曰。二月江南山水路。李花零落春无主。一个鱼儿无觅处。风和雨。玉龙生甲归天去。唱罢且行且叹人。或与钱不受与酒则不辞。甲寅二月朔日忽卒。众痊之。一夕风雷大起豕裂无尸。时元宗亦于甲岁仲春。

殂于正寝始知二月江南李花零落者。即指唐元宗。宾天之期。也并知回。同客乃吕洞宾寓意也。五代史补南唐李升。自徐家起而为君。先有童谣云。东海鲤鱼飞上天。东海即徐之望。也鲤者李也。

化茶坊女

唐中兴时汴京。民有石氏者。以开茶坊为业。日令幼女行茶。尝有丐者病癯。垢污蓝缕直诣肆索饮。女敬而与之。月余无厌。容并择佳茗。以待父兄见之怒逐丐答女。女略不介意。又数日丐者复来。女供奉益谨。丐谓曰。汝能啜我余茶否。女颇嫌不洁。少复于地。闻异香。亟饮之神。气爽然。丐曰。我吕仙也。可随汝所愿。

或富贵或寿考皆可得也。女不识富贵只求长寿。不乏财物。吕祖遗以渔父词曰。子午长餐日月精。玄关门户启还扃。长如此。过平生。且把阴阳仔细烹。复授以口诀而去女白于父母始悔偏筑之不得。他日复来。石氏留之师曰。今年夷夏俱大丧。余恐远人未化。将北游劝其来宾遂去。后女年及升。嫁管营指挥家。享年百二十岁。一生妆食有余是亦长于寿而裕于财者也。

度乔二郎

二郎唐末宋初人也。吕祖于皇都遇之。弥留 合终。年不厌。吕祖见其精诚。授以水中采金之法。命其修炼。二郎即弃名利。结茅松山照法行之。遂得证果后复过吕祖携去。

度刘方

方字子义汴都人也。建隆初。方见天下未平。兵戈未息。遂浚于仕进。渴慕陶渊明之为人。背城面郭。筑小丹邱自居。虽结庐人境亦自有心。远地偏之致。吕祖于汴都闲游。自号回先生。适方行市中。呼与剧饮方慨然陪坐。共论太古高人。及天下兴亡之事。先生曰。海内河山斜阳、流水、石、火、光、阴、槿花性命。我见六国烟尘八方。风雨将来。净愁雾而拭青。天者必宋国也。

治世有人吾侪。何必代为耽忧。方大惊曰。顷见先生眉宇。疑是豪。侠者流。今闻先生议论。乃安期羡门辈。

矣。愿明以教我。回祖乃作歌与之曰。六国愁看沉与浮。携琴长啸出神州。拟向烟霞煮白石。偶来尘市见丹邱。又勉之曰刘君。刘君审听我流光迅速如飞过。

八琼秘诀君自知。莫待铅车空又破。其诗甚长。大抵皆绵绵策励之旨。方拜而受之。吕祖既去。方即迹遯深山。勤修秘炼。终其身不出。

说麻姑化天妃记^{道缘汇录}

天妃水神名司马光曰水乃阴类其神为女。子又妃者言其慈母之心与天匹配也。

扬州灯夕。青城刘丈人。枉驾茅斋。自言从吕祖说麻姑化身事云。唐末宋初。祖师南游麻姑壇遇方平先坐。坐论丹台。适麻姑翩然来归。神采天容。不可名状。

吕祖谓方平曰。东南海。屿飓风多。狂刚暴者须以柔和制之。某欲

于西王母处荐举。一人觅善族降法身到。天风海涛间拯救危难。此非有神通者。不能言下承当也。吕祖言毕。以目视麻姑。方平会意微笑曰非大士。宝筏不。能也。自古女真。大半以游戏为乐蓬山阆苑中。吹笙度曲。饮酒簪花其尤者。不过按行海岛。采访仙籍耳麻姑冷笑。微启朱唇曰。此事亦由人做。

特无地可以投足吕祖曰。莆田林氏世积阴德。此大鹏展翮处也。姑即慨然自许。俟缘至而往投之。如是者数年。闻林披别作都巡检林愿。夫妇仁爱。生九子皆贤号。九牧林。姑乃念麻姓。除去广旌上字。即林字也。于是降生其家。时南唐中兴庚申。宋太祖之建隆元年也。

三月二十三日方夕。见红光射室。异香氤氲。而天妃诞弥月。不闻啼声。因名。曰。默生而神灵预知人祸福。八岁从塾师训读。悉解文义。十三岁有老道士元通授妃玄微秘诀。年十六。窥井得符。知变化。驱邪救世。应手随心闲或御。风神游。飞度大海。年二十九。九日。前一日。妃与家人曰。明朝重阳适有登高之愿预告别。至期径上湄峯。最高处浓云。卷垤白气。亘天空中。闻钧天之。乐乘风直。上众皆欹歔而。叹凌虚见纯阳先生。佩剑执拂而来。笑谓妃曰。姑又开一番生面已。

化身林家妙年得道。某将闽海一涯祈姑保障。遂别去自后于海上屡昭灵异。封天妃。在湄洲屿上。建庙祀之。凡遇海天风浪者。但呼娘妈数声即有神灯点点。隐约于万顷烟波之内。或仍。现麻姑形像。坐于檣桅上。顶挽一髻余发下垂。尘拂指挥。蛟龙效顺。如此便风恬浪静长帆直渡。矣功德崇高证位碧霞元君。历代勅封不可具述。

闽海之有天妃犹南海之有大士也。然人知有天妃灵异。而不知为麻姑化身。并不知麻姑之来。乃扶危拯溺之吕翁所玉成者。观与王方平一席话。

为苍生求安澜之人。忙中极闲。冷中极热。似激似劝。卒令麻姑立功。天妃着迹。神仙济世之心。至吕祖而功溥矣。海蟾言之。潜虚记之。可作一则仙史读非徒宣扬而已。

仙迹余记六则 皆宋初事

建隆初年。南唐中兴之三年也。宋太祖得见。吕祖于后苑称太祖为朱陵上帝。留语移时。左右皆不得闻。太祖解赭袍玉带赠之。俟不见遂命画工绘其像于太清楼。

建隆之末。吕祖化一老翁。卖药长安市上。常携一大葫芦。人有疾求药。不计钱有无皆与之。药皆神效。或戏问。有大还丹否。曰。有一粒。一千贯。与草木不同也。

羣以为狂。每于城市笑。人曰。有钱不买金丹。尽作土馒头去。一日于市中抖擞葫芦已空。内只余一丸。

极大光明安掌上。谓人曰。百余年来。无一人肯把钱买此物吃者。惜哉。今将送赤帝归真矣。言讫。遂以药自投于口。足下五色云起。望东南而去。人始叹悔不。

及计其上升正太祖宾天时也。宋事实类苑吕仙洞宾。有剑术。百余岁。面如婴童。华阳隐士李奇。自言开元中郎官。年数百岁。与吕仙尝至陈希夷斋中。尝以朱书青纸。令小僮持寄希夷。希夷与唱和。李奇见前又宋史曰。逸人吕纯阳。善剑术。年百余岁。步履轻捷。顷刻数百里。人皆称为神仙。

又宏简录曰。吕洞宾年百余岁。有剑术。面如童颜。步履轻疾。往来丁少微家。少微乃亳州人。隐华潼谷与陈希夷齐名。所受不同。未尝相通。而其志高清洁。则一也少微善服炁。多饵药。百余岁康强无疾宋太祖名赴阙。以巨胜南芝玄芝为献。问其受益处。对曰洞宾先生也留数月遣还山。

全州道士蒋晖。志行高洁。吕祖往访之。适蒋他出。遂题诗于蒋之门曰。醉舞高歌海上山。天瓢承露浴金丹。夜深鹤透。秋空碧万里。西风一剑寒。末书无上宫主访蒋先生作。蒋归惊曰。宫字无上。乃吕翁也。追之不可及。

第二章

吕祖文集

吕祖全书文集小序

既删以后，何以无诗？以道学风雅？分而为二也。古之人能合而一之者，首推周公，次则尹吉甫。今观七月诸章，人情物理发挥入妙。吉甫自谓其诗孔硕，又谓穆如清风，取崧高烝民读之良然。嗣是作者益繁，王阮亭谓昌黎有英雄语，太白有仙语，摩诘有佛语，此亦后代诗人之不凡矣。神仙诗多者惟吕祖，长歌短咏，天籁自鸣，皆无意为诗者也，惟道充于中而不可已，不觉于吟哦发之。其机活，其神全，不越人情物理之常，而已尽仙佛英雄之致。吾谓道学风雅，不必岐视者，于吕祖之诗见之，至今体诗，间有逸韵者。昔郑庠作古音辨，分古韵六部，原可通协，不若沈约之拘，集中古体杂体诗皆然。至诗既从今体，似宜一依今韵。而神仙作诗，亦间以古韵行之，第查明偶出韵者，注明某句借韵，或二韵、三、四韵通用者，注明几韵并用，使后学有所考焉。其他如指玄篇及涵三杂咏、今体诗俱从此例。若忠孝诰、玉枢经赞，并诸经颂偈，有韵之文之协古韵者，又不必论矣！

原刊文集序

自古学道而成仙者众矣，或飞升、或尸假。乃遽然遂与世隔，往往起神仙渺茫之诮。独纯阳真人，首以开度群迷为誓，尝游戏人间。显化

不一，虽三尺童子，亦知其名而慕其风也。今观所着诗歌，谈妙入玄，无非穷理尽性以至于命焉。学者果能熟复而交参之，既知有离宫修定之功，又知坎府求玄之秘，则炼己待时，于寂然不动之中，自然有感而遂通者在是，虽凡夫亦可以立跻圣位。孰谓神仙不可以学得，而徒有渺茫之诮耶？予夙慕真宗，广求仙诀，今偶得是集，不欲秘藏，愿与同志共之，或者因文解悟，暗合玄宗，庶足以副真仙开度群迷之初意云。

时太岁丙戌千道二年（一一六六年）书云日剑津谷神子陈得一序

重刊文集序

真仙之道。自广成授轩辕。而其教遂行于世。由是代不乏人。有高举远引而隐者。有行道济世而显者。其隐者世不可得而知。其显者出瑞圣世。化度有缘。间有发为词章。以吟咏道德。若唐之吕纯阳者。殆显而济世者欤。其所着诗文。宋干道间。延平陈谷神。已尝印行。其板岁久不存。广阳张子素氏。有志于道者也。恐真仙之事迹。久或湮没。求诸善本。特寿于梓。以广其传。葆和堂真士袁公熙真。太岳太和山。佐天玉虚宫提点任公自垣。力赞其美。工告成。请予序其首简。予惟真仙之应化。虽片言只字。皆有道以寓其间。世之学仙者。苟能因文以求义。因义以明心。冥符默会于言语文字之间。真积力久。内行纯熟。阴功昭着。以入乎清静之境。则此书岂小补哉。若徒以记忆为工以资清谈。则非吾所知也。是为序。

永乐二十年（一四二二年）正一嗣教清虚冲素光祖演道真人张宇清书

龙洲居士文集原序

生公心究玄门。爱读纯阳吕公集。喜其正断十试九难诸魔。咸筑基炼己。根极微妙。夺天巧以成能。至于阴阳坎离铅汞升堕之说。以八卦运十二时。而其要在艮。以三田互相反复。而其要在泥丸。皆至理存焉。余每行。必手携此卷以玩。顾尘心难灭。学而未能力者久之。顷过邯郸道中。见吕公祠入谒。慨然想慕。因得所刻枕中记三复之。知卢生炊黍就

枕之梦。与纯阳黄梁未熟之梦相似。钟离之授吕。吕之授卢一也。宠辱穷通得丧死生之理。尽于是者。有能超然了悟。三乘九转易易矣。余谓是记当附于集末。邯郸杨尹。治邑有声。请铍诸梓。因叙其畧。与修命修性。志于玄学者共之。

嘉靖戊午（一五五八年）歲夏五月
朔旦蓬萊山北龍洲處士書於金臺寓舍

第三至第五卷《文集》吕祖文集《上》

依帝七品经序

臣崑。恭遇元始天主。慈悯浊世苦恼。勅允卑员。演经度劫。蒙颁天忏。芸香珥笔。抉金简瑶函之秘。发洞微明宸之奥。开臣等臆障。释多生积愆。下及尘寰。法雨溥润。日月所照。风雷所至。一切含灵。无不被泽。援拯万世苦海。无等无伦。诚宝典也。臣灵一粟之莹光。历多生之幻化。仰精大道。得出轮回。始还丹于闾苑。继备员于玉清。慙依功之难极。愧行力之未充。矢志普度。吁请玉宸。勅龙沙显迹。阐八品惊世之文于金陵。复叩金阙。允演度劫之章于鄂渚。欲愿人人得行。日日进善。是臣心矣。实所愿也。无如季世愚盲。多染欲障。难捐结习。有舌架慈航。心运剑戟者。有泽惠及于昆虫。而忠孝疎于君亲者。有轻施好济。而亏心于暗室者。犯金科玉律而罔顾。闻地府天曹而不畏。万罪千条。罹成重劫。水火旱蝗。兵疫迭收。南赡为最。仁威惻怛。表奏九重。允演七品灵章。重宣化导。经旨幽邃。阐明生化升降出入妙理。慈悲广大。指示顺逆。善恶祸福。报应昭彰。至于瘴疫威力。念佛功德。裕国寿民。无踰斯典。复蒙发天忏。括诸经之髓。旷劫难逢。宣列圣之功。焚顶莫酬。惟期娑婆世界。人人信受。户户传诵。俾灵风溥播。仁威博济之诚。梓潼代演之功。永不朽矣。臣亦愿彰圣谛。援引羣氓。谨序。

西河萨祖元阳大帝救苦经序

代天说法。悯一切众生。不明本来。不知觉路。如行大荒之中。及至半途。后路忽陷。惟有向前而已。当前又有铜墙铁壁。无可着脚处。欲向左行。深堑万丈。若于右行。悬涧千寻。苟若于此。一失足跟。悔之无及。何以说。欲障易化。理障难除。非明明现现。认贼做子。则死木槁灰。无想为真。一谓弄虚灵。一谓断种性。岂非一左一右。丧身之地。须欲仍放本辉。念兹在兹。一破疑团。自现觉体。自然意入无意。意意不意。情归不情。情无所情。不见不闻。无声无臭。若至于此。仍莫认者。一着总非。百无一是。所谓望道而未之见。真尚不着。何况幻妄。觉尚不着。何况虚假。所以此中境界。非色非空。非显非微。只有疑机。无有信处。实有所在。当观念之所自。起自何所。了知起处。便知落处。久久而见起念之始。久久而见念始之先。所谓悯一切众生者。有畏其高矣美矣。未可几及。远哉大哉。未可卒至。有轻其寸茎之璧。宁云照乘可比。味淡无滋。岂可琼瑶相配。此所以知者。过而愚不及。故为西河救苦经而为序。

文昌帝君玉局心忏后序

盖闻着书立说。讲道明心。自昔圣贤其揆一也。浮词组织杂技缤纷。识者忧之。况在天阶又奚取哉。孔子犹曰。述而不作。信而好古。后世载籍日烦。义理阙如。五经四书。置勿复道。而徒借以博功名夸声誉。又从而托及异端。呜呼。其亦勿思耳矣。予儒人也。晚参大道。脱弃尘缘。名曰修炼成仙。实尽本于孝弟忠信。高大精微之学。故得气行宇宙。岂漫言飞升尸解者流耶。世不察。以为方外旁门。天高地厚。日升月恒。又恶用此鬼诞为也。昔故降鸾立教。频引孔孟之言。与河洛相表里。必待学者积累修成。无愧无作。然后心神宁。灾厉退。内功可成。天恩可遇。即不幸而杀身成仁。亦自贯虹霓。驱神鬼。安得尽入深山游穷海。以为至人再出耶。至于乩符托迹。时隐时现。不过悯凡夫之愚迷。而稍引之正。又安得执涂人而语以幽明之故耶。每欲自明其说。而无从相授。幸及今日。见元皇命真官成此心忏。整巾肃容。再拜而读之。

不释。喟然叹曰。是予之志也。孔孟之言。习而不行。以其言虽在。其神不灵耳。何为入梵宫见神像。又輒从而稽顙祈祷。此昧心也。亦敬心也。反而推之。合而行之。道在于是。玉局之心。如此其仁。故发而为文。振金玉。挟风云。沁心脾。动肝胆。易曰。观乎天文以察时变。犹是无言之教也夫。敬展卷而作颂曰。

炳炳鸾书。来于玉宸。羲文之秘。洙泗之真。濯尔魄。贯尔神。函关仙尹。圯上老人。齐俯首。觉斯民。幽疑埽辟。万物皆春。

江州望江亭自记

吾京川人。唐末三举进士不第。因游江湖间。遇钟离子。受延命之术。寻又遇苦竹真君。传日月交并之法。久之。适终南山。再见钟离子。得金液大丹之功。年五十。道始成。身長五尺二寸。面黄白。鼻耸直。左眉有黑子。服白襦衫。系皂縗。变化不可测。或为进士或为兵。世多称吾能飞剑戮人者。吾闻之笑曰。慈悲者佛也。仙犹佛耳。安有取人命乎。吾固有剑。盖异于彼。一断贪瞋。二断爱欲。三断烦恼。此其三剑也。吾道成以来。所度者何仙姑。郭上竈二人。性通羽。吾授之以归相法。吾尝谓。世人奉吾真。何若行吾行。既行吾行。又行吾法。不必见吾。自成大道。不然。日与吾游何益哉。

枕中记（卢生事·颇与吕祖遇正阳祖师相类）

开成七年。吕祖行邯郸道中。息邸舍。摄帽弛囊而坐。俄见旅中少年。乃卢生也。衣短褐。乘青驹。将适于田。亦止旅中。与翁共席而坐。言笑殊畅。久之。生顾其衣装弊褻。乃长叹息曰。大丈夫生世不谐。困如是也。翁曰。观子形体。无苦无恙。谈谐方适。而叹其困者何也。生曰。吾苟此生耳。何适之谓。翁曰。此不谓适。而何适。答曰。士之生世。当建功树名。出将入相。列鼎而食。选声而听。使族益昌。而家益肥。然后可以言适乎。吾尝志于学。富于游艺。自惟当年青紫可拾。今已过壮。犹勤田亩。非困而何。言讫。而目昏思寐。时主人方蒸

黍。翁乃探囊中枕以授之。曰。子枕吾枕。当令子荣显如志。其枕青甃。而穹其两端。生俛首就之。见其穹渐大明朗。乃举身而入。遂至其家。数月。娶清河崔氏女。女容甚丽。生资愈厚。生大悦。由是衣装服馭。日益鲜盛。明年。举进士登第。释褐秘校。应制渭南尉。俄迁监察御史。转起居舍人。知制诰。三载。出典同州。迁陕郊。生性好上功。自陕西凿河八十里。以济不通。邦人利之。刻石纪德。移节汴州。领河南采访使。征为京兆尹。是岁。神武皇帝。方事戎狄。恢弘土宇。会吐蕃悉采逆。及烛龙莽布支。攻陷瓜沙。而节度使王君薨新被杀。河湟震动。帝思将帅之才。遂除御史中丞。河西道节度。大破戎虜。斩首七千级。开地九百里。筑大城以遮要害。边人立石于居延山以颂之。归朝册勋。恩礼极盛。转吏部侍郎。迁户部尚书。兼御史大夫。时望清重。羣情大翕习。大为时宰所忌。以非言中之。贬为端州刺史。三年。征为常侍。未几。同中书门下平章事。与萧中令嵩斐侍中光庭。同执大政十余年。嘉谟密命。一日三接。献替启沃。号为贤相。同列害之。复诬与边将交结。所图不轨。下制狱。府吏引徒至其门而急收之。生惶骇不测。谓妻子曰。吾家山东。有良田五顷。足以御寒馁。所苦求禄。而今及此。思衣短褐。乘青驹。行邯鄲道中不可得也。引刀自刎。其妻救之。获免。其罗者皆死。独三省中官保之。减死罪。投驩州。数年。帝知冤。复追为中书令。封燕国公。恩旨殊异。生五子。曰俭。曰儔。曰位。曰倜。曰倚。皆有才器。俭进士登第。为考功员外。儔为侍御史。位为太常丞。倜为万年尉。倚最贤。年二十八。为左袞。其姻媾皆天下望族。有孙十余人。两甯荒徼。再登台鉉。出入中外。徊翔台阁。五十余年。崇盛赫奕。性颇奢荡。好佚乐。后庭声色。皆第一绮丽。前后赐良田甲第。佳人名马。不可胜数。后年渐衰迈。屡乞骸骨。不许。病中人候问相踵于道。名医上药。无不至焉。将歿。上疏曰。臣本山东诸生。以田园为娱。偶逢圣运。得列官叙。过蒙殊奖。特被鸿私。出拥节旌。入升台辅。周旋中外。绵历岁时。有忝天恩。无裨圣化。负乘贻寇。履薄增忧。日惧一日。不知老至。今年踰八十。位极三事。钟漏并歇。筋骸俱耄。弥留沉顿。待时益尽。顾无试效。上答休明。空负深恩。永辞圣代。无任感恋之至。谨奉表陈谢。诏曰。卿以俊德。作朕元辅。出拥藩翰。入赞雍熙。升平二纪。实卿所赖。此婴疾疹。日谓痊平。岂斯沈痼。良用悯恻。今令骠骑大将军高力士。就第候省。其勉加

鍼石。为予自爱。犹冀无药。期于自瘳。是夕薨。卢生欠伸而寤。见其身方便于邸舍。吕翁坐其旁。主人蒸黍未熟。触类如故。生蹶然而兴曰。岂期梦寐也。翁谓生曰。人生之适。亦如是矣。生恍然良久。谢曰。夫宠辱之道。穷通之运。得丧之理。死生之情。尽知之矣。此先生所以窒吾欲也。敢不受教。稽首再拜而去。

黄鹤赋

粤矣最上一乘。乃无作而亦无为。还丹七返。因有动而方有静。上德以道全其形。乃纯干之未破。下德以术延其命。乃撮坎之已成。是以用阴阳之道。即依世法而修出世之法。效男女之生。必发天机而作泄天之机。方期性命之双修。须仗法财而两用。先结同心为辅佐。次觅巨室以良图。然欲希至道。必密叩玄关。择善地。慎作事之机密。置丹房。造器皿之相当。安炉立鼎。譬内外两个乾坤。炼己筑基。固彼我一身邦国。紧关对景忘情。凭锐气之勇猛。大抵煨炉铸剑。借金水之柔刚。若运用。若抽添。虑险而须当沐浴。若鼓琴。若敲竹。逢争而便宜守雌。百日功灵。曲直而能应物。一年工熟。追摄而已由心。能盗彼杀中之生炁。以点我阳里之阴精。玉液金液。一了性而一了命。二候四候。半在坎而半在离。始也将无入有。以见龙居虎位。终焉留戍就己。始知虎会龙宫。要知药物之老嫩。在辩水源之浊清。炼己待时者。务待阳生亦县。察机临炉者。必须癸动于神州。若观见龙在田。须猛烹而极煅。忽闻虎啸出窟。可倒转而逆施。所谓火逼金行出坤炉。故名七返。金因火炼归干鼎。是日九还。还者。干所失而复得之物。返者。我已出而复来之真。殊不知顺则生人生物。逆则成佛成仙。虽曰彼家。非谓丹御女之术。故知一己。有鹏鸟图南之机。坎中一点黑铅。号曰先天。非同类终不能得。离内七般朱汞。是名孤阴。无真种一刻难留。是以假干坤立鼎炉。觅太乙所含之始炁。赖阴阳作筌蹄。求水府所蕴之炁珠。趋鼎时辛补我干之一缺。俄然间已还彼坤之六虚。到此水归神室。位列天仙。丹落黄庭。千灵舒惨。上帝加赞。天地成惊。抱元守一。温养十月神有像。调神面壁。坐忘九载体无形。斯其道术造端。似依正而行邪。就中火候托始。如倚奇而用兵。铅与汞。无丙叟东西间隔。婴与姤。非黄婆

咫尺参差。识缓急。虑吉凶。在匠手以斟酌。明进退。知止足。岂愚昧而能为。认消息如海之潮信。策造化比月之亏盈。三日出庚。乃一阳生于坤体。十五圆甲。则六爻周于干元。泄金窍。凿混沌。露老庄之肺腑。明坤醯。饮刀圭。吐平叔之心肝。今遇龙江子。夙有道骨仙丰。名注丹台玉室。遂结烟霞同志之友。愿发龙虎秘藏之机。究寻火候。早饵黍珠。闾苑伫圃。他日可冀。（#按篇中有吐平叔之心肝句。平叔即张紫阳。宋时人疑此赋非吕祖作。然观五品经内。亦杂引海蟾紫阳之语。或者其箕着与。又按篇中俱不用韵。殊非赋体即名黄鹤赋。亦未详其义。）

修身诀三段

人命急如线。上下往来速如箭。认得是元神。子后午前须至炼。随意出。随意入。天地三才人得一。既得一。勿遗失。失了永求无一物。嗟叹荒郊冢墓中。自古灭亡不知屈。天花烂漫。人事悠悠。得之者一气吞元。失之者三泉昧景。至药龙居虎位。虎据龙宫。当龙虎混合之时。认恍惚杳冥之路。大电霹而神莫为。迅雷烈而神莫知。去彼取此兮。用资久视之功。即是神仙之妙。先住其子。后觅其母。率首为宗。擒和正取。水伏其火。龙引其虎。得自两眉。始应伫牝。雷惊电查。无非黄盖之家。金液琼浆。尽属丹池之宝。老子之术。尽于斯矣。嗟夫。金玉满堂。莫之能守也。

三字诀

这个道。非常道。性命根。生死窍。说着丑。行着妙。人人憎。个个笑。大关键。在颠倒。莫厌秽。莫计较。得他来。立见效。地天泰。为朕兆。口对口。窍对窍。吞入腹。自知道。药苗新。先天兆。审眉间。行逆道。滓质物。自继绍。二者余。方绝妙。要行持。令人叫。气要坚。神莫耗。若不行。空老耄。认得真。老还少。不知音。莫语要。些儿法。合大道。精气神。不老药。静里全。明中报。乘风鸾。听天诏。

悟道诗

数载乐幽幽。欲逃寒暑逼。不求名与利。犹恐身心役。苦志慕黄庭。殷勤求道迹。阴功暗心修。善行长日积。世路果逢师。时人皆不识。我师机行密。怀量性孤僻。解把五行移。能将四象易。传余造化门。始悟希夷则。服取两般真。从头路端的。烹煎日月壶。不离乾坤侧。至道眼前观。得之元咫尺。真空空不空。真色色非色。推倒玉葫芦。迸出黄金液。紧把赤龙头。猛将骊珠吸。吞归脏腑中。夺得神仙力。妙号一黍珠。延年千万亿。同途听我吟。与道相亲益。未晓真黄芽。徒劳游紫陌。把住赤乌魂。突出银蟾魄。未省此中玄。常流容易测。三天应有路。九地终无厄。守道且藏愚。忘机要混迹。羣生莫相轻。已是蓬莱客。

百字碑

养气忘言守。降心为不为。动静知宗祖。无事更寻谁。真常须应物。应物要不迷。不迷性自住。性住气自回。气回丹自结。壶中配坎离。阴阳生反复。普化一声雷。白云朝顶上。甘露洒须弥。自饮长生酒。逍遥谁得知。坐听无弦曲。明通造化机。都来二十句。端的上天梯。

百句章

无念方能静。静中气自平。气平息乃住。息住自归根。归根见本性。见性始为真。万有无一臭。地下听雷鸣。升到昆仑顶。后路要分明。下山接鹊桥。送下至黄庭。庭中演易卦。五十五堪均。气卷施四大。坐卧看君行。此是筑基理。孤阴难上升。更要铸神剑。三年炼已成。念正情忘极。临炉不动神。觅买丹房器。五千四八春。先看初三夜。蛾眉始见庚。要见庚花现。反向蛾眉寻。如此采真铅。口口要真传。火候从初一。一两渐渐生。十六退阴符。两两不见增。沐浴逢鸡兔。

防失防险倾。金气自薰蒸。体上汗淋淋。十月胎方就。顶门要出神。还须面壁九。飞身上玉京。三段功夫诀。明明说与君。我今亲手释。成书体诀行。传与修行子。玉金之法程。丹诀真师授。须与神仙论。更有妙丹法。予恐太泄轻。弹弦并鼓瑟。夫妻和平情。霞光照曲水。红日出昆仑。恍恍并惚惚。杳杳与冥冥。此中真有信。信到君必惊。一点如朱橘。要使水银迎。绝不用器械。颠倒法乾坤。世人不悟理。三峯采战行。也有说三关。也有入炉临。又以口对口。丑秽不堪听。一切有为法。俱是地狱人。有等执着者。信死清静真。发黄并齿落。鹊体似鹤形。他未知吾道。分明假作真。观天之大道。执天之大行。月挂西川上。霞临南楚滨。三日前为晦。阳中之纯阴。三日后为朔。阴中之阳精。亦如逢冬至。和景好阳春。八日是上弦。一问卯兔门。十六方为姤。廿三是西门。以此参易卦。方知大道真。百句章中字。字字要寻文。此书雷将守。得者慎勿轻。

行火候

行火候。六百篇。采先天。炼后天。篇篇字字体轻慢。勤将日月身中运。捉就阴阳鼎内煎。展天缩地分明现。全凭着智慧宝剑。斩三尸奔走如烟。祖师当初曾嘱咐。万两黄金莫乱传。仙宗妙道体轻慢。若没有真传实授。怎知道性命根源。

鄂渚悟道歌

纵横天际为闲客。时遇季秋重阳节。阴云一布遍长空。膏泽连绵滋万物。因雨泥滑门不出。忽闻邻舍语丹术。试问邻公可相传。一言许肯更无难。数篇奇怪文入手。一夜挑灯读不了。晓来日早才看毕。不觉自醉如恍惚。恍惚之中见有物。状如日轮明突帆。自言便是丹砂精。宜向鼎中烹凡质。凡质本来不化真。化真须得真中物。不用铅。不用汞。还丹须向炉中种。玄中之玄号真铅。及至用铅还不用。或名龙。或名虎。或

号婴儿并姪女。丹砂一粒名千般。一中有一为丹母。火莫然。水莫冻。修之炼之须珍重。直待虎啸折颠峰。骊龙夺得炫珠弄。龙吞宝玄忽升飞。飞龙被我捉来骑。一翥上朝归碧落。碧落广阔无东西。无晓无夜无日月。无寒无暑无四时。自从修到无为地。始觉奇之又怪之。

秘诀歌

求之不见。来即不见。不见不见。君之素面。火里曾飞。水中亦见。道路非遥。身心不恋。又不知有返阴之龟。回阳之鴈。遇即遇其人。达即达其神。一万二千甲子。这一壺流霞长春。流霞流霞。本性一家。饥餐日精。渴饮月华。将甲子丁丑之岁。与君决破东门之大瓜。

直指大丹歌

三清宫殿隐崑崙。日月光浮起紫烟。池沼泓泓翻玉液。楼台迭迭运灵泉。青龙乘火铅为汞。白虎腾波汞作铅。欲得坎男求配偶。须凭离女结因缘。黄婆设尽千般计。金鼎开成一朵莲。烈女擎乌当左畔。将军戴兔镇西边。黑龟却伏红炉下。朱雀还栖华阁前。然后澄神窥见影。三周功就驾云骖。

谷神歌

我有一腹空谷虚。言之道有又还无。言之无兮不可舍。言之有兮不可居。谷兮谷兮太玄妙。神兮神兮真大道。保之守之不死名。修之炼之神仙号。神得一以灵。谷得一以盈。若人能守一。只此是长生。长生本不远。离身还不见。炼之功若成。自然凡骨变。谷神不死佐牝门。出入绵绵道若存。修炼还须夜半子。河车搬载上昆仑。龙又吟。虎又啸。风云际会黄婆叫。火中姪女正含娇。回观水底婴儿俏。婴儿姪女见黄婆。儿女相逢两意和。金殿玉堂门十二。金公木母正来过。重门过后牢关锁。

点检斗牛先下火。进火消阴始一阳。千岁仙桃初结果。曲江东岸金乌飞。西岸清光玉兔辉。乌兔走归峯顶上。炉中姪女脱青衣。脱却青衣露素体。婴儿领入重帏里。十月情浓产一男。说道长生永不死。劝君炼。劝君修。谷神不死此中求。此中悟取玄微处。与君白日上瀛洲。

窑头坯歌

窑头坯。随雨破。祇是未曾经水火。若经火烧成砖。畱向世间住万年。棱角坚完不复坏。扣之声韵堪磨铄。凡水火。尚成功。坚完万物谁能同。修行路上多少人。穷年炼养费精神。不道未曾经水火。无常一旦临君身。既不悟。终不悔。死了犹来借精髓。主持正念大艰辛。一失人身为异类。君不见。洛阳富郑公。说与金丹如盲聋。执迷不悟修真理。焉知潜合造化功。又不见。九江张尚书。服药失明神气枯。不知还丹本无质。翻饵金石何太愚。又不见。三衢赵枢密。参禅作鬼终不识。修完外体在何边。辨捷语言终不实。窑头坯。随雨破。便似修行这几个。大丈夫。超觉性。了尽空门不为证。伏羲传道至于今。穷理尽性至于命。了命如何是本元。先认坎离并四正。坎离即是真常家。见者超凡须入圣。坎是虎。离是龙。二体本来同一宫。龙吞虎啖居其中。离合浮沉初复终。剥而复。否而泰。进退往来定交会。弦而望。明而晦。消长盈虚相匹配。神仙深入水晶宫。时饮醍醐清更醲。饵之千日功便成。金筋玉骨身已轻。此个景象惟自身。上升早得朝三清。三清圣位我亦有。本来只夺干坤精。饮凡酒。食膾腥。补养元和气更盈。自融结。转光明。变作珍珠飞玉京。须臾六年肠不馁。血化白膏体难毁。不食方为真绝粮。真气薰蒸肢体强。既不食。超百亿。口鼻都无凡喘息。真人以踵凡以喉。从此真凡两边立。到此遂成无漏身。胎息丹田涌真火。老氏自此号婴儿。火候九年都经过。畱形住世不知春。忽尔天门顶中破。真人出现大神通。从此天仙可相贺。圣贤三教不异门。昧者劳心休怎么。有识自爱生。有形终须灭。叹愚人。空驾说。愚人流荡无期休。落趣循环几时彻。学人学人细寻觅。且须研究古金碧。金碧参同不记年。妙中妙兮玄中玄。

敲爻歌

汉终唐国飘蓬客。所以敲爻不可测。纵横顺逆没遮拦。静则无为动是色。也饮酒。也食肉。守定臙花断淫欲。行歌唱咏臙花词。持戒酒肉常充腹。色是药。酒是禄。酒色之中无拘束。只因花酒误长生。饮酒带花神鬼哭。不破戒。不犯淫。破戒真如性即沉。犯淫坏失长生宝。得者须由道力人。道力人。真散汉。酒是良朋花是伴。花街柳巷觅真人。真人只在花街玩。摘花戴饮长生酒。景里无为道自昌。一任羣迷多笑怪。仙花仙酒是仙乡。到此乡。非常客。姹女婴儿生喜乐。洞中常采四时花。时花结就长生药。长生药。采花心。花蕊层层艳丽春。时人不达花中理。一诀天机直万金。谢天地。感虚空。得遇仙师是祖宗。附耳低言佐妙旨。提上蓬莱第一峯。第一峯。是仙物。惟产金花生恍惚。口口相传不记文。须得灵根坚髓骨。坚髓骨。炼灵根。片片桃花洞里春。七七白虎双双养。八八青龙总一斤。真父母。送元宫。木母金公性本温。十二宫中蟾魄现。时时地魄降天魂。铅初就。汞初生。玉炉金鼎未经烹。一夫一妇同天地。一男一女合乾坤。庚要生。甲要生。生甲生庚道始萌。拔取天根并地髓。白雪黄芽自长成。铅亦生。汞亦生。生汞生铅一处烹。烹炼不是精和液。天地乾坤日月精。黄婆匹配得团圆。时刻无差口付传。八卦三元全借汞。五行四象岂离铅。铅生汞。汞生铅。夺得乾坤造化权。杳杳冥冥生恍惚。恍恍惚惚结成团。性须空。意要专。莫遣猿猴取次攀。花露初开切忌触。锁居土釜勿抽添。玉炉中。文火炼。十二时中惟守一。此时黄道会阴阳。三性元宫无漏泄。气若行。真火炼。莫使玄珠离宝殿。加添火候切防危。初九潜龙不可炼。消息火。刀圭变。大地黄芽都长遍。五行数内一阳生。二十四气排珠宴。火足数。药方成。便有龙吟虎啸声。三铅只得一铅就。金菓仙芽未现形。再安炉。重立鼎。跨虎乘龙离凡境。日精才现月华凝。二八相交在壬丙。龙采结。虎铅成。咫尺蓬莱祗一程。干铅坤汞金丹祖。龙铅虎汞最通灵。达此理。道方成。三万神龙护水晶。守时定日明符刻。专心惟在意虔诚。黑铅过。采清真。一阵交锋定太平。三车搬运珍珠宝。送归宝藏自通灵。天神佑。地只迎。混合乾坤日月精。虎啸一声龙出窟。鸾飞凤舞出金城。朱砂配。水银停。一派红霞列太清。铅池迸出金光现。汞火流珠入帝京。龙虎媾。外持盈。走圣飞灵在宝瓶。一时辰内金丹就。上朝金阙

紫云生。仙桃熟。摘取饵。万化来朝天地喜。斋戒等候一阳生。便进周天参同理。参同理。炼金丹。水火薰蒸透百关。养胎十月神丹结。男子怀胎岂等闲。内丹成。外丹就。内外相接和谐偶。结成一块紫金丸。变化飞腾天地久。丹入腹。非寻常。阴形剥尽化纯阳。飞升羽化三清客。名遂功成达上苍。三清客。驾瑞舆。跨凤腾霄入太虚。似此逍遥多快乐。遨游三界最清奇。太虚之上修真士。朗朗圆成一物无。一物无。惟显道。五方透出真人貌。仙童仙女彩云迎。五明宫内传真诰。传真诰。话幽情。只是真铅炼汞精。声闻缘觉冰消散。外道修罗缩项颈。惊点枯骨立成形。通道天梯似掌平。九祖先灵得超脱。谁羨繁华贵与荣。寻烈士。觅贤才。同安炉鼎化凡胎。若是慳才并惜宝。千万神仙不肯来。修真士。不妄说。妄说一句天公折。万劫尘沙道不成。七窍眼睛皆迸血。贫穷子。发誓切。待把凡流尽提接。同赴蓬莱仙会中。凡景熬煎无了歇。尘世短。更思量。洞里乾坤日月长。坚志苦心三二载。百千万劫寿弥疆。达圣道。显真常。虎兕刀兵更不伤。水火蛟龙无损害。拍手天宫笑一场。这些功。真奇妙。分付与人谁肯要。愚徒死恋色和财。所以神仙不肯召。真至道。不择人。岂论高低富与贫。且饶帝子共王孙。须去繁华鏖锐分。瞋不除。慈不改。堕入轮回生死海。堆金积玉满山川。神仙冷笑应不采。名非贵。道极尊。圣圣贤贤显子孙。腰金跨玉骑骄马。瞥见如同隙里尘。隙里尘。石中火。何在畱心为久计。苦苦煎熬唤不回。夺利争名如鼎沸。如鼎沸。永沉沦。失道迷真业所根。有人平却心头棘。便把天机说与君。命要传。性要悟。入圣超凡由汝做。三清路上少人行。畜类门前争入去。报贤良。休慕顾。性命机关堪守护。若还缺一不芳菲。执着波查应失路。只修性。不修命。此是修行第一病。只修祖性不修丹。万劫阴灵难入圣。达命宗。迷祖性。恰似鉴容无宝镜。寿同天地一愚夫。权握家财无主柄。性命双修玄又玄。海底洪波驾法船。生擒活捉蛟龙首。始知匠手不虚传。

勉牛生夏侯生

二秀才。二秀才兮非秀才。非秀才兮是仙才。中华国里亲遭遇。仰面观天笑眼开。鹤形兮龟骨。龙吟兮虎颜。我有至言相劝勉。愿君兮勿

猜勿猜。但煦日吹月。咽雨呵雷。火寄冥宫。水济丹台。金木交而土归位。铅汞分而丹露胎。赤血换而白乳流。透九窍兮动百骸。然然卷。然然舒。哀哀哈哈。孩儿喘而不死。腹空虚兮长斋。酬名利兮狂歌醉舞。酬富贵兮麻裋莎鞋。甲子闲时休记。看桑田变作黄埃。青山白云好居住。劝君归去来兮归去来。

赠刘方处士

六国愁看沉与浮。携琴长歎出神州。拟向烟霞煮白石。偶来城市见丹邱。受得金华出世术。期于紫府驾云游。年来摘得黄岩翠。琪树参差连地肺。露飘香陇玉苗滋。月上碧峯丹鹤唳。洞天消息春正深。仙路往还俗难继。忽因乘兴下白云。与君邂逅于尘世。尘世相逢开口希。共论太古同流志。瑶琴宝瑟与君弹。琼浆玉液劝我醉。醉中一话兴亡事。云道总无圭组累。浮世短景倏成空。石火电光看即逝。韶年淑质曾非固。花面玉颜还作土。芳樽但继晓复昏。乐事不穷今与古。何如识个玄玄道。道在杳冥须细考。壶中一粒化奇物。物外千年功力奥。但能制得水中华。水火翻成金丹竈。丹就人间不久居。自有碧霄元命诰。玄洲暘谷悉可居。地寿天龄永相保。鸾车鹤驾逐云飞。迢迢瑶池应易到。耳闻争战还倾复。眼见妍华成枯槁。唐家旧国尽荒芜。汉室诸陵空白草。蜉蝣世界实足悲。槿花性命莫迟迟。珠玑溢屋非为福。罗绮满箱徒自危。志士戒贪昔所重。达人忘欲宁自期。刘方刘方审听我。流光迅速如飞过。阴淫果决用心除。尸鬼因循为汝祸。八琼秘诀君自识。莫待铅空车又破。破车坏铅须震惊。直遇伯阳应不可。悠悠忧家复忧国。耗尽三田元宅火。咫尺玄关若要开。凭君自解黄金锁。

寄白龙洞刘道人（此歌又见紫阳张真人悟真篇）

玉走金飞两曜忙。始闻花发又秋霜。徒夸钱寿千来岁。也似云中一电光。一电光。何太疾。百年都来三万日。其间寒暑互煎熬。不觉童颜暗中失。纵有儿孙满眼前。却成恩爱转牵缠。及乎精竭身枯朽。谁解教伊

暂驻颜。延年之道既无计。不免将身归逝水。但看古往圣贤人。几个解身在世。身在世。也有方。只为时人误度量。竟向山中寻草药。伏铅制汞点丹阳。点丹阳。事迥别。须向坎中求赤血。取来离位制阴精。配合调和有时节。时节正。用媒人。金翁姖女作亲姻。金翁偏爱骑白虎。姖女常驾赤龙身。虎来静坐秋江里。龙向潭中奋身起。两兽相逢战一场。波浪奔腾如鼎沸。黄婆丁老助威灵。撼动乾坤走神鬼。须臾战罢云气收。种个玄珠在泥底。从此根芽渐长成。随时灌溉抱真精。十月脱胎吞入口。忽觉凡身已有灵。此个事。世间稀。不是等闲人得知。宿世若无仙骨分。容易如何得遇之。金液丹。宜便炼。大都光景急如箭。要取鱼。须结筌。何不收心炼取铅。莫教烛被风吹灭。六道轮回莫怨天。近来世上人多诈。尽着布衣称道者。问他金木是何般。禁口不言如害哑。却云腹气与休粮。别有门庭道路长。岂不见。阴君破迷歌中说。太乙含真法最强。莫怪言词太狂劣。只为时人难鉴别。惟君心与我心同。方敢倾心与君说。

赠乔二郎歌

与君相见皇都里。陶陶动便经年醉。醉中往往爱藏真。亦不为他名与利。劝君休恋浮华荣。直须奔走烟霞程。烟霞欲去如何去。先须肘后飞金晶。金晶飞到上宫里。上宫下宫通光明。当时玉汞涓涓生。奔归元海如雷声。从此夫妻相际会。欢娱踊跃情无外。水火都来两半间。卦候翻成地天泰。一浮一沉阳炼阴。阴尽方知此理深。到底根元是何物。分明只是水中金。乔公乔公急下手。莫逐乌飞兼兔走。何如修炼作真人。尘世浮生终不久。人道长生没得来。自古至今有有有。

题桐栢山黄先生庵门歌

吾有玄中极玄语。周游八极无处吐。云軿飘泛到凝阳。一见君兮在玄浦。知君本是孤云客。拟话希夷生恍惚。无为大道本根源。要君亲见求真物。其中有一分三五。本自无名号丹母。寒泉沥沥气绵绵。上透昆仑

还紫府。浮沉升降入中宫。四象五行齐见土。驱青龙。擒白虎。起祥风。兮下甘露。铅凝真汞结丹砂。一派火轮真为主。既修真。须坚确。能转乾坤泛海岳。运行天地莫能知。变化鬼神应不觉。千朝炼就紫金身。乃致全神归返朴。黄秀才。黄秀才。既修真。须且早。人间万事何时了。贪名贪利爱金多。为他财色身衰老。我今劝子心悲切。君自思。今生猛烈。莫教大限到身来。又是随流入生灭。畱此片言。用表其意。他日相逢。必与君决。莫退初心。善爱善爱。

题四明金鹅寺壁

方丈有门出不钥。见个山童露双脚。问伊方丈何寥寥。道是虚空也不着。闻此语。何欣欣。主翁岂是寻常人。我来谒见不得见。渴心耿耿生埃尘。归去也。波浩渺。路入蓬莱山杳杳。相思一上石楼时。雪晴海阔千峰晓。

鼎器歌

鼎器本是男女身。大药原来精气神。若会攒来归一处。须用同心三个人。三个人。无他说。只要真师真口诀。指破阴阳三品丹。方可存心待明月。待明月。也莫迟。收拾身心且筑基。劈开尘心抛业网。驱除五漏斩三尸。斩三尸。见铸剑。炼已通灵知应验。刚柔变化任施为。万里驱妖如掣电。如掣电。剑方灵。挂向南方护水晶。若遇北方阴鬼起。一刀两段不容情。不容情。常清静。心中皎洁如明镜。镜心寂灭若空虚。始得临炉无弊病。无弊病。可安炉。调和鼎器莫心粗。言语不通非眷属。龙兴虎旺始堪图。始堪图。观复作。凿开混沌鸿蒙窍。静观虎啸与龙吟。自然华池神水到。神水到。辨浮沉。莫教时过枉劳心。铅遇癸生须急采。金逢望远不堪亲。不堪亲。休乱取。地裂山崩难作主。不知止足必倾危。盛夏严霜冬大暑。冬大暑。不遭逢。三宝牢关密守中。太极自然生造化。趁时搬取入黄宫。入黄宫。须爱护。十月浇淋休失误。子行阳火虎龙交。午退阴符自保固。自保固。暂相离。端坐忘言更待时。辐

辘循环终则始。三百六十莫违期。莫违期。为则例。悟明真理须当契。若还执着爻象行。只恐劳神形蠹弊。形蠹弊。往来坚。只为心机未得闲。思虑慕真毫发错。铅消汞散不成丹。不成丹。思炼己。皆因失却玄关理。水干火燥要调停。刑德临门知进退。知进退。勿忧凶。炼就炉中一点红。产个婴儿兑气足。三年温养似痴聋。似痴聋。真快乐。静里调神离躯壳。东南西北任遨游。出入往来乘白鹤。乘白鹤。脱尘埃。三岛神仙集会来。一任桑田变沧海。我身无事望灵台。我身无事望灵台。积功累德超凡世。虽然显化度羣迷。那时方遂男儿志。

采金歌

道道道。无巧妙。玄玄玄。无多言。开关展窍也不难。明雌雄。两剑全。筑基炼己采后天。虽然后天名滓质。先伏后天后先天。此要诀。要师传。不得真师枉徒然。筑基功夫往前进。火候屯蒙要抽添。要抽添。认真铅。十三四五六相连。审黄道。知端的。亦要看经五千言。药苗新。用心看。铅光发现三日前。癸水将至须急采。差之毫发不作丹。未采药。立匡郭。交合之时用橐钥。用橐钥。近我身。不看天体枉为作。知癸生。晓癸见。三十时辰两日半。采取只在一时辰。六候只在二候见。外四候。别有无干。得药之时莫贪乱。如痴如醉更省言。牢关牢锁牢上圈。择定饮食莫太过。又恐伤丹又霍乱。减酸酖。常咬淡。黄婆伏侍用心看。一时饥饱失前功。铅散汞枯两不恋。十日功夫要勤咽。勤咽之时防危险。颇得道理明性歌。得之莫作容易看。至人传。非人远。万两黄金不肯换。

真经歌

真经歌。真经歌。不识真经尽着魔。人人纸上寻文义。喃喃不住诵者多。持经咒。念法科。排定纸上望超脱。若是这般超生死。遍地释子成佛罗。得真经。出洪波。不得真经没奈何。若问真经端的处。先天造化别无他。顺去死。逆来活。往往教君寻不着。真经原来无一字。能度众

生出大罗。要真经。度自己。除非同类两相合。生天生地与生人。岂离阴阳造化窝。说真经。不脱空。西川涧底产黄金。五千四十归黄道。正合一卷大藏经。日满足。气候通。地应潮兮天应星。初祖达摩亲口授。真佞妙法莲华经。初三日。震出庚。曲江上。月华荣。花蕊初开含珠露。虎穴龙眠探浊清。水生二。药真正。若待其三不可进。壬水初来癸未来。须当急采定浮沉。金鼎炼。玉炉烹。温温文火暖烘烘。真经一射玄关透。恰似准箭中红心。遍体热。似笼蒸。回光返照入中宫。一得真经如酒醉。呼吸百脉尽归根。精入气。气忽神。混沌七日又返魂。这般造化真消息。料得世上少人论。活中死。死复生。自古仙佛赖真经。此个造化能收得。度尽閻浮世上人。大道端居太极先。本于父母未生前。度人须要真经度。若问真经癸是铅。

仙游歌

君不见。蓬莱缥缈三山幽。天风万里神仙游。光分日月五城界。春满烟霞十二楼。洞门桃花岁复岁。岩前桂树秋复秋。羣仙游兮上玉京。翩翩自适春风情。鞭龙或耕瑶草去。骑鹿爱遶青松行。感藻日之遡征。叹浮生之易迈。信人问之可哀。留幔亭而高会。有时采药来天台。迷花宿雾临瑶台。五三六点灵雨滴。百千万树梨花开。主人置酒初发醅。我今畅饮休相催。风光如此不尽醉。虚负清华赤玉杯。

第三至第五卷《文集》吕祖文集《中》

五言律十六首

悟了长生理。秋莲处处开。金童登锦帐。玉女下香阶。
虎啸神魂住。龙吟地魄来。有人明此道。立便返婴孩。
又
姹女住南方。身边产太阳。蟾宫烹玉液。坎户炼琼浆。

过去神仙饵。今来到我尝。一杯延万纪。物外任翱翔。
又
顿悟黄芽理。阴阳禀自然。乾坤炉里炼。日月鼎中煎。
木产长生汞。金烹续命铅。世人明此道。立便返童颜。
又
宇宙产黄芽。经炉煅作砂。阴阳烹五彩。水火炼三花。
鼎内龙降虎。壺中龟遣蛇。功成归物外。自在乐烟霞。
又
要觅长生路。除非认本元。都来一味药。刚到数千般。
丹鼎烹成汞。炉中炼就铅。依时服一粒。白日上冲天。
又
姹女住瑶台。仙花满地开。金苗从此出。玉蕊自天来。
凤舞长生曲。鸾歌续命杯。有人明此道。海变已千回。
又
古往诸仙子。根元占甲庚。水中闻虎啸。火里见龙行。
进退穷三候。相吞用八弦。冲天功行满。寒暑不能争。
又
我悟长生理。太阳伏太阴。离宫生白玉。坎户产黄金。
要主君臣义。须存子母心。九重神室内。虎啸与龙吟。
又
灵丹产太虚。九转入重炉。浴就红莲颗。烧成白玉珠。
水中铅一两。火内汞三铢。吃了瑶台宝。升天任海枯。
又
姹女住离宫。身边产雌雄。炉中七返毕。鼎内九还终。
悟了鱼投水。迷因鸟在笼。老年服一粒。立地变冲童。
又
盗得乾坤祖。阴阳是本宗。天魂生白虎。地魄产青龙。
运宝泥丸住。搬精入上宫。有人明此法。万载貌如童。
又
要觅金丹理。根元不易逢。三才七返足。四象九还终。
浴就微微白。烧成渐渐红。一丸延万纪。物外去冲冲。
又

个个觅长生。根元不易寻。要贪天上宝。须弃世间珍。
 炼就水中火。烧成阳内阴。祖师亲有语。一味水中金。
 又
 万物皆生土。如人得本元。青龙精是汞。白虎水为铅。
 悟者子投母。迷应地是天。将来物外客。个个补丹田。
 又
 二十四神清。三千功行成。寒云连地转。圣日满天明。
 玉子偏宜种。金田岂在耕。此中真妙理。谁道不长生。
 又
 妙妙妙中妙。依依依更依。动言俱演道。语默尽神仙。
 在掌如珠异。当空似月圆。他时功满后。直入大罗天。

明胎息

密室静存神。阴阳重一筋。炼成离女液。咽尽坎男津。
 渐变逍遥体。超然自在身。更修功业满。旌鹤引朝真。

通道

通道复通玄。名畱四海传。交亲一拄杖。和气两空拳。
 要果逡巡种。思茶逐旋煎。岂知来混世。不久却回天。

赠薛道士

落魄薛高士。年高无白髭。云中闲卧石。山里冷寻碑。
 夸我饮大酒。嫌人说小诗。不知甚么汉。一任辈流嗤。

长沙示僧

非神亦非仙。非术亦非幻。天地有无穷。桑田几迁变。
 身固非我有。财亦何足恋。曷不从吾游。骑鲸腾汗漫。

赠在园刘廷玕

弱水三千里。凭虚一问君。开樽休说剑。剪烛好论文。
 春意含梅萼。风威销冻云。从今与子约。慎莫暂相分。

送鍾离云房赴天池会

道德崇高相见难。又闻东去幸仙坛。杖头春色一壶酒。顶上云攒五色冠。
 饮海龟儿人不识。烧山符子鬼难看。先生去后身须老。乞与贫儒换骨丹。

献郑思远施真人二仙

万劫千生到此生。此生身始觉非轻。抛家别国云山外。炼魄全魂日月精。
 比见至人论九鼎。欲穷大药访三清。如今会遇真仙面。紫府仙扉得姓名。

得火龙真人剑法

昔年曾遇火龙君。一剑相传伴此身。天地山河从结沫。星辰日月任停轮。
 须知本性绵多劫。空向人间历万春。昨夜钟离传一语。六天宫殿欲成尘。

磨剑赠侯道士

欲整锋铓敢惮劳。凌晨开匣玉龙嗥。手中气槩冰三尺。石上精神蛇一条。
奸血默随流水尽。凶顽今逐渍痕消。削平浮世不平事。与尔相将上九霄。

仙乐侑席

曾经天上三千劫。又在人间五百年。腰下剑锋横紫电。炉中丹焰起苍烟。
才骑白鹿过沧海。复跨青牛入洞天。小技等闲聊戏尔。无人知我是真仙。

巴陵遗诗

暂别蓬莱海上游。偶逢太守问根由。身居北斗星杓下。剑挂南宫月角头。
道我醉来真个醉。不知愁是怎生愁。相逢何事不相认。却驾白云归去休。

大云寺咏茶

玉蕊一枪称绝品。僧家造法极工夫。兔毛瓯浅香云白。鰕眼汤翻细浪俱。
断送睡魔离几席。增添清气入肌肤。幽丛自落溪岩外。不肯移根入上都。

赠剑客二首

发头滴血眼如顰。吐气云生怒世间。争奈不平千万事。须明一诀荡凶顽。
蛟龙斩处翻沧海。暴虎除时拔远山。为灭世情兼负义。剑光腥染点痕斑。
又

雨雪霏霏天已暮。金钟满劝抚焦桐。诗吟席上未移刻。剑舞筵前疾似风。
何事行杯当午夜。忽然怒目便腾空。不知谁是亏忠孝。携个人头入坐中。

七言律诗一百七首

周行独力出羣伦。默默昏昏亘古存。无象无形潜造化。有门有户在乾坤。
色非色际谁穷处。空不空中自得根。此道非从它外得。千言万语谩评论。
又

通灵一颗正金丹。不在天涯地角安。讨论穷经深莫究。登山临水杳无看。
光明暗寄希夷顶。赫赤高居混沌端。举世若能知所寓。超凡入圣弗为难。
又

落魄红尘四十春。无为无事信天真。生涯只在乾坤鼎。活计惟凭日月轮。
八卦气中潜至宝。五行光里隐元神。桑田改变依然在。永作人间出世人。
又

独处乾坤万象中。从头历历运元功。纵横北斗心机大。颠倒南辰胆气雄。
鬼哭神号金鼎结。鸡飞犬化玉炉空。如何俗士寻常觅。不达希夷不可穷。
又

谁信华池路最深。非遐非迩奥难寻。九年采炼如红玉。一日圆成似紫金。
得了永祛寒暑逼。服之应免死生侵。劝君门外修身者。端念思惟此道心。
又

水府寻铅合火铅。黑红红黑又恁恁。气中生气肌肤换。精里含精性命专。
药返便为真道士。丹还本是圣胎仙。出神入定虚华语。徒费工夫万万年。
又

九鼎烹煎九转砂。区分时节更无差。精神气血归三要。南北东西共一家。
天地变通飞白雪。阴阳和合产金华。终期凤诏空中降。跨虎骑龙谒紫霞。
又

凭君子后午前看。一脉天津在脊端。金阙内藏依谷子。玉池中坐太和官。
只将至妙三周火。炼出通灵九转丹。直指几多求道者。行藏莫离虎龙滩。
又

返本还元道气平。虚非形质转分明。水中白雪微微结。火里金莲渐渐生。
圣承论时非有礼。真铅穷看亦无名。吾今为报修行者。莫问烧金问至精。
又

安排鼎竈炼依根。进退须明卯西门。绕电奔云飞日月。驱龙走虎出乾坤。
一丸因与红颜主。九转能烧白发痕。此道幽微知者少。茫茫尘世与谁论。
又

醍醐一盏诗一篇。暮醉朝吟不记年。干马屡来游九地。坤牛时驾出三天。
白龟窟里夫妻会。青凤巢中子母圆。捉挈灵童山上望。重重迭迭是金钱。
又
认得东西木与金。自然炉鼎虎龙吟。但随天地明消息。方识阴阳有信音。
左掌南辰攀鹤羽。右擎北极剖龟心。神仙亲口留斯旨。何用区区向外寻。
又
一本天机深更深。徒言万劫与千金。三冬大热炷中火。六月房寒表外阴。
金为浮来方见性。木因沉后始知心。五行颠倒堪消息。返本还元在己寻。
又
虎将龙军气宇雄。佩符持甲去忽忽。铺排剑戟奔如电。罗列旌旗疾似风。
活捉三尸焚鬼窟。生擒六贼破魔宫。河清海晏乾坤净。世世安居道德中。
又
我家勤种我家田。内有灵苗活万年。花似黄金苞不大。子如白玉颗皆圆。
栽培全赖中宫土。灌溉须凭上谷泉。只候九年功满日。和根拔入大罗天。
又
寻常学道说黄芽。万水千山觅转差。有畛有园难下种。无根无脚自开花。
九三鼎内烹如酪。六一炉中结似霞。不日丹成应换骨。飞升遥指玉皇家。
又
四六关头路坦平。行人到此不须惊。从教犊驾轰轰转。尽使羊车轧轧鸣。
渡海经河稀阻滞。上天入地绝欹倾。功成直入长生殿。袖出神珠彻夜明。
又
九六相交道气和。河车昼夜迸金波。呼时一一关头转。吸处重重脉上摩。
电激离门光海岳。雷轰震户动婆娑。思量此道真长远。学者多迷溺爱河。
又
金丹不是小金丹。阴鼎阳炉里面安。尽道东山寻汞易。岂知西海觅铅难。
依稀窟里行非远。赤水滩头去便端。认得灵竿真的路。何劳礼月步星坛。
又
古今机要甚分明。自是众生力量轻。尽向有中生有质。谁能无里见无形。
真铅圣汞徒虚费。玉室金关不解扃。本色丹瓢推倒后。却吞丸药待延龄。
又
浮名浮利两何堪。回首归山味转甘。举世算无心可契。谁人更与道相参。
寸犹未到甘谈尺。一尚难明强说三。经卷葫芦并拄杖。依前担入旧江南。

又
本来无作亦无行。行着之时是妄情。老氏语中犹未决。瞿昙言下更难明。
灵竿有节通天去。玉药无根得地生。今日与君无惜。功成只此是蓬瀛。
又
解将火种种刀圭。火种刀圭世岂知。山上长男骑白马。水边少女牧乌龟。
无中出有还丹象。阴里生阳大道基。颠倒五行凭匠手。不逢匠手莫施为。
又
三千余法论修行。第一烧丹路最亲。须是坎男端的物。取他离女自然珍。
烹成不死砂中汞。结出长生水里银。九转九还功若就。定将衰老返长春。
又
欲种长生不死根。再营阴魄及阳魂。先教佐母归离户。后遗空王镇坎门。
虎到甲边风浩浩。龙居庚内水温温。迷徒争与轻轻泄。此理须凭达者论。
又
闭户存神玉户观。时来火候递相传。云飞海面龙吞汞。风击岩颠虎伏铅。
一旦炼成身内宝。等闲探得道中玄。刀圭餌了丹书降。跳出尘笼上九天。
又
千日功夫不暂闲。河车搬载上昆山。虎抽白汞安炉里。龙发红铅向鼎间。
仙府记名丹已熟。阴司除籍命应还。彩云捧足归何处。直入三清谢圣颜。
又
解匹真阴与正阳。三年功满结成霜。神龟出入庚辛位。丹凤翱翔甲乙方。
九鼎先辉双瑞气。三元中换五毫光。尘中若有同机者。共住烟霄不死乡。
又
修生一路就中难。迷者徒将万卷看。水火均平方是药。阴阳差互不成丹。
守雌勿失雄方住。抱黑无亏白自干。认得此般真妙诀。何忧风雨妒衰残。
又
才吞一粒便安然。十二重楼九曲连。庚虎循环餐绛雪。甲龙天矫迸灵泉。
三三上应三千日。九九中延九万年。须得有缘方可授。未曾轻泄与人传。
又
谁知神水玉华池。中有长生性命基。运用须凭龙与虎。抽添全借坎兼离。
晨昏点尽黄金粉。顷刻修成玉石脂。斋戒餌之千日后。等闲轻举上云梯。
又
九天云净鹤飞轻。衔简翩翩别太清。身外红尘随意换。炉中白石立时成。

九苞凤向空中舞。五色云从足下生。回首便归天上去。愿将甘雨济焦氓。
又
婴儿迤迤降瑶阶。手握玄珠直下来。半夜紫云披素质。几回赤气掩桃腮。
微微笑处机关转。拂拂行时户牖开。此是吾家真一子。庸愚谁敢等闲猜。
又
才得天符下玉都。三千日里积功夫。祷祈天地开金鼎。收拾阴阳锁玉壶。
便觉凡躯能变化。深知妙道不虚图。时来试问尘中叟。这个玄机世有无。
又
谁识寰中达者人。生平解法水中银。一条拄杖撑天地。三尺昆吾斩鬼神。
大醉醉来眠月洞。高吟吟处傲红尘。自从悟里终身后。赢得蓬壶永劫春。
又
红炉迸溅炼金英。一点灵珠透室明。摆动乾坤知道力。逃移生死见功程。
逍遥四海留踪迹。归去三清立姓名。直上五云云路稳。紫鸾朱凤自来迎。
又
时人若要学长生。先是枢机昼夜行。恍惚中间专志气。虚无里面固元精。
龙交虎战三周毕。兔走乌飞九转成。炼出一炉神圣药。五云归去路分明。
又
亦无得失亦无言。动即施功静即眠。驱遣赤牛耕宇宙。分张玉粒种山川。
栽培不惮劳千日。服食须知活万年。今日示君君好信。教君见世作神仙。
又
不须两两与三三。只在昆仑第一岩。逢润自然情易伏。遇炎常恐性难降。
有时直入三元户。无事还归九曲江。世上有人烧得住。寿齐天地更无双。
又
本末无非在玉都。亦曾陆地作凡夫。吞精食气先从有。悟理归真便入无。
水火自然成既济。阴阳和合自相符。炉中炼出延年药。溟渤从教变复枯。
又
无名无利任优游。遇酒逢歌且唱酬。数载未曾经圣阙。千年惟只在仙洲。
寻常水火三回进。真个夫妻一处收。药就功成身羽化。更抛尘岔出凡流。
又
杳杳冥冥莫问涯。雕虫篆刻道之华。守中绝学方知奥。抱一无言始见佳。
自有物如黄菊蕊。更无色似碧桃花。休将心地虚劳用。煮铁烧金转转差。
又

还丹功满未朝天。且向人间度有缘。拄杖两头担日月。葫芦一个隐山川。
诗吟自得闲中句。酒饮多遗醉后钱。若问我修何妙法。不离身内汞和铅。
又
半红半黑道中玄。水养真金火养铅。解接往来三寸气。还将运动一周天。
烹煎尽在阴阳力。进退须凭日月权。只此功成三岛外。稳乘鸾凤谒诸仙。
又
飞龙九五已升天。次第还当赤帝权。喜遇汞珠凝正午。幸逢铅母结重玄。
狂猿自伏何须炼。野马亲调不着鞭。炼就一丸天上药。顿然心地永刚坚。
又
举世何人悟我家。我家别是一荣华。盈箱贮积登仙籙。满室收藏伏火砂。
顿饮长生天上酒。常栽不死洞中花。凡流若问吾生计。遍地纷纷五彩霞。
又
津能充渴气充粮。家住三清玉帝乡。金鼎炼来多外白。玉炉烹处彻中黄。
始知青帝离宫住。方信金精水府藏。流俗要求玄妙理。同契有两三行。
又
紫诏随鸾下玉京。元君相命会三清。便将金鼎丹砂饵。时拂霞衣驾鹤行。
天上双童持佩引。月中娇女执旛迎。此时功满参真后。始信仙都有姓名。
又
修修修得到干干。方号人间一醉仙。世上光阴催短景。洞中花木任长年。
形飞峭壁非凡骨。神在玄关别有天。惟愿先生频一顾。更依依外问依依。
又
金丹一粒定长生。须得真铅炼甲庚。火取南方赤凤髓。水求北海黑龟精。
鼎追四季中央合。药遣三元八卦行。斋戒成功成九转。定应入口鬼神惊。
又
碧潭深处一真人。貌似桃花体似银。鬓发未斑缘有术。红颜不老为通神。
蓬莱要去如今去。架上黄衣化作云。任彼桑田变沧海。一丸丹药定千春。
又
谁解长生似我哉。炼成真气在三台。尽知白日升天去。刚逐红尘下世来。
黑虎行时倾雨露。赤龙耕处产琼瑰。只吞一粒金丹药。飞入青霄更不回。
又
乱云堆里表星都。认得深藏大丈夫。绿酒醉眠闲日月。白苹风定钓江湖。
长将气度随天道。不把言词问世徒。山水路遥人不识。茅君消息近知无。

又
 鹤为车驾酒为粮。为恋长生不死乡。地脉尚能缩得短。人年岂不展教长。
 星辰往往壶中见。日月时时袖里藏。若欲时流亲得见。朝朝不离水银行。
 又
 灵芝无种亦无根。解饮能餐自返魂。但得烟霞供岁月。任他乌兔走干坤。
 婴儿只恋阳中母。姹女须朝顶上尊。一得不回千古内。更无冢墓示儿孙。
 又
 世上何人会此言。休将名利挂心田。等闲倒尽十分酒。遇兴高吟一百篇。
 物外烟霞为伴侣。壶中日月任婵娟。他时功满归何处。直驾云车入洞天。
 又
 佺门帝子坐中央。得算明长感玉皇。枕下山河和雨露。笛中日月混潇湘。
 坎男会遇逢金女。离女交腾嫁木郎。真个夫妻齐守志。立教牵惹在阴阳。
 又
 遥指高峰笑一声。红霞紫雾面前生。每于廛市无人识。长到山中鹤迎。
 时弄玉蟾驱鬼魅。夜煎金鼎煮琼英。他时若赴蓬莱洞。知我仙家有姓名。
 又
 堪笑时人问我家。杖担云物惹烟霞。眉藏火电非他护。手种金莲不自夸。
 三尺焦桐为活计。一壶美酒是生涯。骑龙远出游三岛。夜久无人翫月华。
 又
 九曲江边坐卧看。一条长路入天端。庆云捧拥朝天阙。瑞气徘徊起白烟。
 铅汞此时为至药。坎离今日结神丹。功能济命长无老。只在人心不是难。
 又
 佺门佺理又佺佺。不死根元在汞铅。知是一般真个术。调和六一也同天。
 玉京山上羊儿闹。金水河中石虎眠。妙要能生觉本体。勤心到处自如然。
 又
 公卿虽贵不曾酬。说着仙乡便去游。为讨石肝逢蜃海。因寻甜雪过瀛洲。
 山川醉后壶中放。神鬼闲来匣里收。据见目前无个识。不如杯酒混凡流。
 又
 曾邀相访到仙家。忽上昆仑宴月华。玉女控拢苍獬豸。山童提挈白虾蟇。
 时斟海内千年酒。惯摘壶中四序花。今在人寰人不识。看看挥袖入烟霞。
 又
 火种丹田金自生。重重楼阁自分明。三千功行百旬见。万里蓬莱一日程。

羽化自应无鬼籙。玉都长是有仙名。今朝得赴瑶池会。九节幢旛洞里迎。
 又
 因看崔公入药境。令人心地转分明。阳龙言向离宫出。阴虎还于坎位生。
 二物会时为道本。五方行尽得丹名。修真道士如知此。定跨赤龙归玉清。
 又
 浮生不实为轻忽。衲服身藏奇异骨。非是尘中不染尘。焉得物外通无物。
 共语难兮情兀兀。独自行兮轻拂拂。一点刀圭五彩生。飞丹走入神仙窟。
 又
 莫怪爱吟天上诗。盖缘吟得世间稀。惯餐玉帝宫中饭。曾着蓬莱洞里衣。
 马踏日轮红露卷。凤衔月角擘云飞。何时再控青丝辔。又掉金鞭入紫微。
 又
 黄芽白雪两飞金。行即高歌醉即吟。日月暗扶君甲子。乾坤自与我知音。
 精灵灭迹三清剑。风雨腾空一弄琴。的当南游归甚处。莫教鹤去上天寻。
 又
 云鬓双明骨更轻。自言寻鹤到蓬瀛。日论药草皆知味。问着神仙自得名。
 簪冷夜龙穿碧洞。枕寒晨虎卧银城。来春又拟携筇去。为忆轩辕海上行。
 又
 龙精龟眼两相和。丈六男儿不奈何。九盏水中煎赤子。一轮火内养黄婆。
 月圆自觉离天网。功满方知出地罗。半醉好吞龙凤髓。劝君休更认弥陀。
 又
 强居此境绝知音。野景虽多不合吟。诗句若喧卿相口。姓名还动帝王心。
 道袍薜带应慵挂。隐帽皮冠尚懒簪。除此更无余个事。一壶村酒一张琴。
 又
 华阳山里多芝田。华阳山叟复延年。青松岩畔攀高干。白云堆里饮飞泉。
 不寒不热神荡荡。东来西去气绵绵。三千功满好归去。休与时人说洞天。
 又
 天生不散自然心。成败从来古与今。得路应知能出世。迷途终是任埋沉。
 身边至药堪攻炼。物外丹砂且细寻。咫尺洞房仙景在。莫随波浪没光阴。
 又
 自隐佺都都不记春。几回沧海变成尘。玉京殿里朝元始。金阙宫中拜老君。
 闷即驾乘千岁鹤。闲来高卧九重云。我今学得长生法。未肯轻传与世人。
 又

北帝南辰掌内观。潜通造化暗相传。金槌袖里居元宅。玉户星宫降上佐。
举世尽皆寻此道。谁人空里得攸关。明明道在堪消息。日月滩头去又还。

又

日影元中合自然。奔雷走电入中原。长驱赤马居东殿。大启朱门泛碧泉。
怒拔昆吾歌圣化。喜陪孤月贺新年。方知此是生生物。得在仁人始受传。

又

六龙齐驾得升干。须觉潜通造化权。真道每吟秋月淡。至言长运碧波寒。
昼乘白鹤游三岛。夜顶金冠立古坛。一载已成千岁药。谁人将袖染尘寰。

又

五岳滩头景象新。仁人方达杳冥身。天纲运转三元净。地脉通时万物生。
自晓谷神通此道。谁能理性欲修真。明明说向中黄路。霹雳声中自得神。

又

欲陪仙侣得身轻。飞过蓬莱彻上清。朱顶鹤来云外接。紫鳞鱼向海中迎。
姮娥月桂花先吐。王母仙桃子渐成。下瞰日轮天欲晓。定知人世久长生。

又

四海皆忙几个闲。时人口内说尘缘。知君有道来山上。何似无名住世间。
十二楼台藏秘诀。五千言内隐攸关。方知鼎贮神仙药。乞取刀圭一粒看。

又

割断繁华掉却荣。便从初得是长生。曾于锦水为蝉蜕。又向蓬莱别姓名。
三住往来无否泰。一尘尘在世人情。不知功满归何处。直跨虬龙上玉京。

又

当年诗价满皇都。掉臂西归是丈夫。万顷白云独自。一枝丹桂阿谁无。
闲寻渭曲渔翁引。醉上莲峰道士扶。他日与君同际会。竹溪茅舍夜相呼。

又

金槌灼灼舞天阶。独自骑龙去又来。高卧白云观日窟。闲眠秋月擘天开。
离花片片干坤产。坎药翻翻造化栽。晚醉九岩回首望。北邙山下骨皤皤。

又

结交常与道情深。日日随他出又沉。若要自通云外鹤。直须勤炼水中金。
丹成只恐干坤窄。饵了宁忧疾患侵。未去瑶台犹混世。不妨杯酒喜闲吟。

又

因携琴剑下烟萝。何幸今朝喜暂过。貌相本来犹自可。针医偏更効无多。
仙经已读三千卷。古法曾持十二科。些小道功如不信。金阶舍手试看么。

又

倾倒华阳醉再三。骑龙遇晚下南岩。眉因拍剑留星电。衣为眠云惹碧岚。
金液变来成雨露。玉都归去老松杉。曾将铁镜照神鬼。霹雳搜寻火满潭。

又

铁镜烹金火满空。碧潭龙卧夕阳中。麒麟意合乾坤地。獬豸机关日月东。
三尺剑横双水岸。五丁冠顶百神宫。闲铺羽服居仙窟。自着金莲造化功。

又

随缘信业任浮沉。似水如云一片心。两卷道经三尺剑。一条藜杖七弦琴。
壺中有药逢人施。腹内新诗遇客吟。一爵永添千载寿。一丸丹点一斤金。

又

琴剑酒基龙鹤虎。逍遥落托永无忧。闲骑白鹿游三岛。闷驾青牛看十洲。
碧洞达观明月上。青山高隐彩云流。时人若要还如此。名利浮华即便休。

又

紫极宫中我自知。亲磨神剑剑还飞。先差玉子开南殿。后遣青娥入紫微。
九鼎黄芽栖瑞凤。一躯仙骨养灵芝。蓬莱不是凡人处。只怕愚人泄世机。

又

回身方始出埃尘。造化工夫只在人。早使亢龙抛地网。岂知白虎出天真。
绵绵有路谁留我。默默忘言自合神。击剑夜深归甚处。披星带月折麒麟。

又

春尽闲闲过落花。一回舞剑一吁嗟。常忧白日光阴促。每恨青天道路赊。
本志不求名与利。元心只慕水兼霞。世间万种浮沉事。达理谁能似我家。

又

日为和解月呼丹。华夏诸侯肉眼看。仁义异如吴越异。世情难以泰衡难。
八仙炼后钟神异。四海磨成照胆寒。笑指不平千万万。骑龙抚剑九重关。

又

别来洛汭六东风。醉眼吟情慵不慵。摆撼乾坤金剑吼。烹煎日月玉炉红。
杖摇楚甸三千里。鹤翥秦烟几万重。为报晋城仙子道。再期春色会稽峰。

又

未炼还丹且炼心。丹成方觉道元深。每留客有钱酤酒。谁信君无药点金。
洞里风云归掌握。壺中日月在胸襟。神仙事业人难会。养性长生自意吟。

又

铁牛耕地种金钱。刻石时童把贯穿。一粒粟中藏世界。二升铛内煮山川。

白头老子眉垂地。碧眼胡儿手指天。若向此中会得。此位外更无位。
又
箕星昴宿下长天。凡景宁教不愕然。龙出水来鳞甲就。鹤冲天去羽毛全。
尘中教化千人眼。世上难知尔雅篇。自是凡流福命薄。忍教微妙略轻传。
又
闲来掉臂入天门。拂袂徐徐撮彩云。无语下窥黄谷子。破颜平揖紫霞君。
拟登瑶殿祭金母。回访瀛洲看日轮。恰直嫦娥排宴会。瑶浆新熟味氤氲。
又
曾随刘阮醉桃源。未省人间欠酒钱。一领布裘权且当。九天回日却归还。
凤茸袄子非为贵。狐白裘裳欲比难。只此世间无价宝。不凭火里试烧看。
又
因思往事却成愁。曾读仙经第十三。武氏死时应室女。陈王没后是童男。
两轮日月从他载。九个山河一担担。尽日无人话消息。一壶春酒且醺酣。
又
垂袖腾腾傲世尘。葫芦携却数游巡。利名身外终非道。龙虎门前辨取真。
一觉梦魂朝紫府。数年踪迹隐埃尘。华阴市内才相见。不是寻常卖药人。
又
万卷仙经三尺琴。刘安闻说是知音。杖头春色一壶酒。炉内丹砂万点金。
闷里醉眠三路口。闲来游钓洞庭心。相逢相遇人谁识。只恐冲天没处寻。
又
曾战蚩尤玉座前。六龙高驾振鸣銮。如来车后随金鼓。黄帝旗旁戴铁冠。
醉捋黑须三岛黯。怒抽霜剑十洲寒。轩辕世代横行后。直隐深岩久觅难。
又
头角沧浪声似钟。貌如冰雪骨如松。匣中宝剑时频吼。袖里金锤逞露风。
会饮酒时为伴侣。能吟诗句便参同。来朝定赴蓬莱会。骑个狰狞九色龙。
又
神仙暮入黄金阙。将相门关白玉京。可是洞中无好景。为怜天下有众生。
心琴际会闲随鹤。匣剑时磨待斩鲸。进退两难俱未应。凭君与我指前程。
又
九鼎烹煎一味砂。自然火候放童花。星辰照出青莲颗。日月能藏白马牙。
七返返成生碧雾。九还还就吐红霞。有人夺得位珠饵。三岛途中路不赊。
又

星辰聚会入离乡。日月盈亏助药王。三候火烧金鼎宝。五符水炼玉壶浆。
乾坤反复龙收雾。卯酉相吞虎放光。入室用机擒捉取。一丸丹点体纯阳。

赠人

炉养丹砂鬓不斑。假将名姓住人间。已逢志士传神药。又喜同流动笑颜。
老子道经分付得。少微星许共相攀。幸蒙上士甘捞摭。处世输君一个闲。

赠陈处士

青霄一路少人行。休话兴亡事不成。金榜因何无姓字。玉都必定有仙名。
云归大海龙千尺。雪满长空鹤一声。深谢宋朝明圣主。解书丹诏召先生。

哭陈先生

天网恢恢万象疏。一身亲到华山区。寒云去后留残月。春雪来时问太虚。
六洞真人归紫府。千年鸾鹤老苍梧。自从遗却先生后。南北东西少丈夫。

别诗二首

无心独坐转黄庭。不逐时流入利名。救老只存真一气。修生长遣百神灵。
朝朝炼液归琼壑。夜夜朝元养玉英。莫笑老人贫里乐。十年功满上三清。
又
时人受气禀阴阳。均体乾坤寿命长。为重本宗能寿永。因轻元祖遂灭亡。
三宫自有回流法。万物那无运用方。咫尺昆仑山上玉。几人知是药中王。

赠罗浮道士

罗浮道士谁同流。草衣木食轻王侯。世间甲子管不得。壶里乾坤得自由。
数着残棋江月晓。一声长啸海山秋。饮余回首话归路。遥指白云天际头。

答僧见

三千里外无家客。七百年来云水身。行满蓬莱为别馆。道成瓦砾尽黄金。
待宾榼里常有酒。化药炉中别有春。积德求师何患少。由来天地不私亲。

七律二首

从容跨鹤出昆仑。拂尽河山处处尘。明月当天谁是道。梅花满眼未知春。
丹成白雪千壶酒。梦破黄粱万劫身。收拾乾坤归袖里。休劳渔父指迷津。
又
香风缥缈驾仙鸾。手执桃花仔细看。七泽涛声惊夜梦。三湘烟树带云寒。
岳阳曾醉何关酒。员峤称仙岂是丹。回首唐虞成往事。沧桑更变话无端。

诗示天基

念佛虔诚即是丹。念珠八百转循环。念成舍利超生死。念结菩提了圣凡。
念意不随流水去。念心常伴白云闲。念开妙窍通灵慧。念偈今畱与汝参。

雪厓洞和韵四首

清虚古洞傍汀洲。忆昔曾经此地游。观外翠屏千嶂拥。门前玉带一溪流。
呢梁犹见当年燕。戏浦还浮旧日鸥。惆怅不堪人事变。独畱野鹤在江头。
又

城南市口两江边。梵阁嵒巍别有天。山静不闻僧磬响。亭荒几见佛灯然。
人过柳岸徒怀古。鴈度云关欲叩禅。寂寞尘寰谁入梦。殷懃注问鹤来年。
又
藁宫金阙碧云隈。壶里乾坤妙手开。翠阁疑从青汉立。朱棂遥浸晓霞来。
生成海上清虚景。消尽楼中玉笛哀。莫道红尘无乐地。此间便是小蓬莱。
又
闲临流水问仙因。指点群迷字字真。道向中和分位育。心从义利辨天人。
云开圣域依星斗。日近岩扉绝市尘。识得灵源何处是。茫茫彼岸有通津。

赐齐州李希遇诗

少饮欺心酒。休贪不义财。福因慈善得。祸向巧奸来。

题诗紫极宫

宫门一闲入。临水凭栏立。无人知我来。朱顶鹤声急。

示僧

寻真要识真。见真浑未悟。一笑再相逢。驱车东平路。

题青城人家门

但患去针心。真铜水换金。须边无白发。驂马去难寻。

呈鍾离云房

生日儒家遇太平。悬纓重滯布衣轻。谁能世上争名利。臣事玉皇归上清。

謁石守道

高心休拟凤池游。朱绂银章宠已优。莫待祸来名欲灭。林泉养浩预为谋。

为贾师雄发明古铁镜

手内青蛇淩白日。洞中仙果艳长春。须知物外烟霞客。不是街头磨镜人。

题全州道士蒋晖壁

醉舞高歌海上山。天瓢承露结金丹。夜深鹤透秋光碧。万里西风一剑寒。

謁王岳州

仙籍班班有姓名。蓬萊倦客吕先生。凡人肉眼知多少。不及城南老树精。

宿州天庆观殿门留赠符离道士二首

秋景萧条叶乱飞。庭松影里坐移时。云游鹤驾何方去。仙洞朝元失我期。
又
肘传丹篆千年术。口诵黄庭两卷经。鹤观古坛松影里。悄无人迹户长扃。

秦州北山观留诗

石池清水是吾心。刚被桃花影倒沉。一到封山宫阙内。销闲澄虑七弦琴。

题永康酒楼

鲸吸鳌吞数百杯。玉山谁起复谁颓。醒时两袖天风冷。一朵红云海上来。

题廣陵妓屏二首

嫫母西施共此身。可怜老少隔千春。他年鹤发鸡皮媼。今日玉颜花貌人。
又
花开花落两悲欢。花与人还事一般。开在枝头妨客折。落来地上倩谁看。

书栖云庵壁

一吸鸾笙裂太清。绿衣童子步虚声。玉楼唤醒千年梦。碧桃枝上金鸡鸣。

徽宗斋会

高谈阔论若无人。可惜明君不遇真。陛下问臣来日事。请看午未丙丁春。

潭州鹤会

这回相见不无缘。满院风光小洞天。一剑当空又飞去。洞庭惊起老龙眠。

绍兴道会

偶乘青帝出蓬莱。剑戟峥嵘遍九垓。我在目前人不识。为酹一笠莫沉埋。

赠李德成

九重天子寰中贵。五等诸侯门外尊。争似布衣狂醉客。不教性命属乾坤。

七夕题诗二首

四海孤游一野人。两壶霜雪足精神。坎离二物君收得。龙虎丹行运水银。

又

野人本是天台客。石桥南岸有旧宅。父子生来有两口。多好笙歌不好拍。

令牧童答鍾弱翁

草铺横野六七里。笛弄晚风三四声。归来饱饭黄昏后。不脱蓑衣卧月明。

巴陵题壁

腹内婴儿养已成。且居麋市暂娱情。无端措大刚饶舌。却入白云深处行。

赠剑客五首

先生先生貌狞恶。拔剑当空气云错。连喝三回急急去。欻然空里人头落。

又

剑起星奔万里诛。风雷时逐雨声粗。人头携处非人在。何事高吟过五湖。

又

粗眉卓竖语如雷。闻说不平便放杯。仗剑当空千里去。一更别我二更回。

又

先生先生莫外求。道要人传剑要收。今日相逢江海畔。一杯村酒劝君休。

又

庞眉鬪竖恶精神。万里腾空一踊身。背上匣中三尺剑。为天且示不平人。

七言绝句二十五首

捉得金精固命基。日魂东畔月华西。于今炼就长生药。服了还同天地齐。

又

莫怪瑶池消息稀。只缘人事隔天机。若人寻得水中火。有一黄童上太微。

又

混元海底隐生伦。内有黄童玉帝名。白虎神符潜姹女。灵元镇在七元君。

又

三亩丹田无种种。种时须借赤龙耕。曾将此种教人种。不解铅池道不生。

又

闪烁虎龙神剑飞。好凭身事莫相违。传时须在乾坤力。便透三清入紫微。

又

不用梯媒向外求。还丹只在体中收。莫言大道人难得。自是功夫不到头。

又

饮酒须教一百杯。东浮西泛自梯媒。日精自与月华合。有个明珠走上来。

又

不负三光不负人。不欺神道不欺贫。我人问我修行法。只种心田养自身。

又

时人若拟去瀛洲。先过巍巍十八楼。自有电雷声震动。一池金水向东流。

又

瓶子如今玉子黄。上升下降续神光。三元一会经年净。这个天中日月长。

又

学道须教彻骨贫。囊中只有五三文。有人问我修行法。遥指天边日月轮。

又

我自忘心神自悦。跨水穿云来相谒。不问黄芽肘后方。妙道通微怎生说。
 又
 独上高峰望八都。黑云散后月还孤。茫茫宇宙人无数。几个男儿是丈夫。
 又
 天下都游半日功。不须跨凤与乘龙。偶因博戏飞神剑。摧却终南第一峰。
 又
 趯倒葫芦掉却琴。倒行直上卧牛岑。本飞石上迸如雪。立地看天坐地吟。
 又
 吾今本住在天齐。零落白云鑱石梯。来往八千消半日。依前归路不曾迷。
 又
 莲峰道士高且洁。不下莲宫经岁月。星辰夜礼玉簪寒。龙虎晓开金鼎热。
 又
 东山东畔忽相逢。握手丁宁语似钟。剑术已成君把去。有蛟龙处斩蛟龙。
 又
 朝泛苍梧暮却还。洞中日月我为天。匣中宝剑时时吼。不遇同人誓不传。
 又
 偃岩拍手葫芦舞。过岭穿云拄杖飞。来往八千须半日。金州南岸有松扉。
 又
 养得儿形似我形。我身枯悴子光精。生生世世常如此。争似 神养自身。
 又
 精养灵根气养神。此真之外更无真。神仙不肯分明说。迷了千千万万人。
 又
 不事王侯不种田。日高犹自抱琴眠。起来旋点黄金买。不使人间作业钱。
 又
 天涯海角人求我。行到天涯不见人。忠孝义慈行方便。不须求我自然真。
 又
 莫道幽人一事无。闲中尽有静工夫。闭门清昼读书罢。扫地焚香到日晡。

赠曹先生

鹤不西飞龙不行。露干云破洞箫清。少年仙子说闲事。遥隔彩云闻笑声。

海上相逢赵同

南宫水火吾须济。北阙夫妻我自媒。洞里龙儿娇郁律。山前童子喜徘徊。

题凤翔府天庆观

得道年来八百秋。不曾飞剑取人头。玉皇未有天符至。且货乌金混世流。

剑画此诗于襄阳雪中

岷山一夜玉龙寒。凤林千树梨花老。襄阳城里没人知。襄阳城外江山好。

洞庭湖君山颂

午夜君山翫月回。西隣小圃碧莲开。天香风露苍华冷。云在青霄鹤未来。

赠宋相张天觉

宋朝张天觉为相之日。有褴褛道人及门求施。公不知礼敬。因戏问道人。有何仙术。答以能掬土为香。公请试为之。须臾烟罢。道人不见。但留诗于案上云。

掬土为香事有因。世间宜假不宜真。皇朝宰相张天觉。天下云游吕洞宾。

闲题

独自行来独自坐。无限世人不识我。惟有城南老树精。分明知我神仙过。

山隐

松枯石老水萦回。个里难教俗客来。抬眼试看山外景。纷纷风急障黄埃。

绝句三首

息息息气养精神。精养丹田气养身。有人学得这般术。便是长生不死人。
又
斗笠为帆扇作舟。五湖四海任遨游。大千沙界须臾至。石烂松枯经几秋。
又
或为道士或为僧。混俗和光别有能。苦海翻成天上路。毘卢常点百千灯。

与潭州智度寺慧觉诗

余游韶郴。东下湘江。今见觉公。观其禅学精明。性源淳洁。促膝静坐。收光内照。一衲之外无余衣。一鉢之外无余食。达生死岸。破烦恼壳。方今佛衣寂寂今无传。禅理悬悬今几绝。扶而兴者。其在吾师乎。达者推心兼济物。圣贤传法不离真。请师开说西来意。七祖如今未有人。

参黄龙机悟后呈偈

弃却瓢囊撼碎琴。如今不恋水中金。自从一见黄龙后。始觉从前错用心。

石榴皮题绝句

熙宁元年八月十九日。过湖州东林沈山。用石榴皮。写绝句于壁。自号回道人。

西邻已富忧不足。东老虽贫乐有余。白酒酿来因好客。黄金散尽为收书。

游庐山钟楼远眺题

一日清闲一日仙。六神和合报平安。丹田有宝休寻道。对境无心莫问禅。

题悟真西江月第十一阙二首

水火酿成万古人。金鸡玉兔两分明。从来好事惟阴德。默默虚空最认真。
又
此处全凭大段神。星桥驾处有真金。阴功二字踵心息。万圣工夫尽付君。

秋过在园

水云游遍乾坤小。花落花开人易老。闲来飞过洞庭秋。铁笛一声天澹扫。

示李笠翁

闻说阴阳有二天。诗魔除去是神仙。相期若肯归灵窟。命汝金门执玉鞭。
又
潇洒文心慧自通。无端笔下起长虹。波平云散停毫处。万里秋江一笠翁。

示顾吴三子

三生石畔殷殷望。太白亭前款款行。春色不知何处去。空余皓首说幽情。

六言诗

春暖群花半开。逍遥石上徘徊。独携玉律丹诀。闲踏青莎碧苔。

古洞眠来九载。流霞饮几千杯。逢人莫话他事。笑指白云去来。

题僧房绝句

唐朝进士。今日神仙。足蹑紫雾。却返洞天。

劝世

一毫之善。与人方便。一毫之恶。
劝君莫作。衣食随缘。自然快乐。算甚么命。
问什么卜。欺人是祸。饶人是福。
天眼昭昭。报应甚速。谛听吾言。神钦鬼伏。

长短句

落魄且落魄。夜宿乡村。朝游城郭。闲来无事翫青山。困来街市货丹药。
卖得钱。不算度。酤美酒。自斟酌。醉后吟哦动鬼神。任意日头向西落。

梁山碑记伋牡歌题一联

美哉三十六。远胜五千言。

景福寺题一联

莫道神仙无学处。古今多少上升人。

第三至第五卷《文集》吕祖文集《下》

诗余《文集补遗》

梧桐影

落日斜。秋风冷。今夜故人来不来。教人立尽梧桐影。

渔父词十八首

入定
闭目藏真神思凝。杳冥中里见吾宗。无边畔。回朦朧。佗景观来觉尽空。
初九
大道从来属自然。空堂寂坐守机关。三田宝。镇长存。赤帝分明坐广寒。
佗用
日月交加晓夜奔。昆仑顶上定乾坤。真镜里。实堪论。𩇔𩇔红霞绕寂门。
神効
恍惚擒来得自然。偷他造化在其间。神鼎内。火烹煎。尽历阴阳结作丹。
沐浴
卯西门中作用时。赤龙时蘸玉清池。云薄薄。雨微微。看取娇容露雪肌。
延寿
子午常餐日月精。佗关门户启还扃。长如此。过平生。且把阴阳仔细烹。
瑞鼎
会合都从戊己家。金铅汞莫须夸。只此物。结丹砂。反复阴阳色转华。
活得
位立三才属五行。阴阳合处便相生。龙飞踊。虎狂狞。吐个神珠各战争。
灿烂
四象分明八卦周。乾坤男女论绸缪。交会处。更娇羞。转觉情深玉体柔。
炼质

运本還元于此寻。周流金鼎虎龙吟。身不老。俗难侵。貌返童颜骨变金。
神异
还返初成立变童。瑞莲开处色辉红。金鼎内。回朦胧。换骨添筋处处同。
知路
那个仙经述此方。参同大易显阴阳。须穷取。莫颠狂。会者名高道自昌。
朝帝
九转功成数尽干。开炉拔鼎见金丹。餐饵了。别尘寰。足蹑青云突上天。
方契理
举世人生何所依。不求自己更求谁。绝嗜欲。断贪痴。莫把神明暗里欺。
自无忧
学道初从此处修。断除贪爱别娇柔。长守静。处深幽。服气餐霞饱即休。
作甚物
贪贵贪荣逐利名。追游醉后恋懽情。年不永。代君惊。一报身终那里生。
病瞥地
万劫千生得个人。须知先世种来因。速觉悟。出迷津。莫使轮回受苦辛。
常自在
闭目寻真真自归。玄珠一颗出辉辉。终日翫。莫抛离。免使阎王遣使追。

豆叶黄

二月江南山水路。李花零落春无主。
一个鱼儿无觅处。风和雨。玉龙生甲归天去。

六么令

东与西。眼与眉。偃月炉中运坎离。灵砂且上飞。最幽微。是天机。
你休痴。你不知。

梦江南十一首

淮南法。秋石最堪夸。位应干坤白露节。象移寅卯紫河车。子午结朝霞。
又
王阳术。得秘是黄芽。万药初生将此类。黄钟应律始归家。十月定君夸。
又
黄帝术。玄妙美金花。玉液初凝红粉见。干坤复载暗交加。龙虎变成砂。
又
长生术。玄要补泥丸。彭祖得之年八百。世人因此转伤残。谁是识阴丹。
又
阴丹诀。三五合玄图。二八应机堪采运。玉琼回首免荣枯。颜貌胜凡姝。
又
长生术。初九秘潜龙。慎勿从高宜作客。丹田流注气交通。耆老返婴童。
又
修身客。莫误入迷津。气术金丹传在世。象天象地象人身。不用问东隣。
又
还丹诀。九九最幽玄。三性本同一体内。要烧灵药切寻铅。寻得是神仙。
又
长生药。不用问他人。八卦九宫看掌上。五行四象在人身。明了自通神。
又
学道客。修养莫迟迟。光景斯须如梦里。还丹粟粒变金姿。死去莫回归。
又
治生客。审细察微言。百岁梦中看即过。劝君修炼保尊年。不久是神仙。

望江南

瑶池上。瑞雾霭群仙。素练金童锵凤板。青衣玉女啸鸾弦。身在大罗天。
沉醉处。缥缈玉京山。唱彻步虚清燕罢。不知今夕是何年。海水又桑田。

卜运算元

心空道亦空。风静林还静。卷尽浮云月自明。中有山河影。
供养及修行。旧话成重省。豆爆生莲火里时。痛拨寒灰冷。

减字木兰花

暂游大庾。白鹤飞来谁共语。岭畔人家。曾见寒梅几度花。
春来春去。人在落花流水处。花满前蹊。藏尽仙人不知。

西江月八首

着意黄庭岁久。留心金碧年深。为忧白发鬓相侵。仙诀朝朝讨论。
秘要俱皆览过。神仙奥旨重吟。至人亲指水中金。不负平生志性。
又
任是聪明志士。常迷东竈黄庭。参同大易事分明。不晓如醉难醒。
若遇高人指引。都来不费功程。北方坎子是金精。认得黄芽方盛。
又
世有学人无数。愚痴妄意如麻。汞铅错认结为砂。运火欲觅黄芽。
千日虚劳心力。人人尽破其家。真铅似玉本无瑕。将风欲比狂鷗。
又
至道不烦不远。至人只在目前。淮王炼石得冲天。汉世已经千年。
全在低心下人。事该缘分偶然。安炉致鼎尽周圆。须得汞去投铅。
又
听说金公两字。何物换作金孙。寻枝寻叶必知根。无智便乃心昏。
若用凡铅为体。都来少魄无魂。水银渐结必难成。秘诀要处谁论。
又
真假两般佞字。金公所料重迷。凡铅纵与岳山齐。不肯假与金妻。
听说真铅住处。他家跳在深溪。两情恩爱事因媒。义重争敢东西。
又

水火运来周岁。四六勿错如初。水多火少失功夫。胜地方始安炉。
直须认鼎与药。却如鸡子无殊。内黄外白结凝酥。一颗圆明永珠。
又
彼此离于生处。火遭水破惊忙。分身各自拟深藏。半路再觅萧郎。
夫为无衣素体。妻因水浸衣黄。丙丁甲乙有形相。刚遣令合阴阳。

浪淘沙

我有屋三椽。住在灵源。无遮门壁任萧然。万象森罗为斗拱。瓦盖青天。
无漏得多年。结就因缘。修成功行满三千。降得火龙伏得虎。陆地神仙。

苏幕遮

天不高。地不大。惟有真心。物物俱含载。
不用之时全体在。用即拈来。万象周沙界。
虚无中。尘色内。尽是还丹。历历堪收采。
这个鼎炉解不解。养就灵乌。飞出光明海。

步蟾宫

坎离坤兑逢子午。须认取自家根祖。地雷震动山头雨。待洗濯黄芽出土。
捉得金精牢闭锢。炼甲庚要生龙虎。待他问汝甚人传。但说道先生姓吕。

满庭芳

大道渊源。高真隐秘。风流岂可知闻。先天一气。清浊自然分。不识
坎离颠倒。谁能辨金木浮沉。幽微处。无中产有。洞畔虎龙吟。壺中真
造化。天精地髓。阴魄阳魂。运周天水火。燮理寒温。十月脱胎丹就。

除此外皆是旁门。君知否。尘寰走偏。端的少知音。

酹江月

仙风道骨。颠倒运乾坤。平平时节。金木相交坎离位。一粒刀圭凝结。水虎潜形。火龙伏体。

万丈毫光烈。仙花朵秀。圣男灵女扳折。霄汉此夜中秋。银蟾离海。浪卷千层雪。此是天关地轴。谁解推穷圆缺。片晌工夫。霎时丹聚。到此凭何诀。倚天长啸。洞中无限风月。

水龙吟

目前咫尺长生路。多少愚人不悟。爱河浪阔。洪波风紧。舟船难渡。听仙师语。到彼岸只消一句。炼金丹换了凡胎浊骨。免轮回。三涂苦。万事澄心定意。聚真阳都归一处。分明认得灵光真趣。本来面目。此个幽微理。莫容易等闲分付。知蓬莱自有神仙伴侣。同携手。朝天去。

汉宫春

横笛声沉。倚危楼红日。江转天斜。黄尘边。火湏洞。何处吾家。胎禽怨夜来乘风。佞露丹霞。先生笑飞空一剑。东风犹自天涯。情知道山中好。早翠罽舍隐。瑶草新芽。清溪故人信断。

梦飏车干坤星火。归来了煮石煎砂。回首处。幅巾蒲帐。云边独是桃花。

雨中花

三百年间。功标青史。几多俱委埃尘。悟黄梁。弃儒事。厌世藏身。将我一枝丹桂。换他千载青春。岳阳楼上。纶巾羽扇。谁识天人。蓬莱

愿应仙举。谁知会合仙宾。遥想望吹笙玉殿。奏舞鸾裙。风驭云軿不散。碧桃紫奈长新。愿逢一粒。九霞光里。相继朝真。

促拍满路花

西风吹渭水。落叶满长安。茫茫尘世里。独清闲。自然炉鼎。虎绕与龙蟠。九转丹砂就。一粒刀圭。便成陆地神仙。从他富贵拥华轩。到了亦徒然。黄粱犹未熟。梦惊残。是非海里。终久立身难拂袖。江南去。白苹红蓼。再游湓浦庐山。

沁园春三首

火宅牵缠。夜去明来。早晚无休。奈今日不知明日事。波波劫劫。有甚来由。人世风灯。草头珠露。我见伤心眼泪流。不坚久。似石中迸火。水上浮沤。休休。及早回头。把往日风流一笔钩。但粗衣淡饭。随缘度日。任人笑我。我又何求。限到头来。不论贫富。着甚千忙日夜忧。

劝年少。把家缘弃了。海上来游。

诗曲文章。任汝空留。数千万篇。奈日推一日。月推一月。今年不了。又待来年。有限光阴。无涯火院。只恐蹉跎老却贤。贪痴汉。望成家学道。两事双全。凡夫只恋尘缘。又谁信壺中别有天。这道本无情。不亲富贵。不疏贫贱。只要心坚。不在劳神。不须苦行。息虑忘机合自然。长生事。待明公放下。方可相传。

七返还丹。在人先须炼己待时。正一阳初动。中宵漏永。温温铅鼎。光透帘帷。造化争驰。虎龙交媾。进火功夫牛斗危。曲江上。见月华莹净。有个乌飞。当时自饮刀圭。又谁信无中养就儿。辨水源清浊。木金闲隔。不因师指。此事争知。道要玄微。天机深远。下手速修犹太迟。

蓬莱路。仗三千行满。独步云归。

吕祖文集补遗

玉皇本行集经直解序

经以载道。有经而道始显。注以阐经。有注而经始明。道固赖有经也。而经尤赖有注。欲道显而经明。舍注无由也。玉皇本行集经。所言者。在人合天之功。成己成物之理。其意深。其旨远。苟非有注以表章之。则后学之人。何所缘而入圣真之路。然行远者必先自迓。登高者必先自卑。置其卑者迓者。而图其高者远者。玄门中无是躐等之学也。盖作经者。有文中之意。有意中之文。以在天之玉皇。譬在人之玉皇。心之有主者。即为帝座。身之从令者。便是诸真。此文中之意。高且远者也。天尊凭几而锡命。清众侍侧而请业。权十七之光明。圣凡解脱。成三十种功德。人鬼超升。此意中之文。迓且卑者也。人之所可知。高远者。人之所不可知。发明其所可知。俾读者了然于心日之间。而其所不可知者。俟读者静会语言之外。层累而升。由渐而入。则道于此显。经于此明。成真作圣。于此而得路。若夫侈陈虚无。高谈渺冥。丛杂芜秽。使诵习之士。烦闷厌倦。掩卷而不欲竟其观。殊非黄子正元付梓之心。亦非予传注之心也。刻成问世。谓为痴人说梦。予所不辞。谓为隔靴搔痒。予亦所不辞。

文昌帝君孝经序

夫孝者。天经地义。自天子至庶人。莫有能外者也。末世士夫。每以庸近忽之。故或事绩表着寰区。而庭帙不无遗憾。试思功名未立。犹可诿之时命。若伦常少舛。本之不植。遑问枝叶乎。夫当我身成立之际。父母之精力。渐已衰零。虽孳孳爱日。犹恐时不我待。而忍蹉跎荏苒。貽他年风木之悲。静言以思。泪下涓涓矣。虽然。处富贵之孝易。处贫贱之孝难。处康宁之孝易。处疾痛之孝难。孝之在养口体者易。孝之在养志者难。富贵者。备物聚顺。谅不为靳。若簞瓢菽水。则倦倦之隐愈切。康宁者。从容色笑可以承欢。若侍寝延医。则恳恳之勤弥笃。至于

养在口体。即中人尚可勉为。若亲意所注。亲力未逮。必委曲以全之。神相契而气相孚。可谓视听于无形声矣。总之此身为父母之身。此心即父母之心。守其身。斯无负其身。一其心。斯不愧其心。顺之中不违。敬之中有深爱。咫尺不间于千里。一日即可以百年。推之一出一入有为亲辱者。造次不敢妄作。一言一事可为亲荣者。竭蹶在所必为。斯不愧孝子之目与。所以出则为国家之良臣。处则为乡闾之庄士。孝岂不切于人。而人顾可庸近忽之也耶。我梓潼帝君。顺理推情。准今酌古。作为是经。垂诸不朽。实膺世之金鉴。度人之宝筏。与世所传孝经十八章相表里。滇南董子良材。曾作直解以便愚蒙。崔大夫杰者。寄任封疆。素敦伦纪。于部署之暇。发心梓行。此不独尽一己之孝。且教人人同尽其孝。而并欲后之君子之咸臻于孝域也。予嘉其衷。因为之序。

乾隆乙丑（一七四五年）孟秋下浣二日孚佑帝君撰于驻云坛

金丹三成法书自序

幼习儒教。长好玄门。志慕清虚。心游云水。寻师访友。往来不惮于驱驰。切问近思。终始不生于懈怠。阴阳升降。取法于二仪。性命根基。归元于一炁。无形无相。来时只一妇一夫。有姓有名。去后存三男三女。九重台畔。金童采得黄芽。十二楼前。玉女收成白雪。水中起火。当分八卦之才。阴内炼阳。自别九州之炁。三花和会。化火光直上昏衢。千日功成。骖鸾鹤遨游海岛。天机深远。不敢轻言。道要玄微。难于直述。今以平日见功之法。尊师已验之符。集成口诀一十八道。密示后学。凡金丹小成七诀。天童不老一。聚火煮海二。匹配阴阳三。聚火還元四。散火炼形五。龙虎金丹六。周天火候七。金丹中成六诀。河车肘后一。肘后飞金精二。玉液还丹三。玉液炼形四。金液还丹五。金液炼形六。金丹大成五诀。集神朝元一。炼炁成形二。体同太虚三。出有入无四。形神超脱五。其书合三千言。每诀四句。每句四字。以明白之言。发杳冥元精。先天至神。以此推之。与传道集。灵宝毕法。相去远矣。

纯熙辛丑（一一八一年）纯阳道人撰于岳阳郡斋

群仙高会赋

甲子之春。三月八日。洞宾与海上诸仙。复叙于山岛之舍。天朗气清。惠风合畅。座开云母之屏。炉爇金猊之篆。蔬果交罗。馨香毕荐。洞宾悦之。于是与诸仙举海螺之杯。酌洪梁之酝。歌白苕之词。赋黄梁之曲。觥筹相错。赓和竞逐。吹洞箫。击渔鼓。敲檀板。舞秦楚。彩袖翩而云翻。羽扇挥而月舞。玉山未颓。冰壶不竭。虽琼府丹宫。瑶台玉阙。亦何异于今宵之宴也。既而夕阳西坠。新月半吐。楚岫云低。晚江烟锁。而群仙至此。兴复不浅。高秉银烛。再歌再咏。庆千载之奇。逢叙人间之乐事。胜会非常。佳期难再。自钟离老师以至列班仙友。无不欢欣交畅也。且吾侪得长生之术于蓬莱。寄飞仙之迹于海岛。与麋鹿而相游。对风月以为侣。采洞口之丹芝。煮松间之白石。拔毛洗髓。导饮服食。名山异岛。无不遍及。天上人间。顷刻而集。或秦汉之英豪。或风尘之逸客。道骨仙风。清姿芳格。固不知有人间之乐也。而今皆名标丹籙。位列飞仙。岂偶然哉。今吾与诸仙。相遇于仁寿之室。盖亦风分。时夜方半。万籁无声。闻有白鹤飞鸣于九臯之表。翱翔于云汉之间。四顾而下。端坐庭堦。余熟视之。思欲归洞。群仙亦相推而起。于是联列洞乘羽轮。指归涂而共适。泝杳霭于祥云。余廼为赋之。以记其事。洞宾撰。

秋蟾影桂赋

时维八月。序属金柔。祝融税驾。鹑火斯流。商气薄于林渚。白帝驾乎西州。水王应乎潮汐。金声动于墟邱。银潢高泻。玉杵音悠。清光分九野。晴色满宸楼。映澄江之贝阙。透珠箔之虾鉤。生长夜之明洁。破万古之昏眸。瞻彼皓魄。顾此千秋。影婆娑以参差。或浩荡以沉浮。有蜃泥而培植。共素娥以行休。时丁丁以伐干。忽音响之下流。满阶浮动。玉宇如虬。因皎然而见。又黯然而收。香飞花吐。拟折云头。一枝高攀。鹏途任游。入广寒之清虚。为姮娥以淹留。佩鸣珂以相逐。挹天风于九州。对木公而酬酢。衣冠冕而貂裘。

思征篇

吕祖游燕地。蹶五云之巔。瞻沙漠之域。怅望久焉。为之赋此。燕云缈缈狼望北。塞鸿鸣兮塞马逐。登山一眺荡成思。万里烟霞遮远目。轻沙拂拂复扬扬。满地霏霏芦草黄。未审关山何处是。总不耽忧亦断肠。夜寂月明羌笛弄。边床惊觉从军梦。正居兰室话分离。岂知不与妻儿共。忆昔离家美少年。迓来白雪却垂颠。倚门空断慈亲目。买卦应饶内子钱。香闺罗袖重重湿。时为征人血泪滴。试看沙上迭成山。尽是闺中所思骨。腰间斗印未成金。塞外星天已役魂。虽得芳名着汗竹。那能贤孝奠荒坟。望穷不觉酸双鼻。为恸征人苦从役。人生自古死难逃。后人枉把前人泣。

全真歌

高台镜兮洁且明。鉴妍媸兮美恶分。全一真兮禀虚灵。具众理兮应感神。忽蒙垢兮蔽埃尘。污物累兮失其真。清者浊兮明者昏。天者去兮人者侵。月掩云兮水掩萍。戕其性兮斲其伦。劝君刮垢兮磨洗其尘。复此虚灵兮全其本真。一窍混涵兮不逐沉沦。可以久视兮不必更铸其形。如水常清兮如月常明。终天终地兮历遍古今。

戒杀歌

我书戒杀歌。奉劝世人读。物类形体殊。岂甘遭惨毒。利刃刺刺心。尖刀剖肠腹。皮掀肉颤摇。喉断身颠扑。血溅满砧几。悲号动墙屋。鳃刺尚盘旋。鱼烹犹跳跃。大痛何可伸。极苦难逃脱。诸兽牛不群。其形按列宿。非彼代人耕。农事倩谁役。于世大有功。何忍啖其肉。马匹载乘劳。征战亦为国。报晓赖德禽。看家惟义畜。更有几微灵。亦具伦常属。鸟能返哺亲。羊且乳跪足。雁有信义宾。鳧知夜朝北。大命须当怜。小命亦无忽。覩彼盘盂间。亿万生灵逐。活溺盐酱中。生投汤沸镬。一餐尚不饱。入肚味难复。何苦强搜求。省口多积福。曾见匿刀牛。跪向屠人哭。又见狗能言。乞怜免割剥。怜儿寸断肠。

莫射山中鹿。为母肯投嵯。身碎田间犊。鳞化黄衣童。梦求厨下仆。螺放水中央。欲免舟人获。我曾昔为儒。典制虽未博。茹毛饮血时。上古无嘉谷。相沿直至今。流弊世相续。然而不忍心。宰割非所欲。燔牛只祀天。鸡豚亦不数。古有恤生人。聊为君一录。汤昔解网恩。齐能舍鼈觶。大哉孔子心。不纲不射宿。天子释羔羊。不忍无穷戮。恩官禁泽梁。呼号动水族。微生能报人。人亦当怜育。蚁渡状元桥。鼠分宰相粟。救雀报投环。放鲤贡双玉。蛇衔梁上珠。龟献藏珍壳。舍鼈救伤肤。聚蝇出冤狱。戒杀故有功。杀生报亦确。屠牛形似牛。杀狗狗形托。此日具人形。转眼生毛角。轮迴实可怜。早修今面目。岂曰来世偿。眼前报又速。如何有岁荒。如何有命促。如何有大火。如何有异疫。皆因杀孽多。怨气相感触。上帝震怒深。降殃此五浊。奉告世人听。改却前嗜欲。推广此仁心。随处皆付度。举步恤虫蚁。怜蛾纱罩烛。盐水莫街倾。滚汤毋地泼。栖蛰莫轻残。卵胎毋损捉。休伤穴与窠。勿焚山共麓。丹丸方剂时。害命勿为药。邪法戏术中。伤生毋妄作。养生莫害生。金鱼与鸟雀。莫谓我言迂。有功天必禄。上帝最好生。万物皆恩沐。仁心各自存。毋曰我随俗。不能尽戒除。渐减渐消恶。不必尽疏羹。市脯亦不薄。悲哉此日书。叮咛再三嘱。若遇大丈夫。不为滋味惑。君子远庖厨。不忍唯他独。人能实力行。寿考臻百福。

戒色歌

花容娇色从他爱。云水烟霞我自同。泰山心志难摇动。惜精养气资身用。不堕欢娱爱网中。总然乐事如春梦。清风是俺交游契。皓月为吾锦帐朋。夫妻相偕鸳鸯共。这的是乾坤真趣。说甚么粉白脂红。

绝欲歌

人身精气同滋水。百脉全凭精气充。真阳一点宜珍重。若贪花柳成和哄。槁木枯菱萎朔风。滋干水竭年难永。娇娃却是戕身斧。美色犹如伐木虫。

多情妖孽将人弄。虽不是刚刀利刃。也曾杀尽了英雄。

放生歌

汝欲延生听我语。凡事惺惺须恕己。汝欲延生须放生。此是循环真道理。他若死时你救他。你在死时天救你。延生生子别无方。戒杀放生而已矣。

游武夷山

建溪之阳地毓灵。葱葱苍苍多松筠。年深不识尧君历。夜静忽闻王子笙。桃花泛水流九曲。波迴石洞飞寒玉。青鸾岂作凡鸟鸣。玄鹿谁同野兽逐。笑看童子采灵芝。荷衣芰服称风吹。朱颜老叟自何代。言说生从盘古时。山间无寒亦无暑。蟠桃红兮蕨薇紫。砍将白石与青精。慢然龙竹闲烹煮。武夷之山秀且高。参玄堪把死生逃。山中日日常如此。一局棋枰白昼消。

游天台山

台山最奇特。巉岩竖削壁。千峰攒羽翠。一水环玉碧。横架石梁桥。如虹贯九霄。波澄龙敛鬣。松定鹤归巢。闻说避秦女。不作襄王雨。云肌映月华。霞佩随风举。老衲采薇蕨。入定作天龕。桃随飞洞暖。柏锁老岩寒。石阙时时闭。岁月应无记。欲扣玄中玄。却炼炁中炁。忽闻空谷中。音乐鸣天风。万壑人踪寂。四时花色红。

戏题东方美人

良宵剔火银缸明。宝鉴高悬万里晴。何处吹箫引凤凰。紫虚飘落佩环声。佩环声里歌音巧。中天步下金钩小。扶桑偷出水晶宫。广寒约伴游行俏。

当年不说吴国施。今日休夸楚国姝。襟怀不让巫山梦。丰度还看姑射姝。
美人自来倾城国。美人不倾人自惑。任他波眼能动情。我有铁心坚胜石。
轻盈万种尽妖魔。笑口娇肢皆戕贼。姐已褒姒亡九有。色欲在人诚可嫉。
吾将真气自涵藏。历过春秋无止极。

遗孝子杨太明

杨君真确士。孝行洞穹壤。皇天怜其难。七夕遣追往。
逡巡药顽石。遗子另馈享。子既不我受。吾亦不知强。
风埃难少留。愿子志勿爽。会当首鼠纪。青云看反掌。

再历龙虎山访道陵遗法

龙虎山分龙虎形。九州輿轴此为真。若非尘世逢人杰。不显乾坤有地灵。
赤符禁院千年籙。白鹤松间一片云。为问师从何处去。碧霞隈里觅参苓。

游金山寺

浩荡沧溟万顷多。中涵山似出青螺。僧归洗鉢龙吞饭。客坐观潮食引鼉。
瞰月危楼临险峤。谈经法座浸洪波。试将尘袂清流濯。喜挹天风午更和。

泛南海顿落伽山

山如波面一浮茄。天竺南游此驻槎。玉露朝飏龙捧鉢。金茎夜煮鹿添花。
禅龙净拂封云壁。珠蕊呈辉鬪月华。试看东夷诸处国。海天缥缈落栖鸭。

谒武当叩龟蛇水火之诀

穹里圆珠衬玉翘。琼浆顶上湿金袍。春风不动牕前竹。夜前能滋海上桃。
虎啸龙吟铅汞合。蛇蟠龟息坎离交。证成不昧三光宝。照得灵犀万丈高。

咏松

丈夫久秉岁寒操。历尽冰霜不一挠。攒翠纤针缘雨润。筛金香粉为风飘。
根盘曲壤同潜蛰。声彻层云作怒涛。嘱付焦斤休乱伐。待看为栋柱天朝。

咏梅

陇头真性自清幽。不逐趋炎一派流。香韵暗从风里度。玉肌微向月中浮。
味将浓处乌偷眼。花欲飞时笛倚楼。回首群英皆退逊。孰争先后共为俦。

亲寿遇李钟离二师有感

孔雀屏开昼日长。宝炉飞篆爇沈香。东风帘卷瑶池瑞。南极杯传海屋浆。
双鹤慢衔桃正熟。三星遥报菊初芳。九天云外人归后。望断烟霞雁几行。

赈济饥贫示意

吕祖回乡。适遇岁荒。罄赀产粮米。赈济饥贫。得活数万余人。
乡中耆老亲属。劝存留赀产为子孙计。祖乃作此诗以示意云。
捣碎葫芦踏碎琴。飘然拂袖出儒林。太初实相纯如玉。元始真如莹若金。
丹焰冲天神莫测。剑锋入地鬼难寻。自从一觉黄梁后。始信从前枉用心。

与衡山僧智玄

得道纯阳七百年。五湖四海任风流。此身已出三千界。一日须游数十州。
醉倒清风明月夜。踏翻红蓼白苹洲。禅门衲子休相笑。我在华严最上头。

题湖州沈惟心家园亭壁上

万里来游蜀道长。杖藜闲玩百花庄。谁家鸡犬千家市。中有神仙一岛藏。
乳燕鸣鸠春自在。落花飞絮水微茫。主人了却明宁事。向此重开绿野堂。

游飞来峰坐呼猿洞中

一翼拖灵鹫。玲珑若自飞。洞闲僧入定。山静鹤来栖。
饭熟呼猿食。经谈悟鸟啼。叮咛久留住。切莫更飞归。

偕灵隐寺慧一僧游洞霄宫

步入灵峦处。行行渐蹑高。九峰环翠壁。一迳遶青霄。
鼯鼠如苍鹤。山矾似碧桃。洞门原不闭。应许避由巢。

游五台山

一重重上一重重。形势嵯峨耸碧空。咳唾不教颠顶下。恍疑甘雨降时龙。

游九华山

霁色初开丽九华。山如列幃转青纱。当时指出菩提路。一径波罗路不赊。

谒武当山

谁向岩前铁杵磨。成功不惮用功多。三千六百劫行满。铸就降魔一太阿。

陟卧龙岗观武侯遗迹有感

梁父诗常抱膝吟。潜龙时动跃龙迎。奇谋远出当年士。遁甲今犹羨八门。

游哑泉吊马援庙

矍铄英风迈世臣。东南酋虏夺先声。忠魂千古存生气。雄武犹能助孔明。

吊湘妃祠

九旂旗节隐君山。帝女多情此地看。血泪不知流几许。琳琅万个尽斑斑。

游望梅山挂箭峰

给梅甫得玉津通。忽讶酋骑薄雾中。不是峰头犹带矢。将军谁识昔年雄。

访杭州玄妙观赵道士不遇题诗蕉上

白雪红铅立圣胎。美金花要十分开。好同子往瀛洲看。云在青霄鹤未回。

赠赵道士

悟心容易息心难。息得心源到处闲。斗转星移天欲晓。白云依旧复青山。

题尼寺壁间

青龙驻此少徘徊。夜静云间尚未来。知是有缘人换骨。暂留真迹到天台。

示刀镊工陈七子

携手三清玉帝乡。宿生缘契不寻常。与君一转金刀手。削去满头无限霜。

六言诗

南坞数回泉石。西峰几迭烟云。登携孰以为侣。颜偶李甲萧耘。

劝丹士金守一

真假原难混。终须复本形。贪夫徒用计。反自陷寒贫。

又

劝君休要烧铅汞。岁月徒担送。黄芽未必生。白雪成何用。

伴纸灰。如做了一场的蝴蝶梦。伴纸灰。如做了一场的蝴蝶梦。

又

三炉鼎空添火。痴守文和武。投胎为养沙。取气难离母。

镇日间打天硫。担尽了多辛苦。镇日间打天硫。担尽了多辛苦。

又

死砒干汞寻烧药。自说通天法。五金总不和。八石终难合。

入明炉。过铅池。都是个乘波筏。入明炉。过铅池。都是个乘波筏。

世间人。说烧丹。须用先成内。岂知内就皆无累。万镒不关心耶。积非为贵。

总然是。点石金到底成砖块。

总然是。点石金到底成砖块。

赠陈宣德

一日清欢何往。十年旧事重拈。细风斜日到江南。春满平湖潋滟。

黄简手题龙篆。绿舆前控鸾骖。玉清真籙署仙衔。列职灵台书监。

示吕惠卿

鼎里坎离。壶中天地。满怀风月。一吸虚空。尘寰里何人识我。

开口问洪蒙。云中三弄笛。岳阳楼外。天远霞红。笑骑黄鹤。暂过海陵。

东拂袖呵呵归去。鸾和玉佩。风响乔松。君若要知吾踪迹。试与问仙翁。

悟道

川上慢回头。逝如斯不断流。而今破得机关窍。斲渠浚沟。通江达洲。

混沌磅礴何曾漏。得根由。澄渊彻沚。历尽万年秋。

题苏州垂虹桥柱上

飞梁压水。虹影清晓。橘里鱼村半烟草。今来古往。物换人非。天地里惟有江山不老。

雨巾风帽。四海谁知道。一剑横空几番到。玉龙嘶未断。月冷波寒归去也。

紫极洞天谁锁。指云屏烟障是吾庐。任满地苍苔。年年不扫。

念佛

那阿弥陀。不是个小可的诀。造端的功夫。全要把无明灭。一点操持。心坚似铁。一点男女。心温不热。

把人世上的喜怒哀乐都收折。把尘寰中的身衣口食都乏绝。又那有是非强弱相啜绿跖。便恁他的刀锋油镬相侵也。我的慧眼禅心。自不动拽。这方成佛超升的上乘诀。

谒大士参大乘禅法呈偈

晃晃朗朗海心月。圆圆融融无欠缺。一朝攀出中天来。万古清晖昏夜白。噢。打破个中舍利子。任他游衍何须歇。

为杭州灵隐寺慧一僧火化偈

莫着芒鞋乱行走。好将云衲自修藏。须弥山上风光好。回首昙花暗吐香。休奔涉。用慌忙。从今脱去臭皮囊。大千界里留真迹。极乐邦中日月长。噢。跳出爱河春日好。阿那会上饮醍醐。

吕祖全书文集后原序

有唐真人纯阳吕祖集。共八卷。本传及灵迹三卷。诗歌五卷。不知哀于何人。自宋干道间。已刊布于世。凡为五七言律若干首。五七言绝句若干首。歌词若干首。或专阐玄旨。或因人规讽。或自况寄情。皆所以发挥妙道。迪启后人。要非徒作。夫仙真以道相授。自黄帝广成子。崆峒问答之后。已有玄言见于载籍。嗣后述作贻世者。代不乏人。至唐吕祖。则度人誓愿。尤为深重。由唐贞元暨今。且八百年。而分身化现。殆无日不在世间。接引种人。犹虑遇合不易。又撰为诗歌传布焉。甚盛心也。今之学道之士。欲见祖者。盖人人而然。然使见而不能行其道。

与不见何异。故予谓欲见祖者。且无如熟复此集。凡祖之精神命脉。与其所以开悟学徒者。盖莫详焉矣。昔司马子微。自谓读天隐子三年。而天隐子出焉。授以口诀。此真笃于求道者之效也。世人读此集。有如司马真人。安知吕祖不出而亲为点化也哉。是集江南旧无善本。子得大名府尹姚汝循公本颇佳。又诸本皆无敲爻歌。及百字碑。三字诀等篇。灵迹中。又滥收猥褻一二事不雅驯。皆为删补。字之讹舛者正之。序之无关系者去之。其卷次位置。不敢擅更。则欲存其旧也。爰命重书。授之梓人。公于四方。庶同志者便于观览。而予不自度。輒缀此数语于末简。匪徒讽人。亦用自省焉。

万历十一年（一五八三年）癸未年福建福宁府浦城云石杨良弼谨识



第三章

灵应事迹

武昌卖墨

吕祖游武昌。诡为货墨客。墨一笏。仅寸余。而价钱三千。连日不售。众咸笑侮。有鼓刀王某曰。墨小而价高。得无有意耶。自以钱三千求一笏。且与客剧饮。醉归昏睡。午夜俄有户者。客以钱还之。辞去比晓视墨。乃紫磨金一笏。上有吕字。遍寻客已不复见。

武昌鬻梳

吕祖游武昌天心桥。诡姓名鬻敝木梳。索价千钱。连月不售。俄有老嫗行乞。年八十余。龙钟伛偻。秃发如雪。吕祖谓曰。世人循目前。裘常见。吾穹价货敝秽物。岂无意。而千万人咸无超卓之见。尚可与语道耶。乃以梳为嫗理发。随梳随长。鬢黑委地。形容变少。众始神之。争以求梳。吕祖笑曰。见之不识。识之不见。乃投梳桥下。化为苍龙飞去。吕祖与嫗不见。后始知其为吕仙也。

水化成酒

马善。东都人。熙宁初。举进士。不第。学道。一日与一候道人。

行汴水。见一羽士。青巾布袍。体秀骨异。目如明水。面无尘浊。马召啜茶。且饮食之。侯性素瞋。叱之。羽士曰。汝有何法。侯曰。飞符召鬼。点石化金。归钱返壁。羽士曰。子所为。皆非正法。侯曰。子何能。曰。吾能壮吾气。射酒肆。去烛数十丈而烛立灭。复吐气吹侯面。若惊风大发。凛凛不可支。二人起谢曰。先生非凡人也。幸见教羽士曰。学仙须立功行。功即勤苦修炼。行即济人利物。侯曰。弟子平生以药济人。非功行乎。羽士曰。子杀物命以救人命。是杀彼以生此也。不若止用符水愈病自佳。语及曙。羽士别去。曰。吾将返湘水之滨。与子酌别于柳阴下。以金令侯市酒。适无酒。羽士以瓶一只。命侯取汴水一瓶。以药一丸投之。立成美酒。三人共饮大醉。羽士留诗一章曰。三口共一室。室畔水偏清。生来走天下。即是姓兼名既别。二人测之。乃吕洞宾三字。大悔恨。

墨化成金

韩忠献公琦。晚年始延方士。吕祖翦衣垢面求谒。韩意轻之。曰。汝何能。曰。能为墨。试令为之。即掘地坎。搜焉韩不悦。祖乃和揉坎中泥为墨。曰。成矣。遂去公徐取墨视之。乃良金也。上有吕字。破之彻肌理。韩追悔无已。寻卒。

纸巾方窍

监文思院赵应道。病瘵羸几委顿。泣别亲旧曰。吾死矣夫。闺阁中一物皆舍得。独鹤发老亲无托。奈何。语未竟。俄有道人叩门。语赵曰。病不难愈也。取纸二幅。各掐其中为一方窍。径可二尺许。以授赵。曰。俟夜烧一幅灰之。调乳香汤涂病上。留一幅以待后人。言讫。道人不复见。始悟两方窍。乃吕字也。

石上方窍

梓潼娄道明。家富。善佐素术。常畜。少女十人。才有孕。即遣去。复置新者。常不减十人之数。昼夜迭御无休息。而神清体健。面若桃红。或经日不食。年九十有七。止如三十许人。尤好夸诞大言。对客会饮。或言佐女送酒。或言素女送果。或言彭祖容成辈。遗书。自以为真仙也。一日吕祖诡为乞人。登门。娄不识之。叱使去。吕祖以两足踏石上。遽成两方窍。深可寸许。娄始惊异。延置座右。曰。子非凡人也。出侍女歌游仙词。命之酒。吕祖口占望。江南词酬之。曰。瑶池上。瑞雾霭群仙。素炼金童锵凤板。青衣玉女。鸾旂。身在大罗天。沉醉处。缥缈玉京山。唱彻步虚清燕罢。不知今夕是何年。海水又桑田。侍女进蜀牋请书。吕祖自纸尾倒书彻纸首。字足不遗空隙。娄大惊喜。方欲请问道要。祖答曰。吾已口口相传矣。娄请益。复曰。吾已口口相传矣。俄登门外大栢树杪。不见。后数日娄忽不快。吐膏液如银者数斗而卒。口口相传之说。与夫石上两方窍。皆吕字之寓也。一云娄问道要。祖曰。汝知濯翟庄乎。以孝友着名。耕而自食。恒以弋钓为事。中年不猎。尚钓。人谓均是命。何以犹钓。翟后晚年亦不钓。端居葺门。征命俱不就。汝之妄诞何为哉。未几吐液卒。

廣陵散钱

吕祖常游广陵市。以十千钱散之方陌。暨翼日晚视之。十千舍者无遗。止遗其三。一落泥中。一落草中。一落井中砖石缝。去井口三寸许。最后有两人汲水。见而争取之。世人爱财之心如此。

罗浮画山

吕祖游罗浮朱明观。至小庵中值道士他出。独一小童在。童揖曰。先生坐此。遂窃道士酒以献。吕祖满饮。使小童尽其余。童不屑。童素患左目内障。吕祖以所余酒喂其目。忽然开明。若素无患者。乃取笔画一

山于壁。山下作池三口。谓童曰。汝饮吾酒。则得仙矣。不饮。命也。然亦当享高寿。言讫。飞入石壁隐去。及道士归。见所画山。彻壁内外大惊曰。山下三口。乃崑字。非吕先生乎。后童果百五岁而终。虽未得仙。亦可谓有缘者矣。

庐山淬剑

吕祖游江州庐山真寂观。临砌淬剑。道士侯用晦问之曰。先生剑何所用。曰。地上一切不平事。以此去之。侯心异之。以酒果召饮。谓曰。先生道。清高。必非风尘中人。祖曰。且剧饮。无相穷诘。既醉。以笏头书剑诗一首于壁曰。欲整锋铓敢惮劳。凌晨开匣玉龙号。手中气岸冰三尺。石上精神蛇一条。奸血默随流水尽。凶顽今逐渍痕消。削平浮世不平事。与尔相将上九霄。题毕。初见若无字。既而墨迹灿然。透出壁后。侯大惊再拜。因问剑法。曰。有道剑。有法剑。道剑则出入无形。法剑则以术治之者。此俗眼所共见。第能除妖去祟耳。侯曰。今以道剑戮奸人于稠众中。得不骇俗乎。曰。人以神为母。气为子。神存则气聚。神去则气散。但戮其神。则人将自没或。或有假手于人皆此类也。侯叹曰。此真仙之言也。愿问姓氏。曰。吾吕崑也。言讫。因掷于空中。化为青龙。跨之而去。

仙乐侑席

宋陈执中。建甲第东都。亲朋合乐。俄有蓝缕道士至。陈问日子。何技能。曰。我有仙乐一部。欲奏以侑华筵。腰间出一轴画。挂于柱上。绘仙女十二人。各执乐器。道士呼使下。皆累累列于前。两女执幢旛以导。余女奏乐。皆玉肌花。丽态娇音。顶七宝冠。衣六铢衣。金珂玉佩。转动珊然。鼻上各有一粒黄玉。如黍大。而体甚轻虚。终不类生人。乐音清彻烟霄。曲调特异。三阙竟。陈曰。此何物女子。道士曰。此六甲六丁玉女。人学道成。则身中三魂七魄五脏六腑诸神。皆化而为此。公亦愿学否。陈以为幻惑。颇不快。道士顾诸女曰。可去矣。遂皆

复上画轴。道士取轴。卷而吞之。索纸笔大书曰。曾经天上三千劫。又在人间五百年。腰下剑锋横紫电。炉中丹焰起苍烟。才骑白鹿过沧海。复跨青牛入洞天。小技等闲聊戏尔。无人知我是真仙。未题曰。谷客。即出门。俄不见。陈谓谷客。乃吕洞宾也。悔恨欲挾。目未几谢世。

管片泛波

淶江笔师翟某。喜接方士。吕祖往谒之。翟馆于家。礼遇殊至。自是往来弥年。一日挈翟游江之浒。啗笔管为二片。浮于波上。吕祖履其一。引笔师效之。笔师怖。不敢前。吕祖笑而济及岸。俄不见。翟始知其异人也。浹旬复来。自挈饮食食翟。皆臭腐也。翟拚鼻谢弗食。吕祖太息曰。芟不能恶食。吾以肉酱两甌遗君。遂去不复见。开视酱甌。皆赍金也。两甌者。盖亦两大瓮之类。寓吕字也。

鱣鱼再活

吕祖游庐山酒肆。见剖鱼作鱣。曰。吾令此鱼再活。鱣者不信。祖随以药一粒。纳鱼腹中。良久跳踯如生。鱣者惊。试于江。围网洋洋。悠然而逝。始知为吕祖。觅不复见。

宝轮现相

绍兴中。新昌令关肇喜道术。建大斋宝籙宫。方士大集。角技能。吕祖诡姓氏寓焉。自赞其能异众。取药少许真诸掌。吹数过。俄红晕四溢。成宝轮相。现洞宾二字。众大愕。觅之已不见。肇后每日行阴德。杜门谢客。盖因祖言方士幻术误入也。祖后复来。授以正道。

怀孕师尼

景定甲子。衡州衡岳观。以三月三日。佞帝生辰设醮。先一日有怀孕师尼。至观求。众恶其厌秽。拒之不可。令宿门外。中夜闻孩声。乃尼产焉。主者大怒。次早。尼抱孩欲入醮坛观看。众拒之门外。拖拽逾时。尼以孩掷地。鲜血溅地。尼飞入空中。拍掌大笑而去。视孩则葫芦。血则朱砂也。葫芦内有回仙两字。乃大惊。

回道士

滕宗谅。字子京。谪守巴陵。吕祖诡为回道士。上谒风骨耸秀。谈论俊辨。子京异之。口占诗赠之曰。华州回道入。来到岳阳城。别我游何处。秋空一剑横。吕祖大笑。俄不见。子京倩人绘其像。置于岳阳楼。

回处士

尚书郎贾师雄爽为太守时。有家藏古镜甚宝。常欲淬磨。吕祖称回处士谒焉。乞试其技。简中取药少许。置镜上。辞去曰。俟更取药来追之已不见。但见所寓太平寺扉上。题诗曰。手内青蛇凌白日。洞中仙果艷长春。须知物外烟霞客。不是街头磨镜人。爽见而异之。知为吕仙。视镜上药。已飞去一点光明如玉。后复儒冠登武冈谯楼。叹曰。佳哉山水。五百年无兵火。可避乱也。

回道入

吕祖游长沙。诡为回道入。持小瓦罐乞钱。得钱无算。而罐常不满。人皆神之。一日坐市道上。言有能以钱满吾罐者。当授以道。人争以钱投罐。竟不满。有僧驱一车钱。戏曰。汝罐能容否。道人唯唯。及推车入罐。戛戛有声。俄不见僧曰。神仙耶。幻术耶。道人口占诗曰。非

神亦非仙。非术亦非幻。天地有终穷。桑田几迁变。身固非我有。财亦何足恋。偈不从吾游。骑鲸腾汗漫。僧益惊疑。欲执之。道人曰。若惜此钱耶。吾今偿你。取片纸投罐祝曰。速推车出。良久不出。曰。非我自取不可。因跳入罐。寂然僧击罐碎。有片纸题一诗曰。寻真要识真。见真浑未悟。一笑再相逢。驱车东平路。僧怅然归。次东平。忽见道人曰。吾俟汝久矣。以车还之。钱皆在。曰。吾吕公也。始谓汝可教。今惜钱如此。不可也。僧方悔谢不及。

回心回心

安丰县娼曹三香。染恶疾。为邸以舍往来客。吕祖伪为寒士托宿。仆以其褴褛拒之。三香曰。吾既立此门户垢净何择焉。遂延入。殊礼遇之。居无何曹疾作。呻吟良苦。吕祖以筋鍼。其股曰。回心回心。时门外有一皂角树。久槁死。祖乃投以药。即别。翼日树再生枝叶甚茂。曹始悟其为神仙。而回心者吕也。即毁冠服去粉黛。弃家远游。人为建吕先生祠。奉祀焉。绍兴末。曹忽还乡。颜状秀异。人无识者。乃自言本末。复去。不知所终。

无心昌老

横浦大庾岭。有富家子慕道。建庵。接云水土多年。一日众建黄籀大斋。方罢。忽有一褴褛道人至。求斋众不知恤。或加凌辱。道人题诗于壁曰。暂游大庾。白鹤飞来谁其语。岭畔人家。曾见寒梅几度花。春来春去。人在落花流水处。花满前蹊。藏尽神仙人不知。末书无心昌老来五字。作三样笔势。题毕。竟入云堂。良久不出。迹之。已不见。徐视其字。深透壁后。始知昌字无心。乃吕仙也。众其叹惋。

昌虚中

庙时。有一道人。自称昌虚中。往来诸琳宫。动履怪异。饮酒无味。啖生鱼肉至数十斤。饮冷水数十斛。天大雨雪。平地七八尺余。自埋于雪中。旬日不出雪霁复起。行于深潭水面。如履平地。又善草书。作枯藤游丝势。一举笔数千。络绎不绝。人争携楮以请。往往不与。昌字虚中。吕字也。一云。内待言于徽宗。命召之。不得。但于其游息处。得诗曰。遥指高峰笑一声。红霞紫雾面前生。每于尘市无人识。长到山中有鹤迎。时弄玉蟾驱鬼魅。夜煎金鼎煮琼英。他时若赴蓬莱洞。知我仙家有姓名。

无上宫主

全州道士蒋晖。志行高卓。吕祖谒之。适蒋他出。祖题诗于壁曰。醉舞高歌海上山。天瓢承务结金丹。夜深鹤游秋光碧。万里西风一剑寒。末书无上宫主。访蒋晖作。蒋归。惊曰。宫字无上吕翁也。追之不可得。

宾上人

青城山丈人观。黄若谷。风骨清峻。戒行严洁。常以天心符水。三光正炁。治疾良验。得钱帛。即以散施贫乏。吕祖自称宾法师上谒。留月余。所作符篆。往往吹起。皆为龙蛇雾云飞去。治鬼召将。必现其形。通人言语。足踏成雷。目瞬成电。呵气成云。喷唾成雨。又善画。不用笔。但含墨水喷纸帛上。自然成山川花木宫室禽兽人物之状。略加拂拭而已。每画得钱。即市酒与若谷痛饮。若谷饮素无量。每为宾所困。一日若谷问曰。先生操行异常人。必自神仙中来。还可语吾道否。曰。子左足北斗七星缺一。奚能成道耶。更一生可也。若谷惊曰。宾公殆圣人矣。盖其左足下有黑子作北斗七星状。而缺一。未尝为人所知故也。复问寿几何。吕祖倒书九十四字于壁。作两圆相围之。即别去。始

悟作圆。相为吕而宾姓其字也。后若谷四十九岁卒。果符倒书之讖。

谷客

元丰中。东京有道人。称谷客。与布衣滕忠同饮酒。将起。以药一丸遗丸。滕素有风癖。服之即愈。遂别。又三年。于扬州开明桥东。遇谷客。坐水次。招滕。滕取路跨桥而往。至则无所覩。始悟谷客为洞宾也。怏怏未几卒。同客人熙宁中。江南有李先生者。自号同客人。持莎笠纶竿短板。唱渔家傲。又为鸣榔之声以参之。音清悲激。如在青霄。其词曰。二月江南水路。李花零落春无主。一个鱼儿无觅处。风和雨。玉龙生甲归天去。人或与钱。不受。与酒即不辞。后以甲辰二月终。瘞之。无尸。始悟同客者。即吕洞宾寓意也。

守谷客

崔中举进士。道过巴陵。于寓邸歌沁园春乐章。吕祖适以补谿隐市井间。质其所歌。曰何曲也。崔曰。东都新声也。曰。吾不解书。子为书吾词。崔为书其词曰。七返还丹。在人先须炼己待时。正一阳初动。中宵漏永。温温铅鼎。光透帘帏。造化争驰。龙虎交媾。进火功夫牛斗危。曲江上看月华莹净。有个鸟飞。当时自饮刀圭。又谁信无中养就儿。辨水源清浊。金木间隔。不因师指。此事难知。道要玄微。天机深远。下手速修犹太迟。蓬莱路。待三千行满。独步云归。崔问姓氏曰。吾生江口。长山口。今为守谷客。翌旦访太守言之。曰此吕洞宾也。亟令召之叩其户。应声渐远。再呼不应。排户而入。闾无人矣。壁有诗曰。腹内婴儿养已成。且居廛市暂娱情。无端措大刚饶舌。却入白云深处行。崔与太守。叹恨而已。

吕元圭

吕祖游江夏。诡为吕元圭。往来居民杨氏家。为人言祸福事甚验。一日忽辞去。曰恶人至矣。吾将避之。是夕提点刑狱喻某。行部至鄂首觅吕。已不见。得其平日所与往还者岑文秀。诘其所得。岑曰。无有。喻励以声色。将罪之。岑答如故。喻命搜其家。得所遗卷长歌一首。论内丹事。喻省之曰。此吕先生也。元圭者。折先生二字耳。恶人者。谓喻迫之也。

黄祆翁

长沙钟将之。字仲山。嘉定己巳。自金陵罢官归。舟次巴陵南津。晡时。俄覩一舟过。中有黄祆翁。风貌奇峻。凝然伫立。熟视仲山良久。仲山窥其篷中无他物。惟船头有黑瓶罐十枚。篷前两青衣童参差立。仲山意其必径渡。既而仅行二丈许。即回棹。而翁已端坐篷后。再熟视仲山良久。俄失船所在。仲山始谓巨商。不与之语。至是恍然惊讶。知其为异人也。翌日往吕仙祠拜礼。真像俨然。有两青童待侧。其皆与昨所见者肖。仲山自恨凡目不识。感叹无已周星作水调歌头词。有更似南洋港。再遇吕公船之句。次年卒。仲山之孙。尝出其祖所绘黄祆翁真示余。诚为清峻绝俗云。

谒丁晋公

丁晋公谓。倅鄱阳。吕祖作一秀才往谒。曰吾唐吕渭之孙也。经史百家。无不通究。因与晋公言。君状貌大似李德裕也。他日出处皆如之。后晋公果大拜而窜海外。信似赞皇矣。

谒张参政

张公泊。早年家居。吕祖谒之。与张讲周易。并言孟子存心养性之旨。张自后文章日进。临行索纸笔。作八分书诗一章。微示他日将佐鼎席之意。其卒章曰。功成当在破瓜年。后张果参政。逾十六岁卒。世以破瓜为二八。盖其讖也。

谒石直讲

石介字守道。为国子监直讲。一方士称回叟上谒。袖出诗曰。高心休拟凤池游。朱绂银章宠已优。莫待祸来名欲灭。林泉养活预为谋。石逊谢不悟其旨。延以酒食。日将夕。叟辞。石留之宿。曰。吾孤云野鹤。安可留也。其后暮年。因贼孔直温谋逆。石尝有书与之。坐贬卒。

谒王岳州

太常博士王纶。守岳州。有回道人上谒。貌清癯。短褐不揜骭。语音清圆。纶问世系。回曰。不必问。所请教者。奕基耳。与奕。纶素号国手。至是连负。曰云暮。乃酌以酒问何方人。回书诗曰。仙籍班班有姓名。蓬莱倦客吕先生。凡人肉眼知多少。不及城南老树精。纶惊讶问。已失之矣。庭下烟云滃然。移时不散。祖谓纶前世。系荆州僧。名些。善歌河满子。能前知。后示寂坐化。因不得金丹。难免轮回。纶遂告疾还家。精思仙道。遇柳仙。授以成丹及尸解之诀。语出神仙鉴。

谒石舍人

石舍人王休。因避暑。有褴褛樵夫。持斧而前。眉目秀整。议论清快。石问乡里及世系。曰。老夫生于河南。移居于终南山。吕谓之裔也。所学者庄子老子。此外无所为。石曰。终南有何佳处。曰。佳处甚

多。因举陶隐居诗曰。终南何所有。所有惟白云。只可自怡悦。不堪持赠君。石异之。款留三曰。极谈出有入无。超生离死之法。将别。曰吾将往岳阳。以丹一粒遗石服之。年九十余。面如婴儿。

巴陵犯节

吕祖行巴陵市。知太守清酷。欲化之。侯其出。故犯其节。前驱执之。太守置诸狱。令书款。日将晡。无一辞。吏趣之。祖谓曰。须我酒醒吏曰。汝不忧罪。尚以酒为解耶。言未竟。忽失去。但遗诗曰。暂别蓬莱海上游。偶逢太守问根由。身居北斗星杓下。剑挂南宫月角头。道我醉来真个醉。不知愁是怎生愁。相逢何事不相认。却驾白云归去休。太守惊曰。此吕翁也。夙兴焚香谢过。一日于水盆中见焉。亟召画吏图之。与滕子京本绝类也。按楚志。宋干道中。三月三日。有道士纳衣髻鬢。竹笠草履。行乞于市。暮憩澧州元妙观。或卧河州上。人莫识。一日乘醉过洲西南桥。值乔守出。犯前行。乔怒而执之。将逮以罪。道人曰。吾醉矣。弗能辞。命下狱。诘旦引问。道人亦无言。乃赋诗云云。书已。遂乘云冉冉而去。乔恍然。始知其为吕仙也。与此微异。并录于此。

神光绘像

吕祖游山阳神光观。丐笔自绘己像于三清殿北墉。眉目修整。貌古怪。不类世所传。上有北斗七大星君相。被发重圭立。旁作一符。径丈余。书曰。元佑二年作。如知吾下笔处。可以语道。人以疾刮符服之。往往良已。或见神入仪观甚伟。曰。吾神光符使也。因欣其暴露。遂以幕区之焉。

游太平观

江州太平观道士薛孔昭有高志。吕祖访之。赠诗曰。落魄薛高士。年高无白髭。云中闲卧石。山里冷寻碑。夸我饮大酒。嫌人说小诗。不知甚么汉。一任辈流嗤。末书云。回道入同三客。访薛炼师作。始知洞宾。并寓其字。

游天庆观

宿州符离县。天庆观。有道士甯玮。少年谈老庄。有奇趣。一日晨兴。有卖药道人至。即吕祖也。仪壮雄伟。往来弥月。因以老庄要旨。授甯曰。吾观禅学。皆出于老庄。纵千经万卷。反复议论。要自立门户源流授受。其实皆本于老庄之旨。甯伏地求度。曰。容再晤临别。赠诗曰。松枯老水萦回。个里难教俗客来。擡眼试看山外景。纷纷风急障黄埃。后复至。适甯他往。题二绝于扉上曰。秋景萧条叶乱飞。庭松影里坐移时。云游鹤驾何方去。仙洞朝元失我期。二曰。肘传丹篆千年术。口诵黄庭两卷经。鹤观古坛松影里。悄无人迹户长扃。字入木寸余。墨迹不灭。一云甯归。见诗叹曰。惜缘薄。不能再见。其诗作大篆。体势飞动。人争刮其字以治疾。良愈。既有老庄要旨之授。便是大缘。不必以缘薄自惜也。

又天庆观

吕祖游秦州天庆观。时道流悉赴隣院醮席。独一小童在。祖因索笔。欲书壁。童辞以观堂新修。师戒勿污壁。祖曰。但烦贮火殿炉。欲礼三清。既往。见殿后池水清泚。以爪画壁书曰。石池清水是吾心。刚被桃花影倒沉。一到邽山宫阙内。销闲澄虑七弦琴。末题云。回后养书。壁绝高。非手所能及。众叹异。始悟回为吕。后养者先生反对也。

山寺艳妇

吕祖尝游山寺。以剑化作一艳妇入寺。僧行纵观。神驰志丧。过云堂前。有一僧方趺坐。独不顾。竟出门。似若不动心者。祖以为可教。既出门。则已候于无人之地。意欲要而挑之。女色中蛊人。罪根难灭。此第一障道因缘也。

游金鹅寺

吕祖抵四明金鹅寺。顾方丈萧然。顷有童子出。吕问此何寥。曰。莫道寥寥。虚空也不着。遂佳其言。题诗于壁云。方丈有门出不钥。见个山童露双脚。问伊方丈何寥寥。道是虚空也不着。闻此语。何欣欣。主翁岂是寻常人。我来谒见不得见。渴心耿耿生埃尘。归去也。波浩渺。路入蓬莱山杳杳。相思一上石楼时。雪晴海濶千峰晓。

游庐山寺

庐山开元寺僧法珍。坐禅二十年。颇有戒行。一日定坐。有一道人往谒。问曰。师谓坐禅可了道乎。珍曰然。道人曰。佛戒贪瞋淫杀为甚。方其坐时自谓无此心矣。及其遇景遇物。不能自克。则此种心纷飞莫御。道岂专在坐乎。因与珍历云堂。见一僧方酣睡。谓珍曰。吾偕子少坐于此。试观此僧坐未几。见僧顶门出一小蛇。长三寸余。缘床左足至地。遇涕唾食之。复循溺器饮。出轩外。渡小沟。绕花台。若驻翫状。复欲度一小沟。以水溢而返。道人当其来径。以小刀插地。蛇见之畏缩。寻别径。至床右足。循僧顶而入。睡僧惊觉。问讯曰。吾适一梦。与二子言之。初梦从左门出。逢斋供甚精。食之。又逢美酒饮之。因褰裳渡门外小江。逢美女数十。恣观之。复欲渡一小江。水骤涨不能往。逢一贼欲见杀。走从捷径。至右门而入。遂觉。道人与珍大笑。出谓珍曰。以床足为门。以涕唾为供。以溺为酤。以沟为江。以花木为美女。以刀为贼。人之梦寐幻妄如此。珍曰。为蛇者何。道人曰。此僧性毒多

喷薰染变化。已成蛇相。他日瞑目。即受生于蛇中矣。可不惧哉。吾吕公也。见子精忱。可以学道。故来教子。珍遂随之而往。不知所终。一云。祖复至。僧喜迎拜。祖问墨何在。僧具告曰。大临王拱宸。皆吾故友也。遂授僧禅定之理。后亦度世。

大云会食

吕祖伪为回处士。游大云寺。随堂会食。月余。谓寺僧曰。僧饌甚精。但少麪耳。遂去。旬日携少许麪至。自炮设。数百僧皆饱足。僧请处士啜茗。举丁晋公诗曰。花随僧筋破。云逐客瓯圆。处士曰。句虽佳。未尽茶之理。乃书诗曰。玉蘂一枪称绝品。僧家造法极工夫。兔毫碗浅香云白。虾眼汤翻细浪俱。断送睡魔离几席。增添清气入肌肤。幽丛自落溪岩外。不肯移根入上都。以一丹一粒遗僧曰。服此可不死。后僧亦仙去。

邵城酒肆

邵州城外。有老媪开酒肆。一日有吕道人来索饮。偶无酒。媪以所余浊酒一升与之。道人问价。媪曰。每升钱二十。道人以指点酒。书二十字。于门外一紫石上而去。徐视。则字迹下透石底几尺余。自是观者如堵。酒肆大售。后人因其居。建集仙观。

永康酒楼

永康军倪庚。新开酒楼。有一道人至索饮。自旦及暮。饮佳。已及石余。众怪。相聚以观。倪需酒金。道人瞪目不语。颓然醉倒。倪坐守之。曙鼓动。道人忽起。援笔题诗于壁曰。鲸吸鳌吞数百杯。玉山谁起复谁颓。醒时两袖天风冷。一朵红云海上来。末书云。三山道士阳纯作。以土一块掷倪面。走出门仰望东北一朵红云飞来。抚掌大笑。俄不

见。刮视其壁。墨彻数分。视土块。乃良金也。自是酒楼大售。始知阳纯者。乃纯阳也。

潭州鹤会

潭州兵马都监赵不闲。淳熙九年四月十四日。作鹤会。一道人不知所从来。摄衣升阼。不与人揖。径入知堂房内不见。但于几上得一幅纸。书绝句云。这回相见不无缘。满院风光小洞天。一剑当空又飞去。洞庭惊起老龙眠。末题谷客书。不闲录呈朱晦庵详之。朱子曰。此吕洞宾也。

绍与道会

会稽山。绍兴丑道会。有道人携凉笠而至。会散。乃挂笠于壁。无挂笠之物。而不墜。题诗云。偶乘青帝出蓬莱。剑戟峥遍九垓。我在目前人不识。为留一笠莫沉埋。后始知其为吕祖也。

贾相斋会

贾平章母。两国夫人。设云水道人斋。忽有群道人拱一孕妇将产而来。斋未罢。产婴在地。群道人即扶女子而去。只留婴儿在地。众人扶起婴儿。乃一剑袭也。始知吕祖为此。以戏凡俗云。

白云挂搭

吉州旧有白云堂。在龙庆寺边。尝有道人在堂挂搭。喉下复有一口。以吹铁笛。吹讫。复塞以纸。笠上题两句诗。一声吹动斜阳外。唤起江湖万里心。小孩群尾其后。辙将铜钱撒地。使竞取之。后题一诗于白云

堂后云。牵牛与识女。依旧白莲堂。遂去。皆莫晓其意。后郴州寇李元砺反。白云堂闭门。不容挂搭。以防奸细。三年后复开。开之曰。乃七夕后一日也。始悟其诗。及悟二口吕字也。

江州挂搭

江州瑞昌县。潘安抚道场。尝有道人至。求挂搭。无包无伞位。仅有一笠。褴褛村俗。直堂鄙之曰。你无伞无包。奈何挂搭。道人云既不许挂搭。觅一茶即去。直堂令之坐。及出。则道人反坐主席。直堂怒曰。不知宾主礼。做甚道人。道人揖而去。遗下一笠。直堂不能举。遂众众讽经谢罪。遂举其笠。地上有吕字。人病。取土煎汤服之立数年间。遂成一井。水泡上结成吕字。划开复聚。至今尚存。

绛纱裹药

东京一岁。民大病虐。有老姥家鬻茶。子孙皆病。一日有道人来。姥善待之。以子孙病为请。道人曰。翌旦待我。姥早赴待之。道人绛纱裹药曰。病发者使执之。自愈一丸可愈百人。过百人即不验矣。姥从之。子孙皆愈。偏疗及百人满果不验矣。姥折囊已不见药。但有书吕洞宾三字而已。方知遇吕祖也。

孝感救母

桐庐有通守。忘其姓名。以母病发背。百方不瘥。祈祷备至。感吕祖。夜梦之曰。公至孝感天。命余救拔。若迟一日。不复可疗。乃授以灵宝膏方。括葵五枚。取子。乳香五块。如枣大。二味各细研。以白砂蜜一斤。同熬成膏。每服三钱。温酒化下。通守市药治服。即愈。后以施人立效。

赵州医跛

赵州贫民刘某。病跛二十年。每夕炷香祷天。一日有道人。手携铁瓢。谓刘曰。可随我行。刘随之行二里许。指地下曰。此下深三尺余。有五色石。试掘之。果得一石。大如弹丸。五彩殊常。道人曰。子可持归。暴露九日。细末以木瓜皮煎汤服。俟愈。可来城东驻云堂东廊第三间。左壁上。再相会。及刘疾脱然愈。即往寻之。但见壁上。有吕祖相携瓢云。相传鄂城潯阳。有一贫妇。素患瘫病。每日膝行至桥上乞钱。一日遇一道人过。见而问之。妇曰。夫故。遗姑年八十余。来此丐些钱米。以养姑耳。道人闻已。遂将所执拂子。谓妇人曰。汝试牵此起身来。妇果牵之而起。又曰。汝试再随我行。妇人即随之行。不数武。妇疾大愈。如平人。妇曰。先生何处住。我好来叩谢。道人曰。我在某氏楼上。妇归。姑见骇问。具告以故。次日。姑媳寻至其家楼上。盖所奉孚佑帝君相也。因留彼处。看待香火。以终身焉。此亦妇之孝念有以感之。不仅愈其疾。且有以其生。其慈悲为何如耶。

江陵医眼

江陵传道人。事吕祖甚谨。干道中。正旦。有一客。方巾衣袍入。共语良久。招之同饮。传从之。自是旬日一来。时传目昏。多泪。客教服生熟地黄。切焙。取川椒去枝目。及闭口者。微炒。三物等分。炼蜜丸。空心。盐米饮下五十丸。传服之久。能视细物。追思容貌。宛类所事吕祖像。自是奉事益虔。

岳阳货药

吕祖游岳阳。诡名货药。一粒千金。三日不售。乃登岳阳楼。自舁其药。忽腾空而立。众方骇慕。欲买其药。吕祖笑曰。道在目前。蓬莱跬步。抚机不发。当面蹉过。乃吟诗曰。朝游北越暮苍梧。袖里青蛇胆气粗。三人岳阳人不识。朗吟飞过洞庭湖。一云吕祖于白鹤山池中。招巨

为剑。游岳阳货药。

成都持丹

成都药道。日有道人。垢面鹑衣。手持丹一粒。大呼于市。曰。我吕洞宾也。有能再拜我者。以丹饵之。众以为狂。相聚笑随之。道人往还数四。竟无拜之者。道人往坐五显庙前火池上。儿童争以瓦砾掷之。道人笑曰。世人欲见吾甚切。既见吾。又不识吾。亦命也。吕乃自饵金丹。俄五色云周身。有顷不见。众共悔恨。晚矣。昔有当商。极慕吕祖师。朝夕拜祷。颇虔洁。一日吕祖化一贫道人。将敝袍一件。欲质钱。商挽袍袖内有钗一枝。意道人必不知也。遂将衣质钱去。取钗出内有纸一幅。书云。今日忆。明日忆。忆得我来不相识。钗子留得作香钱。从今与你无交易。此正吕祖。所谓世人欲见吾甚切。既见吾。又不识吾也。商后见所书悔恨。与此众共悔恨一也。

觉能得丹

黄觉能有诗名。一日送客东都门外。旅次见一羽士。携有酒榼。呼羽士共享之。毕。羽士举杯。搯水书吕字。且曰。明年江南见君。明年果调官江南。复见吕祖。与以大钱七。其次十。又其次小钱三。曰。数不可益也。吾以药数寸。遗子。岁旦以酒磨服。可一岁无病。觉如其言。至七十三岁。药亦垂竭。卒于东京。

德成得丹

李积字德成。能医。盛寒时。遇一贫窘道士。衣单衣。无寒色。与李入酒肆。自据主席。李怪之。店者曰。交钱取酒。道士指店中取三酒瓶。曰。中各有一升酒钱。店者视之。果然。乃以三升酒与之。道士酌酒饮李。止取一瓶。二瓶自竭。与李曰。此小木耳。吾吕洞宾也。李惊

喜。道士书一绝曰。九重天子寰中贵。五等诸侯门外尊。争似布衣狂醉客。不教性命属乾坤。以药一粒遗李曰。服此当享高寿。即别去。李服药。发不白。齿不落。百七岁而卒。

金陵治痿

金陵万与石。尝病痿疾。左半手足。不能动履者数载。百法治之。不愈。偶出城南。有道人自普德山来。云。尔何若此乎。因以其疾告之。谓人以为偏枯。道人颔之。以手按其患处。忽觉痛酸。曰。是岂得为偏枯。行当自愈矣。问其姓号。曰。我干姓。号思屯。寄寓于清源观。遂与言干坤屯蒙之旨。为天地君亲师之位。皆世人所不经道。万归。其疾顿释。步履如初。乃以其事白诸友人。皆曰。干者阳也。思为系。屯为屯。得非纯阳乎。万因复出访之。竟不得其所在。惟吕祖之像居焉。此隆庆庚午十一月事也。

牧童赋诗

钟传弱翁。帅平凉。吕祖幅巾。衣白紵衣。上谒。有牧童牵黄犊随之。立庭下。弱翁异其气局闲雅。指牧童曰。道人能诗。可赋此乎。道士笑曰。不烦我语。是儿自能之。牧童乃操笔大书曰。草铺横野六七里。笛弄晚风三四声。归来饱饭黄昏后。不脱蓑衣卧月明。既别。人皆见其担二大瓮。长歌出郭。或报弱翁。曰瓮二口。此吕公也。亟追之。不复见矣。

七夕题诗

宋元丰中。吕惠卿守单州。天庆观。七月七日。有异人过。书诗于纸曰。四海孤游一野人。两壺霜雪足精神。坎离二物君收得。龙虎丹行运水银。二曰。野人本是天台客。石桥南畔有旧宅。父子生来有两口。多

好笙歌不好拍。惠卿壻余中。解之曰。后篇第一句。宾字也。石桥者。洞也。两口者。吕也。第四句吟也。吟此诗者。其洞宾乎。一本绝句。后有渔父词曰。万劫千生得个人。须知先世种来因。速觉悟。出迷津。莫使轮回受苦辛。后又遇吕祖。祖曰。吾以宗姓。故来度子。今观子所。非吾徒也。遂去。

黄鹤楼诗

武昌守倅。一日对奕。有道人不通姓氏。直前日。吾国手也。守试与奕。才下仅八子。即曰。太守负矣。守曰。汝子未盈局。安知吾负。道人曰。吾子已分途据要津矣。是以知之。已而果然。如是数局。守皆负。俄拂袖去。不见。守命人寻之。闻在邵治前吹笛。才至邵治前。则闻笛声在东。至东则闻在西。至西则闻在南。至南则闻在北。至北则闻在黄鹤楼前。道人走往石照亭中不见。但见亭中有诗曰。黄鹤楼前吹笛时。白苹红蓼满江湄。衷情欲诉谁能会。惟有清风明月知。末书一吕字。按楚志载此事云。一日太守与客对奕。俄有一道人过。曰。太守奕败。已而果然。太守惊。使视之不见。惟吕仙亭壁上题诗一首曰。黄鹤楼中吹笛时。云云。墨迹未干。始知其为吕仙也。与此少异。今诗勒石碑于仙枣亭外。

何仙遇道

何仙姑。零陵市。道女也。年十三岁。随女伴入山采茶。俄失伴独行迷归路。见东峰下一人。修髯紺目。冠高冠。衣六铢衣。即吕祖也。仙姑始仆仆亟拜之。吕祖与一桃曰。食此尽。他日当飞升。不然。止居地中也。仙姑仅食其半。祖指以归路。仙姑归。自谓止一日。不知已逾月矣。自是不饥。无漏。洞知人事休咎。后尸解去。吕祖尝谓。仙姑曰。吾尝游华阴市中卖药。以灵丹一粒。置他药万粒中。有求药者。于瓢中信手探取入手。而此丹入手即墜。因叹世间仙骨难值如此。一云。仙姑入山采茗。遇吕祖传以修养。复与金丹服之。引见姪祖。携入蓬莱。拜

木公金母。金母带回阆苑。令扫蟠桃落叶。因往来人世。一云。姑广州增城县。何泰女。梦神人教食云母粉。得身轻。武后遣。使召赴阙。中路失去景龙中。白日升仙。天宝九年。见麻姑坛。

跛仙遇道

长沙刘跛仙。遇吕祖于君山。得灵龟吞吐之法。功成。归隐岳麓。自号潇湘子。常侍吕祖往来抱黄。吕祖数游城下。有诗曰。南山七十二。独爱洞真墟。后有郑思者。遇跛仙于清泰门外。相与俱仙去。

道友讲经

陈澹然。富而儒者也。性慕道。延云水士多年。竟无所遇。吕祖诡为佣者。为治圃岁余。所作工役。力过常人。陈爱之。然止以佣者待之而已。一日陈与一道友讲阴符经。至天发杀机。天地反复。未晓杀机之旨。吕祖从旁抗声曰。生者不生。死者不死。已生而杀生。未死而学死。则长生矣。陈大惊曰。汝非佣者耶。谁教汝为此言。既而诘之。则复缪悠其辞。不可解。道友曰。田野村夫。定于何处窃得此语耳。非实通晓也。居无何。忽辞陈曰。吾将远行。明年五月五日午时复来也。既去。寂然。陈有乡人。客于巴陵。遇之。曰。为我寄语陈公。我吕洞宾也。始意公可授道。徐察之。则不然。吾不复来矣。言讫。走入吕仙亭竹林中不见。明年端午日午时。陈暴卒。

台州退涨

未夏竦。为台州邵佐时。山水横发。率僚属祷于山椒。忽见黄衣道人。冒雨而来。衣不沾湿。目竦曰。若遂修道。可登真籙。竦不答。道士笑曰。亦须极人臣。言讫而去。水亦随退。始悟其为吕祖也。后竦果居鼎铉。

显化四彝

宋建隆初四彝尚未宾服。吕祖每现三头异像。上鹤头。中狮首下本像六臂。左提飞龙剑。右执珊瑚尺。中两手结无遮印。左五雷诀仰。右剑诀复。衣黄道袍。盘坐黄鹂上。以法相喝服诸酋。化导归中夏以息干戈。恤民生。

海蟾得道

刘海蟾初名操。字宗臣。燕山入。以明经擢甲第。仕燕为卢龙司马。累迁至相位。平昔好谈性命。钦崇黄老。及刘守光僭称燕帝。解印绶去。作诗曰。抛离火宅三千日。屏去门兵百万家。遂改名玄英。号海蟾子。遍游访道。遇吕祖授以金液还丹之要。乃遁迹修真。得成仙道。游行尘市。远泛秦川。陶真太华。涵形青城。

上竈得度

吕祖初得道。自终南鹤岭。回乡里。省墓。偶步南郊蒲阴村。见一人坐柳树下。性极通灵。问其从来。知即行童寄儿后身也。祖因曲为点化。付成丹服之。易其魔相。令守炉执炊。呼曰郭上竈。

长安市药

宋建隆初。吕祖化一老翁。卖药长安市中。常携一大葫芦。人有疾求药。不计钱有无。皆与之。立效。或戏问有大还丹否。曰有。一粒一千贯。或以为狂。每于城市笑骂人曰。有钱不买药吃。尽作土馒头去。一日抖擞葫芦已空。内剩一丸极大光明。安掌上。谓人曰。百余年。无一人肯把钱买药吃。哀哉。遂自投于口。足下五色云起。望东南而去。人始叹悔不及。

王公槐卷

宋参知政事王旦。父佑。虔奉吕祖像。一日祖来谓曰。君家世积德。子孙致位三公。当树槐为卷。佑乃植三槐于庭。后旦果大拜。

秦州货墨

吕祖往来陕地。假为货墨。至凤翔。入天庆观。作诗题壁曰。得道年来四百秋。不曾飞剑取人头。玉皇未有天符至。且货乌金混世流。后去游西川。

再谒子京

滕子京守巴陵。吕祖称吕处士再谒。子京与论名胜。引道经云。两火一刀可以逃。的系何所。祖曰。言剡中诸山。可以避灾。故汉晋以来。多隐逸之士。括苍天姥。是其处。子京曰。按会稽籍。天姥在剡之东鄙。接天台华顶峰。既入括州。何云吴地。曰。禹导吴江。会诸侯于祁山。秦置会稽郡。属吴。其郡治多灵异。老子枕中记。言吴之。华山可度难。山半有天池。产干叶莲。服之羽化。信宿别去。

曹仙得度

曹仙名景休。曹皇后弟。彬之孙也。耻其弟景植倚势不法。伏罪。遂隐迹山岩。葛巾野服。矢志修真。一日吕祖同钟祖来。问曰。闻子修养。所养何物。对曰。养道。曰。道何在。曹因指天。曰天何在。曹又指心。二师笑曰。心即天。天即道。子亲见本来矣。遂授以还真秘旨。令其修炼。未几道成。二师引之而去。

孝感遇仙

鄂州治南。吕仙亭前。有枣树。相传自唐以后。未尝结实。一日吕祖偶憩其下。忽有实如瓜。太守命小吏采而进。吏性至孝。亲死无倚。祖教其私啖。吏从之。食毕。即飞去因改名仙枣亭。

参谒黄龙

吕祖至武昌黄龙山。值海机禅师升座。祖登擂鼓台听讲。师诘座下何人。祖曰。云水道人。师曰。云尽水干何如。祖曰。曠杀和尚。师曰。黄龙出现。祖曰。飞剑斩之。师大笑曰。咄。固不可以口舌争也。遂与指明大道。祖因呈偈曰。弃却瓢囊掇碎琴。大丹非独水中金。自从一见黄龙后。嘱咐凡流着意寻。遂拜礼辞去。

会邵谈易

邵康节先生。精于易理。一日静坐。忽见风过。占之。遇兑。再占外卦。复遇兑。喜曰。吕先生至矣。俄而一道人至。邵叩其道。道人曰。既知我来。必知我去。易理通达。就中探之可得。因授以口诀。邵依法修之。遂得尸解。

游智度寺

吕祖南游韶郴。下湘潭。至江滨。闻智度寺慧觉。禅学。性源淳洁。与促席对坐。谓曰。收光内照。一衲之外无余衣。一鉢之外无余食。远生死岸。破烦恼壳。方令佛衣寂寂无传禅理悬悬几绝。扶而兴者。其在吾师乎。作偈赠之曰。达者推心方济物。圣贤传法不离真。请师开说西来意。七祖于今未有人。

谒陈处士

隐士陈烈。年高有道。神宗遣使召之。辞不赴。吕祖常与往来。论道适召。使至。祖赠以诗曰。青霄一路少人行。休话兴亡事不成。金榜因何无姓字。王都必定有仙名。云归大海龙千尺。云满长空鹤一声。深谢宋朝明圣主。解书丹诏先生。后烈卒。祖复吊之曰。天网恢恢万象疏。一身亲到华山区。寒云去后留残月。春雪来时问太虚。六洞真人归紫府。千年鸾鹤老苍梧。自从遗却先生后。南北东西少丈夫。

谒张天觉

张商英字天觉。为相。有伧倮道人。及门求施。商英不之礼。戏问有何术。曰。能掬土为香。即于阶侧取泥掬而焚之。奇香酷烈。烟罢。道人不见。案上留诗一章。掬土为香事有因。世间宜假不宜真。皇朝宰相张天觉。天下云游吕洞宾。商英自恨不识。悔之晚矣。从此格去非心。

吴兴妓馆

吴兴妓张珍奴。色华美。性淡素。每夕沐浴更衣。炷香告天。求脱去甚切。吕祖化一士人访之。珍见风神秀异。体敬殊甚。往来几月余。珍曰。问曰荷君眷顾已久。独不留宿何也。士曰。周自有意。因问汝每颦天。实何所求。珍曰失身于此。又将何为。但自念入是门中。安施粉黛。以假为真。讴歌艳曲。以悲为乐。每叹世之愚夫。觑我如花。情牵意惹。非但丧财。多致殒命。妾罪愈重。惟昕夕告天。早期了脱。士曰。汝志如此。何不修道。珍曰。无从得师。士曰。吾为汝师可乎。珍即拜叩。士曰。再来可也。遂去。珍望不至。作词曰。逢师许多时。不说些个。安得仍前相对坐。懊恨韶光空自过。宜到如今闷损我。士至。见词。续韵曰。道无巧妙。与你方儿一个。子后午前定息坐。夹脊关。昆仑过。恁时得气力。思量我。复与太阴炼形丹法。临别。作步蟾宫一词与之曰。坎离坤兑分子午。须认取自家宗祖。地雷震动山头雨。

待洗濯黄芽出土。捉得金精牢固闭。炼甲庚要生龙虎。待他问汝甚人传。但说道先生姓吕。后黄觉能为湖州守。询诸妓能为道情词曲者。珍以前词奏之。黄讶曰。吕仙祖曾过汝乎。珍具述所以。遂得脱籍。珍自是佯狂丐于市。投僻地密修。逾二年尸解去。

法真求度

吕祖游华阴。道者伏地拜迎。祖曰。子何为也。对曰。仆乃刘法真。昨见黄云渐近。今犹复顶。知有圣真降临。祖因问所从来。刘具述天宝中。同人入寿春作茶。遇一老僧。令往五台。心虑其远。僧乃邀入兰若。发心出家。二十余年。后知僧即文殊菩萨。一日谓曰。有大魔起。必索汝等。令众各散去。仆后居云台华阴观为法师。嗣遇仙张公弼。邀入石洞。寻亦别去。每恨遇佛仙而心不坚。遂成腰疾。望圣临救拔。祖曰。子之道业。过半为心无定向。今仍往拜求普贤。则大行成矣。予亦欲往蜀中。法真即随至青城山别去。

重阳得道

王重阳真人。名中孚。字允卿。家世咸阳大魏村人。政和壬辰年生。初举武甲科。年四十七。解组归。弃妻子。拂衣尘外。己卯岁。游于终南。遇吕祖同正阳。因再拜求道。密授口诀。有诗曰。四十八上始逢师之句。次年复遇于醴泉。观更授金丹直旨。为更名嘉。字知明。号重阳。二师去。重阳穴居以修。道成。出关东游。度马丹阳。孙不二夫妇。并邱处机。号长春子。刘处玄。号长生子。谭处端。号长真子。王处一。号全阳子。郝大通。号广宁子。是为七真。

禅寺植樟

吕祖过华亭北禅寺。手植樟树于殿后。数年樟死。复来取瓢内药一

粒。瘞诸根下。樟复活。叶叶俱瓢痕。人始感悟。因号吕公樟。

枯鱼复活

靖康时。楚州孙卖鱼者。盛暑。吕祖遇于市。曰。汝鱼馁矣。饮我可使活。遂饮以斗酒。与言竟日而去。视鱼果活。孙自是通晓古往事。决人祸福輒应。后入鉢池山不出。

廷直遇仙

宋末。饶廷直。字亮公。衡南城人。登进士。尝过黄鹤楼。闻笛声。寻求。遇吕祖。授静功秘诀。不欲仕。不近妻妾。翛然端居无为。祖复至曰。且须再世。得闻妙理。因携之游南岳绝顶。有二道士。逊坐问曰。昔有道长蓝养素。入岳。云已得大还丹。在此温养。一日抚掌大笑。顶开霹雳一声而化。求指教。祖曰。九年火候直经过。忽尔天门顶中破。真人出现大神通。从此天仙可相贺。此则金丹大事已毕也。遂去。饶后无病而逝。

唐女得度

严州唐氏女广真。既嫁。得血疾。梦道人与药服。之愈。自是入道。初往苏。谒蓑衣何真人。何称之为仙姑。号无思道人。一日饭次。忽昏兀如醉。两夕方苏。言为吕祖同曹混成二仙唤去。引至海边。随游洞府。吕祖又令至庐山。予虚真人洞中学书。写大字诗二百余篇。吕祖问曰。汝欲超凡入圣耶。身外有身耶。留形住世耶。弃骨成仙耶。对曰。有母在。愿尽孝道。祖曰。如是。则且留形。遂以丹一粒。分为四。投盘中。得其一吞之。遂苏。自是辟谷。以符水治人疾。良愈。后吕祖至严州度去。

榴皮画壁

熙宁元年八月十九日。湖州归安县。沈思。隐于东林。因名东老。能酿十仙白酒。一日有客。自称回道人。长揖东老曰。知君白酒熟。愿求一醉否。公命之坐。徐观其目。碧色灿然。光彩射人。与之语。无不通究。知非尘埃中人也。因出与饮。自日中至暮。已饮数斗。殊无酒色。回曰。久不游浙中。今为子有阴德。留诗赠子。乃劈席上榴皮画字。题于庵壁云。西隣已富忧不足。东老虽贫乐有余。白酒酿成因好客。黄金散尽为收书。按苏东坡诗集。有和诗三首。世俗何知穷是病。神仙可学道之余。但知白酒留佳客。不问黄金觅素书。符离道士晨兴际。华岳先生尸解余。忽见黄庭丹篆句。犹传青纸小朱书。凄凉雨露三年后。髣髴尘埃数字余。至用榴皮绿底事。中书君岂不中书。

拱极遇仙

江北陆西星。遇吕祖于拱极台。嗣后常至其家。传阴符道德之秘。因注黄老参悟诸书。名曰方壶外史。吕祖又命两仙童。受业于陆。偶与戏嬉。童子飞空而去。吕祖仍至。索纸题诗。以指代笔。末有云。每一下阶。众仙为之侧目。自此仙迹杳然。陆氏子孙。至今珍藏此卷。书尾犹指上罗文。

梦仙除瘤

橘斋史左丞。夙病眉瘤。初至馆楼上。梦仙拭面而瘤脱。既觉。往谒吕仙亭。物色如所见。

闻笛愈风

平章忽刺斛夫人。秃蒲伦氏。患头风。日夜望仙祷祈。已而闻笛声。

皆曰仙笛也。公曰。仙有灵。当再闻。及夜。笛声起墙外。自是夫人起居如初。

遗金化石

江夏吕公洞前。有军巡夜。逢三人衣冠甚古。遗黄金片片。携归。光彩焕发。官觉收之。则皆化。为石。命藏之军资库焉。

石上桃痕

武昌省会。西城外。黄鹤矶石上。有桃痕。相传吕仙假卖桃以验众。售者第云归遗僮子。无有言及父母者。吕感忿。掷桃于石而去。其痕至今存焉。

诗赠笠翁

康熙辛亥夏。吕祖降乩于寿民佟方伯之寄园。正在判事。李笠翁忽过之。方伯曰。文人至矣。大仙何以教之。吕祖云。笠翁岂止文人。真慧人也。正欲与之盘桓。可先倡一韵。吾当和之。因呈绝句一首云。今古才人总在天。诗魂不死便成仙。他年若许归灵社。愿执诸君款段鞭。吕祖和云。闻说阴阳有二天。诗魔除去是神仙。相期若肯归灵窟。命汝金门执玉鞭。复赠一绝云。潇洒文心慧自通。无端笔下起长虹。波平云散停毫处。万里秋江一笠翁。

诗示天基

维扬石天基。性喜念佛。日常不辍。一日游虎邱后山绝顶。殿宇辉煌。傍有静室。供吕祖像。梁中以丝线挂木笔一枝。其下承有沙盘方

几。傍坐老翁。因问设此何为。翁曰。凡有疑事启问。即虔诚默祷。用符咒代请吕祖降乩。自临判断。因焚香默叩。以时常念佛。有无功效。求明示。少顷。见悬空木笔。即自运动。遂判云。念佛虔诚即丹。念珠百八转循环。念成舍利超生死。念结菩提了圣凡。念意不随流水去。念心常伴白云闲。念开妙窍通灵慧。念偈今留与汝参。末书纯阳道人。赐扬州天基石子佩悟。

鹄矶示现

武昌涵三宫。会首顾行恕吴一恕等三人。叩求吕祖现相。许以翌日赴黄鹤楼下相候。三子次早赴楼前。静候良久。游人杂沓。无从物色。傍午有一人。于太白亭前。背手徐行。三子亦忽之。俄见一老翁。须髯皓然。意必有异。就与语。仍无奇。至薄暮。怅惘而归。以为诳我。后示一绝云。三生石畔殷殷望。太白亭前款款行。春色不知何处去。空余皓首说幽情。始悟亭前独步者。即吕祖也。

古文墨迹

顾文恕。又一日自涵三宫赴馆。途遇一道人。与之语。顾赴馆心急。不暇接言。辞去。及至馆。诸徒诧异曰。先生今日何以衣裾皆香。顾亦不觉。视案上古文前。书莫儿戏。回道入过此数字。笔势飞舞。墨迹尚新方悟吕祖降神所书。众未之见。而途中所遇之道人。盖化相也。翌日述诸会友。无不叹羨。会中傅敬恕。宝而藏之。鄂州飞剑遗亭。为吕祖道场。屢着灵异。尝伪为丐者。诣亭卧祖龕座前。众以其垢秽不堪。呼之令去。及去后。方知。则已追悔无及。又一日。天大雨雪。伪为京货郎。憩亭上。作避雪状。以手拂衣。旋出亭外。使人视之不见。时雪甚厚。无足迹。始知其为吕祖也。夫自古神仙众矣。惟吕祖时而金阙。时而洞天。属以度人愿重。游行宇内。或现相。或降笔。神通妙用。千变万化。不可胜言。嘻。盛哉。

第四章



吕祖全书浑成集

小序

神仙通鉴。载吕祖成道时。着有诗词。名浑成集行世。予读刘无我所辑全书。并无是集。其中虽有文集三卷。刊自宋干道年间。而名则不同。他如葫头集涵三杂咏。又系后来乩笔。非祖师畴昔吟哦。甲午初秋。王君云轩有重梓全书之举。嘱予校订。予每遇相知者。托以搜求吕祖著作。虽购有遗书数十种。但终以不得是集为遗憾。越岁春。壬九日。有吴山火德庙羽士屠雨苍。与予会于西湖之天香阁。言及搜罗祖师铁典。屠云。本庙有前明道藏。盍一往视翌日。予欣然往观。得祖师神化妙通纪。药石制。暨是集二卷。捧归载入全书而序之曰。烟雾云霞。山川草木。皆天地中自有之文章。浑然成就。不假人工雕作。我祖师聪明天亶。灵变无方。其作为文章。自得宇宙灵秀之气而成。若无心而出岫。似有意而怀新。岂世之苦吟者。所可同日语乎。英雄激烈。论剑术也。风雅清华。赋景物也。苦口哀吟。劝世俗也。托言引喻。指玄功也。要皆诗句浑然。非有心成章粉饰者。试观何序。不禁爽然自失已。

乾隆乙未上巳钱塘万善子邵志琳敬序

何道人浑成集原序

窃谓古人无心于为文。故言发乎诚。而大体全。后世有心于为名。故

文过乎情。而华藻胜。大体者根于自然。华藻者出于使然。自然者同乎天。使然者参乎人。心声之发见限量。不言而判。尔且焕为日月。章而为云汉。融而为山川。散而为草木。仰观俯察。万象森罗。莫非天之文。地之理。而天地大化。岂容心于此哉。无言而生。不为而化。盖有不期然而然也。我祖纯阳吕翁真人。学贯天人之际。手握造化之机。矢口成言。洒翰成章。初非心思智虑之所致。抑亦天机自发。沛然莫能御者。其劝世也。随方设化。辞白义精。观之使人判然冰释。怡然理顺。廉贪敦薄。勃勃然稔绝尘之虑欤。其咏剑也。假物明理。气豪心放。读之使人释然四解。神清气逸。刮垢磨光。飘飘然有升虚之思欤。夫仙翁之出神入圣。千变万化。其文散落于人间。殆不可以兼收而备举。甫于藏室中。得其诗章二百有余。厘为二卷。名之曰浑成集。以其浑然天成。非人为所能及也。执事于纯阳宫者。议欲镂木以广其传。庶与四方共之。因嘱予序引。刚拒不能。姑为道其梗槩。其中亥豕之疑。不无一二。安敢以己意辄更之。疑以传疑。当俟达者。呜呼。有能即其诗以求其心。因其心以得其行。由其所行之。行以造圣人之道。其亦庶几乎。愚不能无望于后之学者。

岁辛亥岁閏十月望日条阳清真人何志渊顿首稽首谨序

劝世吟（七律二十七首）

为人不可恋嚣尘。幻化身中有法身。莫衔胸中搞锦绣。好于境上惜精神。回来便访仙家侣。迷即难逃俗眷亲。为告聪明英烈士。休教昧了本来真。
又
骑鲸几出洞庭湖。谁识逍遥厌世夫。万朵金莲开混沌。一轮心月印虚无。不求我住黄金阙。唯愿人居白玉壺。袖得青蛇归去也。风箫声里步天都。
又
晖晖星斗焕文章。身逐闲云别帝乡。一粒丹于方外炼。百篇诗向醉中狂。壺天自有长春境。海岛宁无不夜堂。踏破碧霄云外路。九重天上傲羲皇。
又
乔木阴阴村落霞。好山都属道人家。寒灰温鼎重生焰。枯树归根复放花。人世兴亡终有限。瑶宫岁月了无涯。天风触乱铿锵佩。来往飞腾紫凤车。
又

世情不悟只器顽。空手归来下宝山。绿鬓逡巡翻雪鬓。朱颜咫尺换苍颜。寸心勉作千年调。四假何曾一日闲。标柱题桥多少志。也应囚入死生关。
又
云山道士任闲闲。门外黄尘总不干。心印一轮千里月。髻簪五岳七星冠。经开秘笈焚香诵。琴少知音对影弹。鹤遶药炉朱顶动。只疑飞出紫金丹。
又
虚空浩浩太无穷。独许神光上下通。一点诗魂新气槩。五千言教旧家风。迷时且究人间世。觉处宜修物外功。整翮搏风好归去。莫教容易果凡笼。
又
巍巍荡荡下天庭。憔悴风光颇怆情。细柳营深蚊阵密。长江波濶屋楼横。酒旗番作征旗动。箫鼓更为战鼓声。无限竞名贪利客。几人能得欲心平。
又
红门不可久蹉跎。利未多时害已多。莫纵颖锋为剑戟。好平心地息风波。蜂痴刚采花成蜜。蚕死谁将茧织罗。不义之财贪得富。浮云终久待如何。
又
识破穷通造物般。空心一片任闲闲。圆光上下千峯月。灵相纵横七宝山。收拾乾坤归手掌。运搬日月撼天关。苍生冗冗无由见。一颗玄珠灼世间。
又
梦断黄粱万事休。烟波不见屋云楼。烹成铅汞三千日。跃出阴阳八百秋。剑挂斗南魁北下。气横天外月稍头。来时携片无瑕鉴。高贴青霄未肯收。
又
错综阴阳造化权。人心往往不安然。忽更星汉为云汉。时变雪天为雨天。偷暖冰澌浮翠翼。弄寒梅萼鬪芳妍。可怜一段长春景。谁送将来世上传。
又
山路迢迢信鹤行。引吟佳句逼人清。梅魂都被风偷去。竹影全因月印成。山好只知仁者乐。酒醇优合老儿情。共谁同醉逃笼网。闻苑逍遥乐太平。
又
曾记乘风下碧华。香云密密掩龙车。因期闻苑神仙会。醉卧山中处士家。蝶梦庄周真可味。鹿疑郑相愈堪嗟。谁能解此玄中趣。同泛银河月夜槎。
又
勿泛灵源种子孙。好畱复命与归根。退身莫引东山妓。抱朴休开北海樽。紫凤未乘归绛阙。鸟衣先脱山红门。愿君不窃饥民禄。随我同酬玉帝恩。

又
 前生福业自今看。再世因缘见在观。三世抱聪方作吏。五生不昧始为官。
 休将荆棘栽心地。莫纵干戈下颖端。提得慧刀归去好。免教来往战饥寒。
 又
 半醒半醉出神京。黯淡江山未放晴。法雨暂随霖雨沛。慈云闲逐暮云生。
 人间已压尘埃息。物外冥滋道力荣。道力滋荣尘已息。灵台境内贺清平。
 又
 圣德凡情不可齐。轻篙徒向海心挥。一竿丝上垂香饵。七里滩头坐钓矶。
 明月满天红蓼岸。清风两袖绿蓑衣。水寒夜静鱼不得。笑指长江告式微。
 又
 兔乌东出又西还。转首流年百与千。莫逐阴魔消玉汞。好将丹鼎炼金铅。
 尘中但恐抽头晚。物外端宜下手先。远段虚空还打破。便应拂袖入云巅。
 又
 澄澄一派旧灵源。不属纤尘点污间。朗朗朗同明月朗。闲闲闲似白云闲。
 擘开天地牢笼网。跃出阴阳造化关。俗境有人聊得悟。回光对面是家山。
 又
 真性元来得自由。莫教人事强拘囚。是非浪里宜缄口。名利场中好缩头。
 妻子冤亲还了了。死生途路得休休。逍遥碧嶂青松下。坐看残花逐水流。
 又
 一丸丹药久烹成。高射昆仑灼灼明。贮鼎自令龙虎伏。开炉须遣鬼神惊。
 大包天地应还窄。细入尘沙不太盈。顽石点来金可就。人收争得不长生。
 又
 铸就龙泉不记秋。护持法性得全周。神光出匣辉乌兔。冷焰凌霄射斗牛。
 乘处十方三界净。挥时百怪万魔愁。今来特奉天都令。封与人间烈士收。
 又
 黄鹤楼前吕氏家。一壺天地老烟霞。无形白鹿调朱凤。有个乌龟缠赤蛇。
 六月山头飞白雪。三冬水底长黄芽。这些道理人还识。陆地神仙乱似麻。
 又
 目对千差物万般。当胸一点镇闲闲。但知得处如禅月。不可空回下宝山。
 布袖拂开烦恼障。芒鞋踏破死生关。当时一着安排定。不落阴阳戏弄间。
 又
 烟霞缥缈隐仙宫。浩气腾腾满太空。蟾卧一轮河汉月。鹏搏万里海山风。

灵光返照先天外。圆相含宏大道中。更有白元君咫尺。世人冗冗不能穷。
 又
 进后休贪非理物。退时好认本来真。行慈但积无边福。寡欲休伤有限身。
 绿鬓惟能添白发。红尘难再遇青春。君还悟彻兹狂语。作个逍遥物外人。

七言律诗五首

凡骨退回知几载。碧峯高卧饵玄霜。青山古雪围松榻。仙掌寒云炼石房。
 贝阙每擎琼蕊嫩。蟾宫时折桂花香。烂然翠锦曾相启。许我同游五帝乡。
 又
 春来游荡到仙家。户列殊常二月花。甲子尽推君行业。庚申得遂不须夸。
 各有清灵天外性。肯忘混浊弃骄奢。千日功夫如会得。万年归去入烟霞。
 又
 半醉岩前度几秋。骑龙驾凤永无忧。王侯宰相全不爱。坎离两件是奇筹。
 独坐蓬莱观宇宙。抽剑眉间海上游。为见不平心里事。解冤雪耻取人头。
 又
 风霜三尺鬼神愁。大袖高冠得自由。喜溢襟前歌越曲。怒来眉际拔吴钩。
 自从碧海离三岛。不上朱门谒五侯。半醉愕然攘臂立。问谁怀抱有冤讎。
 又
 世情阴雨疑相孤。电闪雷声振八都。长去乱山添雾露。不来平地救焦枯。
 原融春色 声振。结构秋风害旅途。弄却三间破草舍。临时看得几年无。

五言律诗二首

夜静寒江上。纶收水聚波。可嗟香饵少。徒看锦鳞多。
 欲作回船计。其如逐境何。徘徊明月底。空负老渔蓑。
 又
 欲造修真趣。须凭造化权。青龙吞紫雾。白虎喷青烟。
 皓气腾三界。阳光射九泉。一丸丹药就。还与未生前。

自咏

山仙无人识。佩剑入大唐。回首南北看。无意却归乡。
昨者摩尼般。早觉挂衣黄。风行一阵黑。百鬼尽潜藏。

七言绝句十七首

莫贵荣华恋宰臣。林泉到处可潜身。君知昔日逃秦者。今作桃源洞里人。
又
红门窃利苦张罗。来作浮沤去作波。直至玉堂为宰辅。到今谁是汉萧何。
又
伐尽灵根损尽真。髑髅里面望精神。相逢都道求仙去。蓬岛何曾见一人。
又
收得真精养就丹。寸心无碍自清闲。功成行满思归日。紫凤衔书到世间。
又
羣阴消尽地雷鸣。星斗阑干万里横。唤起纯阳归正位。午前恰听打三更。
又
一世人身万劫修。何须苦苦为家愁。到头付与儿孙计。着甚来由作马牛。
又
龙倦雄吟虎倦哮。将军犹未脱征袍。怒风卷地番天至。摇落乾坤杀气高。
又
打破虚空见便拿。拿来最好作生涯。不寻面壁蒙头趣。笑杀西来旧作家。
又
休夸年少骋风流。强走轮回贩骨头。不信试临明镜看。面皮底下是骷髅。
又
好财心返思真道。看色眸回望武陵。攀柱腕头捐玉纽。踏云脚上解恩绳。
又
困民久已陷刀兵。不住蹙眉发叹声。咫尺前程安稳地。只愁人意未和平。
又
木雕泥塑静中身。心境休沾一点尘。默默冥冥无间断。这些风味契全真。
又

莫问諠諠有市廛。市廛对面是云山。但能方寸无纤翳。别得壺天一味闲。
又
吏越萧何值土埋。文过子建亦哀哉。寻思这个荒荒世。大底不如归去来。
又
我爱贤哉白首翁。仁人文质又彬彬。何缘邀得乘风去。堪与云山作主人。
又
子孙衣禄子孙求。枉了贪心强出头。直待愁来年月尽。恁时平地变荒邱。
又
清贫处下非为辱。显赫居高未是强。试看太平无事日。知他谁在与谁亡。

七言绝句十首

戒酒
切戒酒兮切戒酒。一点元光长保守。爽然飞上玉京峯。天地酿熟琼浆有。
戒色
切戒色兮切戒色。色心才起元神灭。自然夫妇玉堂中。一点精神千丈雪。
戒财
切戒财兮切戒财。休教苦把世人埋。自家七宝琼林里。有个真人垒玉台。
戒气
切戒气兮切戒气。只可绵绵不可废。有朝冲溢化元神。飞上青霄朝玉帝。
戒愁
切戒愁兮切戒愁。刚贪名利几时休。荣华富贵都能几。限到头来怎肯。
心剑
我爱龙泉匣里藏。令人肝胆莹神光。一从提上中宫帐。万里羣魔不敢当。
心印
寒光不动自天然。应变随人方与圆。印定了知无那个。这生恰是未生前。
心镜
高挂灵台久不磨。自然影现万森罗。任从尘翳休吹拂。吹拂尘无照甚么。
心灯
一点心灯焰焰生。不劳挑拨朗然明。得来照破人间暗。独放寒光满太清。
心月

一轮心月贴天庭。兔魄蟾魂特地清。些小闲云难作障。通天彻地自圆成。
心地
心地烦劳苦耨耕。静中独有道芽生。我从填得无沟壑。稳稳安闲一片平。

最玄吟（七言绝句二十五首）

六年雪岭为何因。志定调和气与神。一百刻中都一息。方知大道显三乘。
玉皇差我化凡愚。满地苍生与道疎。四季暗偷身上宝。五行明盗脸边珠。
贪名贪利年年有。去是去非日日无。回首却归三岛路。免教上帝降天符。
九转烹煎一味砂。自然火候放童花。星辰炼出青莲颗。日月临藏白马牙。
七返返成生碧雾。九还还就吐红霞。有人夺得玄珠饵。三岛途中路不赊。
西方玉女产金苗。本是乾坤火自烧。水虎乱云山下卧。火龙散彩海中调。
阳魂王盛天非远。阴魄才交地匪遥。功满自然生五彩。骑鸾自在出云霄。
天生一味变三才。交感阴阳结圣胎。龙虎顺行阴鬼遁。龟蛇逆走火龙来。
婴儿同与黄金髓。姹女时斟白玉杯。功满自然归物外。人间寒暑任轮回。
星辰聚会入离乡。日月亏盈助药王。三候火烧金鼎宝。五符水炼玉壶浆。
乾坤反复龙行雨。卯酉相吞虎放光。入室用机擒捉兔。一丸丹髓药纯阳。
八卦通灵会坎离。震兑交时合二仪。下手采时当王取。炼烹成熟莫令迟。
八十一载在胞中。为炼纯阳九九功。白日乘云归上界。至今游憩紫微宫。
壶中四象自然神。养炁忘言物外身。虽用鼎炉安宇宙。两轮日月往来频。
岂劳师众静干坤。南方北户竟相通。此用无非龙与虎。八道神光彻底红。
一一须从一一生。真金交会合相争。阳魂终处阴须散。化出乾坤日月精。
五行须是配夫妻。坎男离女少人知。二体若交相感合。却令丙老是亲耆。
换骨年年别有方。须烹龙虎在中央。功成只是三千日。血化如琼髓似霜。
五行精髓一中包。特地轮排候火烧。直待水回神室后。定从平地到青霄。
北家离象坎家华。更便东邻震内芽。每待丙公相接引。必于炉里厮擒枷。
四象循环还戊己尊。志修恬澹 因君。金木并时交水火。一道红霞接洞垠。
爱惜壶中一粒丹。镇藏幽洞在昆山。此中不是凡间药。服了将身列圣班。
炼药功程须九转。虎龙数足火相推。一时进道朝中立。猛烈须凭巽户吹。
捣和无路合时难。志在专心仔细观。姹女定知乌影里。婴儿只在月轮端。
玄中一路更须玄。苦苦言来不在言。忽若遇时难取舍。无门争得见根源。

剑侠二首

磨利青风三尺剑。袖里金锤不乱挥。但见讎人须一报。岂教人道不男儿。
又
今朝早起抹漆黑。千里报讎同顷刻。袖中倾下死人头。口内犹言道得得。

河车

火轮些小出神州。用力搬载使铁牛。赤心搬上昆仑顶。谁识还丹号紫游。

岳阳货药

朝游南越暮苍梧。袖里青蛇胆气粗。三入岳阳人不识。朗吟飞过洞庭湖。

百字诗

本性好清静。保养心源定。财又我不贪。气又我不竞。酒又何曾饮。
色欲已罢尽。见者如不见。听者如不听。莫论他人过。只寻自己病。
官中不系名。私下凭信行。遇有不轻狂。如无守本份。不在他人壳。
免却心头闷。和光且同尘。但把俗情混。因甚不争名。曾共高人论。

五言绝句

琴
七弦飞雅操。十指泻松风。唤觉浮生梦。亭亭月印空。
碁
黑白心难定。何曾对面闲。势中多路险。生死漫双关。
书

惆怅亡周后。时儒漫检寻。各生仁与智。孰到仲尼心。
画
可爱丹青手。无穷三昧功。江山多少景。都在寸心中。

四言绝句

清静道德四首

清
一念不起。万缘何生。虚无浩浩。月白风清。
静
外境不侵。内神自定。一点灵光。莹然自静。
道
无为理深。寻之越奥。信手拈来。是名曰道。
德
德亦无形。物无不育。物既含荣。是为真德。

行住坐卧四首

行
法界虽宏。历之可越。足步清风。手携皓月。
住
动则难言。静亦无说。动静两忘。中间且歇。
坐
心灭寒灰。身忘土块。默默冥冥。光辉三界。
卧
清静家风。希夷妙诀。放开四大。万缘齐灭。

#按：清真何道人所辑。吕祖浑成集诗歌二百二首。分为上下二卷。今与全书参对。内上卷七律二首。七绝一首。六言一首。落魄歌一章。下卷七律六十一首。七绝二十八首。五律三首。皆见文集。尚余一百五首。未曾列入。故只汇为一卷。其诗句间有平仄未调。音韵不叶处。仍何序存疑之说。不敢妄易。纯一谨识

第五章

吕祖指玄篇

纯阳自叙

余本唐之一宗人耳。名琼字伯玉。配金氏生四子。长曰甘。次曰美。次曰丰。次曰充。余少也有相士尝相余。眉棱目濶。鼻耸颈长。面修而濶。须茂而疎。真儒家之气象。但山根上一痣。则当尅妻。太阳下一痣。则当尅子。皆不善也。独喜鹤行龟息。声自丹田出。是乃遇仙得仙。而非凡庸之比矣。时余尚悟后。思予十岁能文章。十五好剑。二十即名时。五十始登第。且授官而治邑。惟以德化人。妻卒之胥庆也如彼。长少之偕乐也如彼。于是疑夫相者之人为劣于相者也。不意唐有日月当空之祸。凡我同宗触之者灭。遭之者亡。余甚恐。是以弃四子而挟一妻。流移于山。卜筑于洞。时惟两口。故更其姓曰吕。因在山下。故易名曰嵒。时处洞中。因声其字曰洞宾。其后妻亦亡。而身亦孤。故匾其号曰纯阳。余肆观于宇宙之间。寄仿于烟霞之外。朝访仙朋。暮谒道侣。瞻方壶。眺圆峤。游十洲。玩三岛。云乘鹤驭。虎啸龙吟。而富贵功名之私。理乱安危之冗。举不足在余之念矣。于是将信夫相者之人为善于相者也。自今考之。由唐而五代。而宋而金而元而明。世代不觉其九迁。自艾而耆而耄而耄而期颐。泊寿已历乎十变。则遇仙得仙之言。盖至是而益验矣。于戏以千载有余之秘。而一旦为知己者泄之。然余尚有十八字。（伏列在旁。似人而非人。挽拘在下。似龕而非龕。）未可以尽灭之也。

重刊吕祖指玄篇序

道家之学。始于黄帝。着于太公。成于老氏。其道广漠冲虚。观于周象之外。运于潜默之中。达盈虚消息之变。行握几逆数之权。辟阖阴阳。洞识兴废。固君人南面之术也。至其神仙之说。亦犹儒家。尽性知命之理。示人生真义。原始返本。复天地之初心耳。儒家有周易。道家有丹经。易字为日月相重。丹字为日月相抱。皆阐阴阳刚柔推移旋运。而求一安身立命之地。所异者儒家之易。立乾坤以定伦常。道家之丹。运坎离以成玄牝。伦常立。则性命醇化乎仁义之中。玄牝成。则性命超脱乎五行之外。其途虽殊。其归一也。洎汉以降。道家典籍。仅存百一。迄魏伯阳作参同契。葛洪着抱朴子修真之术。乃显唐代崇老学者。皆好黄冠。吕纯阳以雁塔清才。潇洒拔俗。博览道藏。入山不返。其遗世之着述。不复可稽。徒令后世向往而已。兹有妙玄子吴秀三。以所珍藏吕祖指玄篇秘注见示。为律体诗十有六首。皆言丹汞水火之术。有沧海老人为之注融。漚儒释道之言。而畅论人性之本源。吴翁悯世人。沉湎物欲。迷不知返。发愿重刊。以感应人心。亦济世之大药也。夫天地设位。而易行乎其中。说识盈虚之理。达消息之机。逆而用之。顺而成之。阴阳二五妙合而凝。则神仙亦不难至矣。余何言哉。

中华民国四十八年季冬沁水贾景德序于台北寓庐

吕祖指玄篇秘注原序

尝闻道不远人。人之为道而远。人不可以为道。嗟乎。斯人皆因气禀所拘。人欲所蔽。迷真逐妄。良知良能。明化为暗。良可叹也。余自幼读孔孟之书。喜释道修身经典。于三教之书。深穷其义。但人道之理易明。惟率性天道。莫知其奥。细阅一切注解。皆与正文始末不合。气脉不贯。适至三星古地。幸遇潭洲老人。谭叙修身之理。至有数月。复引会桥湾仙师。乃元始天尊化形。所传一脉先天大道。立誓皈戒。仙师见余年虽幼童。好道笃信。授我先天精一执中。率性神仙之道。次传七返九还。周天火候。不生不灭。大觉金仙之功。余知大道贵重。自古三教圣尊。不肯轻泄于凡人。将此口诀玄妙。演着经典。诚诵极可超度亡

魂。今得身体力行。证佛成真。有何难哉。但怕根基浅薄。无善德难载。子思有云。苟不至德。至道不凝焉。紫阳真人云。此道至圣至灵。忧君福薄难消。太上云。欲求天仙者。当立一千三百善。欲求地仙者。当立三百善。余自立洪愿。以克己惜福。俭用培德为念。济人利物。助人成美为心。苦行十有四载。乐善不倦。即遇一切魔难。并无违仁之意。知超凡入圣。有如反掌。诚感上天诸真。及三教宗师。常常教诲。命余混俗和光。化度众生。不造恶业。免堕三涂之苦。改过行善。修超天堂之福。奈乎世人红纱照眼。尘势迷心。以假为真。认虚为实。即有知觉男女。赋性不昧。诚心修道。望超苦海。却被异种盲师妄注丹经所误。不知性是怎么修。命是怎了。糊糊涂涂。苦死无成。良可悲也。余究竟所注书之人。皆是借东华帝君所传。至于南五祖北七真之名。自称嫡派门人。仗他广览杂书。记闻之学。自作聪明。胡猜乱想。东扯西捉。见书中借物阐道之语。他以为真正之事。注于书上。故始终不贯。夫彼未得正宗心传。怎解经中微言。只知好胜图名。遗误后世学人。生死大事。其罪莫大焉。余思此迷不破。为西游之大患。修道之迷阵。因思五祖七真。系纯阳吕祖一脉始传。因见吕祖着有指玄篇一册。前诗一十六首。乃白玉蟾真人所注。后诗三十二则。又其所和。虽前注后和。其理浑涵深蕴。奥妙难明。余体天地之心。前圣着书之德。沐手焚香。告天秘注。阐发诗中天机玄微。引证三教成真格言。从筑基炼己下手之作用。采药进火结丹之法。武炼文烹。退符沐浴之行持。功纯丹还之效验。道成逍遥之乐处。行善颠考之根由。三寸生化之节度。人情苦乐之来历。旁门异种之胡为。句句辩明。章章剖清。令大地学人。访道而有张本。作办真伪之试金石。若得此书者。皆是大奇缘。务要高供神堂。诚意捧读。立德感天。自有明师相遇。指示大道。依书中修炼。在儒教者。明存心养性。格物明善复初之地。在释门者。知明心见性。行深般若波罗密多时之方。在道家者。晓修心炼性。采药归鼎还丹之所。始知三教训世之理虽殊。而修身返本。出世之法不二。书成可为扫邪师外道。杂书胡说之宝鉴。显三教心传。超凡入圣之铭箴。人当知苦海茫茫。能改过积德。回头是岸。虽天堂渺渺。急求师指道。修炼可登。方不枉吕祖着此宝筏。度人成真之厚望也夫。是为序。

大清康熙八年菊月念日沧海老人本诚子叙于明善书屋

吕祖指玄篇前序

余精儒业。应试路逢正阳仙翁。悯崑指修大道。遂弃功名。始生疑惑。后蒙指出。余方省悟。再访仙师。登山涉水。游至终南。稽首讯问根由。不责前愆。授余太上无量度人妙经。及丹房秘诀。反复叮咛告诫。命余珍藏。密修大道。采炼还丹。以逃生死。入希夷门。游长生境。余既得闻。喜而敬之。叩头谢恩。别圣师云游尘境。誓度百人成道。皈奉真风。不料世之迷徒。只知恶死。不肯求生。不悟玄机。殊昧妙理。反生谤诽。或有执着而怀邪妄者。或服金石草木者。种种痴愚。入于迷境。及至老死。犹不知悔。深可惜也。吾固怜之。无能拔济。特作指玄篇一册。留于青城石室之中。稽首告天。拂袖而去。倘后之君子。得遇此书。乃三生有缘。收吾秘诀。务必严整衣冠。具香花灯水。于静夜而朝北斗致谢高真。感格仙圣。自有明师剖诀。简奥细微。水火进退。药物筋两。明后下手。隐身煅炼。龙虎大丹。脱胎入口。接命延年。驱魔剿怪。修得三千行满。倏诏飞升逍遥物外。与天齐年。与吾无异也。

大唐成道金阙选仙司度人孚佑演正警化兴隆大道真人吕纯阳撰

文昌帝君指玄篇秘注原序

宇宙间。有大文章。身心内。有真学问。日用间。有实功行。所谓大文章者。非檇藻擅华。矜奇炫异。而后谓之文章也。本之身体力行。着为简册经典。是之谓大文章。所谓真学问者。非口耳章句。咕哔了事。而后谓之学问也。必于身心性命。深其践履笃实。是之谓真学问。所谓实功行者。非饰外遗内。弃本务末。而后谓之功行也。必于性命下下一着修养。诚善中用一番服膺。方谓之实功行。嗟嗟性命之学。不讲也久矣。其贪恋名利。膻逐爱欲。使性海波纷。智镜尘掩者无论也。即有致意性理之士。类皆知者惑于高远而无有实际。愚者失于不及。而半途彻废。古圣人着书立说。寓天道于人道之中。故二典言中。汤诰言性。中庸之言诚明。大易之言阴阳。其中性命机关。隐而不发。言下跃跃。一经指示。吾知石破天惊。鬼哭神嚎也。然圣贤之典籍。昭然若揭。而人

心之蒙昧。视若故纸。性命之学。尚可问乎。故不但圣贤悲悯。而上天亦深为哀怜。当宋盛时。群真会于旷野。五老共议。欲阐性理于当世。救人心于一线。于是救命羣贤。应运下生。公治诞为伊川。南容降为明道。水老分性希夷。仲弓降为邵子。西方广长舌佛。化形大苏。芙蓉城中主者。知为曼卿。朱张继起。周程绍脉。性理之学。可谓盛矣。虽然精一执中之传。圣圣相授。至精至微。故性与天道。端木不闻。况下焉者乎。故后世学人。得其粗。遗其精。知其表。昧其里。有宋性理之学。虽极其盛。而性命之秘。未必能指其中之玄也。今幸国朝。累代雅化。熙雍盛治。贤哲诞降。应运迭生。士修身心之学。家体圣贤之训。性理之学。固已冠上下数千年而独盛矣。吾以神游江北。有潜修庵缙岭金仙。执本诚子所解指玄篇秘注一帙。独坐南岩。把卷吟阅。求吾一序。以为性理法则。吾披鉴一过。见其行间字里。借玄关至善之地。以明知止定静之所。借筑基炼己之工。以明厥性复初之理。借采取烹炼之则。以明闲邪存诚之要。借温养沐浴之妙。以明义精仁熟之效。玄机透露。寓言若昭。阐发幽微。至尽且极。后之学人。得此注释。眼明若炬。心空如镜。发英杰心。求指玄理。吾知必有所遇。如钟吕其人者。依法修持。穷理尽性。知命至天。有不难矣是序。

时在大清乾隆九年菊月十三日叙于真如寺精舍

月华老人指玄篇秘注原序

玄之时义大矣哉。易曰干元。书曰玄德。老子曰玄同。是玄之为义。包天地。贯万物。宣古今。莫非玄理之所发露也。虽然。玄而不指其玄。务高者或涉于虚幻。求奇者或入于怪诞。长夜漫漫。谁知径路所在。大海茫茫。孰是停泊之边。是玄之必赖于指也明甚。独是典坟邱索。隐赅精微。孔孟周程。寓言性命。后之学者。习焉不察。深可叹也。其有名流羽客。缙衣黄冠。求玄者如牛毛。得所指者若麟角。是玄之一字。圣贤仙佛。极秘心传。非时非人。勿敢轻泄。故大地求玄。未必知其玄。即有知其玄者。天津森严。亦不敢轻指其玄也。惟唐吕公。以天人之质。秉河岳之灵。幼而慧敏。壮而荣显。以进士身。授襄阳任。路过邯郸。得遇正阳仙翁。黄粱一梦。顿悟富贵。瓦石金玉。尘土功名。参求玄要。蒙师指

示。炼七鸟六蟾之髓。烹紫龙玄虎之液。功成果就。证位选仙。发广度之愿。着指玄篇一册。藏之青城石室。拂袖告天而去。迄今千有余年。得其书者。见其妙义无穷。沾惠无际。然言浅意深。语近旨远。不有注释。吾恐名曰指玄。而玄究不得所指也。今何幸而有本诚子之秘注乎。细阅其注。至道玄机。尽为指出。指乎筑基炼己。而入手有其路矣。指乎拨阴取阳。而修身有其道矣。指乎文烹武炼。而存诚有其要矣。指乎脱胎神化。而了手有其效矣。吾览阅一过。不禁掩卷而喜曰。非吕公之着。不知性理之有玄。非本诚子之解。亦不知吕公所指之玄也。先后济美。千古同揆。叮吾后学。速仿梨枣。天下之宝。当与天下共之。俾人人访求长生路。大家跳出生死关。依诀修来金仙果。同赴蟠桃拜佛颜。岂不快哉。则吕公之所深望。亦吾与本诚子之本愿也是序。

岁在乾隆五十二年日躔析木之次月华老人叙于种松草堂

吕祖指玄篇秘注后序

岁在癸丑六月之望。余与羣仙逍遥乎广漠之峯。遨游乎寥阔之野。拍手洪崖。散发沧海。斯时也。海水无声。天籁静寂。松则苍翠而峭古也。草则菁葱而茵软也。白鹤翩千岩鹿幽逸。乃命仙童。吹玉笛。焚炉烟。招翔鸾。衔云笈。广邀仙真。同集瑶坛。徐焉风和露滴。玉兔西坠。但见彩云浮空。麟歌凤唱。则有广野老仙。昆圃逸人。丹阳仙侣。般若古尊。五明散客。安乐逸士。羣仙济济。乘兴而来。余乃邀众仙于最高岭上。握手谈玄。言未既。则见乌镜东照。阳光照彻海底。红霞灿烂。少焉龙吟虎啸。瑞霭冲天。金光朗然。尘翳尽除。恍惚置身于混沌之初矣。余乐甚。真快焉。于是进山肴。餐水菓。擘凤髓。斟龙膏。杯盘纵横。酒未数巡。而余醺蒸大醉矣。羣仙亦皆借草枕石而卧。同游心于杳冥之乡。酣睡于虚无之野。有顷虎豹声嗥。林木震动。余方嗜卧。有童子推吾及众真而醒曰。不知何处信香飘来。阵阵到也。余命童子。举慧眼观之。禀曰。此广野之北。沧海之隰。敦请上真也。余因拈髯。顾羣真言曰。仙会之所。近在目前。曷一游乎。羣真曰可哥。余亦曰然然。青蛇东指。云雾纷散。鸾鹤前慕。顷刻而在大江之北。玄洲之地矣。坐未久。有湛然居士。邵弓其人者。手捧余指玄篇一册。系沧海老

人所注。求众真一叙。余披览之下。见其导 披窍。抉邃阐微。字字缕析。言言冰释。其析理也。如入武夷罗浮。幽壑古洞。步步引人入胜。其决疑也。如五丁力士。倚长天大剑。劈开太华崎岖。其引证也。若千珍万宝。灿然而并列于前。其条分也。若细针密缕。秩然而不禁其绪。至矣妙哉。吾不为之之前。其玄谁启。今不为之之后。其理谁达。本诚子之注。真与吾先后相辉映也。吾发广度之愿。青城着书。留待有缘。虽曰琼琤有解。然非时不泄。亦仅略写大意。今得本诚子注。吾指玄本义。若日月丽天。江河行地矣。后之学者。因注而追求妙义。由径而访问至人。指其玄窍。炼其汞铅。简易无多。大齐同谒华西。共到九天。则余之厚望也夫。

乾隆五十八年癸丑之夏纯阳吕真人再叙于蓬阁之南牖

亚圣邹国公栢皇真人孟夫子原叙

天道一而已矣。一者何也。理也。理者何也。性也。穷理尽性。知命至天。而圣贤之能事毕矣。无如世之学者。锢于欲。不存乎理。溺于人。不合以天。以致天理牴牾。本心丧失。人禽之判。只此几希之间耳。呜呼放其心而不知求。舍其路而不知由。吾之所以深为叹惜也。吾本栢皇真人。证位三天。时当战国纷纭。争名趋利。悉为朝秦暮楚之辈。奸贪诈伪。无非权谋术数之士。吾因悲悯应运下生。祥云霭霭。降诞邹峰。凛断机之训。遵三迁之教。怀仁抱义。崇王黜霸。欲以所学。化治斯民。无如所遇不合。退而栖隐。日与吾徒。讲论道德。放辟杨墨。救世之功。不在禹下。功成神游。证位极品。久矣栖身三天。不与人间事矣。因以闲散。与诸名贤。为东山之游。路过邹里。为当年诞降之地。款步石室。赏心幽岑。见昆圃逸人。手执吕翁指玄篇一函。系沧海老人所注。倚石披读。吾即接阅一过。见其理解透彻。深有精义。与圣贤性理精一执中之传。两相吻合。而不桼凿。嗟乎修性养命之学。非自今日始也。精一执中。非尧舜大禹之功用乎。懋昭大德。非汤之功用乎。至于武尽反之之功。周孔为性之之圣。何一非修性养命也。吾生周孔后。继数圣统。其于性理命功。何一不寓天道于人事中也。知言养气。即格致诚正之功也。至大至刚。浩然塞乎天地。即性命之光辉。弥

沦无际也。集义所生。即存诚去妄。真实功用也。勿忘勿助。即功行了手。神化地位也。至道心传。以吾生平。何一不露于语句间乎。是不待吕翁之着。本诚子之解。而后有此一宗妙理也。今得吕翁之着。本诚子之解。而性命之功。益昭然若揭矣。何幸如之。人其勉之。吾日望之。

大清乾隆五年冬月一日叙于东山峰里别墅

昆仑黄龙真人指玄篇秘注题赞

笛声吹破晴空烟。手招白鹤影翩千。游罢罗浮三山境。
又随清风落汉川。琅环阅竟未见书。仙史引我玦楼边。
玉检金题蝌蚪字。中有吕翁指玄篇。公为李唐之名士。
蜡视荣华学飞仙。黄粱一枕邯郸梦。负笈终南访妙玄。
功成剑影耀空起。白日飞举大罗天。着留丹经藏石室。
拂袖湓浦枕石眠。遗诀千载谁人识。沧海仙子注真诠。
铁丸咬破苍龙血。海底抉取白虎涎。乌兔会合唱仙曲。
婴姪一处好安禅。文烹武炼金光净。温养沐浴道果全。
字里行间金玉戛。笔底腕下龙蛇旋。柱杖打醒三更梦。
半夜雷声震动天。自古仙佛留宝筏。伊谁得鱼可忘筌。
沧海之注开幽径。独辟蚕丛泛钓船。石破天惊玄理泄。
诚恐风雷搜取还。急布人间付麻本。共开水底万朵莲。

祝愿辞

妙玄子玉峯老人敬志

愿此指玄一篇。随时到处飞翔。达士人手一册。展开室放祥光。
修持如尝甘露。福利得自宣扬。世上万般苦事。都由损失天良。
无论国家社会。能行正道者昌。谁重万行六度。人钦天敬名香。
尽量看空放下。力行精一执中。立即拔出泥脚。自然稳步安详。

至人更进一步。心地展开道场。看出非他非自。方位不立中央。
所在中既不立。八方消撤无疆。心平能平一切。打倒自己者强。
般般苦空不实。知了心境清凉。逞己即成公敌。礼让众福之堂。
根尘识三勇舍。尽人能作法王。可怜迷人一念。造成万劫祸殃。
念念无知造罪。后苦无边无量。仗此玄篇一卷。拔出生死大洋。
士苦手无寸铁。得此大愿易偿。利他因以自拔。护生寿比老彭。
佛眼万类一体。苦海偏放慈航。处处流通翻印。徧界尽化康庄。

指玄篇木其律诗一十六首

纯阳祖师吕真人手妙玄子吴秀三校订
沧海老人本诚子秘注

其 一

叹世凡夫不悟空。迷花恋酒送英雄。春宵漏永欢娱促。岁月长时死限攻。
弄巧常如猫捕鼠。光阴犹似箭离弓。不知使得精神尽。愿把身尸葬土中。

沧海老人曰。此诗乃祖师成道之后。快乐天上逍遥三界。慧眼观看大地男女。为气禀所拘。人欲所蔽。迷昧良知良能。不明真假迷花恋酒。伤害许多英雄。春宵漏永。谁能觉悟本真。岁月长时。空为昼夜奔忙。不惜精神。妄贪假名假利。不体天理而为。不守本分而行。用尽计谋如猫捕鼠。自幼而壮。壮而冠。冠而老。嗜欲感其心。万事劳其形。精神丧尽。所积财物。一死概属别人。惟功过二事。乃归自己。四块板木。将此骸骨。葬之荒郊。一灵真性。无常引见阎君。孽镜高照。以定善恶。功多过少。将功除过。依善恶之多寡。定人衣禄福寿。投生受报。若过多功少。依过轻重。定人之罪。阴中受刑。刑满放往阳间。照过受报。嗟乎。因一念之差。违理欺心。由己横暴。天律不容。失落人身。变为畜牲。生不能安然。死后又难免刀涂、汤涂、火涂、三涂受苦。形骸供人口腹。好不惨然。吾劝世间男女。须体祖师之训。莫迷善因。如今生身居富贵之家。皆是前世所修。故能今生受福。乐享天然。如今生若不行善积德。来世之福。从何而至。至于生身居贫穷之家。乃是前劫少修。故今生受贫。劳碌困苦。倘若再不行善存心。转世又不知成何景

况。因果经曰。欲知前世因。今生受者身。若问后世果。今生作者心。易曰。作善降之百祥。作不善降之百殃。老子曰。祸福无门。惟人自召。此古经天律。明示众生久矣。人当省悟焉可也。

偈曰：苦乐世间异万千。报施因果无私偏。

若能改过修功德。免得来生受苦煎。

其二

昔年我亦赴科场。偶遇仙师古道傍。一阵香风飘羽袖。千条云带遶霓裳。开言句句谈玄理。劝世声声唱洞章。我贵我荣都不羨。重重再教练黄房。

沧海老人曰。吕祖本大唐名儒髫龄入泮。壮岁登龙。由庠生而中进士。授任襄阳。审案不轻用刑。劝化世民。不畏劳苦。清如水。明如镜。实有功于世。后阅春秋。知富贵如露如电。悟周易思天理大数难逃。因赴试。路途忽闻香风一阵。来一羽士。身穿仙衣。腰系绶带。气象不凡。开言而谈玄理。其人乃汉时将军。姓钟离名权字云房。道号正阳子。受东华帝君指示大道。修炼而登仙界。洞章者。乃仙家醒世之词调。超凡入圣之要言。祖遇圣师。情投义和。谈叙七日。立誓皈依。愿学出世之道。尔时吕祖虽大根大器。初闻大道。别师亦有疑惑之心。自思我本凡夫。想成仙道。岂是易至。后蒙指示。方能大悟。即弃功名。有如敝屣舍恩割爱。寻至终南。受尽考磨。十试不退。诚意求师教训。是正阳帝君。一片婆心。授以丹诀微妙。随师云游。览玩山景。行随时方便。济人利物之事。功满而位证天仙也。重重再教练黄房者。黄者。中央正位之地。五行化育之所。性命之根。生死之穴。易曰。黄中通理。正位居体者此也。房者。清静安养之处。允执厥中之舍。无垢子曰。小小房儿却不多。能包天地及山河。其中有个真仙子。不染尘垢上大罗。嗟乎此先天大道。朝闻夕死。成真秘诀。轻不易泄。非人不示。非人不传。吕祖随师九载。苦行不一。乐善不倦。十考不昧天心。方指点性命根蒂。一贯的作用。始知厥性复初之下手。拨阴取阳之法则。存心养性之行。为使四体之性。归于黄庭。修成舍利宝珠。一朝功行圆满。三天丹书下诏。如蝉脱壳。飞升位证玉清内相。金阙选仙。孚佑帝君。兴行妙道天尊之职。九祖齐超。同享天福。然吕祖慈悲度人心切。见下方众生。沉埋苦海。六道转变。颁请玉旨。飞鸾阐化。指示羣迷。三教感应。掌法判五雷之令。兼司十地之权。好不威哉。舍数十年之荣

耀。修万劫不坏之天福。尝愿后来同效之也。

偈曰：黄粱梦悟弃华荣。幸遇正阳圣道成。

明却中黄率性理。功圆万古选仙名。

其三

玄篇种种说阴阳。二字名为万法王。一粒粟中藏世界。半边锅里煮山江。青龙驾火遊莲室。白虎兴波出洞房。此个工夫真是巧。得来平步上天堂。

沧海老人曰。玄篇之理。讲来讲去。无非言的阴阳二字。夫阴阳者。为万物之主宰。看之无形。摸之不着。隐显不测。顺行生人生物。若得明师指示。以阳化阴。以阴育阳。即可成仙成佛。易曰。一阴一阳之谓道。紫阳真人曰。梦谒华西到九天。真人授我指玄篇。其中简易无多语。只是教人炼汞铅。此修真的秘诀。超凡入圣的切径。特恐人难遇难闻耳。一粒粟中藏世界者。此一地方。自古三教圣人。不轻易泄。在天上谓之斗柄。斗母主持。四时序焉。万物生焉。在人身谓之玄关。性之根。命之蒂。儒称为灵台。锻炼九曲明珠。释称为灵山。烹炼牟尼宝珠。道称为灵关。修炼黍米玄珠。古经云。道法三千六百门。人人各执一苗根。惟有些子玄关窍。不在三千六百门。半边锅里煮山江者。此言修性还本。明善复初工夫。锅非世间有形有像之物件。乃无极而动。造化而成太极。半阴半阳自母腹胎出。哇地一声。先天太极造化之炁即收。后入口鼻之气即接。逐分为两仪。两仪分而四象承。于是天赋之性散于四肢。性相近也。习相远也。不遇师指率性之理。流浪生死。轮回无休矣。学人欲明白半边锅里煮山江之义么。急求明师指示两仪。而返太极。将那半阴半阳。合而为一。小山之精。江水之华。二家自然凝聚太极之中。内有一个不老婆婆。名曰万化娘子。取东方之木。名曰青龙。木能生火制火下降而会坎铅。是谓青龙驾火游莲室。火逼西方之金。名曰白虎。金能生水。金水上潮。而配离汞。是谓白虎兴波出洞房也。木火降而金水升。至此须知安炉立鼎。上下相应。炼三魂而制七魄。也三七合一。而成大丹。此个工夫。本然奇巧。后世有缘之人。得遇此书。访求至人。指示作用。积德消孽。功行圆满。脱凡体而步天堂。有何难哉。

偈曰：阴阳妙道理堪精。不遇真师性怎明。

识得虎龙三七会。炼成至宝礼三清。

其 四

寻天掘地见天光。种得金花果是强。那怕世间诸恶鬼。何愁地下老阎王。
正心收住黄龙髓。张口擒吞白虎浆。不是圣师当日诀。谁人做得这文章。

沧海老人曰。寻天掘地见天光者。乃言取坎填离。厥性复初之工也。盖人未生以前。在母腹之中。本先天卦爻。喜怒哀乐未发之时。乾坤定位。一性圆明。是谓中和气象。故不饮食而壮。迨至胎足降生。一个筋斗下地。哭啼一声。昧却中和之炁。始得天地之气。乾坤颠倒。干名曰天。因失中爻之阳。而变为离中虚。坤名曰地。因得干中之阳。而变成坎中满。阴阳失位。五行变乱。先天之性。即化为气质之性。不怕仙佛圣真临凡。若不遇明师指教。本性日迁。识神主事。元神佛性昧矣。若有志男女。不昧天性。访得真师口诀。将先天所失干中之阳。在北海坎地掘寻。拨开二阴。取那中爻一阳。阴降阳升。复还干坤本体。四肢自现毫光。照彻宇宙。盖元精元气元神相凝。名曰金华聚鼎。结成金刚舍利。明心见性。存天地之心。行圣人之德。借世间之财。修天堂之福。成天地之智人。为圣真之流亚。吉神拥护。浩气塞乎干坤。怕甚么恶鬼满世也。经云。道高龙虎伏。德重鬼神钦。夫阎王者。乃上天见世间男女。昧理欺心。违犯天律。故设立十殿。一殿所掌阴阳界。鬼门关。有孽镜台。定人善恶。超躋苦乐。毫发不爽。余有八殿。掌理刑拘。铁面无情。依律用刑。第十殿号为转轮王。但凡投生富贵贫贱。寿夭残疾。胎卵湿化。依善恶发往阳世。投生受报。赏善罚恶。真果森严。如善男信女。得遇明师指示。取坎填离。依先天口诀行持。地府除名。紫府挂号。务要戒杀放生。消解历劫孽冤。方不伏阎君所管。功成而为凌霄之客也。正心收住黄龙髓者。乃是关窍已开。百脉通达。心正自然意诚。意诚身修。则近道矣。盖心为一身之主。意乃精气神之宗。质列五行中央正位。其性属土。其色皆黄。故名曰黄婆。别名黄龙是也。物格知致。致心不妄动。神定气和。谓之黄婆髓也。白虎浆者。系水中之金。离火炼化。呼吸上凝。是谓张口擒吞也。将髓浆二物。收入玉鼎之中。取日精月华。久久养成不生不灭真灵。功满脱壳。超出天地之外。不入轮回之中。噫嘻。此是成圣之秘诀。三教圣人不轻泄之法。子贡曰。夫子之文章。可得而闻也。夫子之言性与天道。不可得而闻也。释迦曰。须菩提。一合相。即是不可说。此皆言大道不敢轻泄明示。虽三教着书。儒演于大学中庸。释演于般若心经。道演于玉皇心印妙经。不过师

指面授性命之工。作用之法。实难明通。无如世有一等假知之辈。未得心传之道。性不知是何修。命不知其何了。以他记闻之学。广览羣书之见。不明圣人着书立说。借物阐道之义。使大地众生。知觉访师。究竟根原。他以执着死见。不低心访求高人。辨明性理。好胜逞才。妄注丹经传世。后学得之。误以为是真正修身的口诀。盲修苦死无成。罪莫大焉。故吕祖曰。不是圣师当日诀。谁人做得这文章。吾今解明。指醒学人。不受傍门外道所愚。一切小说杂书毫无圣贤精义。得见此书。一目立知。书诚慕道者考金之石。照暗室之灯。是道可证。非道可破。作苦海之慈航。修仙成佛之灵梯也。

偈曰：抽换爻象成仙方。采得金花见性王。

尝罢虎浆龙髓味。指玄敬注祖文章。

其 五

一三五数总是春。后地先天见老君。花发西川铺锦绣。月明北海庆风云。
好抛生计于斯觅。莫逞浮华向外营。念念不忘尘境灭。静中更有别干坤。

沧海老人曰。世间不知修身之道者。难明此诗之义。昔古圣伏羲。行至孟津。见一异物。龙头马身。瑞气腾腾。伏羲观见此物不凡。遂唤曰。尔若与后世有益。急可上岸。那灵物闻之。登岸伏地。伏羲视背上有文点。一六属水。居于背下。二七属火。居于背上。三八属木。居于背左。四九属金。居于背右。五十属土。居于背中。通乎水火。达乎金木。伏羲视之。豁然解彻其义。知是天地生成之理。阴阳造化之机。当时画之。熟记于心。此物名为龙马负图。观天地之象。剖明阴阳五行循环之理。而成八卦。其义深奥。包乎三才气度。时至商末。人心反常。迷昧循环之报。伏羲视之不忍。复又倒庄化生为文王姬昌。囚于羑里七载。因人情之义。又定后天八卦。分方位爻象。始注成易经。使大地男女。知天地不外一理。觉悟知非改过。远恶近善。究竟修身之道。超出苦海。岂知后世学人。将圣经只知卜筮世事吉凶。于性命之功。弃而不讲。上天视之无奈。共议分为三教着书讲明三曹苦乐之理。天地化生万物之义。及人伦治世教养之规。修身率性还本之道。始末并叙。嗟乎举世之人。有几多不但修身天道不体。即人道五伦之事。亦不遵行。惟吕祖慈悲。得圣师心传。修成大罗天仙。立誓度尽苍生。泄露玄机。作此诗句。指醒男女修道之诀。吾今注解。阐明微妙。若有信善之人。观见

此书。访求明师。指示妙窍。知天堂有路。攀援可上。自不入于傍门外道。为有形有象幻术所误上。学人欲明白一三五数总是春。后地先天见老君之义么。此乃言河图生成之理。指人厥性复初之工也。于意云何。天一生水。地六成之。天三生木。地八成之。天五生土。地十成之。此天生地成。于人身中。是谓汞下授铅。分清去浊。格物厥性的工夫。后地二生火。天七成之。地四生金。天九成之。此乃地生天成。是谓铅上投汞。物格养性之妙。学人功行至此化境。人欲尽净。天理流行之象。得见我本性如来。号谓老君是也。言花发西川铺锦绣。月明北海庆风云者。乃三花聚顶。结丹之效验也。花发者。精华透露也。西川者。养丹之所也。铺者。抽爻换象也。锦绣者。美貌之义也。月明者。阴尽阳昌也。北海者。分清格浊。制浆之地也。庆者。喜也。风云者。阴阳造化之机也。人身禀精血而成。天性赋焉。散于内。五脏六腑。知其饥饱。散于外。皮毛筋骨。识其痛痒。皆是先天佛性。是谓阴包乎阳清混其浊。若得明师指示修性之理。了命之工炼精化气。气盈复聚西川丹鼎之中。养神剥尽羣阴。四体毫光发现。北海月明应运丹鼎。呼青龙云起。唤白虎风生。会而而炼大丹也。好抛生计于斯觅。莫道浮华向外营者。结上文而言。既有缘得道。功程通达。切莫为名利所染。世俗人情所牵。处世随缘度日。祸福守定天理。以积功为贵。以修道为尊。大祖曾制诗曰。百年世事三更梦。万里乾坤一局棋。禹疏九河汤伐桀。秦吞六国汉登基。古来多少英雄汉。南北山头卧土泥。此醒世金玉格言也。念念不忘生境灭。静中别有乾坤者。此教学道之士。行功不可懈怠。念念在道。借假修真。舍财培德。内果方纯。人心灭而道心增。坎离抽换。乾坤定位。性由我修。命由我了。养成黍米玄珠。一日功满。脱却凡躯。名为大罗天仙。好不乐哉。

偈曰：河图古圣泄玄机。无奈众生赋性迷。

若得明师真口诀。朝闻夕死上天梯。

其 六

世间无物可开怀。奉劝世人莫自埋。好趁风云真际会。须求鸾凤暗和谐。两重天地谁能配。四个阴阳我会排。会得此玄玄内事。不愁当道有狼豺。沧海老人曰。此诗乃指示得道学人。莫为名利所染。财色势力所迷。古言人身难得。中国难生。至人难遇。大道难闻。既得人身。生于

中华。幸遇至人提醒。得闻修身大道。无论富贵贫贱。老幼贤愚。须当举大智慧。将红尘世事。真假办明。是非认清。何也。盖凡世俗人情。名利富贵多忧。故不仁者。多遭众怨。酒色财气之里有毒。乐而无礼则伤。况人活百岁。只有三万六千日。不觉而至。若明善积德转生不失福禄。倘昧心造孽。怕人身有失。转入畜类。好不苦哉。故祖言世间无物可开怀。作诗劝人。莫为尘世迷埋。有缘得道男女。都是三生有幸。好趁机会。勤修苦练。不可怠慢。超出轮回。古经云。万劫千生得个人。须知前世种来因。此身不向今生度。更向何时度此身。此诗真指迷格言。学人宜悟之可也。须求鸾凤暗和谐者。鸾凤乃天地间之瑞物。应出圣人之兆。方得来游。在人身中。比为性命。在天比为日月。在地比为水火。天以日月。会合其明普照大千。光华宇宙。地以水火。运生万物。养育羣生。人若知性命会合。勤修而见我本来面目。自成虚灵不昧真人也。言两重天地。四个阴阳。学人明白么。盖坎离相投。此谓之后天地也。乾坤交并。此谓之先天地也。壬水谓阳。癸水为阴。丙火为阳。丁火为阴。甲木为阳。乙木谓阴。庚金谓阳。辛金谓阴。学道知此两重天地之作用。四个阴阳之会合。修性悟命。炼精化气。炼气化神。还神化虚。炼虚还无。灵明窍中。动会交彻。而成圣胎。学道之人。功行到此境界。混俗和光。随缘度日。总要听天安命。以积德为本。克己忍辱为要。助人成美为心。视生死于度外。重道德如至宝。心坚如同金刚。志稳甚似泰山。即豺狼满世当道。亦不必惧怕。盖虎豹豺狼。本是天地间之恶物。天地为万物之父母。岂肯生此异物害人。不知非天地降之。乃人自造之也。此何以故。嗟乎时因人心不古。昧理反常。将三教圣经。视作故语。以杀生为乐。奸诈为能。口是心非。欺天灭理。造种种冤孽。杀气冲空。天地不安。诸神不宁。一切凶煞之气。流行宇宙。应时而生。投入山林。而成豺狼虎豹。恶蛇毒蝎等物。投于人身。而成凶残之辈。害人非常。冤缘之报。实不爽也。昔盘古至于三皇之时。人畜同居。并育而不相害。后因人多逞强伤物。人有吃物之义。故虎狼蛇蝎。有害人之者。后出有巢氏。造作巢穴。人物各别。所以学道者既望超三界。脱离轮回。务必戒杀放生。莫与六畜结冤。修业感天。求神保佑。纵遇虎狼。他虽不分人之善恶道理。横性生成。亦不必畏他。子夏曰。死生有命。富贵在天。请看昔日庄子度白简之时。善度不足。半途而退。无奈只得遣恶虎。而使白简脱凡成道。此可为成道之榜样。作后

世学之规模。此理学道者细思觉悟可也。

偈曰：富贵荣华似水沤。尘劳识破上慈舟。

两重天地功纯化。稳跨青鸾谒帝洲。

其 七

前弦之后后弦前。圆缺中间气象全。急捉龙虎场上战。忙将水火鼎中煎。

依时便见黄金佛。过后难逢碧玉仙。悟道圣师真口诀。解教屋下有青天。

沧海老人曰。此诗乃言采药之工。定老嫩火候之诀。真三教心传之道。与天地同理。日月同序。轩辕黄帝曰。观天之道。执天之行。此也。前弦者乃是月之初八。阴中得其半阳。药苗至此还嫩。有阴未尽。不能结丹。后弦者。乃月二十三。阳中生出半阴。乃药老火候已过。亦是无用。故易曰。初九潜龙勿用。上九亢龙有悔者。此也。学人明白前弦后弦之义么。预在前弦之后。后弦之前。即是十五月圆之时。阴尽阳纯之际。至此必有恍惚杳冥之象。名得大药是也。急捉龙虎场上战。忙将水火鼎中煎者。承上文而言。前讲采药之理。此叙炼丹之功。盖取坎铅名曰虎。治离汞名曰龙。令那开天辟地。不老黄婆将虎降龙。还要招日中之神火。月里之神水。黄婆主持。引入干鼎之中。使龙虎相战。龙呼虎髓。虎吸龙精。木火通明。金水相生。成比会投。依此行功不怠。久久养成圣胎。丈六金生。毫光灿烂。名曰大觉金仙。在释名谓佛。在儒名谓圣。在道名谓仙。过后难逢碧玉仙者。乃言修道不知药苗老嫩。火候过者无用。不能结成圣胎。何能见得本性无垢真人也。紫阳真人曰。纵识朱砂与黑铅。不知火候也如闲。大都全借修持力。毫发差殊丹难全。屋下有青天者。言人之身体。为性之房舍。赋性为体之主人。若后世学人。得其心传。知得取坎中之满。填离中之虚。而成干。干名谓天。故祖师言。悟道圣师真口诀。解教屋下有青天。此修身之真传。三教返本不二之妙理。但得此书。用心理会。切勿视为泛词。领之慎之。急返求明师。究竟此中玄妙。性命之工夫。切莫怠缓自误也。

偈曰：采药须明阳化阴。龙蟠虎聚有佳音。

黄婆调动真婴姹。齐会黄房两咏吟。

其 八

修仙善士莫痴迷。于此宜当早见机。花发拈花须仔细。月圆赏月莫延迟。

得来合口勤烹炼。既济休工默守持。从此不须心懊恼。管教平步上瑶池。

沧海老人曰。夫修仙者。乃出乎其类。拔乎其萃。想作世外之客。就要立超凡入圣之心。存乐善至死不退之志。孔子曰。君子无终食之间违仁。造次必于是。颠沛必于是。此言乃成圣之规模。古圣高真。立志学道。无非体天地好生之德。作济人利物之事。日日三省。变化气质。有才装愚。有谋装呆。遇愚昧者。不辞劳苦劝化。逢明贤之士。低心求教。博学审问慎思明辨。是道则进。非道即退。舍财培德。感格天心。方行圣师口诀。苦中修。难中成。无奈世有一等学道之人。名虽学道。究竟不知甚么是道。不知三教圣真如何而成。虽读异种之书。其理之真伪不辨。重财利甚似骨髓。轻道德比如毫毛。讲俗情。有精有神。谈修身。如痴如呆。或信傍门。痴迷不改。讲究愚忠。或执迷于杂书。而弃正宗。如此之人。皆是冤孽迷心。何能跳出生死关头。是为轮回之鬼。故吕祖叮咛修仙善士莫痴迷。于此宜当早见机者。乃劝勉世人。急早看破世情。访求明师。下手速修。见机而作也。花发拈花须仔细者。此乃言得药之妙义。何以故。花发者。系精气神融化之质。透露四肢也。拈花者。抽添之工也。花本结萼之兆。一个周天一回。但花发之时必须好好调理。萼方成也。金刚经曰。三藐三菩提。悟真篇曰。长男乍饮西方酒。少女初开北地花。若使青娥相见候。一时关锁在黄家。月圆赏月莫延迟者。将阴配阳。养丹之理也。盖月本属阴。三十日谓之晦。纯阴无阳。借日光之阳。以化阴。月得日光。至十五日则圆。急速擒之配日。合口烹炼。既济三宝。攒簇五行。既济休工默守持者。前言合口勤烹炼。即武火炼丹之功。此叙文火温养胎息之法。既济者。阴阳配合也。休工者。武火勿催也。默守者。文火温养也。持者心意勿乱也。如此而行。丹熟功成有望矣。三丰真人曰。无根树。花正明。月魄天心逼日魂。金乌髓。玉兔精。二物搏来一处烹。阳火阴符分子午。沐浴加临卯酉门。守黄庭。养谷神。男子怀胎笑杀人。从此不须心懊恼者。言修大道。必有颠倒魔障。不顺意的考惩。盖人自有生以来。多有冤孽。今得大道。修出苦海。不入轮回。那冤孽之账。未有就休了不成。古经云。道高谤兴。德修谤来。此真实不虚也。古有凭证。梁武帝。行善好道。遭侯景逼饿。死于台城之中。原武帝前生本一樵夫。禀性好善。侯景乃山中一老猿。因盗樵夫饭食。樵夫失食受饥。心中恼恨。即用石块。塞其出路。令猿饿死洞中。转世结为君臣。冤冤寻报。毫发不爽。但梁武帝为人。虽好佛道。然皆假名。并无实行。观史书所载。废君

逼潭。为筑淮堤。水淹人命数万。以故无缘得受达摩正传。冤孽报复。死于台城。切勿以武帝遭饿。遂不信佛法也。吾劝学道男女。务要看破俗情。除却势利之见。争强论胜之心。立至死不退之志。凡事听天而行。随缘乐道。学习忍辱。守道抱德。方保功成果就也。诗云。如切如磋。如琢如磨。至圣云。知者不惑。仁者不忧。勇者不惧。又曰。知我者其天乎。此乃成圣格言。学人当体之勿忽也。瑶池者。乃三十三天之外。名曰无极天。玄玄上人所居。号为无极天尊。是为生天生地之母。化生三才之宗。虽三十三天。诸佛仙圣。尽要朝贺。玉皇上帝承其命为三才之主。万圣之尊。故元会运世。亦要禀命。听令施行。如有缘之人。访得明师。指示率性之道。明善复初之工。勤修不怠。外功行满。内果即熟。自有丹书来诏。脱却凡体。跨鹤云上升。过九霄。进紫门。朝玉皇。谒参诸天至尊。依功定果。承领仙衣绶带。赴瑶池朝拜 圣母。赏赐蟠桃大筵。但见珊瑚为殿。异宝为墙。白玉为阶。金砖为地。真是快乐之境。无尘无垢之乡。内有八宝池。无穷景致。食的仙肴品物。饮的化凡心之琼浆。受用随心。永享天爵。先亡九玄七祖。同证极乐无疆矣。

偈曰：人欲扫除天理纯。花开赏月虎龙凝。

功成超举瑶池地。鸾鹤下迎冉冉升。

其 九

要知大药妙通神。不是凡砂及水银。世购药材俱是假。人烧水火总非真。有形有质何须炼。无象无名自可亲。一得便超三界外。乘鸾跨鹤谒宸宸。

沧海老人曰。此诗祖师。因见世间一种糊涂学道之人。看了几册丹经子书。又不低心求教高人。办别性命之理。修身返本之道。见书中所言铅汞水火。鼎炉黄婆婴儿姹女。异种药物。他以为是真正有形有像之物。自作聪明。照书办备。盲修瞎炼。苦死无成。后备之人。以盲指盲。遗误后学。罪孽不浅。吕祖视之不忍。故作此诗。指示学道男女。莫为外道盲师所误。有负修道之志。老死无成。实可悲叹。吾今注解剖明来历。始知修身之道可办。外教傍门可辟。不失三教正宗心传。自盘古传至祝融氏之时。并无文字衣冠。烟火食物。以树叶为衣。花菓为食。后有伏羲神农。分种五谷六米。制出烟火之物。与人食用。然世间诸物。各有各性。食之太过。五脏百脉不和。多生疾病。神农尝草木之性为药。通人四肢关节。和人五脏气血。大地众生。沾仰圣恩。实无量

焉。所有一切丹经子书。乃得道高真。功成透彻性理。以度人为心。救世为念。着留丹经。发明性理。借寓世物。阐透玄机。言行三教相贯。合乎儒之大学中庸。释之观音心经。道之玉皇心印妙经。传于后世。作慕道之柱杖。修身之凭证。欲知大道不离于身。返本成丹。不外乎精气神三宝。玉皇心印妙经云。上药三品。神与气精。恍恍惚惚。杳杳冥冥。今祖言大药妙通神者。药非草木山石。水银黄白。异种有形之物。乃取虚无之神火。引心家之凡火。聚四大之民火。炼北海之精。化气成药。冲开三关九窍。会和元神。故曰大药通神。医人七情大病。使三魂而升。令七魄而聚。陶魂铸魄。阴阳养育而成圣胎。功行圆满。鸾鹤接引。脱却皮袄。超出三界之外。永离轮回之中。先亡九祖。同登极乐。名为大罗天仙。逍遥天京。称大英雄也。

偈曰：大药灵丹精气神。访求师指出迷津。

阴功栽培至人遇。制七修三见性真。

其 十

天机不泄世难知。漏泄天机写作诗。同类铸成驱鬼剑。共牀作起上天梯。

人须人度超尘世。龙要龙交出污泥。莫怪真情都实说。只愿要度众羣迷。

沧海老人曰。天仙之道。作用法则。非时不泄。非天命不传。若有德之人。朝闻夕死。即躲离阎君。不落无常之手。死后乐善当加修。超出劫外。至圣有云。朝闻道夕死可矣者。此也。然吕祖度人愿深。将大道天机。作成诗句俚语。作苦海之慈航。登天堂之灵梯。使后世众生。知修身有诀。逃轮回有方也。同类铸成驱鬼剑者。盖修身返本大道。一切作用。不离乎自身同类之物。同气相求。方能修成至宝。性乃与命同类。金乃与木同类。阴乃与阳同类。但人不知修身之道。性命相分。金木相隔。火水相别。戊土己土相离。若得明师指点。性根命蒂之所。五行化育之处。将性命会和。水火既济。金木交并。移戊就己。炼成刀圭。分之而为雌雄慧剑。妖见丧胆。鬼视亡形。悟真篇曰。欧冶亲传铸剑方。镢鄞金水配柔刚。炼成便会知人意。万里诛妖一电光。古经曰。宝剑雌和雄。双双插真土。降定雌中龙。伏倡猖狂虎。牀者非寝睡之牀。乃是借有形之物。指示男女迷途。牀乃人安静之所。在人身即前言性根命蒂之乡。惟此一处。自古三教。超凡入圣。俱从此地而成。儒曰贯一之所。释曰归一之处。道曰守一之乡。于世人睡觉。色壳在牀。不

知清静是何地。知睡知觉是何物。故祖言。人须人度。龙要龙交。还是要同类而修。方可超凡成真。此莫大天机。泄漏人间。指醒善男信女。改过迁善。访求明师。以此经辨别道之真伪。理之是非。修出生苦。与仙佛圣真并肩。不枉祖师。一片度世苦心厚望也。

偈曰：修道须明同类人。审思明辨方知真。

四相和合归中土。至宝养成现法见。

其 十一

返本还阳已到干。能升能降号飞仙。一阳生是兴工日。九转周为得道年。

炼药要寻朱里汞。安炉先立地中天。此中便是还丹理。不是真人莫乱传。

沧海老人曰。返本还阳已到干者。此乃要三关开通。九窍透彻。取坎中之阳。填离中之阴而成干。火降水升。河车运转。卦爻由我换。性命由我立。金仙之体方得矣。中庸引诗云。鸢飞戾天。鱼跃于渊。言其上下察也。又云。君子之道。造端乎夫妇。及其至也。察乎天地。释云。佛日增辉。法轮常转者。皆言此也。一阳生是兴工日者。承上文而言。既水升火降。阴阳反复。必要分别清浊。如浊不除。怎成无垢金丹。噫嘻。分清别浊。又是怎么下手。此是天机。吾亦不敢明书。怕遭天谴。五雷显应。岂不畏哉。今只好借名阐道。若得明师指示者。得见此书。一目了然。方知吾言不妄也。但分别清浊。须要黄天化的钻心钉。二郎神的哮天犬。收伏那魔家四将。伤人宝贝恶物。物坏他必死。引四人魂魄归定分金炉中。浊气攻出。待候一阳生时。必有恍惚杳冥之象。是谓性源复始。急速用工。敛命归根。结丹有望矣。老子道德经云。恍兮惚兮。其中有物。杳兮冥兮。其中有精者此也。九转周为得道年者。乃言采药进火退符。作用周天法则。行四时之序。分八节之令。易曰。与天地合其德。日月合其明。四时合其序。鬼神合其吉凶者。此工也。炼药要寻朱里汞者。须用黄婆取虚无之气。是谓朱里汞。安于炉中。制出元始太乙之气。号谓地中天。即是抽坎成坤。添离变干。使干坤定位。万殊之性。归于中和之地。并育而成圣胎。究竟还丹至理。厥性复初圣诀。但知者要遵天命而行。切勿妄传。至圣曰。君子有三畏。畏天命。畏大人。畏圣人之言。请看紫阳真人。三传匪人。三遭天谴。匪人者。乃言不忠信。行不笃敬之辈也。故吕祖叮咛学人。务必遵守天条。不可谬行。积功立德。方保成真有望也。

偈曰：坎离既济复干坤。万化生身悟本真。

拨尽羣阴修性宝。温温铅鼎养元神。

其 十二

天生一物变三才。交感阴阳结圣胎。龙虎顺行阴鬼出。龟蛇逆往火神来。

婴儿日食黄婆髓。姹女时涂白玉杯。功满自然居物外。人间寒暑任轮回。

沧海老人曰。一物者乃天赋之性。本来一性圆明光洒洒。无尘无垢。因禀父精母血。成此形体。自母腹胎出。日食血乳。那天赋之性。即化生精气神。是谓三才。运于四肢。但人只知有身。于天赋原性。却不知其踪迹焉。交感阴阳结圣胎者。前言顺生之理。此叙返本之工。如有善根之人。得遇明师指示一物之根。将阳化阴。以阴养阳。呼吸相通。阴阳交感。五行化育。率性了命。返本而成圣胎也。龙虎顺行阴鬼出者。龙乃属火。火性上浮。虎乃属水。水性下流。火上水下。是谓水火未济。阴阳顺行。二气不交。五行各别。故良知良能。明化暗昧。识神主事。眼耳鼻舌。四门大开。由其心意放荡。把那个天赋真性。受世欲所缚。昼夜不宁。遂使元精元气元神。日耗时损。久久耗散必死。阳尽而成阴鬼。古云。纯阳者为仙。纯阴者为鬼。半阴半阳谓之人。三教圣人所着经典。原非虚图其名。无非以先觉觉后觉。指二曹之苦乐。治世人伦之理。超凡出世之道。无奈举世三教。内有一种糊涂迷昧之人。他云经书之理。乃圣人所行。非凡人能。在释道二教。以经作衣服票字。只讲超度亡魂。全不体会超度自己。岂知饮酒食荤。所诵之经尽成血字。不但与亡魂无益。反为死者加罪。难道自己不遭堕落也。读儒书不体忠恕而行。以文才权势。昧理害人。纵天律不报。怕圣人不容也。书曰。口而诵。心而维。是何言也。龟蛇逆往火神来者。龟蛇即真阴真阳也。龟者居水。为阴中之真阳。蛇者居山。为阳中之真阴。若得明师指点。使南山之赤蛇。降于北海水中。令北海之玄龟。伏于南山崆峒。将二物逆行。往来于上下。四体自现毫光也。婴儿者居震方。谓先天之性。日食月中之华。名曰黄婆髓。姹女居兑方。谓先天之命。时食日里之精。名曰白玉杯。既已龟蛇降伏。前后或上或下。听乎令焉。性命日时精华养育。大丹熟之易矣。学人修得此中玄妙。只待三千功满。八百行圆。丹书下诏。脱却有生有死的皮囊。现出不生不灭的真人。超乎天地之外。不囿于五行之中。人间寒来暑往。任他轮回。惟得上圣高真

可以逃避也。

偈曰：顺生人兮逆成仙。火降水升龙虎潜。

性命常餐戊己髓。圣胎结就超三天。

其 十三

先天一气号虚无。运转能教骨不枯。要识汞根寻蒂子。访求铅本问仙姑。

人人会饮长生酒。个个能成不死夫。色即是空空即色。朗然飞过洞庭湖。

沧海老人曰。夫先天元气。乃生身之本。掌神洲赤县之权衡。因自母腹生下。啼哭一声。此先天虚无一气遂昧。后天口鼻二气即接。通乎天地。则不可闭。一闭即死。夫在母腹之中。又是胎衣包裹。为何闭而不死。时久形体反壮。皆因守此虚无一气。顺生则成凡体。逆运则产圣胎。吾劝世间男女。无论富贵贫贱。只要改过迁善。行随时之方便。作济人利物之生理。借凡养身。暗访明师。求指虚无一气。运通任督二脉。斩三尸之害。灭九虫之毒。四体畅和。法轮周转。听乎节令。此谓无字骨髓真经是也。儒云。仰之弥高。钻之弥坚。瞻之在前。忽焉在后。紫阳真人曰。天地盈虚自有时。审能消息始知机。由来庚甲申明令。杀尽三尸道可期。但学人欲斩尽三尸。灭却九虫。须识汞根蒂子。夫汞者属火。铅者属水。汞性好飞。惟铅可伏。但此二物。自母胎生下。各居一方。今欲返本。取铅制汞。务要舍卫国。神洲府。一贯县。十字街。无缝巷。大门紧闭。有二童子把守。呼提离氏中。女仙姑。用七宝礼物。请他抽铅制汞。采天地之精。五行之华。在日月鼎中。造成菩提仙酒。人欲饮之。能除七情六欲大病。久久养成大丹。功德积满。脱壳成圣。不作轮回之鬼。逃却世间异种假名假利假情。一切色相安空之事。故言色即是空。空即是色。此真实不虚也。无奈世有一等男女。迷昧天律。不知福从善来。苦皆过造。阴德不积。善功不修。昧理贪财。刻薄成家。日夜奔忙。如蜂造蜜。只想弄得箱满蜜盈。终久长享。岂知大厦千间。夜眠不过八尺。良田万顷。日食不过二升。又况八尺两升就算受享百年至矣。一朝寿终无常来到。三寸气断。色壳要丢。四块木板。将此形体。合葬于荒郊。肉化为风。骨化为泥。何况功名田财房屋。乃身外之事乎。惟善恶两件。随性相连。回见阎君。始末判断。依功过受报。生而又死。死而又生。人转为畜。畜转为人。六道转变。脱骨如山。令仙佛圣贤视之可悲可叹耳。无垢子曰。法身体若太虚空。性道原来总一同。只因逐妄迷真性。所以轮回六道中。此诗

真醒迷人之晨钟。开觉路之铭箴也。

偈曰：虚无一炁成仙方。空觉色相觅性王。

功满三千丹诏下。超凡成圣步仙乡。

其 十四

大道玄机颠倒颠。掀翻地府要寻天。龟蛇共穴谁能见。龙虎同宫孰敢言。

九夏高山生白雪。三冬奋火种金莲。叮咛学道诸君子。好把无毛猛虎牵。

沧海老人曰。道者阴阳也。顺则生人生物。颠倒成仙成佛。但作用法则。非口传心授。任聪慧过于颜闵。亦是枉然。悟真篇云。任君聪慧过颜闵。不遇明师莫强猜。只是丹经无口诀。教君何处结灵胎。此皆教人访师面授。方可知其下手也。掀翻地府要寻天者。乃拨阴取阳。厥性复初之工也。学人欲明白翻地寻天之事么。吾今阐明天机。使后世学人。访道而有张本。不遭傍门外道。一切有形有像幻景所愚。是道可证。非道可破。夫修身之道。不离乎自身阴阳。盖阴阳者即是性命。性命即是铅汞。铅汞即是坎离。坎离即是水火。若经明师指示。抽干离之火。炼坤坎之水。拨开二阴。翻出中爻一阳。复还离中。变成水火既济。水上火下。岂不是阴阳颠倒。折坎补离谓之掀地寻天也。水火相济。即名为龟蛇共穴。乃得药之理。龙虎同宫。谓金木交并。是结行之义。工行至此化境呼吸浑然太极之中。产成明珠。收放随心。大小随意矣。子程子曰。放之则弥六合。卷之则退藏于密。其味无穷。皆实学也。子思子曰。莫见乎隐。莫显乎微。故君子慎其独也。九夏高山生白雪者。系阳极而一阴下生。乃制药之本。名为白雪。其卦谓之天风姤。三冬奋火种金莲者。系阴极而一阳上长。乃结丹之宗。名曰金莲。其卦谓之地雷复。邵子曰。干遇巽时观月窟。地逢雷处见天根。天根月窟常来往。三十六宫都是春者。即此义也。学人工夫做到这步。须要功德栽培。方保到岸而无损败也。太上感应篇云。欲求天仙者。当立一千三百善。欲求地仙者。当立三百善。子思云。苟不至德至道不凝焉。紫阳真人曰。大道修来有易难。也知由我不由天。若非行善积阴德。动有群魔作障缘。此等等格言。指示学道男女。总宜以积德为本。修善为念。不讲天爵。请看人爵。乃数十年之荣耀。亦要前劫修积。今生方生于有财之家。即可读书考试。务要勤苦不怠。品行端方。桂宫注册。神灵暗助。方可发达。何况修此天爵。超出劫外。九祖升天之事乎。故吕祖叮咛学

人。将性铅之工。比为无毛猛虎。好好牵之。守死不放。千魔不改。万难不退。八一灾满。西方极乐之地可到矣。孔子云。素富贵。行乎富贵。素贫贱。行乎贫贱。素夷狄。行乎夷狄。素患难。行乎患难。故君子。无入而不自得焉。此乃成圣之金言。学人须体之慎之可也。

偈曰：水升火降坎离还。铅汞交投龙虎蟠。

颠倒阴阳成圣体。功行圆满乐清闲。

其 十五

地下灵芝天上安。时中采得结纯干。无根自有阳春至。有本多因气脉缠。

姹女戏时神力壮。婴儿舞处道心坚。可怜世上无知识。我得长生寿万年。

沧海老人曰。灵芝者。乃长生至宝。于人身中。癸水真铅是也。此宝乃至灵之物。隐于北海虎穴之中。须用七宝金钱钩之。还要知其时节。取之方能有功。所以必要访求师指面授。始能知觉法则也。请看三教宗师。莫不有师。太上师五老。释迦师燃灯。孔子师项橐。文昌师元始。关帝没后师普济。地藏王师毗卢。许真君师湛母。龙门七真师重阳。钟离老祖师东华帝君。盖此先天大道。盗天地万物之灵气。夺五行阴阳之造化。与天地同理。四时同序。作用法则不一。即知下手。而不知采取。则清浊混杂。即知采取。而不知药苗老嫩。亦无用也。即知老嫩。而不知配和。何以结丹。即知配和。而不知升降。是亦难壮。即知升降。而不知文武火候。丹亦难熟。悟真篇云。契论经歌讲至真。不将火候着于文。欲知口诀通玄处。须共神仙仔细论。此诗皆是教学人不可假作聪明。性命之学。莫当戏耍。务思光阴似箭。百岁瞬息。急早访师。修躲无常也。时中采得结纯干者。乃言得药之工也。盖时者。子时一阳复始之时。天理流行之象。中者不偏不易也。采者拨阴厥性也。得者见其效验也。结者三五凝聚也。纯者纯一不杂也。即坎铅化为灵芝药物。升上填于离中。而成干体也。无根自有阳春至者。夫先天大道。行工合乎天地节度。毫无差惑也。因禀父精母血。情意相感。成此形体。一灵真性。散于四肢。百脉气禀拘而人欲蔽。若得明师指示。知修性之工。了命之诀。定乎星斗。迁转岁时。修返本来面目也。言婴儿姹女者。乃先天之阴阳。戏舞者。即呼吸之理。造化之机也。盖姹女属阴。呼而得阳所化。故神力壮。婴儿属阳。吸而得阴所育。人心退。而道心坚也。吕祖弃人爵。苦修天爵。快乐于天上。显化于人间。三教感应。万古常

存。观见大地众生。迷昧尘寰。醉生梦死。轮回无休。作诗叹念。真佛祖之心肠也。

偈曰：北海灵芝要细寻。金花采得洞中春。

一元复始干坤彻。不睹不闻现圣人。

其 十六

劝君保重一分阴。悟此仙机要用心。只在人身常运转。何劳物外苦搜寻。

忙求北海初潮水。灌济东山老树根。此个玄机重漏泄。弹琴须要遇知音。

沧海老人曰。劝君保重一分阴者。是嘱得道之士。惟一字难得难闻。切勿轻看。视为寻常也。虽明一贯之所。务要知得分阴之法。何也。盖人日饮食。男子生精。女子生血。要取一贯鼎中。虚无神火制化精血。必须拨阴求阳。正心诚意。致知在格物者此也。道德经曰。天得一以清。地得一以宁。人得一以圣。儒曰。执中贯一。释曰。万法归一。道曰。抱元守一。达摩祖曰。一字大来一字大。四大部洲挂不下。有人得授一字传。灵山上同说话。上阳子曰。一者名为不二门。得门入处便安身。当年曾子一声唯。误了阎浮多少人。率性阐微曰。一字原来是根宗。发长收藏妙无穷。时人若得此消息。太极之中一点红。此皆言仙佛圣真。修性返本还原之功。理同不二。世有一等男女。夙根不昧。立志学道。又不辩道之真伪。理之是非。性是何修。命是何了。听信盲师所愚。异种身外求之。或者服天地之气。睹日月之光。或者搬运吐纳。默想形像。或者眼观鼻。鼻观心。念佛为是。或者垂帘闭气。守定血肉之心枯坐。可鄙一种糊涂之人。讲采战幼女之术。皆是自寻地狱。罪莫大焉。嗟乎。异种傍门难以尽。叙夫不知拨阴阳之理。怎成纯阳不生不灭之丹。清浊混杂。私欲所染。万事劳形。气败神伤。精枯血衰。三宝耗散。大数到来。与俗人何异。寿终还是一片阴气。若善功浩大。上帝敕封神道。若想超出劫外。脱离轮回。须急访求明师。指示北海修性初潮之水。灌济东山养命老树之根。以三宝为体。五气为用。金水上潮。配和木火。率三五而炼成八宝金钢圣胎。此本三教成圣之心传。千古不泄之秘诀。非吕祖不敢作诗传世。余若不奉玉皇元始太上敕旨。亦不敢明注也。指发琴声。非至人难识。不是有缘之士。闻者亦不信也。

偈曰：日月门前琴韵清。自古及今少人明。

纯阳直指本诚注。泄解玄机神鬼惊。

指玄篇绝句诗三十二首

大道真人吕纯阳手者
紫清真人白玉蟾敬和三十二首

其一

诗曰：世人宜假不宜真。难度长生上品经。
不免天机重漏泄。灵丹只是气和精。
和曰：纯阳仙圣得全真。慈悲重宣上品经。
后学殷勤加爱敬。只宜修炼气和精。

其二

诗曰：道在人为日用常。逆修入口遍身香。
便须默养天胎就。稳跨翔鸾谒玉皇。
诗曰：无中生有得非常。西海全生丽水香。
取得归来铛内煮。待炉丹熟礼虚皇。

其三

诗曰：西北东南在两厢。长房缩地合中央。
后人好学神仙法。一样丹砂补败场。
和曰：雄虎雌龙各一厢。凭媒引入中央。
炼时匹配休轻视。顷刻终成大道场。

其四

诗曰：此法真中妙更真。无头无尾又无形。
窃冥恍惚能相见。便是超凡出世人。
和曰：真中无假假中真。听不闻声视没形。
学道知机着力。得之凡骨变仙人。

其五

诗曰：东华姓木老仙翁。独坐长房未有功。
忽遇西王金圣母。灵丹一粒便腾空。
和曰：家家有个主人翁。只为贪迷昧圣功。

若解转头颠倒做。守真志满总归空。

其六

诗曰：一法通时万法通。休分南北与西东。
朝朝只在君家舍。要见须知搬土中。
和曰：玄牝之门若会通。百川万派总归东。
时人若知真消息。子正阳生月正中。

其七

诗曰：黄鹤楼中吹笛时。白苹红蓼满江湄。
衷情欲诉无人识。只有清风明月知。
和曰：铁笛横吹正子时。一轮明月见江湄。
此中便是真端的。试问诸君知不知。

其八

诗曰：法是先天一点气。将来锻炼作元神。
法官存想驱雷使。炼此方能上玉京。
和曰：太乙含住先天气。灵阳藏固养精神。
两般若得相和合。指日飞升朝玉京。

其九

诗曰：二八佳人体似酥。腰间伏剑斩愚夫。
分明不见人头落。暗里教君骨髓枯。
和曰：无情何怕体如酥。空色两忘是丈夫。
识得刚柔相济法。一阳春气为吹枯。

其十

诗曰：曾读仙经万卷多。篇篇只教运黄河。
此中有盏长生酒。问道时人能吃么。
和曰：一句通玄不用多。大家着力挽银河。
三花灌上岸仑顶。不是神仙是甚么。

其 十一

诗曰：朝游北海暮苍梧。袖里青蛇胆气粗。
三醉岳阳人不识。朗然飞过洞庭湖。
和曰：一对鸾凤戏碧梧。性情相契要精粗。
有人识得玄中理。何必登山及泛湖。

其 十二

诗曰：我命从来本自然。果然由我不由天。
金丹一服身通圣。可作蓬莱阆苑仙。
和曰：道本无言只自然。真铅要识地中天。
河车运上昆仑顶。作圣超凡便是仙。

其 十三

诗曰：修仙不问男和女。炼药无拘富与贫。
一念不差皆可作。我知不是世间人。
和曰：王母本是凡人女。葛洪家道十分贫。
二仙有样皆当学。苦口良言不负人。

其 十四

诗曰：神仙歌诀泄天机。方便慈悲指世迷。
见者莫生颠倒见。大家都好学装痴。
和曰：篇篇字字有真机。悟者回头莫执迷。
大药丹方难得遇。遇之不炼是愚痴。

其 十五

诗曰：不死金丹种土砂。诸人会得早离家。
一心只望长生路。切莫如蜂苦恋花。
和曰：非金非木亦非砂。此个原来本在家。
释氏初生全漏泄。因何末后又拈花。

其 十六

诗曰：真铅大药本无形。只在人心暗与明。

老子怀胎十个月。功圆行满自通灵。

和曰：哑子得梦醒无形。有口难言只自明。
脓血皮包无价宝。若还人得便通灵。

其 十七

诗曰：鼎炉安立守其心。八两朱砂八两金。
和合天平兑定了。便须仔细定浮沉。
和曰：昨夜进心要坚心。锻炼顽铜化赤金。
赫赫光明侵碧嶂。丹成妙决定浮沉。

其 十八

诗曰：奉真修道守中和。铁杵成针要琢磨。
此事本然无大巧。只争逐日用功多。
和曰：人人天赋此元和。好把真常各打磨。
今古上仙成道者。皆缘掘地采铅多。

其 十九

诗曰：一阳气发用工夫。日月精华照玉壶。
到此紧关休妄动。恐防堕落洞庭湖。
和曰：达摩当日用工夫。独坐长芦用酒壶。
得了一杯填灌顶。摘芦脚踏过东湖。

其 二十

诗曰：曲江月现水澄清。沐浴须当定主宾。
若得水温身暖处。便当牢固办前程。
和曰：采药须知浊与清。饶他为主我为宾。
若非猛火汤烹处。端坐休教再进程。

其 二十一

诗曰：龙虎相逢上战场。霎时半刻定兴亡。
诸君逢恶当行善。若要争强必损伤。
和曰：五气朝元作道场。三华聚顶万邪亡。

嗜美景时须谨慎。切防危险莫遭伤。

其 二十二

诗曰：道本无言法本空。强名指作虎和龙。
天然一物真元始。隐在阎浮同类中。
和曰：须信金丹本不空。成功须用虎和龙。
子时运入昆仑顶。午后循环沧海中。

其 二十三

诗曰：人言我道是虚浮。我笑世人太没谋。
一粒金丹长寿药。暗中失了不知愁。
和曰：炼丹须要识沉浮。未炼还丹用意谋。
指教后人能得手。不须日夜用心愁。

其 二十四

诗曰：龙虎金丹妙合天。风云际会泄甘泉。
白头老子能知此。返老还童寿万年。
和曰：金丹妙道本先天。隐在坤维化玉泉。
松柏因他滋本固。经霜耐雪没穷年。

其 二十五

诗曰：两口相逢是吕嵒。诸人识得莫胡谭。
离中力量人难敌。能把乾坤一担担。
和曰：伏虎须教入虎嵒。吞声忍气绝言谈。
得他虎子牢擒捉。配个龙儿一担担。

其 二十六

诗曰：降龙须要志如天。伏虎心雄气似烟。
痴蠢愚人能会得。管教立地作神仙。
和曰：亏心亏理即欺天。四物相遮黑似烟。
此辈即同禽兽类。如何得见玉天仙。

其 二十七

诗曰：一本梅花十月开。预先待得早春来。
木微尚且知时景。人不回头只得呆。
和曰：枯木逢春花再开。皆因天地一阳来。
诸人年老难重少。只是贪痴呆上呆。

其 二十八

诗曰：方方游化唱仙歌。反被时人笑是魔。
不识真金如粪土。老龙把做毒蛇蹉。
和曰：颠倒修行唱道歌。篇篇剪怪又驱魔。
人人要上蓬莱路。会用工夫心莫蹉。

其 二十九

诗曰：昔年游戏岳阳楼。好个莺花莺鹧洲。
今日重来沽美酒。故人多半丧荒丘。
和曰：茅庵静坐胜高楼。耐守功完上十洲。
堪叹玉堂诸学士。文章锦绣葬荒丘。

其 三十

诗曰：遨游大地十余秋。劝化时人不肯修。
留此一篇真奥妙。飘然直上凤麟洲。
和曰：暑往寒来春复秋。人生如梦宜早修。
仙家岂有浮空语。悟透玄风上十洲。

其 三十一

诗曰：苦劝人修不肯修。却将恩德反为仇。
如今回首朝天去。不管人间得自由。
和曰：世人宜早发心修。夫妇恩深总是仇。
不信吾言当自省。眼昏背曲为何由。

其 三十二

诗曰：浮名浮利事如风。飘来飘去有何功。

诸人各自宜三省。莫把仙方当脱空。
和曰：纯阳袖大惹春风。归去来兮甚有功。
留下玄机无价宝。玉蟾解和亦谈空。

破迷宗旨篇

叹外道、诸傍门、不知性命讲修真。学山峰、采战行、引人入迷罪非轻。三教圣、着经文、借物阐道指迷津。言婴姹、黄婆身、性命与意之别名。说药物、精气神、玉皇心印叙得清。愚迷子、身外寻、山石草木炉火烹。服霞气、与搬运、默想身外诸样形。眼观鼻、鼻观心、血肉之心当黄庭。肝作龙、肺虎称、腰前脐后妄胡行。鼻服气、口水吞、五脏气运笑杀人。几个字、口中念、他说就是无字经。邪火动、现识神、异种古怪见光明。他当作、大丹成、不思体枯面黑青。傍外道、难尽名、作用不合成圣箴。此真理、非时陈、八万劫数方遇闻。三教祖、所着经、性命工夫次序云。预后辈、指迷津、是为超凡作凭证。只口诵、怎超升、开口耗气败精神。儒释道、本同根、性命修炼不二门。末后着、大道兴、一卷真传遍东林。收外道、扫傍门、解透三教骨髓经。是佛子、真伪兮、遇之求教指虚灵。孽种子、福薄人、阻塞正道造罪深。他教众、切莫听、我们道行几百春。纵然好、戒难遵、何必今又拜他人。醺酣时、你为尊、敲打唱念极好听。当支头、有钱银、受人供养孤高名。虽吃斋、多骄矜、不思古圣轩轾君。为大道、穷性命、曾拜七十二傍门。知众非、访广成、膝行崆峒求大贞。后学辈、冤孽深、以盲传盲误众生。问他道、即黄昏、对答不来怒气嗔。两脸红、翻眼睛、他言各办各事情。你道好、我不信、心甘情愿堕轮回。但此辈、非仙根、苟无至德道难凝。假慈悲、心不诚、装模作样称自能。寿终时、无常临、阴曹众鬼骂他身。这盲师、实恼恨、阻我儿孙道未承。告十殿、把冤伸、阎君见此用非刑。你食斋、为何因、不讲修炼性命根。早晚诵、诸圣文、何等言语诲谆谆。你好高、不低心、如何阻隔误他们。地狱苦、是你寻、万劫难超出幽冥。奉瑶池、着此文、指点学道访师尊。得玄关、明死生、三教合一是准绳。将作用、吾泄明、有缘得遇莫看轻。须高供、有神巡、积德感天真师临。指一卷、无字经、龙虎把守无垢尘。花菓山、令老母、七十二变般般能。取虚无、七宝擒、抓住龙头跨上颈。

赤龙降、黑虎惊、悟空北海显威灵。要龙宫、定海珍、此宝阴埋不见形。命黄婆、清浊分、看看金水气上腾。浊拔出、采北辰、物格知止候杳冥。二五交、妙合凝、瞻之在前忽后升。三花聚、五气迎、六合同春听雷鸣。玄牝法、无弦琴、弹之日月宇宙清。抽坎满、填离阴、如痴如醉定干坤。万物育、把丹熏、剥阴养阳虎龙争。文武火、明老嫩、春发夏长识秋金。久行持、功必纯、婴儿姹女自相亲。一合相、见本真、八宝结成一真人。鼎门开、毫光腾、面有宝色气鲜润。啐然面、孟子云、三藐菩提般若经。外功满、丹书临、脱凡跨鹤莲足登。过九霄、进紫门、朝见上帝谒三清。到灵山、见世尊、仙佛圣祖笑敬钦。赴瑶池、金母迎、赏筵蟠桃天爵荣。依善功、九品定、五铢仙衣光华新。饮琼浆、食仙品、九玄七祖超天庭。极乐国、永长春、不生不灭任君行。这篇文、访道箴。解得此书灵山人。问这调、谁人吟、儒童道号是咱名。

吕祖指玄篇秘注重刊跋

指玄篇一书。系纯阳祖师手着。藏之青城石室。告天而去。迄今千有余年。得其书者。见其妙义无穷。沾惠无际。然言浅意深。语近旨远。苟无注释。恐不得其所指也。幸得沧海老人之秘注。其至道玄机。尽为指出。修道者得之如获至宝也。此书得之先慈。（法号德信持斋修道）先慈得之云修道人。嘱其非人勿。示故秘而珍藏。屡拟重刊。天下之宝。当与天下共之。俾人人得其修真径路。岂不妙哉。虽征求同志。无如时节因缘未到。惟待机缘而已耳。一日偶与觉修宫常务董事林添丁先生谈及。指玄篇之精微奥妙。洵修道者之指南。可惜珍藏甚久。未获重刊。今幸林居士踊跃赞成斯举。重刊二千五百册。颁行于世。机缘之奇遇非偶然耳。老拙剧喜是书告成。堪慰鄙怀。爰将重刊经过。谨跋于后。以志不忘也。

中华民国四十八年岁次己亥阳春月妙玄子吴秀三薰沐敬跋

第六章

忠孝诰·忠诰

忠孝诰（本忠孝诰出自三十二卷全书）

无我子忠孝诰序

吾夫子志在春秋。行在孝经。春秋忠也。孝经孝也。可知圣贤以忠孝为本矣。世之议二氏者。动曰无君臣父子之伦。孰知慈肠觉世。有功社稷。一子得道。九祖升天之不诬耶。故吕祖言无不忠孝之神仙。无不忠孝之佛祖。离忠离孝。非佛非仙。呜呼尽之矣。朱子辑小学。采录忠臣孝子事实。然亦未能尽载。兹诰选古来精忠至孝。三十六人。又七十二人。可谓备矣。抑又严矣。各系以赞。或櫟括生平。或标举一节。各极其趣。如箴如铭。如乐府古诗。昔王世贞谓李东阳乐府。自是天地间一种文字。此足当之。若马融僭作忠经。以配孝经。固法言中说拟论语之比。唐玄宗表章孝经。独遗闺门一章。亦未能以孝治。吾观吕祖之自赞曰。莫大神通。全在忠孝。利己利人。千秋大道。是吕祖忠孝神仙也。今作此诰。现身说法。欲天下万世之人。无不勉为忠孝完人也。世人无不愿见吕祖矣。试还而自问。果夙兴夜寐。吾忝尔所生否。果夙夜匪懈。以事一人否。苟无惭于君父。即可以对吕祖。虽不见。见也。不然。戎服讲老子。北向诵孝经。其效何如。虽日诵此诰。有何是处。

义陵刘体恕敬序

重刻忠孝诰序

宇宙间。可以感天地。格神明。令见者敬。闻者慕。名万古而不朽者。曰忠臣。曰孝子耳。然忠而不诚。是谓伪忠。孝而不诚。是谓伪孝。去伪求纯。以诚为至。盖诚则笃。笃则纯。不见为忠。在在皆忠。不见为孝。在在皆孝。大哉乎佑帝君。忠孝宝诰一书。言言玉律。字字金科。自舜文周孔四圣人而下。大忠若而神。至孝若而神。列其名号。赞其实行。无非为天下万世勉其忠孝也。即无非为天下万世。防其不忠孝也。盖天下万世之人。皆秉天地正气以生。灵异万类。所宜保合各正。侧身修行。于君则忠。心心报国。于亲则孝。念念承懽。而且兢兢乎不忠之非孝也。毳毳乎移孝以作忠也。进思退思。而忠不自觉。明天察地。而孝不自知。斯乃纯哉其忠。纯哉其孝。名当时而传后世。谁不曰某某忠臣。某某孝子耶。今姚子方升。请刊行世。吕祖亲降宝坛。用伸嘉勉。时蒙吕祖竝苏真同赐临览。蒋子正校。又以序请于上。许之。以命余书。余喜祖教之盛于此也。诸子存心立行之。以忠孝自期也。故刊行训世。广为传播。有如姚子。善不独善。多方引人。有如蒋子。二子奉教之心。其殆诚而笃矣。请刊请序。此诰以行。果有虔诵敬礼之士。宣扬于口。领悟于心。身体之。力行之。勿隣伪忠。勿涉伪孝。各自奋勉。抵于纯诚。则生为忠孝完人。歿为忠孝名神。有不感天地。格神明于宇宙间者。余未之前闻。桂香殿外奏宣天下善册。

御史大仙御史大成敬序

正阳帝君忠孝诰序

天地一大蓬庐也。宇宙一大剧场也。山川岳渎。一大铺张也。日月云霞。一大景色也。鸟兽草木。一大妆点也。人处其中。生死寿夭。富贵贫贱。吉凶悔吝。妻财子禄。一大梦幻也。古往今来。历年千百。寒暑推移。少壮老死。一大瞬息也。然数穷则变。德厚则悠。名节完人。虽死犹生。即天地混沌。日月晦明。山川崩竭。草木萎荣。而至德所昭。大义所着。历百千万劫。亦永存而不替者。娑婆世界。人事茫茫。苦海无边。众生碌碌。或矢志空虚。置身于沙漠之乡。或矫情干誉。居然为

学道之人。无父无君。不忠不孝。甚而似是而非。犹豫于中。以刻薄为严明。以迂愚为忠厚。滚滚红尘。相胥陷溺。昏昏习俗。共坠轮回。吾友纯阳子。念世教之衰微。悯苍生之蒙昧。特揭忠孝。以正人心。宣写颁行。广布人间。其立言本意。必酌精忠纯笃。至孝无忝者。方得入诰。如少有瑕疵。则不与焉。所作忠诰七十二位。孝诰三十六位。凡六卷。每卷俱有发明。此皆人世所共见共闻。彰明较着者。其余事迹隐晦。出处罕知。皆不悉赘。以是而知超凡入圣。成佛登仙。莫不由于伦纪纲常之际。以为进德修业之基也。其有裨于世道人心。岂浅显哉。是为序。

忠孝诰總论

纯阳子曰。混沌之初。未有物。先有道。既有道。即有物。道无形。物有形。有形之物。必载无形之道。何物无道。何道离物。因物命名。因名思义。因义知道。名归物。物归义。义归道。无名天地之始。有名万物之母。合而言之。何物。何名。何义。总括之曰道。无道即无物。无物即无名。无名即无义。道也者。在天地未生之前。即在天地既生之后。道亦一物也。天地亦一物也。万物总一物也。一物分万物也。洪荒初辟。天地生而万物生。万物生而人最灵。故易曰。有天地然后有万物。有万物然后有男女。有男女然后有夫妇。有夫妇然后有父子。有父子然后有君臣。有父子君臣。然后有忠孝之名。盖人未生之前。漠然无朕。而道在于天地。人既生之后。秉气成形。而道即蕴于性中。是天地之道。俱在人身。无有参差偏漏。无有阻碍间断。举一身之心思耳目手足。鼻息脉络筋骨。宰于心而发于意。发于意而形于事。本身一天地也。天地一太极也。太极一无极也。于以知道中不止于忠孝。而忠孝为行道之始。孝又为忠之始。忠孝之德。自赋质之时。蚤已具于性中。宜人人孝子。为忠臣。人人孝子。则世永无忤逆之事。人人为忠臣。则世永无反乱之日。乃天运不常。人心多故。胞胎之时。忠孝之心浑然焉。婴孩之时。忠孝之心油然焉。及长而嗜欲惑其心。妻子变其心。财帛摇其心。爵禄动其心。得失横其心。利害间其心。而忠孝之良能。已尽失其本来矣。使予今日。欲世人生而为忠臣孝子则难。劝世人学而为

忠臣孝子则易。至于学之之法。当读书以明其理。持敬以养其心。积诚以动其意。举念以察其私。独行独寝。如君亲之临也。一行一动。如君亲之训也。入而家庭。出而朝廷。竭其力而不敢自以为孝。人自称其孝。致其身而不敢自以为忠。人自称其忠。然忠孝未有不相因者。古云求忠臣于孝子之门能孝即能忠。能忠必先孝。虽成名各有不同。或以忠显。或以孝显。要其理则一也。故纯忠纯孝。非生知圣人不能。而大忠至孝。智愚皆可勉至。所谓纯者。全体大德。至精至微。无丝毫间议。天地以道付我。我即以道全还于天地。天地且赖其参赞化育。其殆圣之神乎。所谓大与至者。就其大段而言。忠行孝德。脍炙人口。天地以道付我。我无愧于天地之道。且有功于纲常名教。其殆贤人以上者乎。神圣不可妄希。贤哲宜为效法。庸常之道。功不求之远。而求之近。事不取之难而取之易。同为天地所生之人。彼则神灵千古。已则湮没无闻。于此当大加猛进。欣然改过。每见世之人。学佛学仙。发心发愿。苦加修行。一念之不忠孝。仙佛即时弃绝。妄废其功。盖古今无不忠孝之神仙。无不忠孝之佛祖。仙佛必自忠孝中来。木有根。水有源。离忠离孝。非佛非仙。余特为世人指出。忠孝之至。可以格天地。可以泣鬼神。可以动风雷。可以致雨雪。可以蹈江河。可以开金石。可以化鸟兽。可以感草木。可以遗子孙。可以为贤圣。可以成佛仙。报应无穷。功德无量。余因作忠孝之诰。举此忠孝之神。果有信心者。朝夕拜诵。熟之于中。见之于事。余必偕众神临坛听诵。以佑斯人。以成善果。以致吉祥。福神长照。灾祸不临。岂不善哉。岂不善哉。

忠诰上卷

纯阳子曰。盘古首出御世。宇宙于是有天子。天子者。承上帝好生之意。统率海内。以育群黎。以养万物也。有天子。则必有公卿百职事之人。承天子好生之意。以明政教。以肃纪纲也。故上帝知天下之不可一日无君。一日无君。则群盗蜂起。奸宄生心。伦常倒置。强暴吞凌。上不知天。下不知地。中不知人。依然血食而木居。依然混沌而无分。必择一人畀以天下之大任。其祖宗积功累仁。其本身修德行义。而后奋然崛起。名分正。时候至。民心顺。历数归。上帝倾心以向之。多方以

佑之。艰难以启之。太阳太阴为之明。风伯雨师为之和。河岳山海为之奠。麒麟凤凰为之游。五行五土为之正。八音八律为之调。而况于人乎。而况于受其职。而食其禄乎。然治世少而乱世多。贼子多而忠臣少。则以天泽之谊不明。君臣之义不讲。僭妄之念不戒。侈欲之行不谨。古人之恶不鉴。古人之善不师。卒之身首异处。妻子为戮。宗族陵夷。家祀不保者。皆此不忠所致。可胜叹哉。余今为世人说忠。夫忠一理而人各途。朝廷之上。有王侯之忠。有卿相之忠。有台谏之忠。有师傅之忠。有百职事之忠。宫闱之内。有后之忠。有妃媵之忠。有宦寺之忠。边疆之际。有将帅之忠。有戍卒之忠。四海之中。有督抚之忠。有有司之忠。有隶役之忠。有士之忠。有农之忠。有工之忠。有商之忠。王侯闻召即朝。守地惟谨。则忠。卿相而引登贤俊。燮理阴阳。则忠。台谏而犯颜敢诤。开陈利害。则忠。师傅而格其非心。引以至道。则忠。百职事而各尽己责。劳于王事。则忠。后而夙兴夜寐。无干政事。则忠。妃媵而有宠不骄。小心事后则忠。宦寺而服饰供御。洒扫应接则忠。将帅而义勇奋激。行阵分明则忠。戍卒而战则努力。居则退屯则忠。督抚而察贪去酷。奠宁四境则忠。有司而清理民情。禁止奸宄。则忠。隶役而勤劳为念。方便为心。则忠。士而敦笃人伦。以倡凡庶。则忠。农而三时无失。早输国课。则忠。工而朝夕作勤。居肆成业。则忠。商而有无相易。逢关必税。则忠。朝廷不治者。王侯卿相台谏师傅百职事之不忠也。宫闱不治者。后与妃媵宦寺之不忠也。边疆不治者。将帅戍卒之不忠也。四海不治者。督抚有司隶役士农工商之不忠也。为忠之事。为忠之人。难以枚举。普天之下。莫非王土。率土之滨。莫非王臣。不独受显爵者。当为忠臣。即一官半职。亦当为忠臣。不独在朝者。宜为忠臣。即荒陬海澨。亦宜为忠臣。说此十七以劝世人。世人本忠者。闻之而欣然感。世人不忠者。闻之而惕然惧。则贼子潜消。忠臣日出。宇宙太平。一世治。万世治。万万世治。长治而不乱者。忠为之也。忠诚大矣哉。

纯阳子说忠诰上卷毕（说此十七者。即上文王侯之忠。以下共有十七等。）

虔诚有请。众忠神来临。曰。

志心朝礼（以下颂每一神真均三拜）

旋干转坤。纯忠纯孝。揖让大德神圣。有虞大舜帝。无极至尊。

配天合地。纯忠纯孝。作述大德神圣。周西伯文王。无极至尊。

定礼成乐。纯忠纯孝。制作大德神圣。鲁国周公。无极至尊。

传道正德。纯忠纯孝。大成大神大圣。先师孔子。无极至尊。

志心皈命礼（以下各一拜。各有赞曰。）

承相比干大忠神。

彼紂而昏。恶闻直论。谏臣既死。谏臣尊。剖心之后。国何存。

清惠侯伯夷大忠神。

首阳山。去采薇。周八百。与心违。暴易暴。我安归。

仁惠侯叔齐大忠神。

西山西山。一去不还。周既入商。生亦厚颜。

卫大夫石碣大忠神。

大义灭亲。安国安民。

卫大夫甯俞大忠神。

赂医进食。得全吾君。时当无道。其愚绝群。

赵客程婴大忠神。

岸贾怒。儿在袴。不敢啼。赵氏数。欲雪冤。死非莫。

赵客公孙杵臼大忠神。

立孤难。死亦难。公曰易。岸贾见之心胆寒。

郑大夫公孙侨大忠神。

谁杀之。谁嗣之。谤有时。颂有时。子产有辞。诸侯赖之。

越大夫范蠡大忠神。

会稽事。与君忧。灭吴日。令臣愁。五湖游。五湖游。君恩常似五湖秋。

三闾大夫屈原大忠神。

作离骚。山鬼啾啾彻夜号。怀沙死。莫言劳。

安平君田单大忠神。

出奇兵。火牛征。龙文五色生。七十余城尽太平。

天下士鲁仲连大忠神。

天下士。不帝秦。燕将书。岂是真。

赵上卿蔺相如大忠神。

十五城。璧祸生。渑池上。鼓瑟声。完璧击缶秦王惊。

秦大夫茅焦大忠神。解衣谏。秦王盼。臣死素办。母子不可间。

留侯张良大忠神。用汉王。报韩亡。博浪沙中张子房。

大中大夫贾谊大忠神。王坠马。鹏至家。治安策上后。哭杀贾长沙。

丞相申屠嘉大忠神。殿上慢。弄臣惯。檄召通。文帝患。

江都相董仲舒大忠神。道继周孔。学贯天人。

中郎将苏武大忠神。饮雪似尝汤。吞氈如食豢。单于不久留。天子得帛雁。

营平侯赵充国大忠神。总三军。智勇闻。塞下粟。莫如屯。

槐里令朱云大忠神。檻可折。佞臣之头不可啮。下从龙逢比干游。

司隶鲍宣大忠神。慷慨陈言。髡钳至冤。谁救司隶。来集此旛。

东郡太守翟义大忠神。战而胜。汉之福。战不胜。死瞑目。食君之禄毋得缩。

忠侯马援大忠神。老将征蛮。生度鬼门关。铜柱勋高不可攀。

定远侯班超大忠神。玉门关。玉门关。投笔封侯几时还。

东郡太守臧洪大忠神。徒跣请兵。与洪同死。不与将军生。

北海太守孔融大忠神。北海牧。电如目。当时事。尽堪哭。宁为汉死。羞为曹仆。

武侯诸葛孔明大忠神。操如鬼。公似龙。二十八宿列心胸。七擒六出少追踪。

汉寿亭侯关羽大忠神。读春秋。秉烛防嫌大节留。桃园不似旧。空留遗恨满荆州。

征南大将军羊佑大忠神。缓带轻裘。名士风流。

彭泽令陶潜大忠神。五柳先生。东篱花发一壶倾。处士墓。表晋名。

平章事褚遂良大忠神。扑杀此獠。佳儿佳妇恨难消。当年顾命不终要。血泪洒天朝。

梁公狄仁杰大忠神。后而帝。古今稀。六博一局赌朝衣。片

语转危机。堂堂宰相正邦畿。

始兴文献公张九龄大忠神。文章事业一人足。特上千秋金鉴录。曲江风度何人续。

廣州都督宋璟大忠神。铁石心肠。赋得梅花满鼻香。

郾侯李泌大忠神。懒残懒残。十年宰相令人寒。夜深明月冷蒲团。白衣去。紫衣还。

汾阳王郭子仪大忠神。用尔诚。去尔智。赴虜止单骑。

睢阳张巡大忠神。睢阳睢阳。士卒无粮。罗雀雀尽。杀妾妾亡。死为厉鬼。制贼倡狂。

睢阳南霁云大忠神。断指请兵。愧杀进明。男儿仗义。视死如生。

忠节公颜杲卿大忠神。牧羊奴。犯西都。十七郡。应声呼。

鲁公颜真卿大忠神。历三朝。白发萧萧。气节孤标。八十年来大限交。忠魂何处招。

忠烈公段秀实大忠神。仗忠节。心如铁。笏击贼。头颅血。谋不成兮臣命绝。

文公韩愈大忠神。一封章。贬潮阳。雾开光。鳄潜藏。蓝关上。费思量。

晋公斐度大忠神。破蔡功奇。抚蔡心慈。勋高华夏。名播外彝。

宛平刘蕡大忠神。宦寺废君如逐鹿。一字还当一痛哭。直言下第不须愁。满朝卿相抱头缩。

韩国公富弼大忠神。两国盟。一字争。使臣胆。大宋声。

莱国忠愍公寇准大忠神。立功难。立功难。功成谤起令人寒。雷州犹有寇公屋。满目森森围绿竹。百姓过之俱一哭。

魏国忠献公韩琦大忠神。立二帝。相三朝。寒西贼。阻青苗。事业昭。

潞国忠献公文彦博大忠神。白发萧萧执纪纲。恩隆十日诣都堂。文尽职。武安疆。四海春风到处扬。

河内公司马光大忠神。生平无事不堪传。走卒儿童识大贤。一自宣仁晏驾后。党入碑树泪涓涓。

- 汝南文正公范仲淹大忠神。** 一家哭。一路哭。贪吏终朝剥人肉。甲兵满腹。西贼闻之心胆缩。
- 参知政事唐介大忠神。** 仗忠信。任风波。弹章不厌多。骨鲠任君磨。
- 清献公赵抃大忠神。** 铁面御史。花骢至此。一琴一鹤。清心如水。
- 开封守包拯大忠神。** 铜肝铁胆不容情。笑一笑。黄河清。
- 陇西公李纲大忠神。** 虏骑横。薄西域。书生无奈领残兵。孤忠奋激。调度分明。
- 太学生陈东大忠神。** 上书不止。成仁而死。从容就市。烈哉君子。忠臣含泪奸臣喜。
- 副元帅宗泽大忠神。** 心勤帝室。眼识英雄。
- 崇政殿学士王安国大忠神。** 青苗钱。四海颠。兄执拗。弟称贤。拗与贤。万古传。
- 徽猷阁学士洪皓大忠神。** 冷山冷山。白首而还。
- 丰国公赵鼎大忠神。** 身骑箕尾归天上。气作山河壮本朝。壮本朝。愧同僚。有日里。殄鸱鸮。
- 学士虞允文大忠神。** 采石矶头志气高。大功劳。大功劳。生书不着战时袍。羞杀将军挂大刀。
- 忠简公胡铨大忠神。** 桧议可成。桧肉可烹。小朝廷。宁蹈海死羞作卿。
- 烈士施全大忠神。** 抛一身。乾坤冤气尽皆伸。事不成。英魂留得作忠神。休疑裴政一流人。
- 文公朱熹大忠神。** 古之文。秦始焚。古之教。汉帝分。三代而后一圣人。讲学东南得道真。正心诚意动君民。
- 江西招谕使谢枋得大忠神。** 卖卜卖卜。世人渐熟。殷勤聊作一书复。留得丹心青史读。
- 忠节公李芾大忠神。** 号饮度残更。血泪无声。潭城外。杀气横。臣力已竭。臣心已明。
- 越国公张世杰大忠神。** 一君立。一君亡。天厌赵。颶风扬。上达臣心一瓣香。

- 左丞相陆秀夫大忠神。** 一块肉。不得复。海水滔滔与君宿。千古兴亡何代无。元人欢喜宋人哭。
- 信国公文天祥大忠神。** 饿不死。奔千里。十七史。何处起。曰成仁。素所履。
- 幽国公余阙大忠神。** 注周易。谈军事。翩翩良将国所器。守孤城。贼兵炽。一家死义生平志。
- 学士方孝孺大忠神。** 木末亭。忠魂号哭暗星辰。九族是何人。空留白骨委江滨。
- 兵部车驾司杨继盛大忠神。** 九死一生。忠心未泯。五奸十罪状难形。

圣教得统大忠至孝。光明通显灵应少保。枢密副使武昌忠武。岳公护善大天尊。（三拜）

末运挺生。忠孝性成。剿除积寇。威振金城。雄如兀术。闻名即惊。请命终丧。目几失明。帝曰戒酒。遂绝兕觥。军来仙镇。义勇俱盟。黄龙寨里。指日称平。金牌忽下。马首泪倾。天地变色。奸谀可烹。风波亭上。草木无情。魂游天府。上帝鉴诚。神灵宇宙。万古佳声。

忠诰中卷

纯阳子曰。生为名臣。死为名神。臣不易名。神不易名。世人昏昏。不察其真。天地之间。孰为重。人为重。人之中孰为尊。君为尊。君之下孰为贵。臣为贵。臣之内孰为美。忠为美。世人有言。愿为良臣。不愿为忠臣。此即道中门外汉。此即道中瞌睡翁。何知有良。何知有忠。逢尧舜之时。臯夔稷契。良臣也。逢桀纣之时。龙逢比干。忠臣也。龙逢比干。处尧舜之世。亦愿为良臣。臯夔稷契。处桀纣之时。亦不得不为忠臣。所谓忠者。诚一无欺。尽心竭力。敬事后食。坐镇朝端。大节不挠。小行必谨。至于临难死义。不事二君。乃天地大道。人生至性。譬如女子。夫死重嫁。承一夫颜色。复承一夫颜色。回忆前情。稍有烈气者。岂不羞杀。是知冯道苏循之流。乃畜类同归。虽位至卿相。禄享千钟。乞人不屑。何况于有志气者。故可以经纶廊庙。致治清明者。即可以犯颜敢谏。捍御封疆。视死如生。为忠为良。易地皆然。特时数不

同。遇主有异。世人莫作两般看。莫作难易想。幸而太平无事。主圣臣良。景星庆云昭其应。嘉禾瑞麦致其祥。是先帝之灵。苍生之福。社稷之庆。为臣而享富贵荣华。遇也。不幸而君骄臣谀。诛戮贤良。繁扰海内。奸雄草寇。窃据一方。地震山崩。时逢灾变。是上天之怒。苍生之灾。社稷之殃。为臣而困苦患难。尽节以终。分也。知遇与分之所在。则不怨于天。不尤于人。尽己之心。听天之命而已。余每读史。看历代以来。有获忠良之名。而究无忠良之实者。有二。有先事一君。不见其忠。继事一君。方见其忠者。亦有二。余今为世人拈出。一则翹君之过以沽直名。多刻谏草以传子孙。一则生平奸回。败国之事。临难死节。以盖前愆。此有忠之名。究无忠之实也。一则待之薄者。以薄报之。待之厚者。以厚报之。一则重惜其死。甚爱其才。另结英君。以尽其职。此一君不见其忠。一君方显其忠也。然此四者。余虽拈出。世人亦不可轻略。彼其人殊有可怜悯之处。比于纯忠大忠者则不能。较于不忠不良者则远胜。今世人既立心为忠臣。则当取纯忠大忠者。以为模范。不错认优孟衣冠。作孙叔敖可也。抑忠不必于大处观之。正于小处观之。不必于人知见之。正于不知见之。小事尽。则大事无不尽。不求知而人自知。然小者非小忠之谓。不知者非淡漠之谓。一事之举必勤。一言之发必诚。如陶侃之运甓斋头。程颐之折柳必谏。此其小者也。然小事如此。大事可知。夙夜小心。无惭屋漏。如赵盾之食鱼殽。杨震之辞暮金。此不求人知者也。然诚于内者。必形于外。辨忠至此。则知生为名臣。死为名神。非一事可假。一朝可至。世之人。当油然而思。恍然悟。而知人之重。君之尊。臣之贵。忠之美矣。

纯阳子说忠诰中卷毕

虔诚有请。众忠神来临。曰。

志心朝礼（以下颂每一神真均三拜）

旋干转坤。纯忠纯孝。揖让大德神圣。**有虞大舜帝**。无极至尊。
配合天地。纯忠纯孝。作述大德神圣。**周西伯文王**。无极至尊。
定礼成乐。纯忠纯孝。制作大德神圣。**鲁国周公**。无极至尊。
传道正德。纯忠纯孝。大成大神大圣。**先师孔子**。无极至尊。

志心皈命礼（以下颂每一神真均一拜）

承相比干大忠神。	清惠侯伯夷大忠神。
仁惠侯叔齐大忠神。	卫大夫石碻大忠神。
卫大夫甯俞大忠神。	赵客程婴大忠神。
赵客公孙杵臼大忠神。	郑大夫公孙侨大忠神。
越大夫范蠡大忠神。	三闾大夫屈原大忠神。
安平君田单大忠神。	天下士鲁仲连大忠神。
赵上卿藺相如大忠神。	秦大夫茅焦大忠神。
留侯张良大忠神。	大中大夫贾谊大忠神。
承相申屠嘉大忠神。	江都相董仲舒大忠神。
中郎将苏武大忠神。	营平侯赵充国大忠神。
槐里令朱云大忠神。	司隶鲍宣大忠神。
东郡太守翟义大忠神。	忠侯马援大忠神。
定远侯班超大忠神。	东郡太守臧洪大忠神。
北海太守孔融大忠神。	武侯诸葛孔明大忠神。
汉寿亭侯关羽大忠神。	征南大将军羊佑大忠神。
彭泽令陶潜大忠神。	平章事褚遂良大忠神。
梁公狄仁杰大忠神。	始兴文献公张九龄大忠神。
广州都督宋璟大忠神。	邺侯李泌大忠神。
汾阳王郭子仪大忠神。	睢阳张巡大忠神。
睢阳南霁云大忠神。	忠节颜真卿大忠神。
鲁公颜真卿大忠神。	忠烈公段秀实大忠神。
文公韩愈大忠神。	晋公斐度大忠神。
宛平刘蕡大忠神。	韩国公富弼大忠神。
莱国忠愍公寇准大忠神。	魏国忠献公韩琦大忠神。
潞国忠献公文彦博大忠神。	河内公司马光大忠神。
汝南文正公范仲淹大忠神。	参知政事唐介大忠神。
清献公赵抃大忠神。	开封守包拯大忠神。
陇西公李纲大忠神。	太学生陈东大忠神。
副元帅宗泽大忠神。	崇政殿学士王安国大忠神。
徽猷阁学士洪皓大忠神。	丰国公赵鼎大忠神。
学士虞允文大忠神。	忠简公胡铨大忠神。

烈士施全大忠神。 文公朱熹大忠神。
江西招谕使谢枋得大忠神。 忠节公李芾大忠神。
越国公张世杰大忠神。 左丞相陆秀夫大忠神。
信国公文天祥大忠神。 嗣国公余阙大忠神。
学士方孝儒大忠神。 兵部车驾司杨继盛大忠神。
圣教得统。大忠至孝。光明通显。灵应少保。枢密副使。武昌忠武岳公护善大天尊。（三拜）

忠诰下卷

纯阳子曰。古往今来。有无用之人。而不得谓之不忠者。有有用之人。而不得见其忠者。碌碌庸才。但袖手傍观。岁糜廩禄。留之无益。去之无损。如公孙宏之三公布被。卢怀慎之伴食中书。是也。此可称为无用之人。而不可加以不忠之名。权衡者。诚能慎之于始。进则因才授职。名器不致滥叨。而朝廷得人矣。有才堪王佐。学贯天人。经纶满腹。处之闲散之地。无所见其长。因浪迹于江山。陶情于诗酒。如李白之识子仪。杜甫之依严武是也。此可称为有用之人。而仍不得尽其忠之事。秉轴者。果能登之于要路。则得权行道。必有非常之功业。而草野无遗贤矣。余所谓忠臣者。原非从利害上计较。天王明圣之戴。不可一日去于胸中。君臣之大道然也。今即以利害论。则忠臣之利居多。奸臣之害不少。古今报应。昭昭不爽。如比干谏纣而死。飞廉逢纣之恶。在当时。飞廉岂不扬扬自以为得计。及牧野之师起。武王于比干之墓则封之。于飞廉则驱于海隅而戮之。死之先后。曾几何时。而比干之香名万载。飞廉遗臭千年。利害不大相悬绝哉。且奸臣不独人得而诛之。即天终必诛之。如贾充秦桧。恶贯满盈。二人本皆有子。充桧之妇。妒而杀之。此天谴也。特假妒妇之手耳。夫绝嗣大事。因一人奸恶。遂绝千年宗祀。岂不昭然显应哉。此特概举一二人之报应。以醒悟尔世人。夫自古之奸臣。未有安享无事者。不显灭其身。必戮其子孙。如董卓。曹操。韩侂胄。史弥远之报应。束册之中。历历可数。尔世人不见近世之尽难者乎。一身既死。朝廷必荫其子孙。加以赠谥。即换朝易姓。亦必追录忠良。载在青史。若奸臣则宇宙骂不绝口。虽孝子慈孙。不能盖其

愆。利害如此。世人何惮不为忠臣。而愿为奸臣哉。今而后。已仕者。当打点心肠。光明正直。烈烈轰轰为一忠臣。未仕者。一饮一食。常感君恩。慕拜扬之风。绝逢迎之事。一旦立朝。自可为忠臣。即终身不仕。亦无愧于天地神明。余说诰至此三卷。惓惓欲世人尽忠之意。至矣尽矣。倘执迷不悟。不独负天地。负君王。且负余一片婆心矣。

纯阳子说忠诰下卷毕。

虔诚有请。众忠神来临。曰。

志心朝礼（以下颂每一神真均三拜）

旋干转坤。纯忠纯孝。揖让大德神圣。有虞大舜帝。无极至尊。
配天合地。纯忠纯孝。作述大德神圣。周西伯文王。无极至尊。
定礼成乐。纯忠纯孝。制作大德神圣。鲁国周公。无极至尊。
传道正德。纯忠纯孝。大成大神大圣。先师孔子。无极至尊。

志心皈命礼（以下颂每一神真均一拜）

承相比干大忠神。	清惠侯伯夷大忠神。
仁惠侯叔齐大忠神。	卫大夫石碯大忠神。
卫大夫甯俞大忠神。	赵客程婴大忠神。
赵客公孙杵臼大忠神。	郑大夫公孙侨大忠神。
越大夫范蠡大忠神。	三闾大夫屈平大忠神。
安平君田单大忠神。	天下士鲁仲连大忠神。
赵上卿藺相如大忠神。	秦大夫茅焦大忠神。
留侯张良大忠神。	大中大夫贾谊大忠神。
承相申屠嘉大忠神。	江都相董仲舒大忠神。
中郎将苏武大忠神。	营平侯赵克国大忠神。
槐里令朱云大忠神。	司隶鲍宣大忠神。
东郡太守翟义大忠神。	忠侯马援大忠神。
定远侯班超大忠神。	东郡太守臧洪大忠神。
北海太守孔融大忠神。	武侯诸葛亮孔明大忠神。
汉寿亭侯关羽大忠神。	征南大将军羊佑大忠神。
彭泽令陶潜大忠神。	平章事楮遂良大忠神。

第七章

忠孝诰·孝诰

孝诰上卷

纯阳子曰。孝之义大哉矣。夫孝。德之基也。忠之门也。天之心也。地之程也。人之本也。不孝。则德之基倾。忠之门塞。天之心复。地之程缺。人之本贼。倾则仁义礼智无其根。塞则经纶事业闭其庭。复则日月鬼神促其生。缺则东西南北失其衡。贼则视听言动乱其真。故基立而百行端。门开而行藏裕。心顺而福祿集。程全而心志泰。本安而叶枝茂。则大乎德。通乎忠。感乎天。应乎地。成乎人。千古嘖嘖。称为孝子之名。夫哀哀父母。生我劬劳。怀抱而冀其步履。步履而冀其成立。疾则思其愈。长则思其贤。贱则思其贵。贫则思其富。为之顾复。为之提携。为之饮食。为之衣冠。为之择师。为之娶妻。为之立产。为之欣喜。为之恐惧。人年不满百。而一生心血。半世经营。止为子孙用尽。以是知天下无不是之父母。而人间有不顺从之子孙。盖天下事有待。而孝无待。待其富。如终不富。而亲莫留。待其贵。而终不贵。而亲忽逝。天之岁月不为父母久邀。人子之心。昊天罔极。故志士常惜寸阴。孝子当惜分阴。孝子之心本一。孝子之分不同。玉食万方。孝也。菽水承欢。亦孝也。七庙追封。孝也。春秋家奠。亦孝也。天子有天子之孝。诸侯有诸侯之孝。卿大夫有卿大夫之孝。士庶人有士庶人之孝。孔子之谓五孝。遇分而薄其亲。非孝也。违分以悦其亲。亦非孝也。尽己之分。行孝之事。是孝而已。然人生有二恨。婴孩之际。只知嬉戏。恃亲之爱。肆己之为。未能曲尽敬亲之道。恨也。长而毛里之念常生。

梁公狄仁杰大忠神。
广州都督宋璟大忠神。
汾阳王郭子仪大忠神。
睢阳南霁云大忠神。
鲁公颜真卿大忠神。
文公韩愈大忠神。
宛平刘蕡大忠神。
莱国忠愍公寇准大忠神。
潞国忠献公文彦博大忠神。
汝南文正公范仲淹大忠神。
清献公赵抃大忠神。
陇西公李纲大忠神。
副元帅宗泽大忠神。
徽猷阁学士洪皓大忠神。
学士虞允文大忠神。
烈士施全大忠神。
江西招谕使谢枋得大忠神。
越国公张世杰大忠神。
信国公文天祥大忠神。
学士方孝儒大忠神。
圣教得 大忠至孝。光明通显灵应少保。枢密副使武昌忠武。岳公护善大天尊。（三拜）

始兴文献公张九龄大忠神。
邺侯李泌大忠神。
睢阳张巡大忠神。
忠节公颜杲卿大忠神。
忠烈公段秀实大忠神。
晋公斐度大忠神。
韩国公富弼大忠神。
魏国忠献公韩琦大忠神。
河内公司马光大忠神。
参知政事唐介大忠神。
开封守包拯大忠神。
太学生陈东大忠神。
崇政殿学士王安国大忠神。
丰国公赵鼎大忠神。
忠简公胡铨大忠神。
文公朱熹大忠神。
忠节公李芾大忠神。
左丞相陆秀夫大忠神。
幽国公余阼大忠神。
兵部车驾司杨继盛大忠神。

忠诰终

音容之迫已渺。虽珍羞醴酒。不能奉双亲于九泉。风木之悲。终身浩叹。恨也。知此二恨。则父母双全。言笑依依。承欢膝下。人生大幸。自当晨昏定省。竭尽孝思。在一日。则伸一日之报。在一刻则伸一刻之报。庶返心不愧。顾影无惭。否则悔将何及。今世之人不孝者。因父母怙爱家庭之常。忽略过度。礼节不生。色欲日深。天恩渐薄。对妻子之日长。对父母之日短。与妻子之言多。与父母之言少。此等之人。俱系下愚。贤哲不齿。神明见弃。故家庭之间不可一日废礼。废礼则慢生。慢生则衅起。衅起则闲出。是以父坐子立。严矣。行之而觉安。冬温夏清。烦矣。久之而心悅。亲未食。己不敢食。亲未饮。己不敢饮。亲未衣。己不敢衣。亲未命。己不敢出。一步而不敢忘孝。一言而不敢忘孝。一事而不敢忘孝。亲在不敢以身许人。亲在不敢以游为名。亲在不敢以忿易生。亲在不敢以险可乘。梦寐之中。而孝思自存。非要誉于朋友。非求名于朝廷。非邀于鬼神。孝德所昭朋友自称之。朝廷自显之。鬼神自佑之。可以为德之基。忠之门。天之心。地之程。人之本矣。

纯阳子说孝诰上卷毕

虔誠有請。眾孝神來臨。曰。

志心朝禮（下頌每一神真均三拜）

干坤旋轉。純忠純孝。揖讓大德神聖。有虞大舜帝。無極至尊。

配天合地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮（以下頌每一神真均一拜）

仁讓公泰伯至孝神。被發文身。曲體其親。荊蠻開國。篤生聖人。

恭恪公申生至孝神。東山師。金玦偏衣不用辭。二五耦。晉室悲。君安驪姬死無時。

異節公伯奇至孝神。伯勞伯勞。飛在山之麓。思親不見終朝哭。勸世人。妻死莫輕續。

誠一公曾子至孝神。心與親同。嚙指而通。羊枣思自不

窮。孟曰養志。幾代家風。

白雲悠悠。雙親莫留。累茵列鼎往南游。負米當年何處求。

母在兒寒。母去兒單。三子單何如一子寒。至言動古云難。

執親喪。泣血三年斷人腸。哀日深。笑日忘。思親常在白雲鄉。

小人有母。未嘗君羹。君有母。悔誓黃泉何日迎。泄泄融融天性明。愛母及君純孝聲。

師訓心頭錄。全體還親腹。傷其足不出屋。孝子心。恭而肅。

孝事親。德化民。謚曰文。一聖君。

妾父廉平。死者不可復生。愿入宮廷除父刑。生男莫重。生女莫輕。上書救父令人驚。

脫却綺羅換布裳。鹿車共挽去歸鄉。拜姑禮畢忙提甕。愧殺當時紅粉妝。

青年十六。夫死養姑勤紡軸。丹書來屋。黃金盈廩。孝婦名。千古錄。

避雨無心結友生。一經衡品便成名。厨下宰鷄聲。堂前動客情。供母延賓孝子行。厚薄自分明。

後妻續。前兒逐。里門舍外宿。洒掃堂前父怒生。思親不得晨昏哭。晨昏哭親心非槁木。

讀蓼莪。廢蓼莪。坟前枯柏泪痕多。三征七辟。我心則那。手无斧柯。奈彼晋何。

橘花香。橘子黃。思親一食未能忘。七岁儿郎。袖中怀得满庭霜。

孝子莫愁貧。行佣可養親。孝子莫愁

勇感公子路至孝神。

誠感公閔子至孝神。

純謹公高子皋至孝神。

純感公穎考叔至孝神。

謹恪公樂正子春至孝神。

漢太宗孝文帝至孝神。

誠毅女緹紫至孝神。

順惠女桓少君至孝神。

堅節女陳孝婦至孝神。

清簡公茅容至孝神。

仁感公薛包至孝神。

義隱公王裒至孝神。

誠感公陸續至孝神。

誠懿公江革至孝神。

顺感公王祥至孝神。

贼。诚至动凶人。

天上雀飞。水内鱼肥。解冰入幕动慈
闱。

敬懿公孟宗至孝神。

绿竹绿竹。孝子何须哭。劲节虚心感应
速。

庸穆公王延至孝神。

西风寒。短衣单。贫自贫兮亲自安。

诚悦女唐夫人至孝神。

堂上乳姑心愈固。有子有孙如新妇。孝
敬相传高崔户。

文敬公庾黔娄至孝神。

到县未旬。身系官兮心系亲。尝粪心
惊。稽颡北辰。这孝子。天性纯。

文懿公何子平至孝神。

情事未伸。天地一罪人。葺屋何须复己
身。

诚敬公韩伯俞至孝神。

年年杖须着肉。今年此杖须痛哭。亲力
不复。亲力不复。恐衰颜。韶光迅速。

诚感公董永至孝神。

人间孝子室长贫。室长贫。风雨萧萧不
葬亲。仙姬特遣下红尘。不是真。又是
真。

诚悦公老莱子至孝神。

身上衣。五色斑。婴儿啼。悦亲颜。采
药何须炼九还。

肃穆公丁兰至孝神。

刻木为容如亲复。朝朝礼拜诚而肃。眼
中流血亲何哭。这顽妻。宜逐宜逐。

勇感女卢氏至孝神。

冒白刃。护姑身。有仁义。始称人。

恭肃公黄香至孝神。

冬温夏清。不忝所生。

节孝公徐积至孝神。

孝自天生。举足心惊。终身不践石。徐
行。

诚愍公朱寿昌至孝神。

母子相离五十春。弃官流涕入西秦。同
州得见亲。

至感公郭巨至孝神。

供母不足。怀中儿哭。娇儿反分慈母。
肉埋在荒山麓。天赐黄金堪一斛。

灵保公姜诗至孝神。

跃鲤涌泉。至孝动天。

诚谨公毛义至孝神。

万事可续。亲年不复。捧檄心欢。亲去
何如亲在食君禄。

忍毅公张公艺至孝神。

九族九族。五百年前共亲腹。忍自足。
亲亲睦。

圣教得统大忠至孝。

光明通显灵应少保。枢密副使武昌忠
武。岳公护善大天尊。（三拜）

末运挺生。忠孝性成。剿除积寇。威振金城。雄如兀术。闻名即惊。
请命终丧。目几失明。帝曰戒酒。遂绝兕觥。军来仙镇。义勇俱盟。黄
龙寨里。指日称平。金牌忽下。马首泪倾。天地变色。奸谀可烹。风波
亭上。草木无情。魂游天府。上帝鉴诚。神灵宇宙。万古佳声。

孝诰中卷

纯阳子曰。水无源则竭。木无根则雕。屋无柱则倾。山无脚则崩。
天地无气以举之则坠。日月星辰无天以系之则灭。山川草木无地以载之
则绝。故天地生人。父母生子。人本于父母。即本于天地。人无孝。则
何以为人。余今为世人说孝。夫孝有十。曰承颜。承颜者。父母有笑
容则喜。有愠色则惧。己有喜。当父母之前则增。己有怒。当父母之前
则消。无喜无怒。父母见之不堪。有喜有怒。父母见之亦不常。惟婉容
悦色。言笑依依。始可谓之承颜。二曰顺令。顺令者。父母欲之东。己
不可强之西。父母欲之南。己不可强之北。父母欲赏一人。己不可曰不
赏。欲罚一人。己不可曰不罚。惟适其意。行其愿。养志无违。始可谓
顺令。三曰宽心。宽心者。父母于日用则心谋之。于祸患则心防之。于
子之不肖则心耻之。于子之疾病则心忧之。惟不以日月累其心。祸患恐
其心。不肖劳其心。疾病虞其心。泰然自适。优游无碍。始可谓之宽
心。四曰敬身。敬身者。言动视听之非。俱足辱亲令名。舟车饮食之
损。俱足亏亲全体。惟口无妄言。行无妄动。立无妄视。坐无妄听。车
而恐坠。舟而恐覆。饮而恐醉。食而恐伤。始可谓之敬身。五曰善养。
善养者。天未寒。抚父母之背。曰。得无寒。寒则添衣。时未饥。进父
母之前。曰。得无饥。饥则进食。己虽短褐。必备裘葛。己虽藜藿。
亲必极滋味。始可谓之善养。六曰继美。继美者。亲用一人。己不敢改
之。亲行一事。己不敢更之。亲遗一业。己不敢变之。亲留一言。己
不敢忘之。待亲之人愈厚。视亲之事愈重。守亲之业愈谨。记亲之言愈

深。始可谓之继美。七曰格非。格非者。君之过可以犯颜敢诤。亲之过不可以直言明辨。君以义合。亲以恩合。亲有大过。惟积以诚意。动以至情。婉言不从。继以号哭。天性之间。必有动者。始可谓之格非。八曰调疾。调疾者。父母有恙。请明医。慎风寒。躬亲汤药。尝饮食。衣不解带。夜不成寝。食不知味。久而耐烦。愈而心乐。始可谓之调疾。久曰尽哀。尽哀者。父母之恩。百年莫报。父母之终。千秋永别。临没而泪流血。心如裂。含敛而声如塞。容如墨。送丧而往如慕。返如疑。水浆不入于口。苦块不离于身。音乐不闻于耳。笑谈不见于齿。自三日三月。至于三年。哀于礼有节。哀于心不忘。始可谓之尽哀。十曰追思。追思者。春而奠。秋而祀。生而哭。忌而泣。节而哀。时而献。庙而新。坟而扫。睹风木而兴悲。观白云而长往。执遗器而凄怆。读遗书而徬徨。始可谓之追思。此谓之十孝。无处不宜孝。无时不宜孝。无事不宜孝。无人不宜孝。孝生于心。难以言尽。说此十孝。以劝世人。当之水源木根。屋柱山脚。天地本于气。日月星辰。山川草木。本于天地。人本于父母矣。

纯阳子说孝诰中卷毕

虔诚有请。众孝神来临。曰。

志心朝礼（以下颂每一神真均三拜）

旋干转坤。纯忠纯孝。揖让大德神圣。**有虞大舜帝**。无极至尊。
配天合地。纯忠纯孝。作述大德神圣。**周西伯文王**。无极至尊。
定礼成乐。纯忠纯孝。制作大德神圣。**鲁国周公**。无极至尊。
传道正德。纯忠纯孝。大成大神大圣。**先师孔子**。无极至尊。

志心皈命礼（以下颂每一神真均一拜）

仁让公泰伯至孝神。	恭恪公申生至孝神。
异节公伯奇至孝神。	诚一公曾子至孝神。
勇感公子路至孝神。	诚感公箇子至孝神。
纯谨公高子皋至孝神。	纯感公颍考叔至孝神。
谨恪公乐正子春至孝神。	汉太宗孝文帝至孝神。
诚毅女缙紫至孝神。	顺惠女桓少君至孝神。

坚节女陈孝妇至孝神。
仁感公薛包至孝神。
诚感公陆绩至孝神。
顺感公王祥至孝神。
雍穆公王延至孝神。
文敬公庾黔娄至孝神。
诚敬公韩伯俞至孝神。
诚悦公老莱子至孝神。
勇感女卢氏至孝神。
节孝公徐积至孝神。
至感公郭巨至孝神。
诚谨公毛义至孝神。

清简公茅容至孝神。
义隐公王袁至孝神。
诚懿公江革至孝神。
敬懿公孟宗至孝神。
诚悦女唐夫人至孝神。
文懿公何子平至孝神。
诚感公董永至孝神。
肃穆公丁兰至孝神。
恭肃公黄香至孝神。
诚愍公朱寿昌至孝神。
灵宝公姜诗至孝神。
忍毅公张公艺至孝神。

圣教得统。大忠至孝。光明通显灵应。少保枢密副使。武昌忠武岳公护善天尊。（三拜）

孝诰下卷

纯阳子曰。父母是两尊活佛。今世人不知敬。昔有杨黼家贫。耕数亩。竭力奉亲甘旨。一日闻蜀有无际大士。辞亲往访之。途遇一老僧。问何所之。曰欲见无际。老僧曰。见无际不如见佛。曰。佛安在。曰。汝但回。遇着某色衣履者。即佛也。遂回。无所遇。夜至家扣门。其母文声喜甚。即披裘倒屣出户。乃向所言佛状也。自是知父母是佛。不用远慕。况天下事之报应犹迟。惟孝之报应甚速。一念之孝神自知。一事之孝。人自敬之。如孟宗之哭竹。王祥之卧冰。天性之感。何其神速。故孝子之家。祥云常遶。吉神远照。不孝之家。凶鬼在堂。戾气冲天。可不惧哉。今世人动言继母难事。子道维艰。不知天性可感。后母之不慈者固多。极恶者亦少。皆因世人丧偶续娶。前边儿女。先将古来许多晚娘恶件。填在胸次。这边晚娘。父母保婢。又唆教自立马头出来。两边人弄出搬来。言是言非。遂将天下继母。俱看得是不慈的。所以人子。每遇继母。不孝者多。今惟竭尽己道。动以诚敬。人非槁木。岂不心回。抑庶人之孝。与天子之孝本一。庶人之父子。与天子之父子不同。庶人不过养生送死。竭力

无违。天子则家国之际。嫌隙易生。谗疑易起。如杨广之弑父。肃宗之杀子。古今大变。天地寒心。故天子之子。肃肃小心。温温终日。无离左右。无废温清。无干政事。无畜兵马。无延宾客。则嫌隙不生。谗疑不起。国本无摇。社稷长安矣。余说孝诰至此三卷。惓惓欲世人尽孝之意。至矣尽矣。倘执迷不悟。不独负天地。负父母。且负余一片婆心矣。

纯阳子说孝诰下卷毕

虔诚有请。众孝神来临。曰。

志心朝礼（以下颂每一神真均三拜）

旋干转坤。纯忠纯孝。揖让大德神圣。**有虞大舜帝**。无极至尊。
配天合地。纯忠纯孝。作述大德神圣。**周西伯文王**。无极至尊。
定礼成乐。纯忠纯孝。制作大德神圣。**鲁国周公**。无极至尊。
传道正德。纯忠纯孝。大成大神大圣。**先师孔子**。无极至尊。

志心皈命礼（以下颂每一神真均一拜）

仁让公泰伯至孝神。	恭恪公申生至孝神。
异节公伯奇至孝神。	诚一公曾子至孝神。
勇感公子路至孝神。	诚感公箇子至孝神。
纯谨公高子皋至孝神。	纯感公颖考叔至孝神。
谨恪公乐正子春至孝神。	汉太宗孝文帝至孝神。
诚毅女缁紫至孝神。	顺惠女桓少君至孝神。
坚节女陈孝妇至孝神。	清简公茅容至孝神。
仁感公薛包至孝神。	义隐公王褒至孝神。
诚感公陆绩至孝神。	诚懿公江革至孝神。
顺感公王祥至孝神。	敬懿公孟宗至孝神。
雍穆公王延至孝神。	诚悦女唐夫人至孝神。
文敬公庾黔娄至孝神。	文懿公何子平至孝神。
诚敬公韩伯俞至孝神。	诚感公董永至孝神。
诚悦公老莱子至孝神。	肃穆公丁兰至孝神。
勇感女卢氏至孝神。	恭肃公黄香至孝神。
节孝公徐积至孝神。	诚愍公朱寿昌至孝神。

至感公郭巨至孝神。

灵宝公姜诗至孝神。

诚谨公毛义至孝神。

忍毅公张公艺至孝神。

圣教得统。大忠至孝。光明通显灵应。少保枢密副使。武昌忠武岳公护善大天尊。（三拜）

忠孝總跋

纯阳子曰。余本神仙。存心忠孝。每游下界。见红尘蔽日。白水滔天。为臣不忠。为子不孝。劝之学佛。何处参禅。劝之求仙。何处谈玄。忠孝平实。可以久传。与人臣言依于忠。与人子言依于孝。忠孝之文。存心有年。因游回雁峰。得过花石城。云端之上。香风飘渺。见周永佑。秦文超。诸鲲胡思恭等。虔诚拜请。因作忠孝诰六卷。皆浅言近理。不敢深文奥义。举忠孝神一百一十三位。皆事迹昭彰。不敢探幽索远。使朝夕拜诵。广布人间。于今癸酉年十二月二十四日批写。拜是诰者。用钟鼓各一。以通幽冥。用七星水。以洗奸臣逆子之心。用清香以接忠孝之灵。至于众神之讳。余恐世人不晓。故尔连书。礼拜之时。不可宣诵。如有儒释道三教人。果能坚志奉行。细心体会。劝世人拜此诰者。天地清明。鬼神钦仰。功德现成。福祿无量。勉之勉之。纯阳子作忠孝诰毕。因书于后。

题忠孝诰词

梅仙

几度到潇湘。挑灯夜未央。春风一曲白云乡。
一笑还一哭。坐在南山麓。忠孝万言书熟读。

竹仙

古寺雁声残。明月上栏杆。三更何处冷蒲团。
不笑亦不哭。忘却南山麓。忠孝万言书谁读。

柳仙

袖里是青蛇。笼内是丹砂。一轮明月夜开花。

知笑不知哭。
跳过南山麓。
忠孝万言书不读。
松仙
落日满山红。
乾坤一掌中。
丹成炉内起蛟龙。
止笑不止哭。
踢倒南山麓。
忠孝万言书常读。

妙仙童

日日烧炉炼九还。
从容捧诰步云关。
几多水。几多山。
一路春风接笑颜。

应仙童

瑶池昨日采桃还。
又捧金言出紫关。
绿绿水。青青山。
白云无数绕人颜。

忠孝诰终



第八章

吕祖圣德诸品经

吕祖圣德诸品经（本经群出自三十二卷版全书）

吕祖全书圣德诸品经小序

圣德诸品经二十四篇。吕祖飞鸾于刊江之莲华社所着也。今读其经。粹然性命之言。而深斥夫男女黄白之说。盖粹仙经之妙旨。而尽发其融贯。辟邪宗之妄见。而大肆其廓清。惟其忧深而虑远。不禁言切而说详。实与八品五品三品参同诸经同一心法。表里六经。贯通三教。不特五千言之功臣。抑亦四子五经五千四百藏经之支派也。考其时则顺治丁酉。其地则澹宁堂。清信社。空凌阁。悟真斋。其人。则汉如施子。及维清惟静二字。经二十四篇。中附坤元经一篇。经后附说三篇。系写本。侄允诚藏之。因辑全书。出而合纂。仍分二卷。不忘所自。志之。

圣德经

天尊曰。

两仪初分。法象昆仑。爰有大圜。包络乾坤。日躔月轨。磨蚁旋奔。雷风交鼓。灏气吞吐。泽山融结。互纽其根。气贯地域。精附天元。天通浑盖。地拟复盘。二极相望。圭臬同观。虚中自运。禅代无端。

万形错落。终古循环。穆穆皇羲。体寂无为。洞窥无始。幽赞两仪。
 神武独寤。龙駟贡灵。忘言得意。应枢寝绳。挈道之密。发神之几。
 功揆元化。首作君师。孰聘羲心。玄通妙理。闢坤辟干。一人而已。
 炎帝纂干。默成不言。相土辨方。范金脉泉。厚生正本。以若民天。
 芸芸懋迁。日中晏然。重卦演易。枕方抱员。神矣烈山。归藏玄玄。
 轩皇有熊。慧济灵通。顺天纪人。鼓鬯和风。爰立六相。谕于闾宫。
 科垂六禁。律制五钟。黼黻文章。辰云乘龙。录图禅妣。丹书洪蒙。
 功冠五列。道契崆峒。孰谓鼎湖。垂髯堕弓。巍巍放勋。乃圣乃神。
 文思灏灏。河图赤文。锡汝帝则。立我蒸民。其德不回。其仁如春。
 丹车黼裳。就日望云。作息耕凿。歌者何人。帝德重华。克谐有家。
 执一行微。决若江河。谕尔历数。格于文祖。玉烛时调。卿云膏雨。
 垂衣观象。戢其千羽。薰风阜财。凤翔兽舞。日月光华。明明在天。
 后有作者。孰知其玄。禹勤干蛊。克艰陈谟。佐圭既锡。受命如初。
 危微密谛。钦承二帝。舟中一笑。车前堕泪。尧舜为心。如太虚空。
 昌言则拜。击铎悬钟。茫茫禹迹。彼于流沙。远溯明德。大地山河。
 高阳才子。作士明刑。敷陈九德。惠可底行。念兹在兹。道合危微。
 天自我民。聪明明威。天工人代。人天不贰。慎厥身修。迪德底叙。
 厥叙伊何。协恭惟和。明良喜起。载赓载歌。天民莘野。尧舜为徒。
 三聘而出。带雨春锄。本来先觉。不益农夫。一夫不获。时引为辜。
 天有明命。其难其慎。一德一心。惟微心印。一介为重。天下为轻。
 阿衡之志。日月贞明。殷宗思道。恭默无言。旁求良弼。砺金济川。
 千圣绝学。真觉罔觉。道积厥躬。逊志乃恪。惟天聪明。惟圣从绳。
 讷海教学。作醴和羹。尧舜厥后。媲美阿衡。佐佐帝赉。比于列星。
 于赫成汤。宅殷造商。天锡智哲。表正万邦。三方解网。六事禘雨。
 盘铭日新。乐奏大濩。皇矣帝命。厥有恒性。昭德建中。日跻圣敬。
 穆穆厥声。濯濯厥灵。载歌商颂。金石和声。姬公至德。通于神明。
 人歌亦乌。天启金縢。夙夜在公。乃陈幽风。所其无逸。以迪王公。
 三吐延贤。三答养正。罔念克念。几严狂圣。宥密缉熙。文王我师。
 百世可作。公不我欺。武公既老。悒悒称道。旅规工诵。御箴蒙诰。
 如璧私磨。白圭是宝。靡盈夙成。有猷辰告。顺德之行。知德允蹈。
 心通屋漏。学闯堂奥。敷求典刑。孔昭佐昊。是日睿智。匪夷所造。
 天笃周祜。诞兹山甫。懿德柔嘉。不茹不吐。出纳喉舌。民命筱赋。

夙夜媚兹。袞职克补。秩秩民彝。昭昭帝则。翼翼小心。宪宪令德。
 令德令名。以赞中兴。永怀哲人。百世风清。天祚苍籙。降割于殷。
 姬文蒙难。清微其身。乃观易象。翼翼纯纯。极深通志。研几入神。
 祉承天命。恪守坤贞。诞生于岸。化道迷津。宪宪文德。昭昭令闻。
 悠悠我师。尚想哲人。謇謇君子。其道犹龙。风雨如晦。非适为容。
 蒙难正志。亦污亦隆。敷陈皇极。锡福王躬。明用稽疑。龟筮协从。
 变夷从夏。亦大其宗。仁扶元化。道畅玄风。百世之师。功在羣蒙。
 皇矣尼父。宪天阐道。凤德兴歌。龙潜蕴藻。折简绝韦。思深灏灏。
 上印羲皇。中探文奥。太极先天。洗心独抱。赞首六经。功垂万宝。
 河络重光。乾坤再造。猗欤素王。德参佐昊矣。

贤德经

天尊曰。

羲文世邈。东周运乖。爰有素王。天不可阶。子渊默识。澹然心斋。
 庶几卓尔。万仞悬崖。易赞三五。绝学无涯。岂繄素臣。虞夏孔怀。
 禹稷三过。易地则皆。尚友斯人。亦竭吾才。出入兼葭。其乐孔嘉。
 汶水高节。不臣三家。政明御马。均力和驾。良骥绝尘。亦行其野。
 二冉并驱。子渊接轡。百世吾师。千秋孝闵。猗与纯德。在贫如客。
 问仁请事。居敬为则。上嘉陶唐。下乐三王。可使南面。岂繄升堂。
 虽无显命。亦有令名。干父之蛊。克振家声。敬叙循循。富能速贫。
 群居乐义。独居思仁。适周问礼。乃见伟人。御书在鲁。掌故犹存。
 白圭三复。其德弥尊。兴思禹稷。志在先民。四友升堂。十哲同科。
 器若瑚璉。功在琢磨。弗如自见。无言忘辩。性天有闻。乃悟一贯。
 日月贞一。五星常焕。伟为知圣。蔚有余祭。天与之貌。与天为徒。
 材厚德丰。蔚为醇儒。贱之不怒。贵之不喜。苟利于民。廉行于己。
 楚江南游。二鳞夹舟。断蛟投壁。以愧阳侯。悠悠吾里。钦崇冠履。
 百代典刑。高山仰止。蓬户雍雍。弹琴歌风。洙泗卒业。西河道通。
 学闻损益。教鎔本末。近思知仁。表里洞豁。删述之后。爰有传经。
 斯文未丧。燎若星辰。礼乐禔躬。弦歌黼黻。爱人易使。大道为公。
 虑成若豫。修德于庸。入室高士。式庐清风。圣德渊广。膏雨其通。

上德不德。无乃佞同。舞雩鼓瑟。童冠春风。再传而参。一唯而通。独行四德。恪修七教。养志逮亲。守身惇孝。曳跣歌商。金石其章。皜皜入室。江汉秋阳。曰宏曰毅。任仁惟己。存顺殁宁。得正斯已。堂堂颙孙。前光后辉。执德通道。圣人为依。参前倚衡。知德者稀。入官六善。礼乐可仪。不伐美功。不蔽羣黎。孔曰仁矣。终身庶几。王佐之才。鸣琴单父。阳鱎驱车。笔谏悟主。佚于佐贤。事而稟度。明德达闇。刑于渔父。学明友亲。三得自许。君子若人。能取能与。绳绳祖训。诗礼箕裘。道宗舜文。世业作求。心其精神。学必由圣。精以致材。一以定性。槩槩惟庸。浩浩惟中。闡然尚纲。穆乎笃恭。发育峻极。基在尔室。内圣外王。退藏于密。孔门私淑。夜思昼行。道闲圣轨。觉牖民生。直指见性。人心是正。夜气存存。几希定命。一本四端。赤子孩提。良心独露。昭挈良知。姬孔绝巘。百年覩面。我仰大贤。泰华江汉。

修养经

天尊曰。天之道。利而不害。圣人之道。为而不争。故与时争之者昌。与人争之者凶。吉凶祸福。窅窅冥冥。其灾祸也。非富贵者。可请而避。其荣盛也。非贫贱者。可欲而得。惟为恶则祸来。惟修善则福生。福生于清俭。德生于卑退。道生于安静。命生于和畅。患生于多欲。祸生于多贪。过生于轻慢。罪生于不仁。仁者。修善积德。成仁入道。以忠以孝。希圣希贤。伯夷叔齐之高风。曾参闵子之大孝。人歿道存。充塞天地。或悔过自新。虽失之于少壮。修行赎罪。冀得之于暮衰。静以安身。和以保神。精以致真。抱经济之才。泛然若无。洞古今之事。旷然若虚。爵之不动。禄之弗受。忘形于尘俗之中。得性出云霞之外。希高敦古。克己知几。潇洒蓬门。贫同原宪。箪瓢陋巷。乐想颜回。闲邪存诚。守瓶执玉。超迹滓秽。栖真虚无。有事无事。常若无心。处寂处喧。其志惟一。制念以定志。静身以安神。保气以存精。思想两忘。方可云道。是故有有不为。无无不无。有者因无而生。形者须神而立。故有乃无之宫。形乃神之宅。所以全宅以安主。修身以养神。若气散归空。游神为变。犹火之于烛。烛靡则火不居。水之于堤。堤坏则水不住。魂劳神散。何道可成。神者魂也。降之于天。鬼者魄

也。经之于地。是为神能服气。形能食味。气清则魂爽。形劳则魄浊。服炁者绵绵而不死。身腾于天。食味者混混而夭亡。形沉于地。修行之士。性命双修。形神合一。故能长生。故一殮一寐。性命相关。一坐一行。死生是赖。虚心不外。入于佞佞。其妙可以自得。而难以口言。虽不深造洞天。远寻福地。亦可以延生。娱景岁月。其如道何。

养气存神经

天尊曰。吾善养吾浩然之气。其为气也。至大至刚。以直养而无害。斯孟子之大训也。夫道之在天地间者。气也。日非气不临照。月非气不生光。故四时成岁。万物生成者。无非资乎日月。日月之行。无非资乎气也。道之在人者。亦气也。胎卵湿化。非气不生。一阴一阳。非气不成。天地非气不位。万物非气不育。气之时义大矣。是故胎从气结。气从胎息。气入则生。气出则死。知养其气。可以长生。固守虚无。以养其气。神行气行。神住气住。若欲长生。神气常住。我不动心。无来无去。出出入入。自然常住。宽急得中。常自调适。制而无着。放而不逸。处喧无恶。涉事无迹。真定真空。真密真默。默则存元。空则内烛。定则息长。密则不触。断想绝梦。留神弃识。定可生慧。太虚太极。定心之上。豁然贯通。定心之下。旷然无复。无所障碍。中和迺溢。心与道合。养气始足。炼形为气。名曰真人。炼气成神。名曰神人。炼神还虚。名曰仙人。炼虚合道。名曰至人。天尊说是经已。又说偈曰。

欲养浩然气。务在制心。使身为之舍。神为气之主。又为气之子。气又神之母。安则主人居。躁则主人遁。神去气即散。气散身则殂。忘言降其心。无为可以固。使不离佞牝。不渴且不饥。食气即阴气。纤毫亦须除。澹味依其候。阳壮是为助。不为物所牵。一息深深处。不出亦不入。忘久勤可住。夜气百字碑。是因养气故。妙道实空位。悟得真常路。

定证经

天尊曰。道种于信。德生于敬。敬者道之根。信者德之蒂。根深则道

长。蒞固则德茂。加以勤行。断其疑惑。得道必矣。弃事则形不劳。无为则心自安。迹弥远俗。心弥近道。静则生慧。动则成昏。收心离境。各返虚无。外无所为。内无所着。与时消息。顺中为常。湛寂虚心。其道自归。毋生得失之心。毋启有为之识。有有无为。心常安泰。与物同求而不同贪。与物同得而不同积。不贪则无忧。不积则无失。迹固同人。心宜异俗。色相外空。色想内忘。想悉是空。色何为主。当知苦楚由于我身。我身既无。苦楚奚自。内观无心。心无其心。外观无形。形无其形。无无既无。苦从何入。入道必定。定则见性。定则明心。定则立命。定无心动。无所不定。定则入道。神异之妙。灵而有性。虚而无象。随迎不测。影响莫求。不知其然。而合自然。谓之神人。与神合一。体无变灭。形与道通。无死无生。蹈水火而无害。对日月而无形。形神并一。真空常久。是故圣人。含其光。藏其辉。兼被于神。以其全备。凝神宝炁。学道无心。神与道符。谓之得道。如山有玉。草木以之而不凋。有人怀道。形骸以之而永固。修养脱化。幻质同神。炼形入微。与道冥一。智昭无边。形超摩极。棕色空而为用。含造化以成功。真应无方。其惟道德。于是天尊说是经已。复说偈曰。大道玄玄。地天坤干。死生事大。五行倒颠。定静无为。晃朗常惺。湛寂真神。敬信是原。龟勉精进。锐奋悟先。体寂味淡。云佛云禅。空空不空。实道证仙。

夜气妙经

尔时天尊在于莲华社澹宁堂。与维清子。汉如子。说夜气之妙。经曰。一气孔神。于中夜存。虚以待之。无为之先。此先天之夜气。凝焉而作。雾散毫末。夜气既归。肝胆是宅。此后天之夜气。吾为子说先天之气。于是天尊。温良慈泰。和安宁顺。融然肃然。而说玄黄氤氲。自降自升。我抱太冲。常息常生。天根未发。万籁入几。六阴既翕。无往不归。当斯时也。若希若微。丝丝相续。息息相依。营抱其一。神栖其根。如水斯活。如泉斯温。是故至人。性性存存。人非蕴界。出非随缘。澹兮无人。廓兮无天。我作是观。默养端倪。虚以集之。一以致之。个中之真。圣胎在兹。其觉于于。其息深深。无旦无昼。无古无今。天定人则。人窍天心。定窍同炁。玄玄冥冥。天尊说是妙经已。又从而戒诸子曰。吾今所说夜气。是为先天之奥。诸子体行三复。即获实

践。非泛泛常言者。此也。于是焚香。信受作礼而退。

无有执着经

尔时天尊再过莲华之社。澹宁之斋。说无有执着之妙。曰。道本虚无。无未尝无。有未尝有。可以神悟。未可言说。即有可言。无非赞妙。究竟其妙。言下难寻。若不追寻。当面错过。所以为难。若以为难。则弃之矣。叩其两端。唯不可着。唯守虚无。精气神主。弃之非是。作为内观。反听提气。唯此数者。皆非道事。不着天然。拨云观日矣。天尊曰。扶养性命守虚无。闭塞命门如玉都。七门虽开。亦有常关。散之蔽天。收之一粟。心了然明。浑浑沦沦。乾坤未判。方为道真。心神合一。心化神存。存则变。变则化矣。天尊曰。系子长流心安宁。闢子精路可长活。此内作法。无为而虚。见经而思。慎勿他之。天七地三。昆仑神驰。驻则定。定则化矣。天尊曰。魂欲上天。魄欲入渊。天渊之隔。吾独不然。还魂返魄。道合自然。璇玑悬珠。环而无端。玉户金钥。身儿固坚。载地佐天。坤干迫元。象以四时。其赤如丹。前仰后卑。异户各门。送子还兮。丹与炁泉。以上灵妙。妙弗尽言。勉而行之。入则知玄。回也乐之矣。

湛宁经

天尊曰。道在乎神。神在乎真。无为而化。无为而成。出乎生死之外。上乎霄汉之中。先虚而无始。后天地而无终。沦于阴而不晦黯。生于阳而不断的明也。本无神而自生。本无炁而自化。本无质而自成。返本于道。原道于心。心淡而虚。则阳和袭。意燥而欲。则阴气乘。圣人之道。于兹良深。黜其欲。和其燥。殫其智。绝其意。忘其思。恬淡纯粹。渥焉如春。休息于毫厘之中。翱翔于宇宙之外。以动得圣。以浊得清。以乱得宁。以心合道。气顺超形。形超道合。至德以凝。不为物诱。至静至宁。契于虚空。空久则明。明极则莹彻。莹彻则神盈。虽天地之广。万物之殷。无逃于圣人之能。故达者之无为以慧。蔽者之无为以昏。慧则通乎道。昏则昧其灵。修行之士。慎勿私欲而悖其天理之公。须忘寝忘食。克己于方寸之宫。扣心无心。至德立而至道凝矣。

偈曰。道由德辅。道因觉灵。不寐存神。制魄凝魂。形骸土木。心镜光明。神清气爽。合一成真。

玄宗大乘经

天尊曰。一运之象。周乎太空。中升者天。中降者地。无升不降。无降不升。五行自然。钻绞系鎔。水精且天。火神且地。魂人魄物。运而不替。梦鉴水中。皆有道焉。有形之道。圣人非是。是故下愚。以魄摄魂。圣人以魂运魄。盖魄之藏。魂俱之。魂之游。魄囚之。魂昼寓目。魄夜寓肝。寓目则见。寓肝则眠。眠则昏。昏则沉。沉则迷。迷则失。失则死。圣人反之。以合其道。敛万有于一息。无有一物役吾明。散一息于万有。无有一物蔽吾彻。常使升其魂。而降其魄。合其道而归于一焉。轻清者。魄从魂升。重浊者。魂从魄降。魂魄混合。一于神明。是道也。能见精神而久生。能忘精神而超生。吸气以养其精。吸风以养其神。漱水以养其精。摩火以养其神。可以凝神作物而驾八荒。可以飞神作我而游太清。物我两忘。忘无所忘。凝寂邃深。澄彻空洞。清静知觉。虚灵堤防。一念无无。一息玄玄。神聚炁结。身中有身。冲和融透。醉酣醅酊醇醑定清。如雷如风。缥缈仙音。无弦无声。不喷而音。不鼓而鸣。神乎景乎。出入杳冥。与天地合其道。与日月合其明。是以于昏迷中。防其所来。得造化之源。忘形以养气。忘气以养神。炼神以返虚。虚化神。神化炁。炁化血。血化形。形化婴。婴化童。童化少。少化壮。壮化老。圣人不使老化死。而以至道化为神。复化虚。虚实相合。魂魄归一。藏之为元。用之为灵。含之成太乙。放之升太清。风云发会于七窍。坎离消长于一身。真炁荡积而时无今古。纯阳和畅而命无生死。是为神化之道。浩旷无端。杳冥无对。浑沌无原。寂湛无宗。能涤滤以求之。可飞上乎玉京。是玄玄之道矣。生我者神。不使其昏。制其魄。清其魂。修性命者之根。

无上大乘经

尔时天尊在莲华分社。澹宁堂。与无鞅数众。金阙选仙。紫府真人。

十洲贤隐。四大菩萨。罗汉尊者。及诸天龙神金刚。俱放无极光明。照无极世界。现稀有妙相。说无上大乘妙经。曰。

虚极鼎炉。清静天枢。无为铅汞。定慧交孚。情性混合。心洗神舒。存诚定意。斋戒希夷。明见凝结。三元醍醐。蕴碎瞋弊。性命关津。调之无息。心静自调。脉脉若存。神住气住。心息相依。息息归根。心心不动。无来无去。真人踵息。常觉不昧。真息无息。神炁相抱。冲气为和。适得恬愉。致气于关。退藏于密。无无终古。通知天地。功德巍巍。直超玉清。浑灵飞化。稀有瑞妙。曰仙曰佛。惟奥惟穷。是名大觉。亦曰玄珠。焕矣至人。修道合真。包罗万象。呼使斗星。亘古华苞。三界宁一。寂寂无宗。恢漠神通。上并弥罗。无上大乘。天尊说是经已。无鞅仙真。菩萨罗汉尊者。各大观想。各大欢喜。信受赞扬。古未曾有。稽首而退。

证修经（证悟经）

天尊曰。修道贵证。入道贵悟。若徒以口耳文字为之证。即非实证。徒以情识意解为之悟。则非自悟。道之为道。无声色交于聪明。无法度见于笔舌。自证其实。其证始真。自悟其真。其境乃空。真空通融。在乎心信。存诚信而笃行。先天地而独存。历事物而不幻。廓落冰莹。圆通灵觉。以为体。不疾而速。不行而至。以为用。造物无方。奇幻不测。以为神。三纲五常所由始。千生万劫所由终。以为道。苦乐逆顺。各适其安。日用常行。暗符其节。修道入道。合乎确然。惟一不二。坚贞定默。是为信心。非曰枯坐。亦非灰心。当于时时体认提醒。一旦豁然。了了贯通。功深力到。自有所有。自有之妙。如得珙璧。如归大家。如梦初觉。如春发华。如水出泉。如升九霄。如冰始化。如镜重磨。其乐陶陶。其心融融。其怀洞空。其意活泼。儒有仲尼颜子。所谓乐者。此也。禅有禅悦法喜者。此也。道有当此之时。喜极难云者。此也。学道之士。不入此乐。而以口耳文字为证。情识意解为悟。不穷究竟实证自悟。斯为误矣。是故道高德纯。自得证悟。不褒自诬。认既了当。见亦亲切。通身手眼。化为金刚。一切头绪。悉知着落。到此实境。不以执着。奇幻尽弃。复归于一。空空洞洞。如海如天。如鉴如烛。何所不照。何所不容。此皆不以自诬为执着。不以实证为虚无。空中不空。无中生有。有道有德。虚中悟焉。可以无入而不自得矣。

第九章

吕祖金丹直指诸品经

金丹众品经（出三十二卷版吕祖全书）

金丹直指经

天尊曰。一言而尽天下之道。性而已。一言而尽内外之道。神而已。道之在万物。虽泮散殊列。无所往而不得。然其归者。诚也。所谓惟天下至诚为能尽其性。能尽其性。则能尽人之性。能尽人之性。则能尽物之性。能尽物之性。则能赞天地化育。赞天地化育。则可与天参矣。是故祸福惟人也。而不得荡其和。生死惟性也。而不得干其常。所以极天下之高明。而寂然不动。以待万物之至者。皆性之内者也。所谓真定者。动亦定。静亦定。无将迎。无内外。苟以外为外。牵己而从之。是己性皆从内外也。故道在坤不竭。以艮抚干。坎塞离关。是为初着。贤以离居。心以坎逆。静坐如释子之空。然后寒暑不知其为寒暑也。震莫动。动则精散。右兹数者。虽有所云。无可执者。悟者易行。有情有缘。真而无幻者也。于是天尊说是经已。有无鞅数众。天仙圣众。及诸神只。令掌欢喜。叹未曾有。

金丹直指经终

明道归真经

尔时天尊在大罗天中。纯阳座上。收敛光明。澄神默座。瑶壁辉映。真炁包络。钟鼓毕奏。神风交畅。道意微密。喧然如春。无鞅金仙。联牀围绕。各皆趺坐。四众八部。幢幡宝盖。侍在侧焉。时有重阳真人。丹阳真人。紫阳真人。各从座起。稽首顿首。长跪师前。白天尊言。门下臣等。往劫何修。获预法会。亲聆玄诲。心窃感激。第臣等愚蒙。闻是经说。心虽欢喜。终究未达。切念人心不正。大道不行。混杂旁门。邪说悟幻。修真之士。误信愚师。或服童男童女之初精。或以金石与女子服。日久产一肉块。取而饵之。或以男女照自兴感。或以九女为鼎炉。或以百草为外药。或指脐后为玄关。或以男女神交。服遗浊精。或以炼阳为铸剑。或以养女为立基。或以阴处为命门玄关。或以见景亡情为八九大还。甚而至于烧茆诳骗富贵。采战败坏纲常。养砂炼铅之徒。妄想金丹服食。如斯奸恶。邪术迷真。不但无益成功。抑且多戕原本。即有近理。稍弊邪迷。捷径希成。仅能延尘凡之寿。不能脱凡俗之身。飞冲之道。似未然斯。不识以何因缘。离此谬误。于是天尊。浩然长叹。告诸真众曰。嗟乎。尔子尚未知世之促而人之邪耶。夫人之生。善性根焉。孝悌钟焉。四端正焉。五行范焉。忠信胚焉。和逊传焉。人品系焉。大道存焉。人也者。异乎草木禽兽之为类者也。草有芝焉。木有松焉。禽有鹤焉。兽有鹿焉。芝草草于商山之阴。松乔乔于昆冈之阳。鹤唳于东郭之车。鹿呦呦于南极之幢。人而忘本。不如四者徜徉而辉翔。嗟彼下愚。务邪行矫。丧死者往往如斯。败乱者在在不少。食彼之精。益己之精。吸彼之脑。补己之脑。心上加心。颠而复倒。有何所从。徒劳机巧。如丝之乱。弗解其绕。胡不摄自己之精神。收身中之珍宝。归希夷之真途。先驱邪而入剿。返清静之功。立空虚之考。庶几根本固而风难摇。枝干生而华可保。吾忍无说以指迷。是故偈言以谕晓。知者易明。勇者便了。忘形于岩谷之中。出性于皮囊之表。是为断障。亦曰破恼。操守久之。飞升缥缈。天尊又说偈曰。玩定干干理。选知六六时。金木为成宅。土德定丹基。已识丹基所。迎进主人翁。宅子常治。勿使风雨攻。水内求白龟。得之藏龟室。龟室在何处。却在长城北。跨虎游当阳。朱雀常衣绛。噫火即是伊。取之炼升降。戊己是丹炉。中柱离方火。火内有青龙。伏致水中虎。天七是东西。地二即南北。立鼎分阴阳。休教差规则。银河方沐浴。华盖动见精。沐浴在定

性。性定是长生。过此玉关去。胡华各自分。关闕犹难透。伏气透辽京。采得精神气。是斯三品物。精化气化神。从兹定依谷。得是阴阳气。朝朝与夕夕。心洞然自开。是为药物至。干日昆仑巅。在人日上首。气回昆仑峰。缓退阴符寥。真人欲见身。必至明堂舍。双扉莫上开。脾主是舌。守中日定意。意定方足贵。中外两处无。恬淡何思虑。念勿起是战。堤防贼来窥。若贫又若苦。少女守空闺。复至干缓缓。姤至坤刚刚。刚柔两相济。休将宅子伤。若闻似不闻。即是成道时。若有似不有。大道成已久。吾偈分十六。句分六十四。妙诀实难量。功德不思议。天尊说是经偈已。于是重阳真人。丹阳真人。紫阳真人。欢喜朝礼。志心皈命。默默复位。尔时天尊复告诸真曰。吾再宣说。汝等谛听。人为万物之灵。心为一身之主。沉沉静静。不恃不求。不杂不伪。无思无虑。发而为言。温和慈让。体之为行。中正端方。孝悌于内。忠信于外。不厚责于人。不徇物以私。率性而行。从容中道。道心不退。正气勃勃。真气不乱。如是之士。虽未造道。是为易造。虽未得道。是为易得。得一之士。永必得焉。于是天尊。悯念守道之士。天资愚讷。造而未得。又宣偈言。以指其得。偈曰。造道机在目。阴尽阳来复。干龙下手时。见龙无拘束。烹炼至干干。跃渊须沐浴。飞龙应在天。上九神降伏。阳极自持盈。渐进坤初六。六二土含金。虎啸风生谷。采聚六三中。括囊丹已熟。阳剥五阴间。野战纯阴足。四象各朝元。五行自攒簇。静字实依依。飞拔功夫毕。天尊说偈已。诸天雨华。诸地化芝。诸仙唱礼。诸化雍熙。指至人学道之岐径。竖高士修炼之阶梯。渡人之筏。圣德之瑜。如珍之重。若璧之希。慎勿等闲。福庆有余。赞礼而退。

寂淡宗一经

尔时天尊在于大罗天。纯阳殿。与无极神仙俱。挥降魔之扇。披云鹤之衣。冠玉华之巾。坐霞绡之舆。掀髯凝神。佞灵发声。而说经曰。道之所以为道者。如天之所以为天也。夫天之为天。以其有日月二精。包藏万物。升降五行。而道所为性命精神。转运形气。中外相得。是故气行而形动。形动而精泄。精泄而神散。岂非天以气。而人亦以气乎。有形则住气。住气则精足。精足则神固。岂非天以形縛气。而人亦以形縛气乎。运

动者。精也。精所以发光华而坚固骨髓。是故天所以为日月。而定行昼夜。神者。万物之主也。天无神。则日光月照。电烈雷轰者。无矣。人无神。则目视耳听。口言心记者无矣。岂非神为天人之主者乎。夫神者。气之主也。气者。形之主也。神气足而形自安。天地和。而道乃立。是故天人归一。道本不贰。无始自然而来。无终自然而返。一得永得。寂湛虚灵。自然逍遥。常清常静。有有不为之间。无无不无之内。寂亦匪寂。空不落空。形神之妙。可化难名。今世浇薄。今人短促。失其真而入其妄。舍其正而得其邪。是故以道为幻。言诸炉鼎。比人之身。染相执着。孰若无鼎无炉。果难无鼎无炉。孰若以天以地。为长远之大观乎。至于误于斤两。卦爻。孰若无卦无爻。果难无卦无爻。孰若以神以气。为永久之简易乎。至于误于金木。孰若无金无木。果难无金无木。孰若以性以情。为亲近之佞英乎。至于动静。人难能知。若误于动静。孰若以行以住。为道原之捷径乎。夫人以自误。自以心误心。而心中又起一心。岂非自误误人。以致误天下国家之征乎。孰若以自善自。以心善心。而心中止定一心。岂非自善善人。以致善天下国家之征乎。呜呼噫嘻。道在于是乎。不在于是乎。唯人自善悟之耳。于是天尊。欲重宣此意而说偈曰。所说曰道。非为道也。道何说为。毋欺于心。修何所修。归一而已。万道之宗。浑圆灵妙。天尊说是经偈已。尔时无极神仙。踊跃欢喜。天华纷妍。异香缥缈。仙乐嘹唳。龙吟凤舞。一切有情。志心皈命。

万化归一经

尔时天尊在大罗天。与金觉选仙。无极圣真俱。神通自在。佞虚寂湛。温良如意。光明融灿。而说经曰。道本无言。因言而显其道。道外无心。心外无道。佞虚空灵。其道即心。蕴之为道。发之为经。开迷阐教。其经乃明。吾今说道。虽曰强名。略述其微。指南以行。夫金丹大道者。盖长生之大道也。是故主形。则有心肝脾肾肺。主气。则有精神魂魄。意此皆佞圣之至几。超凡之秘地。其养炼之功。采聚之方。人所难知。世所难能。神所难述。仙所难云。吾虽不敏。常愿修斯。驰神运思。昼咏宵披。聊识微文。恕泄天机。于是天尊。趺坐挥尘。谈是妙音。于诸真听。太虚无为。如川如阜。炼修先后。上下忘机。形神坚

固。精气无遗。荫牛宿以曜含。托灵根以正基。嗟亢尾之奇挺。实房毕之所扶持。起自至幽。似空若杳。知者以守见而不之。之者以路而莫晓。赤城霞隔于红宫。黄庭中立于都道。旋贯幽阙之玄珠。专守阴中之至宝。都灵台之真人。忽乎予之性情。访羽士于丹丘。寻不死之绛庭。仰昆仑之可攀。亦何殊于长城。抑玉户之森森。振金石之铃铃。发初念之朦胧。启故虑之峥嵘。跨穹窿之悬磴。临万丈之绝冥。进火候于虚危。退阴符于张星。虽求益之进退。乃永存乎长生。既斜既正。既曲既平。仍得之于姪女。必求配于金公。恣出入之寥朗。调呼吸之从容。翱翔鸾之裔裔。听鸣凤之啾啾。过玉池而一跃。疏烦想于心胸。荡坎离之交媾。发震兑之游蒙。陟舍明堂。迄于仙都。双扉云疎以夹路。玉房阴映于高隅。金木景合于林间。宝树璀璨而垂珠。王子吹笙以控鹤。真人鼓笛以踟蹰。骋神变之挥霍。忽出有而入无。于是养炼既周。体静心闲。害马以去。世事都损。投刃皆虚。日牛无全。凝神如寂。朗视长川。一阳初复。精气已坚。临阳筑基于黄舍。至泰取水于丹田。挹以玄玉之膏。浴以华池之泉。河车转于大壮。夫离利于冲天。纯阳上于昆仑。姤动下于玄渊。遯否防汞于狮飞。观剥徐退乎霞烟。纯阴反乎面壁。还存呼吸之绵绵。散以象外之说。畅以无生之篇。悟遗有之不尽。觉涉无之有间。恣伏候以终日。等寂嘿于不言。明虚无以静道。超万古之悠悠。叹世乏贤。玩斯真詮。学而存之。神仙可肩。天尊说是经已。诸天仙圣。无鞅高真。稽顙再拜。皈命称扬。叹未曾有。异口同声。以偈赞曰。大道玄玄。孰为之言。妙哉兹篇。廓落庄严。玄微明鉴。灿烂浑圆。出云霞者。先天地焉。礼谢而退。

辟幻真经

天尊曰。道不可离。可离非道。然亦勿滞。滞则失其真。如火之始然。如泉之始达。如贫人失珠而还得。如杨花拂去而还来。如舟行岸动。浪动天移。所谓心心明了。其实若虚。金丹者三。身为铅。心为汞。定为水。慧为火。神魂魄意为药。行住坐卧为火候。清静自然为运用。又以气为铅。神为汞。午为火。子为水。心肝脾肺肾为药。年月时日为火候。抱元守一为运用。又以精为铅。血为汞。肾为水。心为火。精血髓气液为

药。闭咽揣摩为火候。存思升降为运用。作法虽异。其成一也。嗟今凡愚。不由正经。生其妄心。惊其神而着其物。幻其术而失其真。胡为乎修心而诚意。难矣哉。功毕而证生。是以心为形役。奚有用而可云。吾愿世之修玄。须修其身。正其心。诚其意。忘其形。忘形以养气。忘气以凝神。忘神以致虚。忘虚以入真。为斯忘字。入道之门。是故无事于心。无心于事。无心无形。无物无空。超然万物。确然一灵。心藏于心而不见。神含于神而不惊。交于奎。合于角。而东井南箕。舍于翼。升于牛。而西房东壁。人之一身。像乎天地。其周天也。三百六十五度。其去地也。九万一千余程。阳动而阴静。天旋而地宁。干升于上而阳兴。学道之士。宜守明堂。坤降于下而阴动。学道之士。宜调华池。艮其背。所以示肝虚血穴。艮其手。吾故以抚干用干。静坐忘其坐。欲言忘其言。气出入而不知。然后是得。得亦忘得。得其道而脱其幻矣。

尊生妙经

天尊曰。圣人慎疾。曾子守身。夫受之父母。不敢毁伤。虽孝之始。实欲全而归之也。其生亦大矣。太上有言。病病不病。圣人摄生。以其病病。病者维何。为吾有身。五味舌爽。五色目昏。声香触法。荧乱神魂。是老病死。入于非人。病病维何。先其未形。独颐节口。独卧封情。独处冥心。防意如城。精神守内。病安从生。所以然者。病由心病。心是我心。命是我命。真水不漏。真阳无烟。常温气海。真息绵绵。真息无息。谷神不死。筋柔握坚。深根固蒂。惟和与畅。保合元气。慎兹戒兹。意无其意。叹夫。一念若乖。万劫轮回。一身若堕。万劫沉灰。迷者自堕。觉者自开。自觉自迷。微哉危哉。微尔众生。战兢兢兢。如临如履。毋忝所生。可以养亲。可以事天。可以定命。可以延年。信受奉行。可以学仙。行之无间。可以升天。天尊说是妙经已。复悯众生。又说偈曰。宠辱不惊。肝木自宁。动静以敬。心火自定。饮食有节。脾土不泄。调息寡言。肺金自全。怡神啬欲。肾水自足。一日之忌。暮无饱食。一月之忌。暮无大醉。一岁之忌。朔望远内。一生之忌。晦当护气。太上养神。真人养形。形神均养。病胡为生。下士守之。允以延龄。中士守之。允以道增。至人无病。常静常清。

克己妙经

天尊曰。吾昔闻关尹子曰。克己方能成己。为己方能克己。至圣曰。克己复礼。故以回贤。是故圣人无己。靡所不己。体乎己焉。无不至矣。吾当为尔世人。说是克己妙经。于是凝其神。定其色。端然而坐。怡然而肃。启慈悲之念。生敬惧之心。出清静之音。说克己之经曰。真己无体。真体无己。无体之体。天地一体。无己之己。万物一己。视自己视。无别视者。听自己之听。无别听者。言自己之言。无别言者。动自己之动。无别动者。无色无声。都无视听。无作无用。都无言动。不离声色。而见天则。不离自心。而见天心。在天真元。在人归复。自本自知。是谓见独。真胜己者适己。真为己者无己。会万物为几者。唯仁人而已矣。纯阳帝君说是经已。天散异香。渺焉而退。

断障归一经

天尊曰。大道巍巍。包罗万象。既生既成。贵乎断障。如不断障。其生恐丧。如不归一。其成恐妄。断障归一。大道乃畅。吾今为诸众生。断其障曰。一断不心殉识。一断不志殉气。一断不真殉绿。一断不生殉欲。一断不善殉名。一断不劳殉人。人尽殉也。都未能断。能断此障。一断百断。人心空洞。炽然情生。情生神发。种种识萌。情识攘攘。志气游宕。境缘纷起。嗜欲淫放。欲深机浅。众相皆见。认贼作子。幻形千变。着善矜劳。无端援羨。殉名丧实。并使心战。我闻至人。闲邪存诚。存存者何。断断无能。识无其识。情无其情。无情无识。乃合诚明。内外双忘。澄然无欲。默而信之。工夫简易。德以刚立。学以静通。惟兹断断。大道之功。天尊说是断障妙经已。又从而 其归一之妙曰。维一为气。干干先天。中夜存之。无为之前。佐黄氤氲。自降自升。我抱太冲。常息常生。天根未发。万籁之几。六阴既翕。无往不归。当斯时也。若希若微。丝丝相续。息息相依。营抱其一。神栖其根。如水斯活。如泉斯温。是故至人。性性存存。入非蕴界。出非随缘。淡兮无人。廓兮无天。作如是观。默养端倪。虚以集之。一以致之。个中真息。圣胎在兹。其觉于于。其息深深。无旦无昼。无古无今。天定人则。人窍天心。定窍同玄。三复可

臻。断障归一。悉在所云。

制发妙经

天尊曰。圣贤大道。载在经书。大学中庸。包罗天地。道不可离。止于至善。戒惧乎。不睹不闻。慎其独也。吾于此得说经曰。既戒既惧。即是睹闻。欲止至善。是制未发。人生而静。太上难说。尔形既生。尔神斯发。孰是性者。孰是未发。睹所不睹。而未之睹。闻所不闻。而未之闻。不睹何戒。不闻何惧。自戒自惧。惟自性故。一切自性。一切圆净。流行不已。惟天之命。动而无动。静而无静。包罗法象。孕育群圣。或欲观之。现何名相。二月非月。一春无象。若显若微。无识无想。或谓之中。玄珠象罔。不睹如睹。不闻如闻。恍恍惚惚。杳杳冥冥。洞洞空空。无无已矣。

止了妙经

天尊曰。易。艮其止。君子思不出其位。以思无思之妙。反思灵焰之无穷。思尽還元。性相常住。是故艮其背。背非见也。背无思也。于是以知其妙曰。大道无所。非有住处。是心无涯。止于何所。以止止动。其止弥动。以动归止。不若无动。是故真止。止无其止。不添一识。不起一意。意识双泯。内外两忘。其明无碍。其神无方。是故明德。炯炯自知。精一不贰。而无溢思。无思之思。睿能通微。知至至之。其殆庶几。尔时天尊说是止已。又从而说其了曰。一了性命大事。一了生成大事。一了手足大事。一了先天大事。一了出处大事。一了梦觉大事。如是大事。定不是小。能一一了。一了百了。我今于此。以知其妙曰。维皇降衷。厥有性命。几希存亡。乃岐狂圣。父既我生。君既我成。人无二本。孰敢不诚。同本伊何。惟弟与兄。脊鹄在原。载飞载鸣。揆厥本始。绳我先志。三极会通。百世以俟。乐行忧违。知彰知微。阖辟变化。极数研几。彼梦我觉。其立尔卓。复见其根。猗欤性乐。我生事大。初严其介。一了百了。莫如刚夬。善息善生。无成无坏。是故了

了。永无罣碍。日止日了。虽未了道。实为到了。了者得也。得道无他。下手止了。

真密经

尔时天尊。慨道不行。世气浇漓。人欲滋炽。邪门异路。梗阻真宗。羽士失源。分歧幻论。倡言横说。议论纷纭。日误日延。遂成锢弊。吾膺上帝刺诰。演正孚佑。誓必兴行。救良善于荆棘之丛。挽宗风于浑淆之阱。护国则雨暘时若。兴道则性命修真。不惜齿牙。再三读告。而以大道当密。立志当真之言。说与后之皈真者。以剖惑焉。于是天尊说其经曰。吾闻圣人。洗心皈命。退藏于密。密何谓密。是无言故。与汝言说。即非体密。汝若返照。密在汝边。道无可言。深于密焉。大道浑元。潜地潜天。其神无体。其机象先。至人之心。微渺通玄。如璞未剖。如珠在渊。是故洗心。心无其心。搏之愈微。索之愈沉。所以然者。其根深深。不可拟议。不可思寻。湛然寂照。自明其牖。阖户惟坤。归藏之守。藏之伊何。有息有侯。独往独来。无作无漏。我有太极。生生不息。逆遡天根。极无其极。无极非无。圆神活泼。复命归根。霜天夜月。霜净月圆。无垢无洁。以故真密。无可言说。体斯真密。道斯密豁。而化默矣。

真默经

天尊曰。

道既体密。即可语默。以密化默。道有所归。维皇上帝。灏灏佐佐。大道无名。寂寂渊渊。羲含心妙。妙画先天。舜剖惟微。式好是虔。穆穆文王。终日干干。巍巍至圣。独印心传。回也如愚。卓乎无前。参乎止定。严乎几先。子思未发。其道闇然。孟氏守约。天寿不迁。茂叔主静。伯淳忘筌。是故君子。訥讥自全。金人守戒。白圭省愆。听乎无声。豫悦天年。闻乎不闻。昭事皇天。心如养火。气如养泉。退而藏之。信在不言。不言之言。彼将自然。道以神会。不由谛诠。

我作是观。敬比韦弦。常常如是。真道得焉。是故真默。乃道之肩。默而识之。默而成贤。洒扫应对。进退周旋。处合即默。默岂暗偏。不言而信。故默存然。如斯守默。宜熟吾篇。容或未信。胡不从慎。言而学焉。

乌有说

丁酉之秋。驻鹤邗江。居莲华之社。时当夜半。有客叩门。余启扉视之。一道者也。羽衣翩跹。神气逼人。相与坐久。客向予而笑曰。今之世。人多言道。八方风起。然而真者。百未闻一也。子欲闻其真乎。予乃下席再拜而问曰。道者。吾闻之。精气神为主。养炼之法。吾未知也。请得备而言之。客曰。道乃无言。何得言乎。且道至虚而入有形。是道也。必炼神还虚。予曰。若此静去。恐坠佛氏之门。终阴物耳。客曰。何为其然也。天性本乎动则动。静则静。予曰。然则专乎动而本静。静是静。专乎静而本动。动是动。毋得握攢也欤。客曰。金丹者。心为主。所以圣人云。空空洞洞。光光洁洁之境也。可为大道耳。予曰。若知道之由。而攢握之者。非心也。必欲房中御女。可以长生。客乃大呼曰。谬矣。所曰房中者。固子精也。胡以御女。御女者。得彼之秘滓。于吾心有何益。于是歌曰。御女三峰鼎作基兮无为。采取坎实补离兮非斯。道非服气餐霞兮危危。道非男女外形兮差为。道非采战养阳兮精气微。道非炼石为丹兮无也。道非观想坐寂兮释也。道非叩齿鸣天鼓兮。道非抱膝与忍饥兮。悲斯旁门邪外道。正乃先天一语奇。奇者。干也。阳也。神也。孰邪孰正。不辨可知。予曰。先生何人也。请示之。客曰。余乌有先生也。于是作数语教予。临行又授以纯阳经一卷。戒曰。当各自澄心。各自默会。自明自性。自得自真。且调养性情。固惜精气。俾不昧于天理。予不日来。为子一说道可也。飘然而去。

湖滨宵话

余自黄山归。过湖滨。与维清维静诸子集。时丁酉霜月也。诸子问

曰。道宗何处。余曰。中和黄庭也。曰。何谓。曰。未发之中。无形也。有形之中。无中也。识得未发。而无形之中固中也。有形之中亦中也。识不得未发。而有形之中固非中也。无形之中亦非中也。曰。敢问和。曰。夫天地之所以昌万物者。一和而已矣。帝王之所以化万邦者。一和而已矣。飞潜动植。有情无情。一和而已矣。四生生化于两间者。一和而已矣。凡厥小民。而乐利于乡井之间者。一和而已矣。故圣贤学道之心。如赤子之心。赤子之心。浑浑然。由由然。在母之怀。一和而已矣。人只知喜怒哀乐之未发。谓之中。而不知喜怒哀乐。是谓之和也。人心未发之初。无喜无怒。无哀无乐。不知有天也。不知有地也。不知有人也。不知有物我也。只是一团和气。藏于其中。计较不萌。机智不起。变诈不生。伎求不作。有何戕贼。有何嫉妒。有何猜忌。有何乖戾。与天地未分一般。与赤子未孩一般。岂不是太和的。故中外无知。不和不中。亘古至今。惟和则泰。不和则否。如此乎和之为贵也。而有本。惟心和则气和。气和则形和。形和则天地万物之和应之。和其心者。存心养气。不失天命之初。则性和矣。性和则发皆中节。而情和矣。黄庭云。独食太和阴阳炁。其斯之谓与。曰。敢问黄庭。何谓也。曰。黄庭中宫。脾主之。曰。何谓关元。曰。丹田中之气海也。曰。何谓幽阙。曰。精路也。曰。何谓命门。曰。肾也。曰。何谓衣朱衣。曰。心南方主之。在人为心。在命为神。在石为砂。属火。故曰。衣朱衣。曰。何谓壮钥两扉。曰。壮钥属羽。是启羽之钥。两扉者。神户玉房。双目也。曰。何谓玉池。曰。精舍也。其精舍之上及口。故谈道者。多以譬之。曰。何谓灵根。曰。心为国主。灵根者。即心也。所谓洗心自治。譬如一盘水。风过则不能见眉目。及风澄水定。而后见之耳。明堂者。额也。中虚无。丹田之气升于斯。即反而成液。是为真人子丹当我前。昆仑者。首也。又为脾。脾属土。藏心故耳。是谓绛宫。重楼者。长城丹田也。炁谷。精舍也。而心为生之。肝为之长。目为之明。耳为之聪。寸田尺宅。不必言矣。而重在长流心宁者也。太平乃神之宫。务修者。不得动摇。二六时中常念。若能守此不失。而羽化登仙。又何道哉。曰。心肝脾肺肾何为主。曰。是各皆为主耳。肾独尊。心最贵。其他虽小别。然亦不可忽也。曰。修道从何处下手。何处定基。何处握把。曰。下手者。了手之始。了手者。下手之终。凡学者。各承师传以下手。及其终也。当就传习以了手。释子承佛氏之传。下手

先悟一空字。参之久。恍然见未发是空。故其了手。只悟一空而遂已。吾道与圣贤之道同。下手时。先参一中字。参之久。灼然知未发是中。故了致中和而成化育。定基者。以心神为主。中宫为舍。固养精气。是定基也。譬如一木器无底。虽千百担之水不能溢。如是乎。必固其本也。把握者。如未发之前无所稽。以其发者稽。既发之后无所执。以其未发者执。曰。敢问从动乎。从静乎。曰。此理原无动静。初学者。在静处之易。在动处参之难。先圣教人且静坐。收摄精神。以益性命之源。若一向从静做去。则有喜静厌动。堕于空寂之弊矣。吾辈在静处。参见未发头面。即以动静合一求之。静时参求此理。是曰动而静。曰。敢问性命之源。曰。命者性之源。性者情之源。天一生水。是水之源。干道变化。是性命之源。不知源者。当遡流以穷之。在人伦庶物遡而求之。则性命之源可见。古仙有语曰。不离日用常行理。直造先天未画前。语毕。诸子谢教。

湖滨再说

方外之道。世儒非之。以其不与方内之观。而不知非然也。道无方也。无方故无内。无内故无外。入乎窈冥遂乎大明。涉末季而游古初。不惟不能祛而出之外。且欲揖而入之内也。不然。而轨域为方。将凭生夸权。烦形越智。舍清精而拾秽滓。骀骀骛骛。日构月鬬。殆而已矣。此无他。病生于不和故也。盖折衷于夫子。夫子语道也。曰一阴一阳。语性命也。日保合太和。子思氏发明之。日致中和。何也。夫一环未剖。岂不谓中。此时无情景。亦无滞虑。岂不谓和。是为中中之和。及剖为喜怒哀乐。而喜处忘喜。悲里释悲。节奏恰当。无有调停。是又和中之中。故一和立。而性命之理明矣。故善摄生者。葆和以为宝。顺天理。依自然。不以人拂天。天之道。非健而行。以行故称健。地惟不争而有顺。名顺其健也。和可知也。然而匹阴阳。簇五行。周八卦。又有说焉。匹阴阳者。剿阴转阳。阳固先之也。簇五行者。始之行养五脏。究之脏归五行也。周八卦者。摩六子。驯牝牛。要以驾六龙也。然此皆自然也。故曰和也。老氏曰。冲气为和。非和谁冲也。庄生曰。守一处和。非和谁一也。此和之旨也。至若上药三品。岂神为气精主耶。火符

进退。岂只进之而有差耶。静为躁。君岂静躁之间。乃至妙至妙者耶。恍惚之中有信。岂诚为性命之源耶。盖性和则心和。心和则气和。气和则法象河山皆吾和。可辟环以出。而无有外。可撮环以入。而无有内。象罔得之无所求。而玄珠之旨毕矣。又何非之为然哉。

坤元经

尔时元君在华阳洞天。与诸天延那仙姑。十二溪女。说坤元妙经曰。天阳地阴。天动地静。干行坤顺。元亨利贞。干道成男。坤道成女。独阴不长。独阳不生。刚柔得其中庸。水火始能既济。孕生万物。盖载苍生。慈忍无争。敬顺辅相。是故居母道之仁。为后元之配。致功论化。其道一焉。自辟干闾坤以来。有圣母。有后土。有天姆。有女媧。有斗母。有佛姆。有元君。有王母。有仙姑。有玉女。至于麻姑天妃。天女佐女。无极女仙。女菩萨。比丘尼。那延溪女。紫姑湘妃。洛神巫女。电母青娥。素女织女。皆以坤元柔顺。修真得道。证明高果。是与天元同气不二。今善女人。各具坤元。咸能入道。俱以修力。可证极乐妙果。万劫常存。若以己身碍漏难修。则其心原无走漏。汝何自蔽。无始以前。何有色相。何有身迹。惟一惟空。原无二心。汝何修身。汝何弃心。如能返思其元。更有修真捷径。我今为汝女众。说是捷径。汝当谛听。夫干道动。坤道静。欲修性命。务须从静。汝今原静。又何以修。坤道浊。干道清。欲修性命。务须从清。惟能以浊修清。是以入道证果。吾今为汝说是修清之道。夫清浊虽别于形质。而本元出自心神。汝欲心静神清。务修其性。能悟修性。便是立命。汝能悟者。即是汝性。汝性非性。汝心非心。心即是心。性即是性。性非汝心。心非汝性。若问汝性。性即说性。若问汝心。心即说心。心无所心。性无所性。亦非无性。亦非无心。性亦非心。心亦非性。性无有心。心无有性。性本无心。心本无性。心若有性。即非道心。性若有心。即非道性。道性我性。道心我心。是真实性。是妄想心。性若真实。即见道性。心若妄想。即非道心。虽曰道心。又有云说。名何云心。有肉团心。有虚灵心。此虚灵心。是名何心。是真道心。是真实心。彼肉团心。是名何心。是非道心。是妄想心。汝能剔肉团心为虚灵心。悟非道

心为真道心。破妄想心为真实心。加以勇猛心。精进心。除却烦恼心。碍障心。惟碍障心。是执着故。欲除执着。务加金刚心。虚空心。死了心。不动心。智慧心。坚固心。圆满心。成就心。菩提心。慈悲心。欢喜心。如是诸心。是名道心。能明道心。心即是道。若入是道。务守是心。若遇色相。如如弗动。若遇患疾。如如不变。若遇霹雳。如如不惊。若遇是非。如如不乱。若遇刀斧。如如不惧。若遇死亡。如如不坏。惟是不坏。即是不死。惟是不死。即是道心。惟是道心。即是修道。惟是修道。即是修性。性若无明。非是真性。舍此真性。更何有心。舍此真心。更何有道。是故神通智慧。皆从心道而生。清静虚灵。皆自性道而出。三宝一而无二。四大总是幻空。务向浊处存清。惟自静中防动。能防其动。即明其性。能明其性。即守其心。心若常修。六贼难入。惺惺觉察。五蕴何来。智慧光明。恍朗纯和。性明命立。以铅制汞。赖土成功。以汞投炉。幽潜真默。炼形化炁。炼气归神。炼神还空。即是本来。又何刳之不存。何果之不证。何身之有漏。何心之有障。何道之有二哉。汝善女人。又何疑之不修哉。于是元君说是经已。告诸仙众。吾今所说不二之旨。吾曾拜受于佐女元君。贞一坤元。无上妙道。为汝善女人道海津梁。即有善男子。亦不离是。吾今恐汝暗昧疑退。再说偈曰。男女本一炁。清浊动静异。女人欲修真。切使真元聚。阴中有元阳。存清弗以弃。明此色与欲。本来无所累。屏除贪嗔痴。割断忧思虑。去浊修清性。不堕诸恶趣。静寂守无为。我即男子具。无无其形。有有有无意。内视色声空。色空俱绝离。仗土为坤基。一阳本自地。铅汞固不同。炁神无二义。渺渺空灵心。心神能为制。一炁返春和。飞出云霄去。偕汝太清游。是曰真如偈。元君说是偈已。诸天延那天女。十二溪仙。香雨散花。宝珠缨络。洞章飞舞。欢喜信受。赞叹稀有。礼谢而退。

■按元君孙氏。道讳不二。号清静散人。宁海人也。生于宋徽宗宣和元年己亥。正月初五日。幼适丹阳马宜甫。生三子。重阳以分梨十化。夫妇弃家修道。出家于洛阳山洞。互相龟勉。金丹道就。夫妇同升。二月二十九日冲举。封清静渊真。玄虚演化。顺化元君。七真之一也。

第十章

呂祖醒心經

醒心真經原序

庚自甫甞。就外傳。受孔孟書。迄今五十有餘載。雖未能一一力行。亦未敢稍軼其外。凡佛老二家言。屏不一覽。蓋恐浸淫於異端之說。或有悖於聖教也。今歲春孟。客有與庚次男啟元交者。其室人病劇。遍禱於神不效。而知庚家故藏正一真符。可致諸仙。乃亟請於庚。欲得真仙一問。庚素不信符籙事。為其術近師巫。故雖得此符。祇束置高閣。從未一試。因堅辭之。而客之請益力。庚不得已。為齋戒三日。二月甲申朔。設壇。如法焚符。凝神注想。良久乩若有神附者。判云。一日子至。壇中為之肅然。客因整冠叩問。乩遂運轉如飛。視盤沙中字。則右軍體。絕妙草書也。語意元妙。一時未能遽測。乃錄之楮。以俟後驗。次日裡中好事者聞之。紛然各以事來試。事率默禱。人無聞者。仙不為少拒。隨問隨答。乩運如前。畧不停滯。握者手為之疲。所答語率用韻。非詩即詞。各中事情。毫不寬泛。間或摘發隱事。令人肌骨為竦。因共相驚訝。以為此仙非等閒者。乃就一日二字推之。知為呂祖降乩也。然尚未敢遽定。他日書符。誤填祖諱。仙忽降詩云。即使友朋亦喚號。如何漫把我名書。由是益知為呂祖無疑。越數日。呂祖降鸞曰。吾奉上帝勅命。救人度世。今觀近世以來。人情匆匆。陷溺紛紛。深可憐憫。我有醒心真經一卷。久欲覺世。今當為汝等宣之。庚等因屏息拭目。隨乩記錄。錄完。伏讀一過。義深慮遠。道宏教正。醇乎如孔孟之言。蓋約聖賢經傳之旨而成篇。與儒家語。毫無刺謬。而世態物情。隱

括殆盡。燭照無逃。雖通天之犀。照膽之鏡。不是過也。竊謂其言直出感應篇陰騭文之上。可與五經四子書相表裡。噫。呂祖之心。其即孔孟之心也歟。夫孔孟當日棲棲皇皇。席不暇煖。欲以其道。善當世之天下。乃竟不可得。於是退而考定六經。序述道德。著書以垂教。蓋欲萬世之人心。同歸於善也。然惟吾儒有此志識。竊料神仙家。皆獨善其身者。而今呂祖。獨欲垂此經。以兼善萬世之天下。誰謂呂祖之心。不同孔孟耶。庚同學諸君子。多好善者。一見此經。咸欣然捐貲。請付剞劂。因極梓以行。四方君子。慎勿視為異教之說。而不之察也。

康熙丁亥二月辛亥太倉顧周庚敬序

醒心開經偈

禍福無因。惟人自取。吉凶休咎。非天所與。
善惡之報。不爽鎔黍。改過自新。天曹獎許。

呂祖醒心真經《一》

爾時無上仙師。雲遊空中。見有黑氣瘴蔽。紅光潛消。知天下之人。為善者少。作惡者多。輪迴六道。旋轉四生。未有窮盡。而若輩作惡之人。不知不覺。冥頑不靈。晨鐘報曉。遂起慾心。暮夜不休。無非私意。私慾不絕。惡端日起。不忠於君。不孝於親。不敬於師。不信於友。私其妻子。傷其手足。慢其尊長。薄其親戚。同室操戈。負恩反噬。殘忍殺命。昏劣蔑理。倚勢凌弱。結黨暴寡。造計害人。唆訟漁利。縱役縱僕。殃民肆虐。機械變詐。作為不法。欺謀孤嫠。侮弄老穉。取不義之財。淫非已之色。奪人之產。坑人之貲。擠人之危。困人之窮。壞人之名。敗人之功。阻人之善。抑人之才。傾人爵位。損人財物。破人姻親。間人骨肉。搆人爭鬥。誣人過失。談人閨閫。辱人婦女。謗人技術。截人生路。發人陰事。負人重托。背約違誓。翻雲覆雨。誘人為非。助人為惡。好所人惡。惡人所好。言不忠信。行不端正。曲直違心。毀譽隨意。訕謗聖賢。褻瀆神明。仇敵正人。狎昵

匪類。行險徼倖。苟免無恥。貪得無厭。知過不改。怙終遂非。開諫加怒。耽樂賭博。迷戀花柳。好勇鬥狠。酗酒詈罵。聚談穢褻。妄興劇戲。耗難得財。作無益事。不惜物力。不重五穀。殘毀經書。

呂祖醒心真經《二》

拋棄字紙。居不學業。動不循禮。知德不酬。忘本不憶。販廢祖產。暴露亡柩。臨喪不慎。致祭不誠。制中生子。亡忌舉樂。居室不和。教子不嚴。待下不恕。撫幼不慈。治家無法。貽謀不善。嫁娶不時。致生淫佚。分撥不均。致生爭鬥。奢儉違宜。事失體制。當為不為。營求分外。見富妄圖。見貴艷慕。失足不悟。濡首不止。飾貌盜名。違道幹譽。喪己徇人。矯情絕物。觀理不清。聽言不察。知人不明。交友不擇。接待不恭。出話不謹。處分不當。當局不慎。小忿不懲。遠患不慮。立志不高。居心不一。古訓不遵。師傳不習。省過不勤。檢身不力。負慚大廷。獨欺暗室。種種過惡。不可枚舉。又見縉紳大夫。則患得患失。逢迎固寵。賂賄公行。治安莫講。不憂國事。不念民瘼。損下益上。酷刑濫罰。聚斂有才。聽訟無術。見利不興。見害不革。好爵是縻。實曠厥職。文人學士。則荒廢經傳。奔競功名。矜才炫能。誇己忌人。又或造作淫書。蠱惑士女。挽成野史。淆亂是非。流害無窮。作孽莫大。庸夫俗子。則胸無點黑。目不識丁。輒冠儒冠。服儒服。徒思蠅營狗苟。不知返本窮源。

呂祖醒心真經《三》

稍得寸進。面貌昂然。蔑視小民。傲睨先輩。遇單寒則掉頭不顧。見顯達則搖尾乞憐。刻剝窮人錙銖必較。守財慳吝。見義不為。不度才。不量力。強不知以為知。假不能以為能。附會斯文。胡謔滿紙。見人著作。妄肆譏評。區區門簣。言之可恥。少年子弟。則製美而衣。擇腴而食。悠忽終年。嬉遊竟日。不知稼穡艱難。不念寸陰堪惜。老大無成。傷嗟何及。農工商賈。則漲五穀以入市。雜賈物以取利。貴物賤買。低

貨高賣。價不隨值。錢不即給。秤戥鬥尺不公不平。出輕入重。出小入大。欺謾愚釋。凌壓孱弱。造作不固。效力不勤。暗設魘魅。浪費工料。損人損物。天之所怒。藝術九流。則學業未精。便思行世。輕視死生。妄談禍福。小則傷人財。誤人事。大則隕人命。絕人祀。豈惟人怨。且有天刑。吏胥隸役。則婪贓作弊。舞文弄法。增減事情。出入人罪。縱奸陷善。罔上行私。錢糧恣其侵漁。詞訟任其起滅。炙詐編廝養奴僕。則食人之食。不思忠人之事。居人之宅。不知感人之恩。當面趨承。背後訕笑。明中效力。暗裏侵財。心不安於貧家。禮每失於孱主。既已委身奉事。又復畜念他圖。犬馬不如。神人共憤。婦人女子。則性本陰柔。見多偏隘。每為乾餼啓紛。常因長舌興殃。非無禮於舅姑。即失和於妯娌。非苛虐其子婦。即妒忌其媵妾。傾女君以邀寵。凌夫人而自專。骨肉成仇。親姻不睦。罔知四德。寧曉三從。至有帷簿不修。淫奔可醜。既玷本宗。又辱夫族。決江河之水。難洗其羞。迴日月之光。不照其穢。更有身為牙蠟。口習誑言。誤人婚姻。將拙配巧。

呂祖醒心真經《四》

誤人子女。略良為賤。喜為引線之針。最壞名聞之節。一淪地獄。永失人身。僧尼道士。則不解經典。不守戒律。淫慾未絕。葷灑莫除。藉端化財。實圖舖啜。勸人禮懺。徒為金錢。方便不聞。慈悲安在。建醮則天神絕響。作會則男女混雜。何曾見性明心。未見葆精煉炁。勞逾白屋。濁倍紅塵。孽豈易消。罪應加等。是諸人等。所作過惡。習與性成。毫不自悔。所以黑氣凝結。聚而不散。昏昏然如霧障天。逐逐然如魔附物。自古及今。茫茫苦海。無時得度。而若輩漠然安之。群然趨之。陷溺日深。可為隕涕。若夫為善之家。百不得一。或資生無產。不能自振。或同志無人。不知自奮。或阻於時勢。廢焉不前。或抑於流俗。喪其所守。或勉強為善。而志實不堅。或中心向善。而力有不足。或一時從善。不能淑其終身。或一己好善。不能化其眷屬。或始念甚誠。中道改轍。或力行不怠。偶爾蕩心。或功夫未到。妄想非分。或造詣將深。忽求效驗。如是為善。即為入惡根苗。所以善氣上違。方起即伏。無上仙師。雖復憐憫。無可奈何。可勝浩歎。今爾等若欲消除黑



氣。大發紅光。須聽偈言。香火何時滅。滅了又重然。入於大海中。百千萬億年。生老病死苦。終身被索纏。因緣念上起。念上起因緣。夢覺即無夢。泡影亦虛懸。電光石火中。埋沒許英賢。那見傑出者。不是活神仙。偈畢。願尔等大眾。生生世世。在在處處。永不起貪得心。瞋怨心。殺傷陷害心。忤逆凌犯心。姦淫偷竊心。

呂祖醒心真經《五》

占奪爭鬥心。欺蔑侮弄心。奸詐誑騙心。嫉妒毀謗心。諂媚趨附心。驕矜傲慢心。慳吝苟簡心。奢靡逸樂心。妄想分外心。求謀鑽刺心。眷戀富貴心。憂愁貧賤心。計較得喪心。分別爾我心。炫耀名譽心。遮蓋過失心。瞞昧自欺心。膠執自是心。疑惑猶豫心。懊悔改變心。畏難退縮心。安逸自在心。苟且小就心。責效旦夕心。如是等心。各各猛省。務使方寸之中。空空洞洞。一物不交。一私不受。如皓月當空。萬境澄徹。如明鏡照人。鬚眉畢現。更如慧劍在身。可以水斷蛟龍。陸剋犀象。斯為夢醒。不在大夢。又常起怖懼心。慚愧心。歡喜心。決斷心。勇猛精進心。堅固耐久心。凡此等心。須以大智慧照之。大精神赴之。大力量任之。斯能無微不燭。無堅不破。無難不成。身混塵俗。志氣清明。與天地合其撰。與鬼神合其德。何有於仙。何有於凡。何凡之非仙。何仙之非天。道化

一理。天人一家。黑氣消滅。紅光燭天。是謂大醒。永不入夢。夫其有黑氣紅光者何以故。人之有身。如天地之有五行。五行別為五色。五色之中。紅為暢滿。黑為滯塞。人之心一於惡。則胸中壅塞。不能流通。故生黑氣。一於善。則仰不愧天。俯不作人。胸懷浩蕩。暢美快足。故生紅光。夫人之良心。未盡滅絕。雖在奸惡。言及善事。亦必面從。其面從者。由其善根未泯。其終不為善者。由其習惡既久。心靈蔽塞。不知為不善之害。謂天地鬼神。於我無見於我無聞。夫天地鬼神。豈真無見。豈真無聞。人自不見。人自不聞。昏昏冥冥。恣其所為。誰知天地鬼神。默伺微窺。洞若觀火。善不可掩。惡不可藏。殃慶殊途。報應如響。自古及今。未之或爽。易曰。積善之家。必有余慶。積善之家。必有余殃。所謂積者。或以月計。或以歲計。或以世計。蓋非一朝一夕之故。其所由來者漸也。積其善。可以一世。可以十世。可以百世。可以千萬世。可以無有盡世。積其惡。輕或可以二世。重則不能一世。吾觀普天之下。有積德礪行。半世輾轉。時至事起。一朝榮顯者。又有簞樂道。終身窮餓。百年之後。究與蘭蕙齊芳。日月爭光者。又有盡瘁事國。殺身成仁。名既留於身後。福亦降於子孫。報或顯於來世。祿必享於天曹者。又有富貴之家。偶行不義。福消孽積。罰及後人者。又有衣冠之子。未聞大道。身多疵病。受累無窮者。又有蚩蚩之輩。不知三尺。敢作非為。輒罹法網者。又有兇暴之徒。橫行無忌。罪惡貫盈。身家破壞者。是非天道不齊。皆由其家。積善積不善。自所召致。不足疑怪。蓋天道人事。默相符合。不爽毫髮。恆古如斯。於今為例。智者知而信之。則可以寡過。可以致祥。愚者不信。則禍不旋踵。人苟欲除殃積慶。務須遵守吾教。大醒自心。勿許一念遊移。勿許一時間斷。久久自然黑氣全消。紅光繚繞。不獨一身榮昌。子孫亦獲吉慶。不獨一家康泰。一裡盡得消殃。但吾教依依。依之又依。識得依依。神仙有傳。不識依依。徒事談玄。謂之演仙。罪亦彌天。謹守吾法。慎毋略焉。愚蒙比比。願爾先覺。更以覺世。功亦齊仙面是背非。報應必顯。尚其勉旃。大眾寂靜。諦聽偈言。道德無終亦無始。善則福臻惡禍至。若能滌慮並洗心。從前作孽孽昏皆堪恕。我今大開方便門。願引愚蒙同入道。勿謂不覺與不知。天曹日日關心竅。

第十一章

呂祖神咒

呂祖神咒（四神咒出三十二卷版全書）

諸咒小序

自竺典譯於震旦。而佛咒斯傳。玉笈萃於蘭臺。而仙咒廣播。由來尚矣。然佛咒類皆梵音。不同華言字義亦莫可曉。惟人一心持誦。自獲靈通。歷代法師。謂之秘密不翻。至於仙經所載諸神咒。如斗姥雷祖諸經。間有梵音。亦不多見。其餘則皆四字成文體類風雅。或淨身心。或祛邪魅或解疾厄。或禳星斗。各指一事有韻可葉有義可通。非如佛咒秘密難解。其言約而該。其旨切而要。蓋撮一經之真諦。而以簡括摛辭。故別於經曰咒。咒者祝也。祝之於神。以希默佑又咒者願也。所願從心。靡不成就。又名真言。謂其言之真實不虛。欲人堅心受持也。昔觀音大士白佛言。若人誦持大悲神咒。於現在生中。一切所求。若不果遂者。不得名為大悲心陀羅尼。今餘於呂祖咒亦云。但辦誠心。罔不響應。

無我子謹序

太上說呂祖斗光度厄護命大神咒

爾時太上道君。於下元甲子丙寅之歲。正月十五日。在太清仙宮。同諸仙聖眾。講說無極太極。至上至真度人妙法。觀見眾生於閻浮世界。受諸苦惱。晝夜相煎。致身墮劫。不肯回心向善。凡遇歲度。自生阻節。小則營謀不遂。疾病官非。田蠶虛耗。財物破傷。人口不安。盜賊侵害。如此等苦。種種不祥。大則五瘟來染。八難臨身。刀兵殺傷。毒藥自縊。墜落崖塹。橫喪暴殂。為天雷之所擊誅。為水火之所溺焚。為凶人之所刺害。為虎狼之所吞噬。為牢獄禁錮而死。為邪鬼侵犯而亡。或少年夭折。或天數未盡。冤魂牽纏。種種惡報。墮於地獄。受諸苦楚。轉生畜類。永不復人。皆因浮生不忠不孝。無義無仁。貪愛物欲。喪滅身寶。肆恣奸詐。自利損人。心如蛇蠍。機謀不了。雖明則漏乎刑誅。而幽則難逃乎神殛。是以慈悲利益。普示度濟妙法。眾生自宜悔悟。各思己躬所造輕重罪過。急向諸天諸地。南北星辰。三宮四聖之前。至誠首謝。無敢再犯前愆。於每月朔望。及三九之日。乃呂祖純陽帝君。下臨人間。遍尋善惡。申奏上帝。定人果報。若有善信男女。當於是日。與每歲本命六度之期。切須虔誠齋戒。持誦仙經。滌愆謝過。自得安樂。不受諸苦魔障。世人於本命六度。各有所管之神。當於本命之日虔誠頂禮。獻花酌水。隨時新果。陳設威儀。或誦南北斗經。或課仙典。燃點北斗九皇星燈。敬持鬥光度厄護命大神咒。可救危急。可解諸愆。生則無諸苦惱。沒則不經地獄。逕生天堂。得大快樂。世人每於九度明暗之期。多生痛楚。甚至性命難全。能於陽九之日。齋沐禮誦仙經。無災不滅。無福不崇。又何慮明暗九度之災。但宜至心悔過。依期投謝。即有感應如響。無有差失。若有善信男女。雖懷信心。不能自持。可命正真道士。代行表章。如式修奉。亦可不虛六度之辰。是大神咒。若人自持一七遍。或二七遍。或三七遍。以至積誦百千萬遍。其功德力莫可稱量。莫可等倫。

即說大神咒曰。

天地相生。聚氣成形。陰陽既合。奚古奚今。綿綿祖炁。來續我身。肝為魂府。肺乃魄寧。脾乎乎膽。腎交於心。五臟如命。六腑咸聽。三百六十骨節。節節光榮。

八萬四千毛竅。竅竅通亨。

血不闕積。脈自周行。惟耳為聰。惟目為明。口司五味。鼻判臭馨。手肢運轉。足脛動輕。靈光覆照。元神齊欽。星辰朗耀。運度和平。南極北斗。東垣西神。中天星主。紫微帝君。二十八宿。三台七星。九曜二德。太陽太陰。擎羊陀羅。罡星指輪。本命降度。部落神丁。三運三限。正照旁臨。區別分野。統禦人群。發乎萬物。品彙歸根。渾符八卦。演布宮禽。在天成象。在地成形。在人身中。羅列分明。慧光所照。享吉利貞。夙生今劫。罪障愆因。憑斯道力。洗滌潔清。安敢再犯。上辜帝恩。一切苦難。悉賴光明。照我身體。臨我心神。性光早見。精邪潛奔。天神擁衛。凶煞遁形。五星如舍。無患無侵。使我壽命不斷。枯槁更生。化而復育。

舊而重新。如彼江河水。汪洋自運輸。

如彼天上日。不虧而恆盈。如彼月中兔。

常搗其餌靈。如彼洞中樹。歲歲得長春。

洪恩溥博。浸灌滋生。一身通泰。諸願從心。災崇即滅。福祿來增。凶穢悉蕩。吉曜合併。虛無正炁。斯成我真。即父即母。再養我身。降斯法旨。保命護形。

今遵元皇大道科律奉行。急急如律令。

道君說大神咒已。復告諸天聖眾曰。是大神咒。能解一切危厄。能消一切大災。能退一切重病。能遠一切惡人。能伏一切魔道。能降一切猛獸。能除一切苦惱。若或有人。於每月朔望。及三九之日。敬持呂祖純陽帝君齋戒。念此大神咒。回心向道。悔過蕩愆。即感帝君化度。善神護身。遇諸險難。即得救解。如斯功德。無量無邊。諸天諸仙。聞是度人妙法。皆大歡喜。同聲讚嘆。作禮而退。

太上勅演呂祖救劫證道經咒

爾時玉皇大帝。於庚寅上元之夕。駕五色雲龍。放無極光明。領諸天聖眾。浮遊三界。遍照十方。還於綠波碧林之苑。陞九龍王日。璣取睨之牀。瞑目端儀。經一晝夜。左右羣仙聖眾。俱各心口默寂。帝忽九竅

生光。萬毫騰彩。頂現慶雲。旋繞週身。諭諸天帝。各還宮府。獨詔孚佑帝君。汝歷劫數。修持大道。已獲九九之秘。不遭六六之侵。今已身入金闕。位列左輔。凡諸至道。汝其悉言。於是孚佑帝君。端簡趨陛。伏告上帝。臣自遯跡終南。棲心無上。魔端萬種。大道難聞。修持未移。幾得復失。況夫道者。擴之包乎天地。收之攝於毫末。千語萬言。莫竟其端。片章寸簡。可通其微。無滅無生。常留今古。若沒若顯。廣度天人。投其旨趣。可階仙阼。得其精微。遂成妙果。是故元陽之初。萬德潛形。天蘊其寶。地藏其精。混混無象。湛湛何名。白氣得之清。墳得之寧。日得之光。月得之明。人物得之而長養。草木得之而敷榮。山得之而永奠。川得之而長平。合無可合。分無可分。先天授之。各繼其靈。體虛無之自然。啟浩劫之蒙屯。二之而陰陽具其對偶。四之而老少安其序倫。迭週四時。潛運五行。和則雨露。怒則雷霆。至道彰彰。一陽之精。玉帝復謂之曰。如汝所言。至道在處。天地日月。人物山川。無不體戴。無不承受。何以朕昨上元之夕。觀見十方國土。黑黯昏迷。毒氣流行。光明微處。十無一二。此何以故。汝為宣言。孚佑帝君。上奏帝前。下方人民。其生之初。形肖天地。體備陰陽。秉離之氣而為心。離屬於火。火光炎炎。故能昭融。受坎之氣而為腎。坎屬夫水。水勢浩浩。故能流通。流通則易至散漫。昭融則易至昏翳。於斯制焉。休生縱逸。夫水火雖剋制相刑。而離中之陰。已包乎坎。坎中之陽。已統乎離。其未交之初。如月之去少。既交之後。如寶之珎。交之有時。不分子午。守之有要。緊閉幽關。似的在射目。不中其心而不已。露垂荷葉。不結其珠而不休。子開以取其陽。午進以避其陰。夫如是。離中之陰翳潛消。坎中之陽德土濟。是水火交矣。水火交而陰陽合。陰陽合而天地以成。便是永固之身。克證無上之果。非藥非汞。乃性乃神。奈世道侵衰。人心離亂。嗜慾日固。私智日鑿。君臣父子各失倫彝。奸盜邪淫。恣逞兇頑。不聞片善。專恣惡孽。糾察神員。鱗集罪案。三屍疊奏。錄成果報。惑於生前之時。遭牢獄枷鎖之牽纏。水火刀兵之劫殺。幽則陰司拷魂。顯則雷部震屍。春夏秋冬。傳染瘟疫。夫妻子母疊受災殃。皆是正教不興。曲學爭起。人迷其宗。以遭塗炭。間有一二修行之士。或受左旁牽引。妄毀正教真宗。以故真玄之道。習俗波靡。清虛之理。隨日休替。凡諸天人。無不慟心疾首。玉文靈符。難解冤愆。此黑黯之所由起。毒氣之所流行也。玉帝聞言。蹶然色變。復謂帝君。有此

黑黯流毒。何日止息。若無止息。愈溺愈深。真宗永失。至道難聞。生人致孽。群沾苦惱。如此苦形惡狀。朕不忍觀。汝可廣宣大化。普濟羣迷。收此黑毒。澄清宇內。道法欽揚。天人鹹賴。於是孚佑帝君。復拜上奏。黑黯是兇穢之所鼓動。流毒是慘氣之所結成。慾海無邊。孽根堅固。非有靈章難生解冤免。夫此章者。臣昔受之於長生大帝。長生大帝受之於太上道君。其章有四。功德無邊。知之者超昇七祖。克證仙鄉。參之者即通妙道。鹹沾利益。持之者神仙擁護。隨所願遂。聞之者災難不萌。吉祥永佩。所有靈章。謹為宣誦。

天微章第一。地真章第二。證仙章第三。體道章第四。

玉帝聞說章畢。慶雲燦處。放十七光明。而說偈曰。
化起從一陽。散珠於天地。誰全龍虎功。能將坎離備。金童弱而脫。
玉女嬌而媚。群魔食寶珠。萬口竊奇貝。永墮於酆獄。何殊於異類。
純陽真功德。普化度群迷。靈章闡秘奧。至道不偏遺。天門從此開。
幽戶永不閉。流傳超生死。三教鹹依歸。

說偈已畢。即命傳奏等神。遍詔十方聖眾。諭以靈章微妙。悉受法音。更詔文昌帝君曰。汝職司貴祿。開化九天。可浮遊三界。遍覽十方。清淨壇宇。嚴密道筵。將此靈章。流演於世。人間善男信女。道士比丘。或遇五蠟三元。或於三九三七。隨力燃燈燒香。端拜課誦此經。朕則遣有五部雷神。火師官眾。護衛誦經。赦一切罪。解一切厄。拔離諸苦。隨所願遂。汝可欽承。廣宣元化。於是孚佑帝君。文昌帝君。再拜稽首。作禮而退。勅下下三元。諭諸宮府。信受奉行。

救苦救難神咒

至心皈老祖。求脫人間苦。疾病無纏綿。安寧天擁護。十干十二支。
二十八宿主。天神玉女聞。盡皆降吾杵。寶劍自光芒。殺斬妖敢阻。
葫蘆貯靈丹。度盡凡夫苦。牢獄枷鎖災。水火並瘟毒。刀兵急厄臨。
路中逢險阻。一切苦相縈。持此化成土。隨念隨時來。降我吉星輔。

過去盡生方。見存賴恩主。
一聲誦永寧。全家伏龍虎。
有此聖靈章。萬魔咸束首。
太上呂真君。急急如律令勅。

滌氛神咒

三界如牢獄。眾生如癰瘡。
欲拔一切苦。願作大醫王。
太極先天。混沌大千。兩儀瀾漫。
三界渾然。萬神受命。一炁綿綿。
哀淪眾生。性被慾牽。機巧變詐。
忍為不賢。諸神震怒。運劫歷年。
水旱瘟戈。滌蕩塵寰。豪聲遍野。
孽氛叢煙。太乙救苦。聖念惻惻。
週行宇宙。無不垂憐。設教闡經。
如駕法船。帝德好生。天語傳宣。
眾等諦聽。免墮孽淵。是大經咒。
慧日高懸。無處不照。晃朗虛玄。
若有男女。一念頓專。或誦十遍。
或百千遍。縱有孽冤。不敢相纏。
魑魅魍魎。跡遁形潛。藻鑑善心。
不被惡遷。地獄縱闊。我念無偏。
明衣潔體。無有間斷。如此恆持。
乃可登仙。

呂祖神咒終



第十二章

雪过修真仙忏

栖真宣演拔济苦海雪过修真仙忏（本忏文出自三十二卷版全书）

修真仙忏小序

忏者何。悔也。易曰。震无咎者存乎悔。又曰。无咎者善补过也。人孰无过。惟在知悔而善补过。故自古佛仙着忏法。使人依式诵礼。实迁善悔过之要典。特忏悔二字。世人每多忽略。不知忏以消其前愆。悔以涤其后虑。使忏而复作。是知过不改。昔孔子极称颜子。有不善未尝不知。知之未尝复行。故曰不远复。无只悔。元吉。若只依科礼诵。全不反之于己。固为无益。更或忏时似知悔悟。及临事依旧作为非善。匪惟失仙佛救世之悲心。抑且矫诬上真。招咎莫解。夫人之有过。犹浮云之翳太空。其悔过也。如猛风之除重霾。诚于礼忏之际。检点自心。上对高真。极意忏雪。冀消夙垢。誓行众善。日日知非。心心寡过。以祈至于无过可忏。岂不速证妙果。为佛仙所深嘉者乎。有志于道。宜究心焉。

栖真宣演拔济苦海雪过修真仙忏本卷

尔时。吕祖孚佑帝君。在大罗天上。金阙云宫。大通明殿。与诸天诸仙。恭侍玉皇上帝。欲听法音。维时玉皇至尊。寂然静默。安坐无为。诸天簇拥。万圣侍阶。十洲三岛。一切真仙。莫不在会。默运幽玄。观见下方求道男女。觅真无路。未晓其因。纵识忏悔。奈彼身中情欲难净。冤业难消。众圣恻悯。欲恳玉帝为演大法。度脱尘迷。怀念于衷。一时未敢。于是孚佑帝君出班。俯颡恭敬作礼。近帝座前。哀恳言曰。今日下元众生。迷谬者多。染着贪瞋。系念尘俗。不肯回心向道。臣屡蒙勅降。龙沙显迹。说法五陵。至今修功者多。证果者寡。皆因俗念未蠲。凡情不决。以致罪过积身。日复一日。如山如河。愈重愈深。莫能解释。不惟不得其道。而反堕于罗网。由劫累劫。尽失本原。莫得人身。祈帝垂怜愚昧。为众宣说释咎之方。作度迷之宝筏。为接引之指南。实大利益。莫可称焉。玉帝闻言。不觉悲悯。恍然而叹。诸天默尔。帝亦恭思良久而言曰。今子所说人间之苦。诚堪哀痛。奈众生不悟。惟迷世故。不肯修行。皆因夙根浅薄。自失良缘。视己身为草芥。以致丧灭本来。不知性是心主。身乃心宅。了悟心性。何有于身。三者能空。是名大道。惟是心者。有一不悟。皆为凝滞。学道之士。动云幻身无用。究归顽空。槁灭心性。不能证真。至若凡夫在世。七情太重。六欲不清。日染日深。谁知谁觉。一朝劫尽数终。自家无主。元气化风。肉骨成土。其孽其殃。报于身后。延及子孙。谁之疚与。谁之愆与。若不开明正道。昭着训言。则末世男女。何由超脱。欲求证道之方。当寻自家面目。认性之根。知命之本。惜精爱气。修己存神。当烦恼之时而自持之。未淫欲之动而早制之。以至一视一听。皆不可苟。一步一趋。皆不得轻。静以炼真。动而符节。由此持之。久而自然。仙圣同肩。阴阳合德。积累细行。渐达神功。凡诸学道男女。求登证圣之阶。先去一身之过。罪根不拔。难见光明。冤业不消。难跻妙道。一行有缺。若瑕若疵。一眚在躬。若涂若炭。况于五刑十恶。而可纵乎。而可恣乎。凡欲学道希仙。或欲超先度祖。或释凶厄。或解冤愆。或禳灾请福。或保命延年。不问男女。当诚当敬。自断自决。对五帝三官之前。值五腊十直之日。清净身心。严洁坛宇。然灯烧香。花果供列。称扬诸天睿号。忏悔一切罪愆。自然感动天帝神君。山岳海渎诸圣。一时

降临。即得消其罪目。纪录宏功。无有失谬。志心瞻礼。人各恭敬。

志心朝礼（以下每拜一圣冠此一句）

帝师无上。先天混沌。鸿蒙水火。生一始祖。开荒元阳上帝。孚黎无始天尊。帝师生道。生天生地。生人生佛生仙。自本自根。无为妙相。太初佐元铁师。元阳上帝。帝师先天混沌。开明三景。黍珠说法。无量度人。掌教万法之祖。混元上德皇帝至极天尊。万天之主。玉皇大天尊。炁穹高上帝。万雷之主。天皇上帝。万星之主。太皇上帝。万地之母。土皇地祇。万民之主。苍皇上帝。万懿之主。元天皇后。圣父圣母。至圣天尊。大成至圣。鸿儒教主。无量洞空天帝。万上神霄。玉清真王。长生大帝。神霄东极青华大帝。九天雷祖光明大帝。太乙救苦天尊。九天贞明大圣。雷声普化天尊。神霄洞渊上善崆峒伏魔应感天尊。神霄水府。翠阙六波。天主帝君。九天益算司好生韩君丈人朱陵度命天尊。神霄紫微碧玉宫太乙大天帝。十方太上灵宝天尊。无量度人三十二天上帝。九天自然生神上帝。十方化号救苦天尊。五方五老梵炁天君。东华上相木公帝君。西陵金真神母元君。斗中高上玉皇尊帝。斗中高上太微玉帝。北斗佐微炁卿大帝。北斗九皇解厄星君。南斗六司延寿星君。东西中央三斗星君。斗中三台华盖星君。云天二十八宿星君。六十甲子支干星君。十二宫辰分野星君。当年本命元辰星君。普天辰斗万象星君。上清十一大曜星君。五福十辰太乙星君。三元三品三官大帝。三官九府拷较真仙。万法教主炁天上帝。北极法主三圣真君。天枢院内二使真君。三百六十应感天尊。五百灵官应感天尊。九天开化主宰七曲文昌梓潼帝君。正阳立极传道帝君。祖师天雷上相灵宝真人。演正警化孚佑帝君。兴行妙道天尊。太虚燮和。纯一灵宝。正一品郑真君。太函燮理。浑元灵宝。正一品贺真君。十方感应。卫道柳真人。模榔感应。挥氛张真人。祖师领仙应供监斋大法真君。祖师灵宝经籍度众三师真君。玉阙平章侍宸林真人。紫清养素白真人。月鼎明道一炁真真人。紫阳清虚洞道朱真人。苦竹火龙二大真君。汾阳妙道萨公真君。金鼎妙化申真人。悟真紫阳张真人。全真三丰张真人。文真普济杨真人。玄玄龙真人。天心黄真人。九天司命东厨定福府君。本府城隍隍德尊神。本县城隍辅德尊神。通天都府司瘟主者。下界行瘟一切之神。当方土地社令神祇。飞符传语齋奏之神。

是时玉皇至尊。垂怜痴蠢。悯痛愚顽。颁下宝章琼字。教导众生回心洗过。学道修行。不忍众生永堕三涂。沉沦诸趣。复告吕祖真君曰。下方学道男女。既已归神归身归命。当念弟子。某。自从凤世。以至今生。不无罪咎之招。难免愆尤之积。本乎意念。及于躬行。或不忠于君。不孝于亲。不敬于长。不信于朋。侮慢鬼神。欺瞒天地。褻狎风雷。怨訾雨泽。裸体星辰之下。冲突雷电之中。说无神理。导人为恶。见人结仇而不与解。使人破散而以为快。闲旁助语。加人瞋怒。背后添言。使人斗争。升斗戡秤。出入不平。交易好歹。亏损不足。常思利己。不顾他人。见人贫贱欢喜。见人富贵忌妒。居下不义不礼。为上不宽不恕。忍作残酷。私谋计害。谗其忠良。忌其成功。暗倾正人。致误家国。剥民脂膏。枉刑其下。鞭仆虐婢而不知恤。服牛乘马而不知悯。损践谷苗而不知珍。弃毁器物而不知爱。奸伪淫邪。反道悖理。听妻妾语。违父母训。兄弟异心。夫妻反目。暴灭五常。绝断六亲。怠弃宗祀。好乐邪神。忌日游宴。朔望纵怒。慢圣渎贤。轻经玩典。不信因果。诽谤出家。遇有残废。不生矜怜。知他穷遁。不肯宽假。见他困苦。视若罔闻。见他疾病。不思疗药。欺逼孤寡。豪逞强梁。侵占他产。图遂己心。干没他货。使不得所。人拂意而我喜之。人号泣而我笑之。毁姻盟而间骨肉。构讼词而写离书。说善行恶。面是背非。慢骂尊者。恐吓众民。欺罔其上。卖祸于人。弄笔舞文。横言曲说。交游滥与。损己德性。闲与人谈。污及闺门。不赞婚姻。而反破之。不行方便。而反害之。抛人之骸骨而不掩。自溺其子女而不惜。倾复胎卵。烧杀蛰虫。肆恣射猎。谄渎祭祀。遇人放生。便笑他痴。遇人持斋。便说他愚。遇人功德布施。说他无用。杀生为充口腹。饮杯不知自检。溺色亡身。重利灭义。假借不还。执为己物。忍人急迫。不通乞与。损彼物用。绝其资居。盗彼货宝。伤其性命。兴修斩伐。以妨人墓。决水纵火。以害民居。男不仁爱。女不贞洁。轻慢公姑。违逆夫子。不惜家物。反私蓄积。不守闾规。以失妇道。不遵寡言之训。不修纯静之容。嫉妒不仁。致绝夫后。不和妯娌。不睦伯叔。不助夫美。惟成己志。有亏中馈而不知耻。有玷家风而不知辱。多讪多非。好游好戏。妇无良德。难逃阴察。人作恶孽。岂无冥诛。况于杀人之命。殄人之宗。灭人之家。陷人之族。愿他流落。而不自思。愿他穷窘。而不自体。见人妇女。便起私心。见人财物。便思贪得。怀他忿恨。便愿他死。推人堕

坑。咒诅行术。毒药害人。秽食给餒。行路遇乞。怀钱不布。饱暖自喜。不念饥寒。伺他失便。辄行指摘。乘他颠危。更加推挤。蔽塞贤路。遭弄痴愚。以美为恶。弃长取短。以己之能。形人之缺。以己之有。形人之无。发人之隐。攻人之非。辜人之恩。蓄人之怨。假他之资。饰作己惠。将此之孽。移为彼殃。琐屑之事。而动引神明。闇昧之行。而妄誓天日。对三光而便溺。向厨灶以哭吟。移供烛以照人行。点神香以薰秽榻。依托功德。欺诳钱财。假借炼修。要求衣食。巧令以掩己过。冤诬以败他节。不顾人之难能。而倍加其重苦。不怜人之已竭。而枯索其所资。怀才自私不为指教。为师不明反生高慢。负人所托以绝人望。无泽及物。口惠招名。看桥梁道路之圯废而不理。忍圣容佛像之颓毁而不修。脱落经书。践踏文字。断其要衢。塞其水道。不便人行。惟知自益。言语无诚。举动无礼。存心不谨。守身不慎。足履污地。躬蹈非所。不近君子。反昵小人。设意造謔。比党排击。流言惑众。左道诬民。身三口四。伐气丧真。败其元神。损其本性。名说修行。而心染贪痴。口念经文。而怀藏凶毒。自暴自怨。咒鬼咒神。千愆万过。种种难名。虽曰忏言。乃名天律。若犯一愆。便增一障。世人不悟。惟纵自心。不知冥冥之中。自有天帝使者纠察等神。每日在人头上。录其善恶。定其福殃。作善之人。如种稻粱。自食自饱。作恶之辈。如栽棘茨。自困自伤。报应在天。还在于己。今念下民。愚浊导知。发露首雪。忏悔道前。夙生今世。随愿消除。悉令更新。速回觉悟。于是孚佑帝君钦遵玉旨。普化十方。今为宣演。授诸在坛弟子。愿体帝慈。随方劝化。诸善男子。及诸女人。但愿修真。早断业障。养智慧根。出烦恼径。过去先亡。即登道岸。无地狱苦。免轮回趣。一切有缘。同资道果。志心发愿。愿我常见慈悲主。愿我常聆玄妙音。愿我常绵天地根。愿我常宣妙法语。愿我得值圣道场。愿我不生诸邪萌。愿我断除诸魔障。愿彼三涂永消灭。愿人不起干戈意。愿人个个得安乐。愿降洪恩赐吉祥。愿赐众生悉遂心。愿慈悲加我等。一切凡夫荷帝恩。自从忏悔诸罪过。所造恶孽化为尘。如棘尽拔栽嘉谷。如浊尽泻复流清。如云散去月即见。如雪化释及消冰。心中无碍光珠莹。三物圆圆聚我真。顶上一轮光赤日。射照万国遍干坤。自从忏悔诸恶后。安敢从前又复生。亡过资此脱沉滞。见存各各保安宁。

志心礼谢。无上虚皇至真三宝

吕祖栖真宣演拔济苦海雪过修真仙忏回向

（凡经忏俱有回向。回者回其邪心。向者向真实际。佛经有十回向。各有浅深。次第不同。）愿以忏功德。回向大慈尊。加庇我宗亲。师资并眷属。普惠诸众生。皆成无上道。

吕祖赞

佞门道祖。金阙选臣。游行三界统天人。大法掌雷霆。燮理干坤。劫尽保无侵。

吕祖九阳斋期

每月初一。初九。十五。十九。二十九。

恭诵吕祖诰

凡忏必于忏文末。备列上帝及诸天帝君祖师诸诰。以为盟证之意。此在礼忏者。繁简随人。原无一定。故兹集内止述忏文。诰俱不录。

雪过修真仙忏终

第十三章

玉枢经赞

九天应元雷声普化天尊说玉枢宝经赞

玉枢宝经

孚佑上帝纯阳吕祖天师赞解祖气氤氲满太虚，九天原是九天居。驱雷役雨飞金篆，活物生人备玉枢。三界有情同得道，十方无路不通车。大哉普化明元始，日月齐光信不诬。此经为九天雷祖大帝金口宣说，阐玉清之妙道，示冲微之真机。帝本为元始分真，玉清应化，故言之亲切简要。如是经名《玉枢》，已显示圣境圣真之至秘，万天万法之玄宰矣。予昔侍相玉京备闻道妙，近复屡奉玉勅，度化世人。使悟真宗以闳道范。夫学道而不悟《玉枢》之渊，微及九品之灵妙，其于三清三洞真旨，终是迥隔霄壤耳。往赞颂是经，刻之南中，兹复重加披阅，或恐人以简畧领取，未能大有发明。因乘暇增解，义弥畅而道益显。后学圣真，细心潜味。自能心契奥窔，洞澈本原，觉世宝筏，于是乎在。

尔时九天

九天九天。炁之又炁。忽尔我后。炁焉我前。

[#]按：九天，九阳之天。高居三十六天之上，为万天枢纽也。

应元

二炁虽分阴与阳。化清高处化真王。上天下地能相合。阐教令形偏十方。

[#]按：应元府名言应元始之化，故以名府。

雷

二炁之正。五行之令。斩鬼诛邪。天人响应。

[#]按：纯阳之光，干一之炁。在天威令丕着，犹人间之刑部也。

声

广宣帝德起群生。三界英灵侧耳听。莫道老天无一语。须知司令有雷鸣。

[#]按：蕴之玄真而为火，火口并之阴邪而成声。有声斯灵，有灵斯赫也。

普化天尊

好生之德不能量。阐教诸天及十方。高处玉清治雷府。万神朝服礼真王。在玉清天中。与十方诸天帝君。会于玉虚九宫之殿。郁萧弥罗之馆。紫极曲密之房。闋太幽碧瑤之笈。考洞微明晨之书。交头接耳。细议重玄。诸多陪臣。左右踧踖。天尊宴坐。朗诵洞章。诸天帝君。长吟步虚。彩女仙姝。散花旋绕。复相引领。游戏翠宫。群仙导前。先节后钺。龙旗鸾辂。飘飏太空。并集于玉梵七宝层台。故把炁炁一窍开。十方三界应时来。琼书细阅存元气。瑶笈重宣养本胎。侍女交头心自会。陪臣踧踖意能裁。须臾演教天花舞。鸾辂飘飏七宝台。时有雷师皓翁。于仙众中。越班而出。面天尊前。俯^(音俯)顙^(音信)作礼。勃变长跪。上白天尊。言。天尊大慈。天尊大圣。为群生父。为万灵师。今者诸天。咸此良觐。适见天尊。阅宝笈。考琼书。于中秘赜。不可缕计。惟有玉霄

一府。所统三十六天。内院中司。东西华台。玄馆妙阁。四府六院。及诸有司。各分曹局。所以总司五雷。天临三界者也。天尊至皇。心亲庶政。此等小兆。以何因缘。得以趋服。愿告欲闻。

勃然长跪。上启真宗。诸司院府。台阁尊崇。三十六所。云雷风雨。何神不备。何圣不从。职专生杀。事在吉凶。欲闻至说。必启丹衷。仁哉仁哉。雷师皓翁。

按：此如金经之善现，启请雷师皓翁，祖劫着勋雷府。近侍天尊，冠于诸圣。故出班跪恳，阅启经筵。曰：适见天尊阅宝笈，考琼书于中秘籙，不可缕计。是大帝朗诵洞章时已，与诸天帝君阐明许多秘妙。特未能一一普示人间。今惟思小兆，以何因缘得以趋服。但求大慈大圣，将玉霄一府所统三十六天内院中司东西华台，玄馆妙阁，四府六院，及诸有司，各分曹局。所以总司五雷，天临三界者，略示尘凡，俾皆闻知也。

天尊言。雷师皓翁。尔等仙卿。储勋夙世。累行昨生。故得玉府登庸。琼宫简录。今兹勋行。视夙昨多。尔其悉力雷司。委心火部。日复日。岁复岁。勋崇行着。性霁神融。克证高真。即阶妙道。惟是雷部鬼神。昼劳夕役。动有捶楚。大则考戮。屑云雕雪。无有已时。檄龙命鸦。此息彼作。彼所因故。尔其耳焉。雷师皓翁。及诸天诸仙。耸耳而默。天尊所坐。九凤丹霞之辰。手举金光明之如意。琅风清微。绮云郁丽。天尊寂然良久。

善恶两途。特如影响。善为天真。恶为魍魉。

按：此天尊答雷师皓翁之请而历言之。亦不必逐字训诂，吃紧在性霁神融四字。先天道语，非同世俗文字，义理包得广精微，传得出全在此等处。今试略言之。性中有天焉，或见性中之天，或见性中之月，已是小有成就之人。若霁则晴明阔澈，如午日中天，三界十方，无纤毫翳碍。此何如景象。至神融二字更兼形神俱妙，在内无不通之，为神不可知之，为神非仅三品之一也。融则性命交炼，无实无虚，非色非空，涤尽羣阴渣滓，乃能妙合圆融也。至叙雷部鬼神云云，亦自易解。而忽云尔其耳焉，非特用险字，实又露天倪，故下文又曰，耸耳而默，不憚一再指点，恐人当面错过。此中妙微，不可以笔传，不可以言显。证者自知，得者自明。末又云寂然良久，仍是拈花妙示也。噫旨深哉。

天尊言。吾昔于千五百劫以先。心逢此道。遂位上真。意酿此功。遂权大化。尝于大罗元始天尊前。以清静心。发广大愿。愿于未来世。一切众生。天龙鬼神。一称吾名。悉使超涣。如所否者。吾当以身身之。尔等洗心。为尔宣说。

道乃天地心。愚痴不解寻。破衣要缝补。须用水磨针。

按：此天尊自言千五百劫之前，成道证真之时也。心缝此道，意酿此功。缝字、酿字，是先天圣人妙传秘奥处。自谓于元始天尊前，以清静心，发广大愿。清静心，道之体也。广大愿，道之用也。愿一称名，悉使超涣。体大而用宏也。如所否者，吾当以身身之，又是显指秘奥处。具眼者自知曰：尔等洗心，为尔宣说，非洗心，虽说之不能闻也。洗心乃入道之最亲切处，不可不知。

天尊言。尔诸天人。欲闻至道。至道深窈。不在其他。尔既欲闻。无闻者是。无闻未见。即是真道。闻见亦泯。惟尔而已。尔尚非有。何况于道。不闻而闻。何道可谈。

道道道道。说着可笑。天地我人。一家一窍。

按：此直言至道之深，曰无闻未见，即是真道。闻见亦泯，惟尔而已，是释迦牟尼之拈花旨，是文殊师利之默然。故又曰不闻而闻，何道可谈。须知不闻之闻乃真闻也，无言之道乃真道也。噫微哉，妙哉。

天尊言。道者。以诚而入。以默而守。以柔而用。用诚似愚。用默似讷。用柔似拙。夫如是。则可与忘形。可与忘我。可与忘忘。入道者知止。守道者知谨。用道者知微。能知微则慧光生。能知谨则圣智全。能知止则泰定安。泰定安。则圣智全。圣智全则慧光生。慧光生则与道为一。是名真忘。惟其忘而不忘。忘无可忘。无可忘者。即是至道。道在天地。天地不知。有情无情。惟一无二。

守一守一。当用谨默。无我无人。却有一贼。若还捉住。湛然凝碧。

按：此节将学道本末终始指示无遗。曰诚、曰默、曰柔，蹈道之窍也。曰似愚、似讷、似拙，又蹈道窍中之窍也。可与忘形、可与忘我、可与忘忘。谭紫霄真人忘形以养气，忘气以养神，忘神以养虚，实本于此。然只发明第一句义至忘我，须知我字与形字不同此所谓真我也。忘真我已是养虚，已成之后，行面壁功，而粉碎虚空矣。至忘忘非先天圣

人不能道及，非妙契元始不必成就也。知止知谨，知微一层，剥进一层，精深入妙，妙入微尘，功力最捷。故曰：能知微则慧光生，能知谨则圣智全，能知止则泰定安也。又回互而言之曰：泰定安则圣智全，圣智全则慧光生，慧光生则与道为一。节次益明，循行有度矣。未仍归到忘字诀曰：忘而不忘，忘无可忘。反复说来，都成妙义。故曰：无可忘者？即是真道。曰：不知，忘字之穴诠也。曰：惟一忘字之实证也。

天尊言。吾今于世。何以利生。为诸天人。演此妙宝。得悟之者。俾跻仙阕。学道之士。信有气数。夫风土不同。则禀受自异。故谓之气。智愚不同。则清浊自异。故谓之数。数系乎命。气系乎天。气数所囿。天命所桎。若得真道。愚可以智。浊可以清。惟命俾之。愚昏昏。浊冥冥。亦风土禀受之移之。天地神其机。使人不知。则曰自然。使知其不知。则亦曰自然。自然之妙。虽妙于知。而所以妙。则自乎不知。然于道。则未始有以。愚之浊之。诸天闻已。四众咸悦。

风土所宜。亦由气血。水各有源。人皆有刳。轻清还炁。重浊不白。道本无二。此心似月。

[#]按：此言人生风土禀受，智愚清浊之异，多为气数所囿，天命所桎。若得真道，则变化性质，涤除习染，超出五行之外，卓立二仪之表，是中有神机焉。使人不知。而隐然有自然之妙，运能以知，知知其妙，故得其妙，而能以不知合其妙，更得妙中之妙矣。此天尊之妙旨也。

天尊言。吾今所说。即是玉枢宝经。若未来世。有诸众生。得闻吾名。但冥心默想。作是念言。九天应化雷声普化天尊。或一声。或五七声。或千百声。吾即化形十方。运心三界。使称名者。咸得如意。十方三界。诸天诸地。日月星辰。山河草木。飞走蠢动。若有知。若无知。天龙鬼神。闻诸众生。一称吾名。如有不顺者。馘^(音国)首刳^(音枯)心。化为微尘。

天尊天尊。发愿广大。毁谤佞文。雷司有害。

[#]按：此节特标经名，又示人冥心默想宝号，心与口合，念与神合，至诚皈身，皈命天尊，自化形于十方三界之中。俾诸众生，咸得如意。更今诸天诸地中，有知无知，尽归顺之。天尊之威神，原如是之广大，而不可思议也。

天尊言。吾是九天贞明大圣。每月初六。及旬中辛日。监观万天。浮游三界。若或有人欲学道。欲希仙。欲道九玄。欲释三灾。当命清微正一道士。或自同亲友。于楼观。于家庭。于里社。酌水馈花。课诵此经。或一过。三五过。乃至数十百过。即得神清气爽。心广体胖。凡所希求。悉应其感。

诚不用物。以气相臻。一称尊号。天地回春。

[#]按：此示人监观万天，浮游三界之期。凡道愿世愿，均宜延请道士，课诵此经，无不获实证于身，昭希求之感也。

天尊言。身中九灵。何不召之。一曰天生。二曰无英。三曰玄珠。四曰正中。五曰子丹。六曰回雷。七曰丹元。八曰太渊。九曰灵童。召之则吉。身中三精。何不呼之。一曰台光。二曰爽灵。三曰幽精。呼之则庆。五心烦懣^(音闷)。六脉抢攘^(音抢 攘 音能)。四肢失宁。百节告急。宜诵此经。

九灵九灵。是我之精。时时呼召。永保长生。

[#]按：此示人身中各有九灵，召之之法。各有三精，呼之之妙。召以何法？心叩其名，即召之之法也。呼以何妙？气符其真，即呼之之妙也。但须有恒，切忌躁妄。故曰：五心烦懣，六脉抢攘，四肢失宁，百节告急，宜诵此经。

天尊言。若或有人。五行奇蹇。九曜^(音钦)嶠^(音欺)。年逢刑冲。运值克战。孤辰寡宿。羊刃剑锋。劫杀亡神。鬼门钩绞。禄曹被败。马落空亡。动用凶危。行藏坎壈。即诵此经。上请天官解天厄。地官解地厄。水官解水厄。五帝解五方厄。四圣解四时厄。南辰解本命厄。北斗解一切厄。

地网天罗不可逃。凶星临并若为消。诚心诵取天尊号。玉篆金符急急烧。

[#]按：此言诵经能解厄也。厄解则无三灾四害，八难十缠，而于道始可有成。此要关也，幸勿浅视。

天尊言。沉痾伏枕。痼疾压身。积时弗瘳。求医罔效。五神无主。四大不收。或是五帝三官之前。泰山五道之前。日月星辰之前。山林草木之前。灵坛古迹之前。城隍社庙之前。里巷井灶之前。寺观楼塔之前。或地府三十六狱。冥官七十二司。有诸冤枉。致此牵缠。或盟诅咒。誓

之所招。或债垛^(音堕)负偿之所致。三世结衅。异劫兴仇。埒^(音劣)其咎尤。库^(音舍)其执对。皆当首谢。即诵此经。

阴谴阳罪。沉痾是报。禁忌犯之。经符是禱^(去声)。

#按：此言疾病谴责，皆当虔诵此经。或自诵，或请道士礼诵，功用相同，亦人所宜知也。

天尊言。天官符。地官符。年月日時。各有官符。方隅向背。各有官符。大则官符。小则口舌。是有赤口白舌之神以主之。凡诸动作兴举。出入起居。不知避忌。如遇官符口舌。则使人击聒。晓夜煎灼。多招唇吻。面是背非。动致口牙。盟神诅道。始于谤讟。终于诋^(音拘)诋^(音抵)。由是狱讼生焉。刑宪存焉。若欲脱之。即诵此经。遂得口舌潜消。官符永息。

天符地符。人不可触。欲释讼凶。经篆三告^(音谷)。

#按：此言诵经能解官符，自无狱讼刑宪等患。

天尊言。土皇九垒^(雷上声)。其司千二百神。土侯土伯。土公土母。土子土孙。土家眷属。若太岁。若将军。若鹤神。若太白。若九良。若剑锋。若雌雄。若金神。若火血。若身黄。若撞命。若三煞。若七煞。若黄旛豹尾。若飞廉刀砧。如是等土家神煞。若人兴修卜筑。一或犯之。即致病患。以迄丧亡。才诵此经。则万神皆起。天无忌。地无忌。阴阳无忌。百无禁忌。

万物皆从戊己来。偶然相犯即为灾。若非普化真文力。处处皆为白骨堆。

#按：此言诵经能伏土家神煞，兴修卜筑可以百无禁忌。

天尊言。世人夫妇。其于婚合。或犯咸池。或犯天狗。三刑六害。隔角交加。孤阴寡阳。天罗地网。艰于嗣息。多是孤独。若欲求男。即诵此经。当有九天监生大神。招神摄风。遂生贤子。于其生产之时。太乙在门。司命在庭。或有冤愆。或有鬼魅。或有禁忌。或有凶厄。致令难产。请诵此经。即得九天卫房圣母。默与抱送。故能临盆有庆。坐草无虞。凡有婴孩在于襁褓。为梅檀神王座下。一十五种鬼。加诸恼害。因多惊痢^(音简)。宜诵此经。

夫妇人伦事。儿男骨肉恩。要令家道睦。皈敬玉枢文。

#按：此言诵经能宜室家，绵子嗣，解产难，育婴孩。亦人事之要

也。

天尊言。若人居止。鸟鼠送妖。蛇虫嫁孽。抛砖掷瓦。惊鸡弄狗。邀求祭祀。以至影魇梦逼。及于奸盗。而敢据其所居。以为巢穴。遂使生人被惑。庭户不清。夜啸于梁。昼瞰于室。牛马犬猪。亦遭瘟疫。祸连骨肉。灾及孳生。淫祠妖社。党茆神奸。吊客频仍。丧车迭出。若诵此经。即使鬼精灭爽。人物咸宁。

自作恶时邪亦作。我行善处即天行。世人忽有如斯难。宜篆灵符诵宝经。

#按：此言诵经能使鬼精灭爽，而人物咸甯也。

天尊言。九天雷公将军。五方雷公将军。八方云雷将军。五方蛮雷使者。雷部总兵使者。莫赚判官。发号施令。疾如风火。有庙可伐。有坛可击。有妖可除。有祟可遣。近世末法。多诸巫覡^(音微)。邪法流行。阴肆魔^(音掩)。是故上清。乃有天延禁鬼录奸之庭。帝由束妖考邪之房。能诵此经。其应如响。

雷司明善恶。善拔恶当诛。邪法相侵害。惟多诵玉枢。

#按：此言雷部威神能击灭邪法，惟能虔诵此经，更得其应。如响府有九天雷门使者，即掌雷城十二门之神；纠录典者，总理善恶青黑之籍；廉访典者，九天采访之职，凡人生功过，纤毫必录。复有四司，一掠不义之财，一逮积恶之辈，一司枉曲之幽情，一主祸福之报。应此，即经首所叙内院中司，四府六院，及诸有司曹局之神。学人所宜知也。

天尊言。天瘟地瘟。二十五瘟。天蛊地蛊。二十四蛊。天瘵^(音渍)地瘵。三十六瘵。能诵此经。即使瘟^(音温)清净。蛊毒消除。劳瘵平复。亦有其由。或者先亡复连。或者伏尸故气。或者冢讼墓注。或者死魂染惹。或者尸气感招。凡此鬼神。或悲思。或悲^(音悔)恨。牵连执证。并^(音傍)缘注射^(入声)。乘隙伺间。乃得其便。故诵此经者。上通三天。下彻九泉。可以追荐魂爽。超度祖玄。太上遣素车白马大将军以监之。

天地瘟蛊。瘵疾大苦。祸有其由。亦人自取。若占诵佐文。可拔七祖。白马将军。能为作主。

#按：此言诵经能解二十五瘟，二十四蛊，三十六瘵，诸大苦楚。复申言招致之由，使人知所避忌。至追荐魂爽，超度祖玄，则可以上通三

天，下彻九泉，而为用更宏矣。天尊垂示此经，真羣生父，万灵师。大圣大慈，至皇至道之妙典也。

天尊言。若或有人。冶装远行。寇盗骋奸。五兵加害。陆行即虎狼虺蜮磨其牙。水行则蛟龙鼉鼉张其颐。或滩瀨有幽枉之魂。或风涛有劫数之会。前后化。捉生代死。能于此经。皈命投诚。故得水陆平康。行藏叶吉。

水陆行藏世不无。鬼神作耗暗潜图。一称普化天尊号。佩带真王玉篆符。

按：此言诚信敬奉是经，则水陆诸患可以消除，而得平康，使行藏协吉。夫曰：能于此经，归命投诚。则非仅口诵可知，是较之遵奉科仪朝礼者又进一层矣。予更有真王玉篆符，可以佩带。所向如志，消诸患难，除诸恐怖。学人果能皈命皈神，投诚于道，吾愿尽界之，又何吝焉。

天尊言。亢阳为虐。雨泽愆期。稽顙此经。应时甘澍。积阴为厉。雨水浸淫。稽顙此经。应时朗霁。祝融扇祸。飞火民居。赤鼠游城。惊蕪黎庶。此经可以禳之。海若失经。鱼鳖妄行。洪水稽天。民生垫溺。此经可以止之。

水旱为灾。可关天地。诚心诵经。晴明甘霁。

按：此言经能求雨祈霁，禳火灾，止水患也。

天尊言。世人欲免三灾九横之厄。即于静夜稽首北辰。北辰之上。上有三台。其星并躔。形如双目。迭为三级。以复斗魁。是名天阶。若人见之。生前无刑囚之忧。身后不沦没之苦。斗中复有尊帝二星。大如车轮。若人见之。留形住世。长生神仙。皈命此经。投心北极。即有冥感。斗为天枢。中有天罡。在内即为廉贞。在外则为破军。雷城十二门。并随天罡之所指。罡星指丑。其身未在。所指者吉。所在者凶。余位皆然。若人见之。寿可千岁。

依门之妙。人言深奥。功行成时。当朝九曜。

按：雷门十二与斗极魁罡原相依辅。吾前疏解斗经九品，固因系吾觉源法坛，特垂妙典，亦因斗枢与雷门本来统贯。故今复将《玉枢宝经》重为疏解于赞后，俾后学圣真得窥玄秘之精噫。北辰三台，三级天阶，天目清朗，豁达洞开。尊帝二星，大如车轮，晴空午日，光照无垠。投心北

极中有天罡。一点圆明，普照十方。雷光道光，惜人难见。人见见人，高登彼岸。此四偈于真功颇具次第，立志希玄者幸留心记取。

天尊言。世衰道微。人无德行。不忠君王。不孝父母。不敬师长。不友兄弟。不诚夫妇。不义朋友。不畏天地。不惧神明。不礼三光。不重五谷。身三口四。大秤小斗。杀生害命。人百己千。奸私邪淫。妖诬叛逆。从微至着。三官鼓笔。太乙移文。即付五雷斩勘之司。先斩其神。后勘其形。斩神诛魂。使之颠倒。人所鄙贱。人所嫌害。人所怨恶。以至勘形震尸。使之崩裂。驱其卷水。役其驱车。月核旬校。后有考掠^{音掠}。一闻此经。其罪即灭。若或有人。为雷所瞋。其尸不举。水火不受。即称九天应元雷声普化天尊。作是念言。万神稽首。咸听吾命。

忠孝当为本。阴阳即我家。要消诸恶业。不必诵《南华》。

按：此言闻经能灭罪愆，而学者植德励行，总以忠孝为先，推之信义等等，皆身心切要之图。无罪曷罚，斯为根本。若误蹈于前而能忏悔自新，亦九天应元雷声普化大天尊所怜悯者。

天尊言。此经功德。不可思议。往昔劫中。神霄玉清真王长生大帝。所曾宣说。至士授经。皆当割金置币。盟天以传。雷师皓翁。长跪拜兴。重白天尊言。是经在处。当令土地司命。随所守护。雷部按临。以时稽审。若人家有此经。至诚安奉。即得祥烟满庭。庆云荫轩。祸乱不萌。吉福来萃。于其亡歿。不经地狱。所以者何。死即往生。生归善道。承天尊力。有此灵通。出入起居。佩带此经。众人所钦。鬼神所畏。遇之险难。一心称名。九天应元雷声普化天尊。遂得解脱。

不贵黄金贵亦心。初真学道外魔侵。至诚肯与盟天地。克日教君听玉音。

按：此言往昔劫中，南极长生大帝所曾宣说纪经之始启也。言割金置币，盟天以传，纪经之典贵也。而雷师皓翁复长跪拜兴，重白天尊，纪是经在处，守护之严也。曰人家有此经，即吉福来萃，存歿蒙庥，纪是经用处利益之广也。未言佩带此经之妙，称名解脱之速，种种功德，真不可思议也。

于是雷师皓翁。对天尊前。而说偈曰。无上玉清王。统天三十六。九天普化君。化形十方界。披发骑麒麟。赤脚蹑层冰。手把九天气。啸风

鞭雷霆。能以智慧力。摄伏诸魔精。济度长夜魂。利益于众生。如彼银河水。千眼千月轮。誓于未来世。永扬天尊经。雷师皓翁说是偈己。

赞叹天尊。诚哉是偈。普化无边。祖功一炁。

按：此雷师皓翁以偈赞诵天尊威神智慧，济度利益之妙。曰：如彼银河水，千眼千月轮，可为善于形容矣。天尊如是，天尊所说之经之妙亦如是也。誓于未来世，永扬天尊教，是愿十方三世，一切含灵，皆诚信皈奉天尊经教也。

天尊言。此经传世。世人未知。吾今所治。九天应元府。府有九天雷门使者。以纠录典者。廉访典者佐之。复有四司。一曰掠剩司。二曰积速司。三曰幽枉司。四曰报应司。各有大夫以掌其事。吾之所理。卿师使相。店赞元化。

设司分属掌雷霆。风火飞廉号令明。善赏恶诛如影响。九天元不顺人情。

按：此复言雷府官属，卿师使相。咸赞元化，欲人知，所警惕也。

天尊说是经毕。玉焚七宝层台。天花缤纷。琼香缭绕。十方诸天帝君。咸称善哉。天龙鬼神。雷部官众。三界万灵。皆大欢喜。信受奉行。

宝经圆满。咸称善哉。消灾赦罪。祸去福来。

按：此记说经毕时，宝台玉焚圣境，天花缤纷，琼香缭绕之瑞。十方天帝，三界万灵，无不称善欢喜，信受奉行，洵万古道门之巨典也。且亦妙喻玄功成时，六出飞花，异香透体景象，先天至文，语无泛设，后学圣真，处处着眼，的的印心，方不致当面错过机缘。是则予疏解之微愿也夫。

应元雷声普化天尊说玉枢宝经赞终

玉枢经赞解后跋

《玉枢经》者，雷经也。雷声普化天尊得元始化炁，秉九天真阳，神威至赫，号召万灵所说。《玉枢宝经》乃先天道妙，最为精微。世所传《玉枢经髓》，前后多有删减，且于后半部竟置不录。殆以事关俗

务，非尽道蕴，而不知大道不外乎人情，通俗乃合乎至妙。况一切尘碍灾障，不除又何以入道焉。兹本原列之浙西所镌《孚佑上帝全书》中每段下仅有赞语，顾后学读之恒苦太略，不能尽解。今我孚佑上帝又特垂慈，示增益疏解。不但于经文诠释雪亮，且处处暗含道微，触类引申，洵道门中之秘宝也。（小子洪）叨备护使，惟愿日日顶礼持诵是经。且愿天下人共流通，以传永久。用仰副雷声普化天尊，纯阳妙道天尊化度世人之至意。则此一编也所人心风俗，岂浅鲜哉。

正化弟子法嗣恩洪谨跋

一行子玉枢或问

或有问于一行子曰。雷祖帝统三十六天。而曰九天应元何也。

一行子曰。嘻。难言也。夫熠耀之明。不可以语日月之光。污池之水。不足以语江海之大。今子欲予言上帝佐文。是何异污池自多其水。熠耀自大其光也。不几河伯之见笑于海若乎。虽然。予尝志此经矣。夫老阳之数为九。帝位乎九天。显阳体也。应元者。上应元始祖刳一炁。以分真也。九天在三十六天之上。统三十六天。表运行周天之度数也。经以玉枢宝名何也。曰玉之性。温润而坚。易象干为玉为金。亦健体也。枢者。机纽也。此经枢机阴阳。有超凡入圣之功。有起死回生之用。故曰枢也。诸经多言妙。独此经以宝名。亦犹释氏楞伽之以多罗宝名经。盖至珍至贵之辞耳。

玉清者何也。

曰元始祖炁。虚无空洞自然之中也。重炁何也。曰炁之又炁。众妙之门。即佛经所谓如如。理极精深微妙。故必细议也。洞章者何也。曰洞炁洞虚洞空洞妙之灵章也。即碧瑶明晨书笈中所有。天尊宴坐朗诵。诸天帝君。闻而各各了悟。皆起坐而长吟步虚也。至于彩女仙姝。亦为之散花旋绕。游戏翠宫。于以见大道活泼流行之机。上帝此道。诸天诸仙此道。即彩女仙姝。亦无不同此道也。乐游既毕。而并集于七宝层台。盖入道有先后。造道有浅深。而至于得道。则同归而一致也。此序分也。

法会启请。必雷师皓翁者何也。

曰名以义兴也。皓翁者老人。老人者阳也。其曰雷师何也。盖帝出乎震。总五雷而临三界。统御十方。君道也。君明于上。师导于下。君师备矣。其颂天尊。先大慈而后大圣者何也。曰雷。天之义气。主行正令。人多疑其不慈。不知雷声鼓动。众庶品生。故仲春之月。雷乃发声。行天之仁也。其未说经。先赞雷师者何也。盖曰日曰岁。功无间断也。曰崇曰着。积累功深。有诸内者。形之外也。曰霁曰融。抱一纯密。无所出入也。曰证高真。曰阶妙道。功完行满。白日升天也。虽赞雷师。实言学道之士。当如是也。

辰名九凤丹霞何也。

九。阳数也。凤。鸟也。鸟属火。为心之象。心色赤。丹霞为赤。元神所居。故曰天尊所坐也。举金光明如意者何也。金。刚物。喻智慧光明。摧伏一切无明烦恼。天魔外道也。此智慧光。随心运用。其出不穷。故曰如意也。

天尊寂然良久者何也。

曰。大道不在语言文字。昔须菩提宴坐林间。天帝释曰。尊者善说般若。即不言而言之妙也。其将说经。先述积刼之功。行愿力者何也。曰欲成大果。非具大愿不办也。

一称吾名。悉使超涣何也。

曰以事求之。天尊之威灵神化。如空谷传声。无响弗应。实有感而遂通之妙。昔普门大士。一闻众生称名。即时观其音声。皆得解脱。即此义也。若以道言之。一念回光。万缘冰释。一心悔过。众罪消灭也。

无闻不见。即是真道何也。

曰大道冲漠无朕。体极深窈。儒云上天之载。无声无臭。道曰。道之为物。惟恍惟惚。释云。法无声色。其义一也。

闻见亦泯。惟尔而已何也。

曰。收视返听。真体独露也。尔尚非有何也。曰佛云因执有我。便有

我相。四大各离。体为是谁。老子云。故致数车无车若不执有我。则尔亦不可得也。

道不可谈何也。

曰太上云。道可道非常道。关尹子曰。非有不可言。不可言即道。佛云。汝勿谓如来有所说法。故天不言而岁功成。品物亨也。

道既不可谈。而又曰以诚以默以柔者何也。

曰此求道之功也。道本真实无妄之理。流行于天地间。学道者。不诚。则虚妄不实。是以诚之为贵。然必密机深藏。非默则仁不能守之。易曰。柔顺利贞。君子攸行。太上曰。柔胜刚。故用柔而不用刚。其用不敝也。

似愚似纳似拙何也。

曰此言求道之心。当如是处其实。不居其华。而后可渐至于浑忘。即太上云。大智若愚。大辨若讷。大巧若拙。亦此意也。

知止知谨知微何也。

曰入道之初。必先知止。而后能去妄存诚。知谨而后能渊默自守。知微而后能妙用不忒。是以泰安定。圣智全。慧光生。而与道为一也。

道在天地天地不知何也。

曰未有天地。先有此道。既有天地。而成象成形。无非真一之炁。主宰其中。惟其至一。所以不知。儒云精一。道云抱一。释云归一。学道之士。要知一归何处。一旦假名。二于何有。

于道未始有以愚之浊之何也。

曰人性皆善。而资禀不齐。得道之人。宇宙在手。万化生身。愚可智。浊可清。有不知其然者。非气数所能拘也。佛经云。凡夫者即非凡夫。此正宗分也。

天尊既为应元普化。而复云是九天贞明大圣何也。

曰贞者正也。正可闲邪。明可烛隐。大无不包。圣无弗通。故非贞明大圣。不足以施应元普化之功。非应元普化。亦无以见贞明大圣之妙之神也。

此经既显道体。其学道希仙。遑九炁。释三灾。以及召九灵三精。调四肢六腑。并求嗣息。解诸不祥。皆宜诵此经何也。

曰诵经者。非终日喃喃呐呐。逐句宣读之谓也。亦非结社邀朋。戴黄冠。披鹤氅。学步虚声之谓也。所谓经者。即无闻无见之至道。此经生天生地生人物。在凡夫分中不减。在圣神位中不增。特人日习而不知。知之而不行。谓之不能诵经耳。若真正好道之士。亲修密证。不起于座。瞬息之间。能转此经一藏。故曰行住坐卧。不离者个。若于纸上寻道法。决无是处也。盖诵经者。以诚而入。默而守。柔而用也。用诚似愚。默似纳。柔似拙。以驯致乎忘形忘我忘忘也。忘形者。事障断也。忘我者。理障断也。忘忘者。二障永灭。觉心清净也。粉碎虚空也。又忘形者。释谓之人空。忘我者。法空。忘忘者。空空也。夫是之谓真能诵经者也。

称天尊名。一声多声。咸得如意何也。

曰一声者。一念规中也。或五七声。以至千百声者。念兹在兹。名言兹在兹也。自同亲友者。修行伴侣。同声相应。同气相求也。正一道士者。心无邪曲之谓正。念不纷杂之谓一也。酬水馈花者。洗心清净。以神明其德也。如此诵经。便可以希仙。可以遑九炁。可以释三灾。可以伏九灵三精。可以调四肢六腑。可以攘五行九曜。可以疗沉痾痼疾。可以息官符。可以消口舌。可以制神煞。可以解孤阴寡阳。可以萧清庭户。推之而至于除瘟瘟瘟。均无不可也。故一过以至数十百过。神清气爽。心广体胖也。令人不解真参实悟。第曰经在是。诵即在是。虽自以为诵经。而其实如未尝诵。故念至多遍。神气反耗。不得清爽也。

九灵三精何也。

曰。人身之精灵。见之于九宫三部者也。呼召者。用意修炼也。黄庭云。泥九百节皆有神。又曰呼籀庐问以自偿。保守完坚身受庆。故呼召吉庆也。自此以至终篇。皆流通分也。金刚经极赞人于经中受持。福

胜七宝布施。正谓依义修行。若以为玉枢宝经在是。宣诵亦只在是。不惟不明于雷帝之旨。予恐一有未验。将谤经之念生矣。或曰。如子所言。将经文可不必诵乎。曰非也。上帝之说是经也。所以利万世也。理事双举。欲人于经中解义也。故曰。诵经须解义。解义始修行。苟解其义。身体而力行之。则诵愈有益。何求不遂。何愿不成。了玉枢前半部。可以悟道成真。了玉枢后半部。可以不远复。无只悔。而得元吉。若不达其义。而止是章句之学。此正释迦所谓历劫多闻。不如一日修习无漏者也。

五神无主。四大不收何也。

曰五神者。五官之神。五官不能自为用。其中有主之者。仙经曰。譬如弄傀儡。中有一机轴是也。四大者。地水火风也。毛发爪指皮肤者地也。津液涎沫水也。暖气火也。运转动作者风也。然此四大。全要元神元炁。为之主宰收摄。若元神昏散。视听淆乱。是五神无主宰也。元炁耗斲。举止疲惫。是四大不收摄也。人能修道。则无此患。故宜诵此经也。

世谓地狱一十八重。而此云三十六狱何也。

曰若以佛经论之。亦不仅三十六狱。而此云然者。亦合周天之数也。凡人动与天合。便上升三十六天。如动与天违。即下沦三十六狱。出乎彼。则入乎此也。冥官七十二司。亦合每岁七十二候之数。子于一身求之。则无不得也。或曰。诚如子言矣。然嗣息难以必得。妖孽未可力祛。雨暘关乎天时。水火为无情之物。皆云宜诵此经何也。曰愈以见此经之为玉枢宝也。以事言之。谓人间夫妇。艰于嗣息者。有求必应。如观音普门品云。若欲求男。便生端正有相之男是也。以道言之。夫妇者坎离也。婚合者炼用戊己。使相配合也。孤阴寡阳。坎离不交媾。不能结圣胎也。生贤子者。既济之后。大丹已成。十月胎圆。入圣基也。

或有冤愆鬼魅。致令难产何也。

曰魔境现前。碍正道也。卫房圣母者。黄婆也。默与抱送者。学道之士。于心魔起时。用智慧降伏。深修密证。如母护子也。

鼠妖蛇孽何也。

曰和气致祥。戾气致殃。妖孽之兴。多由于人事之失。亦或命运乖蹇之所招。若以道言之。蛇虫阴毒。凡人心蕴尘烦恼。种种淫邪妄念。扰乱性灵。送妖嫁孽也。鬼精灭爽者。魔障消除也。人物咸宁者。六根清静。真元内固。释所谓度尽众生。方成菩提也。

荐魂爽。度祖佺。亦此经何也。

以理言之。北酆阴山。亦在人身。魂爽祖佺。不离当体。即事言之。此经冥阳普济。广利人天。一子得道。九祖受荫也。

水陆行藏。此经康且吉者何也。

曰。无入而不自得也。作善降祥。自天知之。

亢暘积阴。一稽顙此经。即获甘澍。朗霁。然近代遇有旱涝。亦有祈祷不应者何也。

曰大凡仙经。皆显道妙。亦兼说灵应事功。若遇旱涝之时。矢志诚求。未有不相应之理。苟弗敬弗诚。安能望报于天。且此经事理双举。若以理论。亢暘者。火燥也。积阴者。水寒也。赤鼠惊燕者。无明烦恼起也。海若洪水者。欲纵无制也。民生垫溺者。真性汨没也。故一念归正。而甘澍降。一点落黄庭也。普门品云。设入大火。火不能烧。又曰念彼观音力。波浪不能没。皆此意也。

诸经多言灵应之事。而诵之获报者亦甚多。今但略事说理何也。

曰不独宝经。诸经皆然。子特末之思耳。即如三元经。诵者极多。然发端于救苦大仙者。所以示修道之人。必先发慈悲度世之心。及说宝号。又是赤脚大仙请问者。所以示修道之人。非苦行不能有成也。若言事不言理。是谓拘滞。言理不言事。感应道空也。

又于静夜礼北辰者何也。

曰。静夜者。子之半。一阳炁生。天心来复之机也。人身亦有子午。人心亦合璇玑。上帝欲人于一阳初动之时。运用炁功。故曰稽首北辰也。归命此经。投心北极者。谓既炼大丹。复礼北斗内外交修。方得天人道合也。

雷城十二门何也。

按地支十二宫分。为雷神出入之门。人身亦有十二宫分。为元神周流之门户也。竝随天罡所指者。气机之妙用。运转无时停也。

罡星指丑在未何也。

曰丑未俱属土。未为南方相位。南方午火。乃心之位。心之所至。意之所至。气即至焉。意属脾土。故曰指丑而在未也。所指吉者。用生炁以炼阳神也。所在凶者。用煞炁以制阴魔也。见之寿可千岁者。一闻至道长生不灭也。盖人身一小天。知天所有。即知人之有。

闻经灭罪何也。

曰此为中下之士。开迁善之门也。根具中下。禀赋愚浊。既为气数所囿。天命所桎。不知以诚入道。逐妄迷真。忠孝有亏。德行不修。造种种罪。身三恶业。杀盗淫也。口四恶业。两舌恶口。妄言绮语也。况秤斗不公不平。损人利己。杀生害命。以致罪深恶极。上干天怒。遂获勘形震尸之惨。而有卷水驱车之苦。如经开章所云昼劳夕役。动有捶楚。皆是恶因所招恶果。一闻此经者。反邪归正。悔过自新也。其罪即灭者。迷即凡。悟即圣。放下屠刀。便成菩提也。

往昔劫中。神霄玉清真王。所曾宣说何也。

曰明先圣后圣。其道一也。至士授经。必剽金置币。盟天以传者。法不轻授也。出入起居。佩带此经者。道不可须臾离也。学道之士。内修真元。苟有一念懈弛。即如灌漏卮。终不得成就。故当身佩服。如子张之书诸绅也。虽遇险难。不及诵经。但一心称名。即仗天尊威神之力。而得解脱。感应道交。不思议也。

天尊既执金光明之如意。而复披发骑麟。以啸风鞭雷者何也。

曰如意者。智慧之力。体也。谈道则举如意。鞭雷者。威神之力。用也。施令则披发仗鞭。圣文神武。用各不同。动静合宜。全体皆道。然惟有如意之体。方能施鞭雷霆之用。而由体达用。利万物而不遗也。

天尊既为无上玉清真王。而复赤脚蹑层冰何也。

盖显法身清静。透体光洁。且威神之力。下彻九泉故赤足而履寒冰也。如彼银河水。可望而不可狎视。银河为河水之源。源远莫测。亦如天尊摄魔精之智慧。不可测也。千眼千月轮者。佐佐道体。无刹不现也。至于永扬天尊教。亦即诚入默守等之教。立誓永扬。则雷师之心。亦即玉清真王之心。所谓君臣道合者也。

此经传世。世人未知何也。

盖大道佐微。务在心领神会。世人泥文者多。解义者少。味道者多。通道者少也。府有九天雷门使者。即掌雷城十二门之神。纠录典者。总理善恶青黑之籍者也。与廉访典者。同为九天采访之职。凡人生功过。

悉必录。罔有遗者。复有四司。一掠不义之财。一逮积恶之辈。一司枉曲之幽情。一主祸福之报应。凡此诸神。即经首所序。内院中司。四府六院。及诸有司曹局之神。前属总序。兹乃分别言之。亦所以显鬼神明明赫赫。虽暗室屋漏。罔不周知。欲人知所畏惧。不以冥冥隳行也。

曰以道言之。修炼功成。三花聚顶也。琼香缭绕者。自性真香。熏修不断也。又以见谈道至极。天女散香花供养。缤纷缭绕。此感彼应。征验不虚。亦与经首彩女仙姝。散花旋绕。前后相相应也。噫。人生世上。至道难闻。此经传世。幸而得之矣。信之者谁。幸而信矣。受之者谁。幸而受之矣。能奉之行之者谁。行者何。即以诚而入。默而守。柔而用也。用诚似愚。默似讷。柔似拙也。故经以信受奉行终焉。

或曰天尊九阳之炁。自元始一气化形。似圣生之期。不可考。今世传诞于六月二十四日何也。

曰六月者。亦犹每月初六之义。盖先天一炁之成数也。天之生数一。生数孤阳。不能生人。得地之六数以成之。乃能生人。易曰天地絪縕。万物化醇。男女媾精。万物化生。二十四日者。按二十四炁之数。一岁十二月。共二十四炁。人身亦然。故于此日生也。亦犹玉皇本行经云。玉帝诞于丙午年正月初九日午时。盖六十甲子。干支皆配五行。惟丙午干支俱属火。初九又是老阳之数。午时又属火。总显纯阳之体。正月取人生于寅。居一岁之首。谓之王月。故非此日不能生玉帝。均属道体之自然。无所容其拟议者也。或于是唯唯而退。右玉枢或问一卷。黄君一行所着。与吕祖经赞有相发明者。附载于后。为诵持是经者之一助。

第十四章

胡头集

吕祖全书胡头集小序

壬戌之春。荫诚将肄业于雍。北上。来辞。予以搜求吕祖着作为嘱。明年正月既望。使持书一册至。发之则祖之胡头集也。选入全书而序之曰。集中以风雅之体裁。发道德之宗趣。言文而旨远。词约而味长。是从前文集之外之一快也。昔人疑诸仙诗。在汉则汉。在晋则晋。在唐则唐。不应天上变格乃尔。至吕祖乱坛。近今百余年来。非演经度劫。应未有浪游笔墨。恋恋尘凡之事。然祖尝自谓于大千世界。普度有缘。故一日大赴三千场。岂仅一方一处而已。是又如水在地中。无所往而不在也。在生民未有之圣。着作不免春秋时风气。有不可得而强者。又何疑于天上之变格乎。要其有为而作。托于游戏。固有书不尽言。言不尽意者。当会心于文字之外可也。原集各体拉杂编入。竝题有无关紧要者删正之。分二卷。

鍾祖胡头集序

诗三百。圣人之道曲尽耳目矣。汉魏三唐。则有悲歌。盛晚之风。关于世运。至于骚人嫠妇。烧业海而发情根。逸士遗民。劈长空而挥恨种。非谣则讽。非刺则哀。诗之雄襟远旷。尽被魔羁。不若无诗者善矣。虽然诗之源。礼乐之本。诗之奥。圣贤之衷。天之景象。诗之兴

也。地之山川。诗之比也。人之性情。诗之赋也。物之兴衰。诗之感也。天地物我。混然皆诗。虽欲无诗。又安得耶。紫极真人。宏愿悯尘。婆心慈切。阐道机于无相之中。说善恶于有情之外。聚烟霞之彩。焕日月之明。慨变幻之因。泄阴阳之理。涤世子之尘心。吐如来之莲舌。与物推移。随机点化。霜毫戛玉。泄末泄之由。雪竹敲金。宣不宣之法。樵悟松花。琳琅碧影生香。鸾遶苍梧。汗漫青霞缀色。梯航可接。旨理堪闻。非诗之功。虽圣人之道。又安能尽人耳目也哉。嗟乎。世人耳目。当悟于声色之外。超于梦幻之中。锄却情根。耕翻恨种。因诗得诀。参意归真。则真人之婆心不辜。而诗之宏愿有赖矣。若徒拟于哀刺谣讽。为魔所惑。虽圣贤之衷。礼乐之本。又何有裨于世教耶。唯诸子省之。

云房书序

陈先生胡头集序

白云老人。自宋迄今。卧华山巅。不闻天地声色。已多年岁。倏人间庚辛。有双童乘古鹤止左右。祥禽瑞兽。鸣吼其旁。老人惊寤。拭其睡眠。更见紫气缠度于燕山之阳。軫翼之野。为龙为马。变幻万端。老人危坐而怪。叩二童曰。何为其然也。童子始笑答曰。仆乃敲针剑奴。吕真人吟咏之弟子也。师愿洪深。驻鸾度世。蜉蝣诸子。拟题求句。师遂以声格语调为寓言。兴此赋训为奥旨。以醒迷津。先生所怪异者。得无是乎。老人曰。假弄声色者。纯阳原是惯家。老人梦魂颠倒。不知天地物我之机。纯阳不能以黄梁试之。复以龙马之气。乱人耳目耶。童子曰。不然。龙马之气。非师有相为之。乃诸子所录胡头草也。愿先生引其言。老人笑允。而为言曰。天地之大。大莫葫芦。天地之理。尽在胡头。胡头之诀。扬而复幽。胡头之韵。铿而若流。胡头之相。载沉载浮。龙马会舞。逼以斗牛。鸾凤之奏。遶之沧洲。胡头之况。安与尘侔。所谓沦刼。无以了休。真人发愿。以济世俦。世之有志。胡头为谋。玄玄之秘。已矣胡头。言毕。双童谢之而去。见龙马之气。化霓而堕须弥世。银汉界。老人复卧。欲其觉寤。更不知几千年再可。

白云老人陈希夷

胡头集自序

止源以诗字求予者。曷故。以其句之工字之精而求之乎。非也。得无以久寄尘寰。目皆烟火。不谓人间有天上鸾驻。喷辞吐秀于影响之间。不乏推敲之句。诂非世所难覩耶。止源之求。殆为是欤。虽然。未也。天有莫测之机。世有莫穷之道。欲究其机于微奥之中。乃不出乎声色之外。在声色者即道之寓也。天之风雷云雨。地之江湖河汉。人之喜怒哀乐。此声色之自有者也。要如空空入目。振振临耳。摹其神则心旷。写其意则情怡。披之有相。读之有音。诗固声色中之幻化也。然世有声色。而道莫之知。道之莫知。则虽雄辞秀句。风雨成文。不过繁华争艳。而不知火枣交梨为何物。故曰止源久寄尘寰。目皆烟火。烟火世之必需。不知有烟火者。山人之乐趣也。山人既得乐趣于烟火之外。则可随时运道于声色之中。以故片刻寸管之下。而不用推敲所由来也。不然。山人逸况。何独托诸影响之间。而与世人唱和争奇乎。止源可以知予之婆心也。故屡叩而未尝稍拒。止源之意。谓千古之下。得此奇覩。恐后日之湮没而不我知。敢力为恳之。而镌布流传。俾世间翰墨之俦。庶识烟霞乐趣。而不苦滞于繁华。固近道也。若以道人诗字之工。而允其请。则非也。嗟乎。意与世旷。而才愧文人。有以诤咀微旨。如登彼岸。而羨止源之高致者。未可知也。有以自堕孽波。未甫一披。而鄙止源之好事者。抑未可知也。

回道人书

胡头集上卷

东岳庙碑记

大块芸芸。寄而人。归乃神。以人之灵。瞻神之明。非倩山河瑞霭。色相庄严。为冥冥栖托。又何以依仰也。燕台龙秀。四海维区。应圣脉于苍苍。会钟灵于郁郁。西峰焕彩。东壁流光。诚至灵之脉也。遂建东岳之宫。巍峨岁月。其如燕梁泥满。荆草堦萋。吊乌控月。卷砾敲

云。炉冷烟沉。桑沧增感。乃宋鉴源辈。秉丹缔会。起兀乍新。为人民见。相之悟。以昭神天杳冥之灵。俯见襟山带阙。抱雉怀松。翠耸长天。阴披远干。人杰络绎于四时。花鸟馨翔于九极。昭昭爽气。炯炯高风。岳帝乃悦。云驭俯临。降世镇基。赫然今古。予以樵沙之度。鸾驻燕山。诸子有善。叩予为铭。铭曰。圆天方地。物我化行。南瞻一粟。燕冀最崇。龙流余脉。筑东岳宫。角星在野。甲属岱宗。神光弼鉴。感而遂通。兆民熙熙。无不赖灵。白驹一瞬。孰与景同。神其来兮。斯即苍穹。人苟不悟。三尺神明。电露泡影。宠辱枯荣。胡自筹画。在天所容。西商南火。此生主东。蜉蝣小伎。慢藐幽冥。皇皇二气。交结乎中。

去尘铭

心惟不二。是曰静机。物我无别。形神皆归。
愿言寤寐。不落是非。入世出世。我贵知希。

洗心铭

洗心云何。澡雪明德。尘去鉴莹。玷捐圭洁。
不澄而清。其源则活。我纓我足。可以弗濯。

示通源偈八首

死生原不二。生即死之门。了得无生者。生亦徒何之。
又
见性乃真觉。谈禅是后天。天从何所见。佛即未来心。
又
空空徒自空。悟悟忘自悟。撇却悟空魔。死生应自见。
又

三教总一教。得来无欲闲。若从微妙处。一点还虚空。
又
说道如来是大雄。大雄必定也空空。不增不减长江水。照破须弥无相峰。
又
椿枝万丈道家旌。莲花九品禅门法。试问花飞椿老时。何曾捉得西江月。
又
万迭寒烟总一虚。隔帘灯影却何如。此时认得空中幻。即是如来掌上书。
又
舍利弗。舍利弗。旃檀最上寻觉路。不落千千四大千。涅槃六六三十六。

时见层层七宝台。时隐密密双行树。谁教控鹤老儿来。飞锡赶到云深处。
打醒通源问的端。如来应是恒河数。恒河不在见闻中。圆觉声闻何以故。

九品莲花偈六首

其一
挺挺出金池。瓣瓣含玉露。火里放奇香。色比菩提固。
其二
心即台之象。莲因色是身。西方无个处。极乐悟虚真。
其三
双行树里泥团。九品莲中甘露。频伽不解无生。飞向恒河深处。
其四
昨夜天风吹北斗。骊龙狮子一齐吼。要见莲花何处寻。莲花却在如来口。
其五
菩提无树镜无台。安得莲花九品开。分付通源休浪悟。客尘二字证如来。
其六
道人惯会饶舌。要讲莲花颜色。不长婆婆四部中。不染青黄赤白黑。
时时观世见如来。柳花摇动婴珞月。

偶偈七首

其一
慧光破三界。慈波大海中。金刚非法相。不惹应归宗。
其二
无我无人碍。妙法自如如。弥陀若有觉。九品应是空。
其三
如来非有相。在在心头者。悟却本来因。了我无生径。
其四
一点琉璃光。照破十方界。了了归虚空。此中无罣碍。
其五
何处狮子作怪。将我葛藤咬坏。要寻佛老填还。过去未来见在。
其六
昨夜懒云炊熟。今朝痴腹生春。有口无心是佛。笑他忙里寻人。
其七
不贪不爱不恼。无身无口无心。从此一灵默会。太虚清静忘形。

题像五首

独坐独坐。不离这个。这个玄机。谁能打破。上下察之。鸢飞鱼跃。天地合之。圣贤是乐。
又
世人坐破蒲团。到底不归正教。谁知性里摩尼。在我丹田朗照。
又
挥尘风前色相。行踪世外孤云。试透龙光三界。扫除物我魔君。
又
无以色相。何留此像。偶倩毫端。抹吾模样。咦。好将宝剑倚崆峒。
除尽尘魔消碍障。
又
敲爻野客。隐见莫测。孤立乾坤。回照日月。偶挥笔上春云。而发和光之诀。噫。要存色相应尘情。洞庭秋水三千劫。

题石

为虎为徒。激泉激月。坚则以磨。清则以刳。
随花鸟而忘机。乐琴樽而自悦。若是见得如来。还须饶舌。

道魔问答

回道入。 阅今古。降紫极。阐正教。举婆心。而假笔指迷。监坛点化。嗟阎浮之自堕。怜人欲之难除。奸巧日益增。灵虚日益昧。乃设为道魔问答而为言。

魔曰。 混元之始。无形无名。三才即立。人我始分。孰为太极。孰为真人。孰为生死。孰为鬼神。世皆自取。致入其门。如明哲之子。不及憨愚。动言求道。灭我魔宗。恶我如仇。视我如毒。割我欲爱。断我贪痴。夺我迷疆。破我疑城。更欲以德行伐我。以礼义敌我。以无妄离我。以清静绝我。不知己非。反谓我恶。我魔之处世。久不变心。依人内外。交久而诚。同一念之机。而协七情之政。则我魔实有大造于人者也。如尔道之渺茫。劳人心意。既瞻在前。忽焉在后。本无有相之可归。复乃灵虚而难觅。使人束手无为。步步循矩。由老子而至释氏。三圣人各是其说。至于良知可以修圣。清静可以修仙。见性可以成佛。我魔第不知今世有其人否。更哂尔道。以三圣人之宗。汲汲惶惶。刻无宁晷。周乎宇内。遍乎苍穹。靡不欲人归诸教化。参悟本源。然得其门者止于进。知其机者忽于微。而欲人之乐从。不啻百千万亿而鲜一。若我魔则不然。恩体人情。爱敷所欲。随其意趣。可纵可驰。知此身之难得。任喜怒而无拘。钱乃养生之本。遣妄以助其谋。色乃乐生之余。资淫以济其欲。庶淫庇妄随。道难克入。兼之忿兵坚守。惑将威张。三尸遶列。七魄纵横。虽道以忠为帅。以孝为军。举天下之信诚敬善。而为师旅。恐亦不能挫我魔之万一也。已以惠之及人者如此。其作为者如此。

虽不屑教。而俛首心降者又如此。孰谓非我魔之根深缘远。不几与两大竝垂于不朽欤。如尔三圣人之道。汲汲惶惶。欲人归诸教化。而人未之乐从。岂圣人之道不足法欤。抑圣人之教化有不善欤。抑亦我魔之坚甲利兵。而道难动摇欤。抑又人心之安于世习。而以道为难及欤。固常辟我魔也。岂辟我魔者有其能。而度人者无其术欤。魔不揣。请道答我。

道曰。噫。世之不能立性命之基。而困阴阳之术者。必子之言夫。居。吾语汝。夫天地未判。孰为究穷。道之未名。魔从何有。魔道为仇。贵人自择。故上智不用除。而魔自远。中智除之而退。惟下愚与尔相终始。然道本于静。魔处于动。静乃养生。动乃伤生。此必然之理也。夫欲以养生之术。而行诸动作之机。魔之生所由来矣。故三圣人究其须臾之微。而参天地之理。不敢独私。行诸教化。岂若纵欲任情。违天之命。而误生身之本者。尔道谓之渺茫。灵虚难觅。不知一点自然之机。昭昭乎日月同升降。使人可景仰而不可思议者。吾道之用大也。人之所以不能进道而亲汝者。如在黑暗之地里。不知天色之明。惟苟依于土石故也。

魔曰。不然。日月光辉。回乎不已。行于天下。谁曰不知。若道则曾有遵之如日月。而行之于天下否。闲有其人。或不遇我魔耳。如遇我魔。亦安用道为也。

道曰。然。非欤。世之遇尔而违吾道者固多。其因尔而行吾道者亦有。向善之子。一念之错。一时而误。易其前修。迷其后果。此遇尔而然也。如作恶之子。久与尔绸。偶尔一语。恍然若悟。决绝尘思。虽内侵外感之无边。乃守一抱源而自益。如是之人。尔魔日逼其处。日杂其心。斯人也。未必与尔相亲也。安谓日之不可仰。月之不可瞻也。夫可瞻可仰。则又安知其不可行也。故曰。中智除之而退。除尔之术无他。在一慧

剑耳。尔谓不可挫锋。又何谓割我、断我、夺我、破我。如是等等耶。可知皆从慧所发耳。又奚虞尔之遇。而易其初心哉。所谓下愚。能与尔处。不能与道处。诚然也。

魔曰。否。天地之理。本诸性情。性之所好不同。而心所尚有别。或随其情性。而不信虚无。意者得无以道为劳。而以魔为逸。道反是魔。而魔反是道欤。

道曰。情性原是不错。劳逸固是有分。有因劳而至逸者。谓之静。有因逸而至劳者。谓之动。静。道也。动。魔也。然动非外之动。静非外之静。虚无者。乃静之机也。苟能心静而身动。则可以知魔道之微。其谓魔反是道。道反是魔。皆人心无慧见。疑团结就耳。此等之流。路途认错。偏性偏情。乃自堕者。安足与语。

魔曰。守一之中。则可与天地竝。世之道多矣。有邪道。有正道。则安择乎。则何以知其邪与正乎。不若不信之为宜也。

道曰。守一之中。与天地竝。此太上之言。正所谓道也。世之道一而已矣。宁有多乎。道惟正而已矣。诟有邪乎。邪者即魔之用也。其知之鉴参乎理。其信之心存乎天。故三圣人之教。其有同异之分。在行事上看之耳。若心则未尝稍异。今之人信佛者背圣。尊道者辟佛。俱由夙根浅薄。未明天地之理。不知三圣人何曾有分也。若是一偏者。即谓之魔也。

魔曰。三圣人之教。人人知而尊之。独三圣人之用。则又不能使人无疑。其他不必言。如尔纯阳之道。依于纯阳。其自称曰回道人。分明以道自任矣。今观汝得道以来。已多年岁。其隐见世间。种种不一。闻而信者。十之一二。见而信者。十之二三。其见闻皆未信者。十之八九。起人之疑端固已多矣。独降悬笔事。令人触机恍惚。若有若无。信者有之。疑者有之。其疑信交半者有之。刺刺终朝。说不尽千万语。而人未尝遵行一字。况善恶之报。虽言之凛

道曰。

禀。而观诸影响。又属佞虚。矧托诸三寸之管。而假马子之请。以一几之窄。而批数千之语。一请即降。闻召即临。又求画求字者。挥毫而不拒。岂一池之墨足敷若是之用乎。片刻之下。能如此之多乎。且人又不能眼见。而尚有尘凡之隔。隐见之间。虽欲谓其人曰。尔诚。尔无欺。尔诚则德汝。则道之不远。则报之不远。尔忠。尔孝。示尔悌。示尔信。人之始终奉其言而行之者。我魔实未之信也。夫知是纯阳而犹有为未必然者。况疑非纯阳。而欲遵纯阳之教。岂易得哉。魔固知纯阳之道。实有愧于我也。吁。佛哉。醒一贯之机。而充诸宇内者。仲尼也。悟色空之相幻。而归诸无生者。佛子也。宣太上之好生。泄还丹之奥旨。立宏愿而指迷者。纯阳也。纯阳之道。度人而已。不能与三圣人竝。但三圣人之道。纯阳固不能谢其为无知也。夫隐见者。即道之用。道也者。岂尽托诸隐见之中。人不我信。而尽我功行。庶上帝无责。而完我之夙愿也。降笔临坛。虽云不可测。而亦有可测者在焉。夫当空一日。光散万川。虽破室蓬门。未尝不照曜。岂以一几之窄。一池之墨。而批数千之语。为疑惑之端乎。苟如蜉蝣伎俩。五字捻须。则灵魂犹然可逞。抑何异于仙凡之隔也。若假马子之手。因请即至。闻召即临。此因縁有在。抑岂尘情之易测耶。嗟今之人。曾有未及马子而疑马子者。吾不知其何也。至于善恶之报。有极彰明处。惜人未之觉耳。不然世之高车大马。安享遐龄。而穷陋夭亡。病灾莫数。曷由而来也。抑旦夕之祸福。何由而生也。岂天预以其报。语于人哉。可知佞虚影响。实非佞虚也。若乃字画淋漓。亦兴之所至耳。虽非与笔墨争横。聊示烟霞逸况。然亦各有意焉。非无为也。嗟呼。婆心空切。魔道同舟。枉吐青莲。谁生觉悟。知我纯阳。疑非我降。不知纯阳。降亦生疑。道之不明也夫。人也。道之不行也夫。天也。魔乎魔乎。将安除乎。其信吾道可也。其不信吾道亦可也。

魔乃喟然曰。圣人之道至矣。魔不敏。敬谢闻教。

杂说二十二则

圣人济世。以切世之急务。应时之要则。如劈面一针。临波一犀。不复赘论矣。故太上说五千言而辞尹喜。佛老立一指禅而归涅槃。孔子治鲁。三月而行。此圣人济世之良功也。如道人婆心普愿。掉舌鼓唇。说法传经。敲诗绘素。借世人之贪爱而度之。假幻相之好恶而化之。道人之感。应于众生者。亦要众生猛悟于道人也。嗟尔众生。犹不谓然。以道人之婆心普愿。则曰慈悲。掉舌鼓唇曰妙用。说法传经曰未解。敲诗绘素曰不足。如此终朝。贪爱愈增。好恶更长。道人宏愿无成。口过自染。一切婆心。皆为虚诞。以度世之道人。作尔侨戏谑之墨客矣。于戏。道人驻世千万载。悠悠放浪。何为不可。但众生百年岁月。前去几何。道人说话未完。恐众生不能待我矣。虽寻声赴感之大士。普愿垂慈之道人。只可吊白杨而悲狐穴耳。又有何功于众生。道人手倦舌干。婆心尽矣。又何复与世伍耶。且尔辈以流传即功德。以诚信即皈依。欲求猛悟修持。热闹场中。吃一剂清凉散者。千万之中。一不可得。道人又有何面目称度世耶。乃今列名者虽有七十。遵崇者不过三十四人。仅可度者七子而已。如七子始勤终怠。则亦吾末如之何也已矣。故曰人心险于山川。难于知天。欲引道机。先除魔障。试之不懈。始与道谋。然道非真功德则不可。如一念一举。当乙太上感应篇功过格为则。时刻登记。功竣一千。叩坛自有直指。若能行三千善满。亲度有期。岂仍以隐见之间。为凡情之莫测耶。如仍悠悠忽忽。顾盼寻常。失此缘机。后追莫追。

又

修功立行。三教中第一法门。惟行立则过自寡。功修而恶自远。故曰。过恶不生。而功行两立。所以古先圣贤。出人头地者。务在寡过去恶。恶念不生。则善行自足。有志之士。欲求道而归正觉。莫不从功过上着力行来。惜乎叔世之人。视为迂阔。自堕下流。或以善为仇。而终身行恶。或有知善不为。而恶念难除。或以怀谋为得计。或以背理为无妨。未举心而先商利己。初发意而已属欺人。诞语诞情。不义犹称有义。既奸既诈。亏心自谓无亏。伤哉淫虐日增。而天人不惧。悲乎孝忠罔顾。而廉耻莫修。间有小善之流。外耽声望。内愧瑕疵。未勉寸修。先矜己善。欲期实行实功。难谓谁非谁是。是以只得把功过一端。从新

说法。天之报应。固自不爽。第三千之约。八百为期。初有视之为易。而不知进之甚难。苟能知其难而行之。又不自觉进之易甚。无他。在愿力何如耳。故积善之道有三焉。有行其善而不知其为善者。有行人所难能之善。而不自以为善者。善之善也。有知其善而勉强行之者。有行其善而存其念者。平常之善也。有图善之美称。必行人所知者。有小善为之。大善则不能者。有过不改。第行善以希福者。不善中之善也。善之一念不同。彼苍之报应有别。亦各从其所修轻重而应之。夫何有虚也。然人不难自奋。所谓苦海无边。回头即是彼岸。果能于不善中之善。渐至于平常之善。由平常之善。勉而进。又何难不至于善之善也。人苟至于善不知善之行。则浑然天理。古圣贤无异。乃功行充满之验。抑何所求而不遂哉。功过格传世已久。因果之报。太上感应篇。俱已昭悉。但诸子向往之念。能自奋兴。庶不负道人度世之婆心。若以此为难。妄贪捷径。道不易言。言亦徒虚语耳。诸子图之。

又

万缘皆空。一丝不挂。不染尘情。养精育炁。如是受持。能为戒行。右戒。又

一念不兴。诸趣莫作。守其灵台。如水浴月。清光皓皓。映乎四区。

右定。又

斩魔断障。却欲消贪。洞然昭彻。万类不侵。

认得不错。守得不疎。行得不迂。进得不怠。

右慧。又

处纷不纷。居乱不乱。神清气逸。总出自然。虽遇物而以物应。中不动摇。循循进步。

右静。又

回光返照。参破世迷。因言了觉。寸寸揣摩。不落人相。不滞人情。奋于自进。

右悟。又

不怠不燥。养气养元。调和内外。运以阴阳。形神牢固。

爱欲力降。此心如死。忘机可以成道。守一可以得仙。

右炼。又

苦志苦为。既进复进。苦不辞苦。进不辞进。开门若闭。对面若无。

外行善事。内耽善行。依功恒习。遵谕敬持。忘其尔我。纯乎道德。

右修。又

已知假合。解得源头。归源复顾。假应是现。

既假克除。真能可保。可保厥真。真亦自固。

右真。又

花落水流。试问当年司马。云收雨散。追思昔日巫山。守我灵台之镜。何虞幻泡之形。因果前生。原是今生所作。是非后世。还归斯世之为。悟得玄关之奥。参通尘障之疑。奔走风前。酷似阎君幌子。忧愁宇内。宛然魔帝招牌。视汹涌即可知扬帆之险。欲恬退乃能明采药之清。孽造由来。功成始去。梦中占梦以堪悲。形外逃形而发笑。止源伊止。静湖待静。静之可遇。止也宜求。后果前因。到头觉悟。

又

古镜一轮。照尘而碧。新霞万缕。处世而空。龙虎啸风云于物外。利名劳灵性于迷中。眼底慧光。疑于冷电。身中奥诀。误也寒飈。樵沙岁月已将期。忠孝人天何咫尺。披恒古不阐之玄。悟于今未明之化。道人饶舌。莲蕊含羞。世子忘机。桃香吐艳。果能奋羽。恪守吾规。弃凡碍于蜉蝣。了正觉于鸾鹤。将见白云绕膝。青杏罗胸。忠孝既全。生死顿了。谁谓顽石不可点头。枯松弗克青老耶。

又

鹤长凫短。人生事业不齐。蜉蝣死蟪生。世界悲欢莫测。竹叶无忧。醒后中山已老。黄花有约。归来上苑才春。白云牵去野心机。丹凤尚然饶舌。青牛会来初智慧。紫霞即便回头。鬣鬣烟中古丈夫。秦之小役。浮沉石上老毛女。汉也闲仙。视形体之无无。知而且悞。了身心之默默。悟矣忘情。孤鸾衔九极之霓。洪水泛三元之境。功名富贵。碌碌红尘担子。干坤岁月。忙忙黄土婴儿。愁冢上之丝萝。怀花间之鸟雀。太虚有尽。本愿无穷。忆美玉之烟。蓝田日暖。怀真金之色。赤水风柔。倩我同人。愿君合道。

又

古有观于渺介山。夜如昼月明。吾侪尝宁止焉。东坡自宋。乃从华山寺西一真皈吾。今尚在。

又

道者就是这个。这个本无言。若求说这个。这个即是这个。

又

昔吾修炼于云房石室中。立誓愿而证果。今隐见世间已屡。惜诸子犹不敏。奈何。

又
浮生大梦。何以能醒。本来面目一错。刳刳报还难赎。故当空一点。应作如是观。

又
终南鹤岭多异树。直者耸天。曲者环谷。中有虎兕栖止。风生时山鸣林吼。有道者则恬然。否则阮途。

又
炼丹先须炼缘。不然试鸡化凤。主人犹然不得。名曰丹奴。

又
吾徒虽多。自何仙姑而下七十八人。今成道从青城丈人游者居多焉。粤西恒有遗迹。世可采。

又
遇庐则居。遇钟则叩。八字足了万世之因。今道人饶舌多矣。尔济不悟。尚曰再问问。呵呵。吾亦不解。

又
学道者原不在山。处世尘。隐金马。方是大修行人。故曰山惟静而已。

葫头集下

渔舟（以下五言律）

富春人不见。欸乃度前川。短棹穿波月。长风破水天。
歌邀鸥共唱。醉拥鹭同眠。借问功名客。曾知秋水篇。

示止源

泫月悬波碧。瑶琴落风声。丹归南岭雪。鹤到上林鸣。
静里天原大。闲中性自清。蜉蝣何足惜。石已是三生。

寒暮

万里晴空魄正圆。隔帘灯影鬪婵娟。声声栖鹤千年树。点点归乌一抹天。
剪剩寒光云出岫。荡残晚色水生烟。乘鸾此际来坛语。极目乾坤一缕禅。

止源求诗咏此寿意（以下七言律）

山老云轻几代秋。白头仙迹永悠悠。谁将玉谕传佺鹤。我为金书跨碧牛。
长啸一声天地大。狂歌九极凤凰游。壶中说有绵绵界。欲子偕吾遍十洲。

仙况二首

山骨嶙峋月蕊飞。伯齐休采紫云薇。玉台一弄佺黄韵。金阙三敲太上闾。
道里烟光吹九极。袖中蟾气放千辉。遥梅肯赠于今梦。落得青霞补绛衣。

其二
万山招隐片霞孤。双鲤沙前酒一壶。峰插破云天补色。月妆新黛水描图。
烂柯堪老多棋癖。涤器奚童胜酒徒。三楚六朝何所惜。好来溪上伴鹈鹕。

还丹奥法

玉雪宜人凤鼎清。黄芽初秀月初明。云烟远上三千阁。龙虎高闻九品经。
姹女多情频醉鹤。婴儿无语怯啼莺。醍醐既旨花休笑。放浪炉头听汞鸣。

坐卧

坐卧忘机剑影孤。灵元一点合丹炉。乾坤有象书千卷。岁月无知酒半芦。
唐世烟霞凝汉洞。秦家桃李映苍梧。浮生解此毫端意。归去来兮大丈夫。

示通源

瓔珞莲花法雨香。漫寻三昧放毫光。广长舌上生圆觉。清净身中作会场。
宝镜欲飞西土月。石幢犹撼北台霜。劝君参透菩提路。摩顶皈依我法王。

幽况

山高不碍白云深。长啸归来和鸟音。日暮天空闻远磬。月明松响听遥琴。
苔茵雨过春新了。桃李花飞色不禁。三辅五陵谁有梦。野人行乐只山林。

示引源

十年精进瓮中天。今日耐心始合缘。月钅钩钓君离苦海。道机拨尔入微弦。
筑基好尽三三法。炼己还宜九九先。梦觉羲皇西水碧。归来满目是银蟾。

示佘源

空林皓月拂松萝。崦外泉声和鸟歌。三十年间清静法。九千里外有无河。
佘关未破神先壮。紫阙初开气自和。但得重楼蟾脱壳。始知灵谷转轻波。

示渊源

肩横一剑醉斜阳。笑指天低水未长。甲子不言方是觉。庚申既悟始知香。
烟云拂地千年药。婴姪窥炉万载昌。饶舌夜深题数语。嘱君入梦自思量。

示全真守斗三首

深山清静总枯禅。龙虎关头始是缘。明月照人白雪固。黄芽入鼎紫霞坚。
默存我气云中剑。淡悟佘风水底天。遥指池台生法相。枯槁汲透井华泉。
又

龙虎关头静里为。枯禅无说却何之。枯槁本是身中汲。干坎还从心内施。
滴滴醍醐摇玉液。涓涓雨露洒金枝。虽然清静成佘诀。只恐工夫下手迟。
又

心口原因我有身。无身心口总非真。若云心口能成道。岂说乾坤自合神。
明月眼前浑是旧。晓风林外忽然新。皮毛谢却灵根在。始悟桃花解醉人。

示津源（以下五言律）

静啸非关动。闲吟自合仙。淡烟凝碧汉。新雨锁明川。

题像二首

挥尘谈天地。凭虚识古今。一声长啸后。烟水满胸襟。
又
我有松风卖。世人买得无。黄金三万两。与尔一葫芦。

偶吟二首

开落花前梦。真空物外情。云衣风卷碎。月扇水摇清。
又
今古山河地。装成一线图。浩然三界外。四大敢拘吾。

山僧

明月高藜杖。清风冷衲衣。竹深庐不见。独自引云归。

广莫

广莫春千丈。忘机鸟自栖。人间桃李树。一任燕莺啼。

枕石（以下七言律）

松风醉耳两忘机。琢得云根仅半围。高卧不知尘世热。醒来冷眼看花飞。

偶吟二首

拾得乾坤一袖装。裁成诗料付奚囊。方才敲罢三千字。透出森罗万象光。
又
屈指临风且慢思。昨宵今日总无知。邯郸一觉谁先醒。谢得黄鹂叫绿枝。

题像五首

草衣木食洞天春。古剑横肩炼素神。一个纯阳犹自幻。霜毫化作万千人。

又

不朝金阙不安炉。冷坐烟云入画图。昨夜颰风翻北斗。还丹应自转工夫。

又

放出葫芦太极光。云团剑影剖阴阳。灵台已结三三药。透破泥丸遶帝乡。

又

独上昂云弄碧丹。清风八极剪衣寒。笛中无限恁恁诀。传与浮生颠倒看。

又

今古尘机随笑笑。乾坤变态且看看。个中鹤服羞轩冕。醉里渔蓑冷碧冠。

偶吟二首

万里乾坤一瞬间。风云紫气度玄关。月华光满犹云幻。笑指东皇醉碧山。

又

刀圭醉后月华生。八八青龙万里鸣。姹女带花横宝髻。婴儿邂逅更多情。

绝句二首

草衣木食不知年。一粒龙丹始悟玄。谁把居诸双弹子。随人碌碌逐尘烟。

又

倒控沧波天影肥。澄澄入镜鸟斜飞。石钟惊破沙前月。指与浮生慢悟机。

仙术

瓢盛明月口吞天。袖有骊龙吸紫烟。唤醒昆仑憨睡虎。教他莲座听新禅。

金丹

武夷鸡犬白云乡。八卦炉烟结凤凰。水火未交天地合。个中七粒九阴阳。

清溪

清溪未月光来。花里禅机次第开。只守心猿休放鹤。五云应自聚灵台。

两丸

两丸日月一团天。敢与吾侪论后先。笑杀元皇分正气。安能知我未来前。

醉仙词（以下杂体）

谁把银河皆酿酒。请月邀云。迷透一天星斗。雾掩罽罃。霞舒锦绣。雪卷虚舟。记汉阳秋树。酡叶缀丹邱。散发徜徉。黄冠倒履。花影盈头。吸百川而长鲸低首。卧六合而鹿麋双修。风姨月姊笑我无知叟。卖药人归。多少杖头钱。问织女。访云帘。再沾他八斗。任干坤合璧。日月转丸。酣眼蒙蒙。杯罍休离手。玉皇政务苦相催。去否去否。

偶作

赏心乐事。问如何消遣。对春风飞落。古剑横肩。么么小子。相与戏翩翩。傲干坤可否。谁怪云烟。情淡去。世徒然。黄发垂髫几变迁。行踪谁认蓬莱渡。弱水三千空漏船。君不见萧萧白鹤羽掀天。笑杀流莺空宛转。

畴昔词

畴昔之昔兮鹤徘徊。我游汉水兮江之湄。携铁笛兮云中吹。欲醉不醉兮倾霞罍。狂歌不歌兮更倩谁。长啸一声兮天地摧。浮沉万类兮终胡为。敢曰雄才兮物推移。待予调羹兮何所之。相与子期兮黍离离。将驾

长风展天垂。

戏作道情词

玄机无奥。世人自认为虚渺。三五百千。归来多少。说甚么元皇气巧。总只是人情颠倒。问而今眼底慧光。胸中电影。可曾知道。西江有月。东土有舟。可能直泛蓬莱岛。黄龙有像。白虎留形。只都是强名之窍。笑浮生碌碌朝朝。枕黄粱未知惊觉。任大梦无亏。方能悟长生不老。嗟嗟。那时迟了。今日个叩回道。明日礼回道。呵呵。令道人徒吐道人道。我也不知谁个能通晓。今试以降笔临坛信有无。温良一服谁饱。劝世尘须当一扫。

示津源

树影遥青。泉声触石。中有野士。头蓬脚赤。徜徉于无何有之乡。笑傲于梦幻影之世。天高尺五。道满大千。总不信谁非谁是。乐烟云未老而我何逝。更不假变态本因。违太上之旧志。看桃花还落汉唐春。那丁郎鹤返。余得城百雉。鸿雁唳空天。千载人民莫识。最羨取河上老人。合金丹而醅醺且旨。具双眼视破其间自然始终。

书野韵于燕山驻云堂调山花子

云散天光鹤一只。归飞洞口是尧时。文人正欲咏瑶辞。桃花解语千秋梦。绿水知音四海笳。野童他也会吟诗。

道情曲（以下曲）

步步娇

梦幻茫茫花开卸。乱杀沧桑月。休言今古。试看一瞬干坤。千秋吴越。若邪又何耶。梅花冷淡人生业。

沉醉东风

望咸阳残霞剩阙。惜商山流云断碣。倩花神影漫遮。线儿春拽。锦屏忙鹤丝鸾颊。余红褪也。狂莺那些。任羽化南窗邀醉蝶。

好姐姐

莫怜渔蓑晓夜。曾钓尽英雄兴灭。谁可以忘机。炼黄芽。调白雪。冯大块生枝节。我昂然自决。

月上海棠

何饶舌。秦讴赵舞生生孽。惹花脂燕韵。凤雅龙奢。惜夭桃红雨轻盈。况蜉蝣绿云抛撇。利名者。似黄鸟春歌。杜鹃暮血。

五供养

黄金跃冶。紫腾腾秀色。箔我难些。葫芦倒控阴阳设。云姨月妹烟霞姐。好伴我三皇旧客。任人老韶光迈。那些些。君不见松涛惊起瓦棺蛇。

玉抱肚

青牛力怯。怕函关夜度。惟依洞月。弄琴樽千壑酣云。坐巖岩半林醉叶。琼妹欲遣鹤迎接。柳烟休管人离别。

水红花

虚脾套子因谁设。顿误这流连豪杰。总然宠辱三生结。何堪卸四生周折。不信罗浮旧恨。何处芙蓉榭。吊东山悲太液也罗。

双声子

丈夫能自烈。世事随蛩咽。铉机好对梅花说。再休题玉箫有愿同衾穴。

尾声

大鹏既把扶摇接。一任他鸬鹚暂借。我且剪青轮聊披写。

渔乐曲

步步娇

矶上羊裘谁为杰。自在桃花月。轻舳任近除。趁着云片风丝。烟波帆叶。兰桨击龙蛇。蓼花何处芦飞雪。

沉醉东风

汉宫春笑他兴灭。隋堤柳催人离别。琼花也今在耶。何曾开卸。只落得东风周折。渔竿影斜。渔歌唱些。然楚竹尽醉寒蓑夜。

好姐姐

追思人生事业。千万载无休无歇。又谁知韶华。瞬息间将伊撇。只落得白杨月。照荆棘断碣。

月上海棠

再休说。桃源怕也成罅穴。看洞迷猿啸。花落云遮。挽丝纶霓影摇摇。卷波涛龙光迭迭。休披写。鸥懒沙汀。燕栖台榭。

五供养

幻哉梦也。忆邯郸最怯。枕畔豪奢。何时解说。羲皇蝶。肯种幽兰开绿野。效彭蠡湖天放楫。伴鹿鹤忘机矣。运河车。更好觅龙虎金乌作采接。

玉抱肚

东山旧谢。恨堂前燕去。平常庭榭。八公山鹤唳寒江。九嶷竹凤鸣春月。谁凭法相了些些。鳌钩历尽英雄铁。

水红花

渔村遥与蓬瀛接。好宁贴。参他黄白。一声款乃各相协。野歌儿深通道诀。西岸咿呀暮影。直把孤星射。两相呼堪停泊也罗。

双声子

洞庭春自悦。兴废谁能彻。渔家骨肉由他拙。任你文章侠气浑石画。

尾声

王侯富贵休称说。试问金谷当年罗列。怎似那钓老烟波渔乐也。

葫头集原跋

紫极帝君。自庚子秋显化燕山。历冬徂春。凭三寸枯竹。唤醒群蒙。随声响应。靡不备至。时而一日数临。时而数日一临。杳杳幻幻。不可思拟。至则辞赋数千言。细素数十幅。曾不转瞬立就。观者莫不咄咄称奇。盖自有生以来。不独见所未见。而实闻所未闻矣。始夏关中郑子。不忍以亘古奇文。湮没不彰。欲汇梓行世。大抵向来被人持去四方。无从搜集者。不知凡几。政如黄鹤一去。不可复追。至于批判吉凶。随事问答。亦槩未录入。兹不过因时唱咏。书笺题画。盖存什一于千百之中已耳。以吟风啸月之词。吐黄芽白雪之奥。长歌短韵。悉寓至理。世人获读此编。所谓饮沆瀣者膏粱成秽。服云霞者绮谷生尘。因文起悟。忘言索真。其在斯乎。若徒以琳琅戛击。助艳词坛。则三百四始。并垂六经。圣人亦何乐乎有是哉。

四月吉旦弟子镜源敬跋

又

帝君以紫极之尊。而降红尘之笔。须臾百幅。顷刻千言。字画尽龙凤之工。诗歌寄金玉之奥。闻者骇之为异。见者叹之为奇。信者班班。疑者种种。总皆以物遇物。未尝以神合神也。况嘈杂之际。奥旨缤纷。阅甫未完。分持四去。求其弃凡。碍于蜉蝣。而悟性命于笔墨者。不亦难哉。余以蒙昧无知。未明至道。但见帝君千万语言。每每以忠孝为体。以道理为用。阐教本之中庸。见性出乎异说。诗而寓道。道而合禅。不作一家之言。而尽三圣之用。真亘古之宏文。而当今之秘宝也。遂精心勤力。搜集成书。付梓行世。以公帝君之婆心。以开生人之正路。然成仙成佛。本非异人。为圣为贤。在乎人异。吾侪同此灵明。岂可以尘凡自甘。而以圣贤自逊乎。倘能打破疑城。力持慧剑。击道理之楫。驾忠孝之航。直破欲海之浪。而登蓬莱之巔。回视葫头。亦为赘疣。不几晒余多事哉。至于帝君传经传方之本愿。降诗降字之婆心。与夫马子之孝。众信之诚。则有诸真亲书之序。与诸子敬撰之跋在。余何敢哓哓。

顺治十八年（一六六一年）岁次辛丑蒲月朔居延弟子止源敬撰

第十五章

涵三杂咏

吕祖全书涵三杂咏小序

涵三杂咏者。涵三宫在鄂城东隅。吕祖飞鸾开演处也。自康熙壬午。演三品经。乾隆己未。演参同经。前后四十余年。凡临坛觉世。托诸吟咏。亦繁繁矣。或论道。或诲人。或赋物题景。皆率兴随笔。而不为声律之所缚。有流水行云。初无定质之妙。昔人谓邵康节。学通理数。故击壤一编。能穷神而知化。张紫阳识贯天人。故悟真三卷。能尽性而至命。以涵三杂咏方之。有其过之。无不及也。盖吾读杂咏而叹仙才之不可及者有三。速成。一也。自然。二也。深入浅出。言近指远。三也。其与清新俊逸。飘然不羣。所推诗中之仙者。有以异乎。读者知涵三杂咏之辑。虽别于前集。而不复存异同之见焉可也。

春日（五言律）

二月春光早。羣英尽吐华。丹崖生贝草。赤地产灵葩。
双凤腾红雾。六鳌放紫霞。广陵推盛景。遍处是虚花。

偶题（以下七言律）

一声长啸白云开。明月清风手自裁。映岛朱霞环野鹤。排空浊浪走奔雷。
黄粱未熟消尘梦。铁笛无音冷落梅。最是浮生难了局。空将妙谛属金罍。

夜吟

万籁无声夜正赊。乘风两度过人家。天光黯淡当清夜。烛影昆煌映碧纱。
鼓转渔楼三下急。鹤横汉表一声哗。从来只厌红尘事。谁向灯前问法华。

勉学

净几明窗不可虚。莫贪帙薄失居诸。但将经史三冬足。定教须眉一旦舒。
笔彩岂缘枯坐授。砚田当用苦工锄。老人于子无他赠。五夜藜光数卷书。

闲咏二首

振衣长啸出金门。鸾卫何须用虎贲。孤鹤带雏横汉表。双凫系足踏天根。
云中龙象疑无迹。空际嫦娥若有痕。俯视下方尘漠漠。不堪回首对昆仑。
又
万籁声消月正斜。御风直到主人家。老翁得酒情偏旷。稚子供花意可嘉。
裴几无尘聊试笔。寒修不火只宜茶。楼头谁是知音者。一曲清商付水涯。

夜咏

朦胧月色映清虚。鸾驭翩翩落御除。道法得时惟罔象。玄机露处有鸢鱼。
谁能静夜同参究。我独浮云与卷舒。若大干坤人懵懵。如何一个未情祛。

听琴

楼头雅奏指生波。鼓荡春风上玉珂。逸韵冷然追太古。母音淡泊得中和。
高山流水谁相赏。操缦安弦自放歌。但使人心都似此。那能平地起干戈。

月夜绣球二首

团圞玉蕊月中开。月下相看粉作堆。蝶恋香魂春梦稳。鹤贪素影夜飞来。
一枝摇曳三郎妙。八面玲珑二气才。检点本来真面目。莫教无事惹尘埃。
又
生香活色贮瓶中。默坐相参妙解通。一个囫囵未粉碎。几人彻底悟虚空。
因牵枝叶成顽象。尽洗铅华尚素风。万彙静中观自得。莫于皓首叹时穷。

秋夜

冰鉴悬空万壑凉。浮云散尽见清光。双凫掠月千峰静。孤雁嘹天一字长。
江上涛声雷夜吼。云中桂影兔含香。生憎老懒多尘思。看菊今宵有几黄。

月夜

新开宝镜素光涵。濯影流精胜十三。天际遥临因有约。楼头雅集不为耽。
尽捐色相成伉悟。独会盈虚是老憨。怪底诸生都梦梦。良宵徒自付空谈。

红梅

半着胭脂半粉匀。萧疏几点破寒津。诗成驴背吟魂瘦。春到陇头驿使频。
洛浦神人霞佩冷。瑶池仙子绛衣新。可怜只为贪香色。难向孤山伴逸民。

瓶梅

胆瓶注水浸梅花。花影参差瓶影斜。不似众香笼雾壳。空留幻质照牕纱。
冰肌玉骨全欺雪。冷艳寒姿却有瑕。只为色空空不得。至今余韵在诗牙。

腊梅

腊梅一似蜡般黄。耀眼精神琥珀光。庭桂较来宜减色。海棠开处惜无香。
口含鸡舌微微笑。衣染莺黄淡淡妆。此际问谁同臭味。相逢解语只花王。

夏日

阴洞清虚暑不侵。招来老伴着楸枰。风敲竹玉声声碎。露滴荷珠颗颗莹。
薜荔墙头凝紫照。水晶帘外罨青茎。红尘难到三山界。白昼闲消万类情。

静夜

烛影红斜照碧宫。寒宵谁许发诗筒。犬鸣深巷岑岑夜。鴈度辽天字字鸿。
万籁声消人静悄。一庭灯火物寥空。我将秘密偕君说。清汉光生远曜风。

元宵

吟风弄月到人间。风正无声月正圆。灯市宵中光尽散。星河夜午影常悬。
不从太乙分黎照。姑向涵三展法筵。可惜愚生多昧昧。暗中指点亦徒然。

寓意

荏苒光阴瞬息过。何名何利尚婆娑。青山不用金钱买。白眼凭他紫绶多。
野服芒鞋行处好。粗茶淡饭与身和。不然寻个幽闲地。构一茅庵是乐窝。

训人

何事劳劳死不休。为名为利在心头。要知造化皆前定。莫逞机心启后忧。
大地有缘能自遇。凭天付与莫他求。广行方便存阴德。无事区区作马牛。

啸吟

八九佐功此际全。大丹结就便成仙。五花聚顶通灵印。一炁朝元会帝天。
独辟乾坤持造化。斩新日月衍真炁。山中甲子原无尽。一啸蓬壶度八千。

秋兴六首

秋风动江村。夜静月黄昏。我将携岛屿。欲移向昆仑。
又
虚空杳无际。穆穆静何言。举首望冥漠。谁人问帝门。
又
啾啾寒夜虫。独自鸣芳砌。寄语怀幽人。含情杳无际。
又
万籁寂无声。独自展幽抱。岛上有白云。聊以适吾好。
又
阅经到夜半。素心聊舒然。归哉乐我趣。无以羁予天。
又
夜色含青嶂。江声送碧涛。可怜名利者。梦里正醺醺。

上元即事

紫气浮霄汉。红光射斗牛。金花飞灿烂。玉蝶满枝头。

行吟

云绕鳌峰顶。烟横鹫岭头。一声野鹤唳。撒手笑蓬邱。

漫兴

神仙最爱是楼居。闾里寻闲总不如。三五良宵应有待。同心自可细为书。

夜归

满天星斗灿珠玑。正好回舆坐翠微。鹤驭长空声唳唳。野樵何事不知归。

观灯三首

火树银花顷刻鲜。羡他巧妙赛飞鸢。只疑错认浮华境。徒惹山人笑向天。
又
一树银花雪几团。青灯灿处夜深看。玲珑巧琢天工影。漫点飞华落曲阑。
又
幻中作幻幻无穷。壑里藏舟即个中。试看艳葩随手尽。人生何事不相同。

醒世二首

名利驱人似火牛。几人平地把缰收。但思古昔英雄辈。那个功名直到头。

又

一日清闲一日仙。何须世故太悬悬。黄庭熟读勤参悟。白昼飞腾上九天。

偶咏二首

混迹江楼阅四旬。曾无佳偶缔良因。狂澜日见滔滔下。一柱中流枉费神。
又
遨游六合阅人多。都被区区两字魔。不惜见身为说法。醉中梦里奈他何。

契道

萧疎竹影拂苍苔。枝干天然云外栽。大道浑如形色类。静中自得慧心开。

觉梦

天风吹我到江城。万户无声犬不惊。可惜许多平旦气。都从梦里误平生。

泛槎

正阳偶约到长沙。一碧潇湘好泛槎。只为谈玄来甚晚。江涛夜静不声哗。

覈玄

天道当前无所名。玄关一点会真精。谷神只要常虚在。何虑玄玄不得成。

即事

烛烬香寒夜半时。谯城更鼓故迟迟。天风送得鸾舆至。一笑凌云任所之。

咏梅二首

宝鼎香生带紫霞。青烟一抹拂梅花。赏心不待春三月。雪里含胎异众葩。
又
梅花一度一回开。活色生香自昔来。总是本来真面目。年年不改旧根荄。

即事

三更灯火五更香。相伴幽人礼玉皇。静里寻真真要静。心从忘处至忘忘。

金丹

金丹灼灼彩光浮。直要工夫去取求。万壑千峰只一啸。这回便是白云楼。

示野航道人二首

名字缘何号野航。飘飘无定水云乡。主人牢把江心舵。耐等仙家滋味长。

道人又如何道

道人无古亦无今。一片正气塞乾坤。般若台边无阻滞。空空色相本来因。

论道

不识道。何为道。道无常。反为要。道可道。非为道。认贼子。走外道。道人不得真常道。空戴黄冠住名教。

示野航

野航子。又被甚风儿打到俺崖前。铁绳子紧系你心田。看你这斛斗从何处翻。禅中学道。道又参禅。那里是着脚机关。喜汝回头上我船。

又示野航

从前题。料汝不曾参到、方外人。先要去了烦恼。无明火。能将大地烧。须忍辱。百分方学得真禅真道。试看释迦佛那有一丝儿罣着。万古齐依靠。听我谆谆。自得逍遥。将心香一炷时插炉中窍。俺仙翁自然知道。有一日镜智圆明。性天朗现。识破其中妙。那时节功夫到。西天诸佛同来召。

大觉

鼾鼾睡。鼾鼾睡。尘世之中人人醉。醉里不知天地宽。昏昏醒醒只不遂。黄金累累腰下系。犹说当前不如意。战名争利何日既。劳攘终身难自计。我在深山整日寐。那管人间争战会。不强求。不越位。天翻地复由他际。阊门内外有消息。天南地北无穷戏。只要识得出处义。东山高卧无他虑。且去且去。归到终南还自睡。

放歌

踏月去。带云来。行矣且徘徊。短调长歌休着意。信手裁。夜静少尘埃。氤氲佳气疎棧外。喜沙净无苔。纵横彩笔全无碍。螺髻金钗。字字钟王派。万言倚马何须待。率天真一下千行快。敢云八斗是仙才。借清讴聊畅予怀。儿曹莫浪猜。说甚么八座三台。富贵功名都幻态。衣金腰紫冤孽债。荣华到底有成败。脱离浊界怎似我。海上蓬莱黄金为。阁玉为阶贝阙瑶。台琪花珠树都堪。爱此事亦难哉。忘情割爱跳出迷魂袋。真清闲自在。无害无灾。尔曹梦里寻梦解。那晓得羁网难开。休慷慨。莫乖乖。我行我是我心泰。我歌我和我和偕。行矣莫徘徊。

题像

这个道人。不言不语。清静无为。守雌独处。不去那海上三山。逍遥自在。却到此浊世尘寰。凉凉踽踽。咦。想是老婆心切。因此逢人便与。

涵三杂咏续辑

赞道

大哉无上道。普度众迷人。形声俱入妙。色相两相泯。断障除情爱。超凡证圣真。一诚勤顶礼。旧染自然新。

赞经

妙哉高上经。说法济沉沦。慈幢开地狱。宝筏渡迷津。光明常具足。体要自精神。万言须解悟。彼岸诞生身。

赞师

至哉太上师。法乳可充饥。道德参天地。阴阳运化机。济生宏己愿。拔死警人非。千生诸罪障。忏悔得皈依。

闲吟二首

一曲当年弄水滨。至今难觅是知音。清风常袖衣无缝。明月时吞物外身。不向浊尘分皂白。只于玄窍认根因。古今多少称名客。谁是东风旧主人。又
楼高最好接仙云。清影常随鹤翅分。夜静天阶声寂寂。春闲永夕意勤勤。觅玄只向玄中觅。求法须从法里寻。参透其间真造化。须弥黍米药壶盛。

示黔楚合会

飘飘鹤驭下天阶。仙仗千官不用排。星斗稀疏横汉表。香云缭绕散琼斋。静中自得真玄诀。梦里谁知妄念乖。度世婆心惟一片。清风应解老人怀。

示众修斗仪

灵文梵咒不轻宣。云锦囊中秘太玄。金光隐现含真炁。玉格精深定密诠。北极静从心上出。南辰随向指中悬。参来奥妙无多诀。自格支天宝座边。

示刘允诚邓信诚

不厌奔波出自然。几回来往驾云骈。化人愿力空奢大。度世心肠难弃捐。一岫楚云飞甸国。数声黄鹤唳南天。从今又惹尘嚣事。几许情缘担在肩。

喜黔楚合会

迷蒙法雨洒瑶阶。结篆浮空照九垓。瑞霭江城清汉水。福施黔域润山苔。
仁风应逐和风远。紫气还同道气开。笑指蓬壶跨鹤背。已知良会合三才。

寄示

鸾书两纸寄天南。为嘱吾徒属意看。玉勅岂堪沉画阁。慈航终拟渡江干。
常思请制情何切。莫谓捐金劫解难。几度乘云临楚会。数声鹤唳碧天寒。

示诚恕

世事浑如东水流。穷源须识有根由。但参性命安天数。不染尘嚣向上头。
坐破藤牀忘膝漏。磨穿鹊顶务心修。此般方见菩提种。流水高山静里求。

送允诚元诚回黔四首

盘桓高阁恋尘嚣。度世婆心自觉饶。踏遍江城风未静。听残玉漏夜还迢。
烛红摇曳成仙篆。香焰氤氲透紫霄。不是老翁贪浪迹。多缘宏愿未能消。

又
徘徊几度去还留。通道仙翁贪浪游。黄鹤吹残江上笛。白云仍照旧时楼。
为参玄奥惊人梦。欲醒痴迷喝棒头。此种机关谁解脱。相携共入大丹邱。

又
一唤痴顽一度难。几人钓罢舍鱼竿。青山妩媚长相对。白眼迷离早倦看。
不识修持忘种子。多因贪着属儒冠。堪嗟碌碌尘中者。终日浮夸祇自漫。

又
为度羣迷不忍归。慈航愿共白云飞。心怜愚子情何妄。舌吐莲华意岂违。
静听朔风如振铎。要参玄理速穷微。只因未悟元来性。致使仙踪不可希。

指示佐功二首

凝神默契静中玄。静里玄微一着先。劈破青龙头内髓。吸干白虎口中涎。
功勤子午分南北。气应盈虚定朔弦。无极本来无一极。参明始识两仪全。

又
九九玄功炼至珍。至珍岂用别搜寻。为贪迹象成虚幻。若觅全真识浑沦。
一炁本通三昧窟。两轮并运四时巡。须知此物原无价。养得灵明号至人。

示体恕二首

儒道虽云各一宗。究明心性本元同。桂林发迹先纯孝。紫府登名首大忠。
报国何分禄厚薄。爱民务要恤愚蒙。苗疆尺地皆王土。莫负贤良荐举公。

又
一篇俗语要深思。入圣超凡总在兹。前业已经推净白。今功又复注彤墀。
善以无私归至极。道惟成物措时宜。黔南半刺能威远。驻听中原五马驰。

示诚恕游黔

大道无言在本真。心篇娓娓紆根因。今时鄂渚规模旧。他日黔山气象新。
有兴趣时添兴趣。不精神处也精神。须知三教原非二。莫负玄元一派亲。

示诚恕还楚

雪压灵洞屡遨游。又驾翔鸾清水头。几片蛮云飞冻雨。一条碧练泛轻鸥。
全书粗就还须待。楚客言归信有由。堪笑贵阳始事者。征车不发任淹留。

七言律三首

白云飞渡楚江春。晴日鹤铃出紫宸。几处红霞铺瑞锦。绕堤翠柳欲生新。
钟声敲破迷人梦。梵呗惊开客子魂。旧日心情今日慰。孰云仙侣弃凡尘。
又
鹤唳一声下鄂城。西风吹送四天清。碧云净碾无纤障。坠叶飘红映晚晴。
宫庙肃雍人士静。鼓钟震响鬼神惊。中情欲话书难罄。为答黔南无限情。
又
凛凛朔风别鄂城。今宵又到武陵春。满村细洒蒙蒙雨。夹道平濡陌陌尘。
人事争谈新律吕。天时忽变旧嶙峋。一声鹤唳通云汉。剪烛焚香迓至真。

示人五绝句

云车阐法广无边。难遇凡黎秉志坚。今日仙栾特授汝。从兹演法度人天。
又
勤勤奉道莫迟违。仙道精微达者稀。总在一心清净妙。佛仙儒也此同归。
又
明明指点透玄关。要识玄关可炼丹。休谓乱沙容易得。大千世界此中看。
又
炼栾先要炼元神。不炼元神仙不真。炼到仙凡合一处。悟来身外别生身。
又
茫茫海宇炼乱沙。谁信飞鸾与风车。我欲通诚无识者。反瞋仙客有浮夸。

示吴一恕

满目云山何处好。此回须度白羊关。但寻花木幽深地。便是栖霞结大还。

临李务恕楼头

飘飘云路几盘桓。浊界昏昏不忍看。为忆当年攀凤地。老翁偷暇一栖鸾。

题宋真恕影

偶来楼上覩遗容。可是当年旧道宗。毋我原毋世上我。于今仙府看芙蓉。

元宵前二日二绝句

厥阁风清夜气凉。栏杆明月散云光。春宵何事千金价。赢得仙人鹤影长。
又
坐月三更谯鼓忙。幽清只爱一炉香。问予何事栖尘界。为度羣迷费主张。

示殷秉诚

金炉香焰有时烬。欲火奔腾无熄时。安得尘心清净也。漫将甘露染杨枝。

七言绝句三首

堪嗟懵懵世间人。振破琳琅苦不惊。试问几时归大梦。一张拘票便奔程。
又
星在天兮心在人。灵台列着众天星。若知星是何般物。皎皎稀疏天上明。
又
个中难觅一知音。夜静空教四壁清。鹤步有声谁听得。徒生两耳欠聪明。

予有耽坚难三韵有立赋者和之三首

欲招舟子意耽耽。稳把鱼竿放饵坚。得意钓来江上鲤。归家几道远途难。
又
片帆此去兴犹耽。满目风光好记坚。若道洞庭波稳否。北风吹送不知难。
又
夜驻彤云何所耽。漫言游子早心坚。此行且赋归来曲。一唱能忘道路难。

示徐峻诚三绝

龙戏云端飞瑞霞。花宫姓字灿金华。峥嵘头角须丰羽。莫道长安路尽赊。
又
看柳官堤日色温。马蹄芳草细留痕。风光最是金陵美。一饮琼浆步小瀛。
又
奋志图南翼早垂。莫教我马叹行疲。前途有景须寻去。此际韶光着意追。

示体恕二绝句

修真岂必在年多。正诀一闻出爱河。捉住无毛狞猛虎。管教玉液若清波。
又
虽然吐纳非真要。却使一身六脉和。自古大丹心性是。先天不失更如何。

示荫诚六绝句

微雨轻尘润九垓。白云漠漠障天阶。一声长啸开浮翳。稳驾鸾车到此来。
又
翠华两度武陵源。不识奇因在眼前。试把迷津频指点。休将好景浪传言。
又
上元灯火属何年。处处繁华亦可怜。珍重德馨绵世泽。藜光午夜正高悬。

又
漫道神仙爱浪游。几将尘世等丹丘。清宵指引靡他愿。愿在慈航渡浊流。
又
隐隐玄机泄妙言。已将真种露人前。宽心待取时光到。坐对金霞笑看天。
又
福地须凭心地修。栽培莫负好贻谋。磁基正是当前物。努力芸锄得大收。

示允诚六绝句

历尽河沙界八千。因缘之内觅因缘。慈肠度世原无了。宝筏频施几百年。
又
清尘风雨洒蛮山。驾得青鸾出道关。不为松花来赴会。多因指点破疑难。
又
客归楚鄂已多时。何事征车税驾迟。纂辑全书非易易。经年方许告成期。
又
莫道前言属渺茫。此中因果岂寻常。但教心志无生悔。自得通灵饮玉浆。
又
学道先须积善功。善功多积道缘通。知君夙有佐家种。今日提携岂浪逢。
又
且将 集细 看。好待缘成再付刊。鹤驭约于元夕会。漫将行止听安排。

七言绝句十四首

半天风吼势如雷。夜气横空浊浪催。江上涛声惊急渡。戏吹铁笛跨鸾来。
又
何事驰驱尘界间。岂贪浪迹学偷闲。只因未了众生愿。日日仙关闭不坚。
又
清钟声远漏声长。春霭行云湿楚乡。法雨故教新润泽。婆心终是为人忙。
又
一气分形本自然。圆明觉性合先天。谁知一落风尘后。万劫千生堕业渊。

又
 嗟尔羣灵凤障深。频将法雨济沉沦。从今悟彻原来性。业镜无形地界春。
 又
 道法经功师宝传。皈依信受顿超玄。自然释罪登仙籙。九九功成化白莲。
 又
 春宵漏永月华明。露浸琉璃万籁清。夜坐敲诗随兴起。高山流水是知心。
 又
 探佐谁识这玄关。一点阳精此内安。日月任他旋转去。古今不破浑沦难。
 又
 参透黄庭无点奇。此心默默有谁知。天根月窟无人问。满地春光月影迟。
 又
 云连此际到黔山。只为全书动我颜。鹤驾不辞天路远。聊挥仙篆满沙盘。
 又
 去年鄂渚一遨游。曾许门墙此地留。襄赞近来成胜事。伫风自尔耀千秋。
 又
 从来鹤驭不轻临。今日临塲为阅经。阅毕乘云归去也。青山绿水任流停。
 又
 涵三创制已多年。今日鸾镳发洞天。百万天兵随我至。世人那得识真仙。
 又
 我亦无心题道歌。偶为予门识我多。特把素心通一线。佐功总是运黄河。

长歌一首

步云山。踏破天关。扫尘氛。携月同欢。夜幽闲。清风响佩环。早倚着。高阁栏杆。听人把心性谈。要觅那来去机关。要打点何处回还。真个是艰难。古今来。磨过了多少英雄汉。有谁知这情端。那些儿识破绽。你只看天边明月。经过了几多晦朔圆残。终不改他本来颜。尚留得千古一团圆。今日里我寻月。月伴俺。他与我有形无迹多留盼。有景无心是大观。合我这浑沉一炁。共入蒲团。齐返西偶。冷眼把人看。

驾鹤歌

驾鹤来。驾鹤来。白云深处任徘徊。风凛冽。气幽哉。长啸一声江汉隈。清香遥接蓬莱界。辉煌银烛真堪爱。落尘埃。信步登楼快。纵金沙妙奥谁猜。恋韶华几人自在。说不破迷途业债。点不完黄金砖块。只落得老仙翁。盘桓无碍。叹梅花傲尽风寒。羡松枝犹如翠黛。笑人生辜负身材。七尺躯昂藏奚赖。怎能个朝天阙。骖凤乘鸾。怎能个游皇都。锦衣玉带。怎能个效汾阳。荣华寿考。怎能个追赤松。遨游无怠。看千古英雄。尽收入北邙土袋。空教人贪名禄。慕荣宠。孰知道光阴隙驹快。美景良辰难再。到头来。那有些儿随我也。不如去。访真修。觅一个清闲自在。

示体恕

鱼声敲响诵灵文。字字清兮我心欣。不信边方偏重道。九天雨露殷殷。此一会。继前经。实为浊界所稀闻。敛凡财。何足云。至敬至诚深可亲。上帝明明。百神赫赫尽通灵。羣仙拍手呵呵笑。予门有这底法嗣礼数勤。也奉儒。也奉真。修补前缘今世因。学佐关一窍在中心。百脉呼吸。由此透佐津。默默运。孳孳行。百日功成不苦辛。这一关。颇无形。降尽天魔野魅惊。炼子精。守子情。大定之时心气平。百脉宁。三十六宫总是春。笑也笑。瞋莫瞋。瞋心一发。堕在修罗境。瞋火起。且消停。默运黄河水一澄。火敛焰。水上升。汨汨吞来胜宝珍。瞋时须用强军伏。静极安恬勿用兵。兵能驱邪厉。静极便修文。九还只在一心炼。七返何须向外寻。旁门错悞许多人。祇此一篇话。功要细细论。

示人

我欲寻仙作侣。茫茫四海无真。今朝得遇有缘人。好把乱沙相赠。洵属道缘深厚。将来不让行诚。西南开阐得斯臣。正是予门深幸。

示众

人事几回扰攘。俗情无数纠缠。
看来世事许多般。总被心猿羁绊。
利锁名缰不断。坟茔风水求安。
病来不识保真元。屡向仙翁祈算。
笑逐雪花飞舞。喜随风影团圆。
任教马劣与猿顽。守我黄房自叹。
叹彼尘劳梦梦。争求执着成贪。
为儿为女不心闲。几度光华虚诞。
人生能有几时欢。趁早回头是岸。



第十六章

吕祖宝诰

序

自道经丕传。凡上帝诸天真。宰列宿咸有诰。或述功行。或称愿力。或叙生平出处。使人诵之。晓然知所由来。而生敬慕之心。忆如天地明明赫赫。临之在上。罔敢戏渝褻越。诗所谓上帝临汝。勿贰尔心者也。惟佛菩萨经无诰。季世应真。于法事科仪。据经作诰。以为归依言顺之词。至于吕祖诸诰。则皆龙沙显迹。飞鸾自演。尤为灵验。凡所祈所求。罔弗克遂。更有诵持既久。降神现相。明示道要。证果仙真者。洵度世之慈航也。世人苟能专心致志。诚敬弗懈。则感应道交。自获不可思议功德。祈福禳灾。其余事耳。

义陵无我子刘体恕敬序

一

唐朝秀士。家室垂绅。号为纯阳。派列洞宾。身穿黄服。头戴蓝巾。枳扇根根藏造化。丝绦节节定乾坤。天地视之一粒。万物渺如微尘。饥餐山柏。渴饮涧清。产体于中秋之时。八月四日降神。炼丹于季春之候。三月十八日修行。证果六阳。谁识仙体。飞升九月。实我功成。受正阳之秘旨。作大罗天之天真。任凡间迅风骤雨。随朝市白昼黄昏。只管我伐毛洗髓。不受他利锁名绳。功名富贵。视如浮云。举世皆沈迷于酒色财气。惟予能参破乎清静玄门。黄鹄矶头。曾作卖桃之客。洞庭湖

口。素传度柳之名。古今称羨。华夷感恩。济人利物。起死回生。至聪至明。至仁至圣。启玄阐教。收缘就劫。上终南山。中方上八仙洞。吕太史纯阳家主。正阳一派天尊。

二

至心顶礼洞中仙。求得灵丹度下凡。如见尊颜来蓬户。不厌苹蘩与菲筵。降下青鸾飞渺渺。骑来黄鹤羽翩翩。黄服蓝巾枳扇子。一瓶葫芦系腰间。饥来不爱人间食。渴后惟贪饮涧泉。功名富贵犹云逝。利锁名缰脱苦关。朝朝暮暮闲游视。观见众生实可怜。刀兵水火流亡厄。老幼沟渠骨障天。有难急急求拜祖。叩之即应护身前。若要求男并求女。投诚归命赐儿传。若祈常寿登仙果。至诚礼拜得增延。若逢病患缠绵汝。焚香恳祈即速安。路中急难无求救。殷勤叩祝在身边。即时请来即时应。随刻呼来便降坛。发下大愿三十种。第一愿结众人缘。老祖原来不负汝。汝亦念念把心坚。太上敕吾来度世。律令敕汝土神言。一家须保无灾厄。成就上帝济人丹。纯阳上洞真人。兴道护世。收缘救劫天尊。

三

慈肠度世。体天行道。位居震宫之上。法演无极之妙。道包天地。德冠古今。本来先天之质。复产下界之身。圣父获丹药而得孕。仙母凝紫光而诞体。八月初四临凡。四月十四上升。作人天之眼目。为三界之医王。以干坤为住宅。得阴阳为配偶。胡海长作杯罍。山岳每为碁局。日月是灯炬之光。星辰运百脉之灵。大道难穷。微妙莫尽。大悲大愿。至孝至慈祖师。三教主宰弘仁普惠帝君。

（本段所记载相关期日与一般传世经书不同。）

四

咸通及第。赐宴琼林。受君命而两坐琴堂。避巢兵而一家归隐。终南遯迹。山麓韬光。文章饱蕴于心胸。道妙包罗天地。鹤行龟息。金骨琼肌。受正阳之秘旨。作大罗天仙。九转功成。十年苦行。体太上好生之德。为玄门不老之宗。三醉岳阳。度城南之枯柳。几居黄鹄。卖普济之仙桃。大悲大愿。大圣大慈。敕封燮元赞运。祖师纯阳。演正警化孚佑帝。兴行妙道天尊。

五

玉清内相。金阙选仙。化身为三教之师。掌法判五雷之令。黄梁梦觉。忘世上之功名。宝剑光芒。斩人间之妖怪。四生六道。有感必孚。三界十方。无求不应。黄鹄矶头留圣迹。终南山上炼丹砂。存芝像于仙岩。显灵踪于云洞。阐法门之香火。为三教之梯航。大悲大悲。大仁大孝。开山启教。灵应祖师。天雷上相灵宝真人。演正警化孚佑妙通帝君。兴行妙道天尊。

六

无极一圣。应化渡人。化身为三教之师。紫府掌纠司之令。性宗道德。体湛寂而真常。命藏东华。炼九还而七返恒河宝筏。道岸津梁。丹成庚月先天。法藏拈华正眼。了无四相。不到三门。功德洪深。人天示现。领玉清灵宝之简命。奉弥罗金阙之灵符。普度有缘。咸登正觉。四生六道。无不垂恩。三界十方。有求则应。劫超元会。果证圆通。大悲大愿。无声无臭。祖师天医上将。玉清内相。金阙选仙。灵宝真人。演正警化。孚佑帝君。兴行妙道。三五神德。一气真君。广济正道神人。九梵符籙真人。兴隆大道天尊。光圆自在通佛。

七

玉清内相。金阙选仙。建巍勋股肱宸陞。肃睿鉴品鹭仙阶。位奠金庭。衍神功于永。爵隆玉阙。昭圣德以无疆。悯恤倒悬。慈悲涂炭。救劫宗主。解难法王。弘教化于两间。光道德于千古。大悲大愿。大圣大慈。演正警化。孚佑帝君。兴行妙道天尊。

八

中天无上宫。三教慈悲主。继道统于列圣。垂规范于万真。演八品五品之奥旨。示仙子佛子之慈航。大哉正位蓬莱。玄功广博。伟矣。尊居峻极。复照崇隆。号令十方。金阙上宰。统摄五岳。为仙佛之宗师。惩咎褒良。消灾弥沴。大悲大愿。大圣大慈。开坛启教。灵应祖师。帝师无上慈光援引。纯阳演正警化。孚佑妙通帝君。兴行妙道天尊。

九

巍巍无上宫。渺渺清微境。至道无为。玄通昭灵应。综儒释道之全而统归一贯。合天人之撰而缪蕴三才。历恒河沙劫。广济群迷。遍大千世界溥施法乳。玉律金科。字字泄干坤之秘奥。龙章奉篆。言言示仙佛之筌蹄。阐发太极先天。津梁垂于弈祀。宣扬皇风帝泽。位诣超乎天真。大悲大愿。大圣大仁。玉清真宰。道极无为。至玄至圣。万气持衡。孚佑现化。三教宗师。玄元广法天尊。圆通文尼真佛。

吕祖宝诰终

附

柳真君诰

无上佐功。玉枢妙果。昭灵运于十方。运慈心于一切。开坛启教。赖宏力之护持。济困扶危。建殊勋之烜赫。受玉清元始之诰命。赞九天应元之神功。仁风遐畅。宇宙蔼春日之和。祥光遍复。天人瞻紫云而集。道极无为。佐通莫测。大慈大愿。至神至仁。左辅元化。无上极尊。玉枢右宰。宏教真君。

葛天君诰

中天主将。护法神王。燮理阴阳。一气转鸿钧之化。总核雷霆。九天普泽育之仁。运神功于广漠。显灵应于虚空。至大至刚。鼓舞皇风于三界。极佐极圣。博施法雨于九幽。警聋瞽之邪心。开屯蒙之正觉。威光遍烛。道气长存。大圣大神。大悲大愿。九天宣化。总司五雷。监正仙籍。功过黜陟。统帅江湖。行雨龙王。佐化宣道神君。万法佐通天尊。

王仙师诰

昔为洞宰。金证仙王。峨眉默运神机。宏愿力而灵光赫奕。崆峒受参大法。昭星象而神气朗开。瑞应佐都上品。身飞紫极层宫。三祷弥罗真境。发宏誓而宣化行仁。九叩太梵主天。演母音而救人度劫。监正南宫神事。握运西斗素天。慈惠虚皇。仁能佐老。大悲大愿。无上圣师。灵感教主。虚灵神妙。显化真君。

收录于道藏之警化孚佑帝君宝诰

至心皈命礼

唐朝得道。宋室开元。拜正阳而上辅玉皇。赐宝剑而下降妖怪。遍行十方行大化。默游三界救群生。总督九关传玉旨。护持三教阐金轮。九皇赞仰炼云砂。中天职理参辰曜。龙沙会上号玄师。紫府宫中居法位。宏誓未完。此心未泯。方方垂训。处处显神。大圣大慈。大仁大孝。敕封三十三天大法宫中。金莲台上。代天宣化。统领众生。扶理正阳。总督关教。华盖掌道大士。警化孚佑上帝。纯阳吕祖天师。亲身救劫。誓愿度人。真广慈尊。

至心皈命礼

萧宇玄臣。香林仙宰。道冠八洞金函。职奉三清玉敕。冰壶炼气。结祥霭于太乙之扉。星剑腾飞。印宝光于上枢之殿。纶巾贯巽德之风。羽袖本干元之体。采云芝。化金龙于玄鼎。成雾柳。变玉虎于琼铛。神贯日乌。气吐丹虹。精凝月兔。光开珠露。千霄醉鹤垂纶。法振五雷号令。飞鸾执拂。身为三教纲维。慧力开玄。威风摄崇。大圣大慈。大仁大孝。玉清协化紫洞持宗。天曹逸史。瑶池校籙。西竺明玄。北极梵宰。三界行人。六府选仙。灵通肇化玄都。孚佑帝君。纯阳演正。兴行持劫妙道济世天尊。

至心皈命礼

清内相。金阙选仙。化身为三教之师。掌法判五雷之令。黄粱梦觉。忘世上之功名。宝剑光芒。斩人间之妖怪。四生六道。有感必孚。三界十方。无求不应。黄鹄矶头留圣迹。终南山上炼丹砂。存芝像于仙岩。显灵踪于云洞。阐法门之香火。为三教之梯航。大慈大悲。大仁大孝。

开山启教。灵应祖师。天雷上相灵宝真人。演正警化孚佑妙通帝君。兴行妙道天尊。

至心皈命礼

玉清神霄。上府冲玄。灵宝雷霆。太行上师。五雷主判仙卿。一气自然。虚无通玄。度人无量。当太乙之权衡。掌九天之枢纽。大慈大悲。大真大教。三台无上真人。五洞名师。高上老纯阳。演正警化孚佑帝君。兼三十六雷神。管诸岳之神煞群仙。都领袖众圣之真僊。无上一气天尊。

至心皈命礼

巍巍无上宫。渺渺清微境。至道无为。玄通昭灵应。综儒释道之全而统归一贯。合天人之撰而繆蕴三才。历恒河沙劫。广济群迷。遍大千世界溥施法乳。玉律金科。字字泄干坤之秘奥。龙章奉篆。言言示仙佛之筌蹄。阐发太极先天。津梁垂于奔祀。宣扬皇风帝泽。位诣卓乎天真。大悲大愿。大圣大仁。玉清真宰。道极无为。至玄至圣。万气持衡。孚佑现化。三教宗师。玄元广法天尊。圆通文尼真佛。

至心皈命礼

虚微玄奥。静化幽冥。演无上之玄元。消万劫之罪果。降魔度世。立道超迷。功高上洞之雷司。德庇人天之世界。大慈大化。大愿大尊。隐显万方。逍遥亿国。兴天地之体。共日月之照。掌三十六极之仙銜。管七百八界之神册。立洪洪大志。度亿亿凡生。最高最上。广化广仁。玄玄应化功高普度。亿感大成。万正紫极真人。垂慈接教。伏邪警世帝君。兴行妙道天尊。

至心皈命礼

中天无上宫。三教慈悲主。继道统于列圣。垂规范于万真。演八品五品之奥旨。示仙子佛子之慈航。大哉正位蓬莱。玄功广博。伟矣。尊居峻极。复照崇隆。号令十方。金阙上宰。统摄五岳。为仙佛之宗师。惩咎褒良。消灾弥疹。大悲大愿。大圣大慈。开坛启教。灵应祖师。帝师无上慈光援引。纯阳演正警化。孚佑妙通帝君。兴行妙道天尊。

至心皈命礼

正阳一派。妙行降生。尊居金阙之中。位列震宫之上。佛号光圆自在。道称玄应祖师。忠诰孝诰立纲常。垂示道儒宝筏。性宗命宗阐玄化。指明仙佛金丹。十年苦行证果。六阳九转功成。游行三界。作尘世之医王。为上天之纠察。现妙相而摄服四夷。幻真形而引援三教。发下三十愿。愿愿度人。遍历百千坛。坛坛降笔。收缘救劫。锄恶褒良。普渡群生。超离诸苦。大慈大悲。大仁大孝帝师。无上宫主。纯阳演正警化孚佑帝君。妙通宏仁普惠帝君。玄元广法天尊。

至心皈命礼

无极一圣。应化渡人。化身为三教之师。紫府掌纠司之令。性宗道德。体湛寂而真常。命藏东华。炼九还而七返恒河宝筏。道岸津梁。丹成庚月先天。法藏拈华正眼。了无四相。不到三门。功德洪深。人天示现。领玉清灵宝之简命。奉弥罗金阙之灵符。普度有缘。咸登正觉。四生六道。无不垂恩。三界十方。有求则应。劫超元会。果证圆通。大悲大愿。无声无臭。祖师天医上将。玉清内相。金阙选仙。灵宝真人。演正警化。孚佑帝君。兴行妙道。三五神德。一气真君。广济正道神人。九梵符籙真人。兴隆大道天尊。光圆自在通佛。

另据他善本传述之吕祖宝诰

一

太上虚无灵应至尊。开儒释道教之宗。秉天地人才之政。经文纬武。超圣登真。掌握乎生死。号令乎雷霆。考察三十三天仙神功过。纠劾七十二地人鬼善恶。黜陟贤迷。增减禄秩。诛奸灭邪。庇正福民。纯德全仁。匡良济物。大悲大愿。大圣大慈。纯阳至正。宣化天同大帝。道法玄明仁极无上天尊。

二




万天星主。北极紫微大帝。奉元始诰命。眷尔纯阳道士。孚佑真人吕岩。三千苦行。八九玄功。广推救劫之仁。慈航普度。弘开觉世之化。宝筏频施。宣教东南。道法阐先天之秘。演经翼轸。灵章谢太极之精。兹当典务告成。爰颁申锡宠命。特晋阶玉清真宰。道极无为。至玄至圣。万气持衡。孚佑现化。三教宗师。玄元广法天尊。圆通文尼真佛。尔受兹敕。益励玄功。戴锡嘉命。




道

宏泓道者・出版項目

1. 《The One Minute Feng Shui》ISBN 978-141-209-178-7
2. 《Improve the Quality of Life》ISBN 978-141-208-281-5
3. 《Power of Feng Shui 》ISBN 978-962-899-482-3
4. 《尋龍記・堪輿與考道》ISBN 978-988-813-468-7
5. 《訪宅記・福德與富貴風水之用事》ISBN 978-988-813-495-3
6. 《香港龍脈新論》ISBN 978-988-808-195-0
7. 《神州風水》ISBN 978-988-820-612-4
8. 《堪輿道・與仙的對話》ISBN 978-988-813-430-4
9. 《丹法摘華發微》ISBN 978-988-121-285-6
10. 《香港風水與堪輿玄理》ISBN 978-988-132-940-0
11. *道 THE GREAT MASTER OF DAO-LU-JU
12. *呂祖顯化集
13. *道之傳，盛於呂祖
14. *人仙言談 ISBN 978-988-121-299-3
15. *老子* ISBN 978-988-121-298-6
16. *玄道合臺* ISBN 978-988-132-932-5
17. *人仙言談（第二部）* ISBN 978-988-132-948-6
18. *三教之師・呂祖* ISBN 978-988-144-892-7
19. *呂祖全書-上卷* ISBN 978-988-144-891-0
20. *人仙言談（第三部）* ISBN 978-988-144-896-5
21. *呂祖全書-下卷* ISBN 978-988-144-898-9
22. *道家故事（即將出版）

*號屬免費贈閱版





吕祖曰：
「要拯救自己真灵不灭永生，
必须修道，修道必须行道。」



道心发，道即行，
道心微，道即止。
一道行来度世人，
无为清静却埃尘。
三千立德丝厘过，
大澈还原得见真。

道觀地	港島區-觀名	地址	電話+852
	紫柏觀	香港上環168永樂街榮成樓9樓	2805 2106
	華玉講堂	上環文咸東街6號順發樓5樓1室	9889 1689
	通善壇	香港中環皇后大道中208號勝基中心7樓B	3105 3472
	六合聖室	香港德輔道西115號 利華大廈13樓CD室	2547 5459
	道德會福慶堂	香港西環太白台8-9號4樓	28710736
	純陽仙洞	香港西環新海傍街1號華寶大廈5/F ABC座	2818 7009
	六合聖室	香港西營盤德輔道西115號利華大廈13樓C、D座	2549 9106
	鼎信仙觀	香港士美菲路45號聯德新樓1樓6,9,10室	2819 3808
	清善壇	香港北角英皇道北景街恆英大廈19樓2號	2566 3138
	新明聖教	香港北角英皇道145號民眾大廈10樓B座	2571 8649
	泓澄仙觀	香港北角英皇道657號東祥工廠大廈七樓C座	2811 2771
	玉壺仙洞	香港北角英皇道379-381號14樓A室	2541 3852
	抱道堂	香港北角書局街23號美輪大廈18樓DE室	2563 2674
	聖明壇	香港北角書局街23號美輪大廈18樓DE室	2561 7230
	崇珠閣	香港北角繼園街1號B室	2563 3138
	雲鶴山房	香港北角濱海街90-92號8樓	2561 5143
	智玄精舍	香港灣仔駱克道395號2樓AD座	2573 6079
	善玄精舍	香港灣仔駱克道348-350號恆發商業大廈3樓全層	2528 3368
	道教一善壇	香港灣仔天樂里6-18號恆安大廈1/F B座	2894 9659
	玄之緣顯善聖壇	香港西灣河筲箕灣道68號西灣河中心2字樓全層	2886 2991
	筵鶴仙觀	香港石澳道鶴咀半島南泥灣村219地段	2809 2173
	弘一仙觀	香港柴灣古勝街8號吉勝大廈1樓D室	6051 0915
	玄都仙觀	香港柴灣玄都岩/柴灣新夏街樂軒台對面	

離島區-觀名	地址	電話+852
飛雁洞佛道社	大嶼山海窩涌口街15號地下	2984 9818
正善精舍	大嶼山海窩鹿地塘村50號	9645 4137
六合玄宮	大嶼山牛牯壩	2984 7825
宏道精舍	長洲新興街55號地段第154號地下	9442 4948

九龍區-觀名	地址	電話+852
飛雁洞佛道社	九龍觀塘鴻圖道70號利安工業大廈13樓	2343 6690
坤德堂	九龍觀塘康利道23號南康大廈A2,2樓	2389 3945
一真觀	九龍觀塘駿業街60號駿運工業大廈7樓1室	2365 0021
善濟佛道堂	九龍牛頭角道33號宏光樓29樓B3-B4室	2758 6770
萬佛堂	九龍牛池灣西村99號	2325 8985
寶霞洞	九龍牛池灣斧山道60號	2320 0472
天惠堂	九龍新蒲崗彩虹道麗景樓8樓D座50號	2321 3335
薺色園	九龍黃大仙竹園2號	2327 8141
慈德善社	九龍老虎岩樂富村樂民樓山邊	2383 8963
慈德善社有限公司	九龍油塘高超道嶺南上村63—73號	2340 2445
慧德堂	九龍城啟德道61號德豐樓8樓前座	2382 4883
萬德至善社西壇	九龍荔枝角永康街10號中太工業大廈11樓	2384 3657

積善堂	九龍城啟德道61號德豐樓8樓前座	2382 0081
濟原堂	九龍城福佬村道5-9號4樓AB座	2716 6126
行德佛堂	九龍塘舒梨道8號	2338 9373
省善真堂	九龍塘律倫街7-8號	2336 1578
飛雁洞佛道社	九龍塘尾道205號唐美大廈13樓(電梯12樓上一層)	2393 5276
天真佛堂	九龍荔枝角道九華徑新村24-28號	2745 9426
黃大仙元清閣	九龍呈翔道地段6449號	2720 5312
靜延觀	九龍界限街28-30號裕成樓1樓B室	2300 1002
慈善閣	九龍順寧道43號裕成大廈1樓A室	2386 4796
竹林仙館	九龍東沙島街163-167號6樓	2361 6820
九龍別院	九龍深水埗長沙灣道266號昌發商業大廈1樓1室	2728 8448
普善堂	九龍青山道281號9F	2386 4796
信善紫閣玄觀	九龍醫局街134-136號6-7樓	2720 8268
信善壇	九龍大南街315號9樓1-2室	2387 9334
九龍道德會龍慶堂	九龍深水埗基隆街92-94號全層	2381 6067
成德堂	九龍長沙灣道57號2樓	2380 0858
潮音佛堂	九龍長沙灣道3號8樓E座	2381 1910
純陽呂祖仙壇總壇	九龍油麻地新填地街150-152號3樓全層	2374 0763
道學研究社	九龍界限街44-46 號福祿大廈2樓A室	2789 1048
萬善鼎信	九龍界限街44-46 號福祿大廈2樓A室	2789 1048
一德觀	九龍旺角花園街169號唐2樓1/F	3175 7178
玉清別館	九龍亞皆老街118-120號 利寶大廈12/F,B室	2714 3453
慶雲古洞	九龍新填地街374號德豐大廈3樓A	2385 3005
明元仙觀	九龍新填地街327號 2樓	2388 7759
華松仙館	九龍砵蘭街340-342號8樓	2394 5695
慧玄精舍	九龍西洋菜街北161號A恆安大廈2樓	2381 3568
同善佛道社	九龍通菜街19號5樓	2735 8782
萬德至善社總壇	九龍登打士街2-8號A座25樓	2332 7343
竹隱長春洞	九龍花園街186號8樓	2394 9442
翠柏仙洞	九龍洗衣街137號國際大樓17樓AB座	2394 0098
松蔭園佛道社	九龍彌敦道578-580號恒隆大廈15樓	2385 4461
道教聯誼會青雲觀	九龍彌敦道311號 康僑大廈9樓A座	2384 2727
香港先覺祠	九龍佐敦道37U號保文大廈15樓C室	3482 8011
愿誠園	九龍深水埗北河街165號大利樓8/F全層	2992 0283
英慶堂	九龍太子道77號8樓	2393 0406
一善堂	九龍 界限街12號 寶興大廈5字6樓F室	9079 7228

新界區-觀名	地址	電話+852
道福山河	新界沙田上禾輦183號	2602 6161
暢林園	新界沙田排頭村345號	2698 5035
明覺園	新界沙田排頭村157號	2691 3530
博愛道堂	新界沙田火炭桂地新村路102號	2692 0325
信善玄宮	新界沙田針山白山田村第三區地段95-96號	2691 1163
清善壇	新界沙田火炭山尾街43號環球工業中心601-602室	2566 5273

道
觀
地
址

道	瑞霞堂	新界沙田下禾輦 276號	
觀	雲泉仙館	新界粉嶺坪輦路大埔田村	2674 2194
觀	竹林精舍	新界粉嶺十字路粉嶺樓1號B1	2682 1266
地	蓬瀛仙館	新界粉嶺百和路66號	2669 9186
地	藏霞精舍	新界粉嶺黃崗山祥華村	2675 5766
址	香港儒釋道院	新界粉嶺沙頭角公路龍躍頭段18號黃帝祠405室	2815 0111
址	聖道正壇	新界大埔懷仁街31-33號開錦樓6樓	2656 3162
	萬德苑	新界大埔林村梧桐	2656 8040
	萬德至善社大埔壇	新界大埔同發坊7號5樓	2657 3731
	桃園洞	新界大埔山塘村42號	
	坤道堂	新界大埔懷仁街14號A,2樓	
	圓玄學院	新界荃灣三疊潭	2492 2220
	慧園	新界荃灣三疊潭靜觀林組合如信箱330號	2492 2432
	乾元洞	新界荃灣老圍村138號	2490 8683
	玉霞閣	新界荃灣象鼻山路二坡圳	2490 7485
	仁楓洞佛道社	新界荃灣 眾安街110號3樓	2492 2002
	金蘭觀	新界元朗唐人新村蘭觀路240號	2476 4759
	靈霄閣	新界元朗新田鄉米埔高行	2471 1595
	道教九霄觀	新界元朗錦田錦上路石湖塘村 6號A	2838 2433
	淳風仙觀有限公司	新界石梨山金山頂	2428 6849
	淳風仙觀有限公司	新界屯門美樂花園5座一樓E室	2428 6849
	青松觀	新界屯門青山公路二十咪麒麟圍	2461 1019
	新明聖教	新界屯門藍地福亨村路138號綠怡居五座10樓D室	2806 8615
	松慶苑	新界屯門青山公路青格街1號海景花園1座23/F,B室	
	香港道德會	新界屯門屯發路11號	2458 0436
	至和壇	新界屯門青山村163號	2461 6261
	明善學院	新界元朗八鄉錦上路元崗新村東邊路106地段	2488 5484
	蓮發堂	新界屯門舊墟村26區第一台18號	2458 6898

澳門區-觀名	地址	電話 +853
澳門道教協會	澳門砵些喇提督大馬路41號祐適工業大廈2樓B室	2825 9196
蓮峰廟	提督大馬路	
蓮溪廟	新橋永樂戲院側	
康公廟	十月初五街中段	
譚公廟	路環十月初五街尾	

中國-觀名	地址	電話
中國道教協會	北京市西城區西便門外白雲觀	010-63406670
北京市道教協會	北京市西城區復興門北順城街15號呂祖宮	
河北省道教協會	河北省石家莊市西二環路99號	
遼寧省道教協會	遼寧省瀋陽市西順城街16號太清宮	
黑龍江省道教協會	黑龍江省牡丹江市東安區興隆鎮道教天仙宮	
上海市道教協會	上海市黃浦區大境路239號	
江蘇省道教協會	江蘇省南京市漢口西路匡廬新村8號同德大廈7樓	

浙江省道教協會	浙江省杭州市西湖區葛嶺抱樸道院
福建省道教協會	福建省福州市鼓樓區肅戚路7號道教裴仙宮
江西省道教協會	江西省南昌市東湖區勝利路70號時代廣場寫字樓418室
山東省道教協會	山東省濟南市泉城路319號213室
河南省道教協會	河南省鄭州緯四路15號院21號樓
湖北省道教協會	湖北省武漢市武昌區武珞路145號長春觀
湖南省道教協會	湖南省衡陽市南岳區南岳鎮南岳大廟純陽宮內
海南省道教協會	海南省定安縣文筆峰玉蟾宮
重慶市道教協會	重慶市渝中區民權路42號建設公寓內關帝廟
四川省道教協會	四川省成都市西一環路二段九號青羊宮
貴州省道教協會	貴州省貴陽市南明區仙人洞路8號仙人洞道觀
陝西省道教協會	陝西省西安市東關北火巷12號八仙宮
甘肅省道教協會	甘肅省蘭州市城關區南濱河東路987號白雲觀
山西省道教協會	※ ^註 山西省太原市長風街30號
安徽省道教協會	※ ^註 安徽省合肥市廬江路77號
廣東省道教協會	※ ^註 廣東省廣州市六榕路六榕大廈 508 室
雲南省道教協會	※ ^註 雲南省昆明市北門街73號
青海省道教協會	※ ^註 青海省西寧市城中區七一一路 348 號
寧夏道教協會	※ ^註 寧夏自治區銀川市解放西街 361 號

註：※＝
通訊地址
由省宗教
局轉交

海外-觀名	地址	電話
香港道教聯合會	香港九龍青山道156號永基商業大廈8樓	852-2396 4881
新加坡道教總會	新加坡郵編916810,武吉班讓郵政信箱288號	65-841 3691
馬來西亞道教總會	107-2,Tingkat 2, Jalan 17 / 42, Taman Lawa, Off Jalan Kuching, 51200 Kuala Lumpur Malaysia.	603-6259 1399
台灣中華道教總會	台北市大安區臥龍街274號	02-2735 8880

香港道教聯合會會屬學校名單-資助中學 / 資助小學 / 幼稚園	電話 +852
香港道教聯合會-圓玄學院第一中學	2427 1641
香港道教聯合會-鄧顯紀念中學	2672 6820
香港道教聯合會-青松中學	2727 4315
香港道教聯合會-圓玄學院第二中學	2661 6038
香港道教聯合會-圓玄學院第三中學	2178 3223
香港道教聯合會-雲泉學校	2757 0854
香港道教聯合會-圓玄學院石圍角小學	2416 5447
香港道教聯合會-雲泉吳禮和紀念學校	2667 2111
香港道教聯合會-純陽小學	2642 2355
香港道教聯合會-圓玄學院陳呂重德紀念學校	2709 9978
香港道教聯合會-圓玄幼稚園幼兒中心(石圍角)	2416 6086
香港道教聯合會-圓玄幼稚園幼兒中心(富善村)	2661 4583
香港道教聯合會-圓玄幼稚園幼兒中心(東頭村)	2243 7116
香港道教聯合會-圓玄幼稚園幼兒中心(平田村)	2718 3637
香港道教聯合會-圓玄幼稚園幼兒中心(天逸村)	2146 3111
香港道教聯合會-飛雁幼稚園/幼兒中心	2354 7003

道
觀
地
址

從「儒釋道」裡學懂生活的哲學與智慧【匡扶正道】

呂祖全書

下卷

修訂
簡體
版

倡印者：

愚徒

太乙純陽派 Tai -Yi Daoist

資料提供：宏泓道者【道法術】研究所——玄道合壹

Kerby Kuek Chinese Daoism Metaphysic Research Center

website : www.kerbykuek.com

email : kerbykuek@gmail.com

鳴謝：

華玉講堂

地址：上環文咸東街6號順發樓5樓1室

Tel : +852-2431 8688

Fax : +852-2486 4866

email : kerbykuek@gmail.com

website : www.kerbykuek.com

facebook : Daoism Metaphysic

紫枰觀——何生 何太

地址：上環永樂街168號榮成樓9樓

出版：

才藝館

地址：新界葵涌大連排道144號金豐工業大廈2期14樓L室

電話：2428 0910 / 9430 6306

國際書號：ISBN 978-988-14489-8-9

此書免費贈閱：佛歷二五六一一年（西歷二〇一七）歲次丁酉年敬印壹千本・讀後如不保存・請轉送親友・廣結善緣，或可再復印弘揚・讓此書輾轉流通・功德無量。

免責聲明：本書刊的資料只為一般資訊及參考用途，雖然編者致力確保此書內所有資料及內容之準確性，但本書不保證或擔保該等資料均準確無誤。本書不會對任何因使用或涉及使用此書資料的任何因由而引致的損失或損害負上任何責任。此外，編者有絕對酌情權隨時刪除、暫時停載或編輯本書上的各項資料而無須給予任何理由或另行通知。

本書以盡力保留文章、標貼符號及段落之全部及完整，如有錯漏，請用電郵告知。

道

華玉講堂

志为宏道与振玄 显玄道合壹义理

講堂行事宗旨

宏扬玄学、儒释道国学等理义。设免费班，义书赠有缘学生。谈经论道宣扬吕祖之九美、道祖之道德、孔圣之大仁及佛祖之慈悲！望世人能早觉悟！

講堂免費服務

- 设立免费基本风水讲座
- 设立免费基本八字讲座
- 设立免费基本玄道合壹讲座
- 邀请讲者论述专题讲座
- 有缘者可到此聚谈论道
- 有缘者可到此取义书
- 开放道场给道众或朋友谈经论道
- 设计义工活动，如探访老人家等

華玉講堂

DAOISM AUDITORIUM

地址：香港上环文咸东街6号顺发楼5楼1室

Tel : 852-2431 8688 Fax : 852-2486 4866

web : www.kerbykuek.com

email : kerbykuek@gmail.com



Daoism Metaphysic

特別鳴謝：

華玉講堂——林氏
紫桐觀——何生何太

《愚徒》

學與悟

WP112

觀看【搜探】短片 掃一掃免費閱讀



ISBN 978-988-14489-8-9



9 789881 448989